






62695/B

Vol. 2

# MEDICAL SOCIETY OF LONDON



ACCESSION NUMBER

PRESS MARK

JUNCKER, J.

VI. A member who shall lose, or injure a book belonging to the society, shall replace it, or make such compensation as the council may think proper.

VII. No member without leave of the librarian or his deputy, shall take any book from its place.

VIII. All books shall be returned before the general meeting in March, for the inspection of the librarian on entering into his office. Every person neglecting to return a book at that time, shall forfeit half its value.



In hoc Volumine continentur.

Tab. 35. De Vomica Pulmonum.

— 36. De Empyemate

37. De Maligno Hypochondriaco-hysterico

38. De Infarctu Lienis.

39. De Schirro Lienis

40. De Infarctu Hepatis

41. De Schirro Hepatis

42. De Atrophia

43. De Nephritide

44. De calculo Renum et Vesicae

45. De SPASMIS in genere

46. De Affectibus Spasmodico-Arthriticis

47. De Hemisphania

48. De Pleuritide spuria

49. De Maligno Ischiadico

50. De Podagra, Gonagra et Chiragra

51. De Incubo —

52. De Asthmate convulsivo

53. De Singultu

54. De Convulsionibus in genere

55. De Epilepsia

56. De Febris in genere

57. De Febre Ephemera simplici et plurimum  
diurna.



Tab. 58. De Febre Synocha

59. De Febre continua simplici

60. De Febribus Symptomaticis

61. De Febribus Inflammatoriis generatim

62. De Febribus Biliosis

63. De Phrenitide

64. De Paraphrenitide

65. De Pleuritide et Peripneumonia

66. De Hepatitide

67. De Splenitide

68. De Febre catharrali benigna, seu quotidiana <sup>continua</sup>

69. De Febre lenta

70. De Febre hectica

71. De Febribus malignis et epidemicis in  
genero

72. De Febre catharrali maligna, petechizante

73. De Febre petechiali

74. De Febre Hungarica

75. De Febre purpurea, Scarlatina &c

76. De Variolis et Morbillis







## II. Differentia.

2. Quoties intra pulmones et Pleuram pus in Thoracis cavo colligitur Empyema est. Boerhaave —

III. Signa. A Pleurisi arising from a Peripneumony is known by these Signs. 1. a ~~Peripneumony~~ Peripneumony — of a moderate Violence has preceded — 2. If no Signs of Resolution have appeared within 4<sup>th</sup> Day; 3. If there has been no critical Evacuation, neither by Spitting, Urine, Stool, <sup>nor</sup> Sweat within 14 Days — 4<sup>th</sup>. If a Delirium, & a weak undulating Pulse remain, we may possibly that there will be an Empyema — An Empyema is known to be forming by the following Signs. 1. the preceding Peripneumony, as just now described — 2. Frequent slight



TABVLA XXXV.

DE

VOMICA PVLMONVM.

I. DEFINITIO.

*Vomica* est collectio saniosa, seu apostema quoddam in pulmonibus propria sua tunica inclusum, modo in superficie, modo in medullio huius vel istius lobi, occurrens, & facta ruptione, purulentæ materiæ reiectionem exhibens.

II. DIFFERENTIA.

1. Differentiam vomicæ pulmonum a *phthisi*, præcedente tabula satis indicauimus.
2. Vomica differt ab *empyemate*, in hoc enim materia purulenta in cauitatem thoracis effusa est, & hinc *paracentesi* requirit, in illa autem abscessus intra tunicam suam adhuc inclusus est, Quando autem vomica in superficie pulmonum rumpitur, & materia illa corrupta in cauitatem thoracis effunditur, tum *empyematis* nomine venit.
3. Ex eodem fundamento vomica etiam differt a *suppuratione staseos* inflammatoriæ, quæ in pleuritide & peripneumonia nonnumquam contingit.
4. Porro vomica pulmonum a *tophis*, qui sæpius in pulmonibus reperiuntur, vt consequens ab antecedente distinguenda est. *Conf. tab. de phthisi.*

III. SIGNA.

1. Vomica pulmonum non facile prius dignoscitur, quam data occasione rumpatur.
2. Sub initium æque ac in phthisi plerumque paruus tantum scirrhusus nodus in vesicula quadam pulmonum exoritur, qui deinde crescendo vesiculam illam expandit, & denique si ad maturitatem deductus est, perumpit.
3. Nonnumquam, sed rarius, vomica a stasi impetiosa & repentina collatione exoritur.

R r

4. Fe-



4. Febris hectica est comes individua, cum tussi sicca, sed tolerabili, quæ postea fit humida.
5. Quam vel statim, vel successu temporis sequitur difficultas respirandi.
6. Aegri dolorem obtusum, & interdum lancinantem in certo pectoris loco adcusant.
7. Facies inæqualiter rubet.
8. Per reliquum autem corpus languor, magis magisque crescens, sentitur; & motus tonici strictura cum pallore in peripheria occurrit.
9. Adpetitus inconstans reperitur.
10. Ægrotus variis anxietatibus conflictatur.
11. Sudoribus copiosis alii, alii lipothymiis corripuntur.
12. Tandem sub febre satis aucta conclusum apostema rumpitur, & ingens puris quantitas cum periculo suffocationis reiicitur.

#### IV. SVBIECTA.

Periculosissimi morbi vti omnium sunt rarissimi; ita etiam *vomica* pulmonum satis infrequens est, & in pauciora cadit subiecta.

#### V. CAVSSAE.

1. Causa antecedens *remota* est plethora, quæ cum cacochymia interdum coniuncta reperitur.
2. Causa *propior* est congestio siue *sanguinea* siue *becchica* ad pectus.
3. Causa *proxima immediata* & *continens* est stasis intra vesiculas pulmonum facta, quæ pro circumstantiarum ratione tardius vel celerius abit in corruptionem.
4. Causæ *externæ occasionales* & *procatarticae* sunt:
  - 1) suppressæ euacuationes sanguinis naturales, præcipue per adstringentia.
  - 2) Neglectio euacuationum artificialium aduatarum.
  - 3) Lapsus, ictus, aut alia violenta pectoris vulneratio.
  - 4) Celerior cursus ad respirationis fere interceptionem.
  - 5) Refrigeratio thoracis corpore calente.
5. Causæ *rupturam* vomicæ promouentes sunt:
  - 1) Succussio corporis valida.

2) Ve-



Shivering Fits without any evident Cause, an Abatement  
of the Pain; a continuance of y<sup>d</sup> Dyspnoea; a Redness of  
y<sup>e</sup> Cheeks & Lips; Thirst; a hectic Fever, especially  
in the evening; a quick, soft Pulse —

One may know it to be already formed 1<sup>o</sup>. By  
the preceding Signs. 2<sup>o</sup>. By an obstinate dry Cough,  
which increases after eating, or Motion; a difficulty of  
Breathing; an inability to lie upon any but the Affected  
Side; continual hectic, Redness of y<sup>e</sup> Cheeks, loss  
of Appetite, great Thirst; night sweats, especially  
at y<sup>e</sup> Neck & Forehead; frothy Urine; Delirium, Lassitude,  
and great debility. — Boerhaave.

V. Causæ. Empyematis causantur Vomica. 1. Pulmonu  
2. Pleuræ 3. Diaphragmat. 4. Mediastini — 5. Pericar-  
dij ipsius



VI A Vomica of y<sup>e</sup> Lungs breaks on y<sup>e</sup> 20<sup>th</sup>. 30<sup>th</sup> or  
40<sup>th</sup> day - when y<sup>e</sup> rupture happens there is  
a Gushon, and the fever becomes more violent.  
Dr. Hunter

- 2) Vehemens risus & clamor.
- 3) Tussis ad modum enormis.
- 4) Sternutatio impetuosa.
- 5) Illapsus materiæ, licet non semper acris, in asperam arteriam.

## VI. PROGNOSIS.

1. Vomica quo lenius incipit, eo diutius antelatare potest, quam erumpit: materia enim in peculiari folliculo clausa detinetur, qui cum reliqua pulmonum substantia non multum commercii habet, unde corrupta licet materia, ulterius rodendo serpere non potest.
2. Quæ autem cum *stasi impetuosa & repentina collectione* contingit, illa breuioris est periodi.
3. Quando vomica in *superficie* pulmonum hæret, minore quidem periculo in *præsens* ruptio succedit, quam si profundam sedem in iisdem habuerit.
4. In *futurum* tamen euentus valde anceps est: materia enim purulenta in concauum thoracis effunditur: & sic *empyema* constituit; quod malum æque calamitosum est, nisi per tempestiuam paracentesin illi occurratur.
5. Quo magis autem vomica in *profundo* pulmonum latitat, eo grauiore periculo ruptura illius contingit.
6. Vel enim æger sub ipsa eruptione suffocatur, præcipue si febris acuta hectica suppurationem præcesserit.
7. Vel breui post iugulatur, si ipsa suppuratio copiosior fuerit.
8. Vel si absque vitæ periculo vomica rupta est, degenerat facile in *ulcus*, (omnibus apostematibus, recedente inflammatione, familiare,) quod est initium phthiseos pulmonalis. In vniuersum sequentia adhuc notanda sunt.
9. Quando sub ruptura *pus tantum* euacuatur, & quidem in quantitate non ita enormi, tum promptior restauratio speranda; vbi autem copiosa quantitas elicitur, ibi consolidatio maiorem inuoluit difficultatem, quia in tali casu insignis sinus in pulmonibus excauatus est.



10. Status antecedens semper respiciendus est: in corporibus enim ubi segniter talia procedunt, id est, ubi adfluxus sanguinis vel plane exclusus est, vel tamen parcius concurrit, ibi difficulter fit restauratio.
11. Vbi autem copiosior sanguinis adfluxus & inflammatio reperitur, ibi promptior est reparatio; nam sulphureæ sanguinis particulæ maiorem siccitatem parti conciliant, ad consolidationem necessariam.
12. Ex hoc fundamento in vomica reparatio est facilius, quam in alio ulcere segniori falso feroso.
13. Item: quo magis temperamentum sanguineum præsto est, eo facilius reparatio contingit. Contrarium est in temperamento phlegmatico.
14. Quando post ruptionem vomicæ febris cum respiratione difficili continuat, & corpus magis magisque extenuatur, coniuncta virium debilitate, præsagium est funestum.
15. Sic etiam vomica diu in pectore sine ruptione persistens, & sudore frigido, frigore extremorum ac lipothymiis coniuncta, lethalis est.

## VII. METHODVS MEDENDI ET REMEDIA.

### A. Methodus generalis.

Eadem hic fere, quæ in phthisi, valet medicatio, sed alio ordine collocanda, nempe

1. Apostema abstergendum & mundificandum est; quod obtinetur per sic dicta *expectorantia*, cum *discutientibus* copulata.
  - 1) *Expectorantia* sunt: passul. maior. & minor. sebesten, iuiub. ficus, rad. liquirit. mellita, & syrapi varii officinales.
  - 2) *Discutientia*, præter ea, quæ præcedente tabula indicata sunt, particulatim adhuc laudantur:
    - a) *Aquæ* discutientes diapnoicæ, e. gr. scabios. card. benedict. plantag. hyssop. scord. chærefol. bellid. min.
    - b) *Semina*: hyperic. sophiæ chirurgorum, in primis card. mariæ, quod pectoris inflammationibus & suppurationibus efficaciter succurrit.















2. Solutio continui est consolidanda. Faciunt hoc
- 1) *Balsamica* temperatiora, e. g. terebinth. cocta, mastix, olibanum, balsam. Peruvian. de Copaiua, galban. farco-colla & myrrha, quæ autem, quia humores insigniter commouet, tum quidem locum non habet, quando merus est sanguinis eruptionis.
  - 2) *Traumatica* leniora, e. g. symphyt. hyperic. plantag.
    - a) *Ettmullerus* commendat heder. terrestr.
    - b) Alii veronicam.
    - c) Sed efficacior est, in hoc genere, virga aurea *Gesneri*.
    - d) Item: consolida Saracenica.
    - e) Conyza communis vulneraria satis etiam efficax est.
    - f) Specialiter adhuc ad vulnera pectoris commendantur: pyrola, fanicula, alchimilla, auricula muris maior. rad. petasitidis.
3. Metuenda symptomata præoccupanda sunt.
- 1) *Adfluxus* humorum auertitur per venæ sectionem in pede.
  - 2) *Commotiones febriles* occupantur per pulueres e nitro, antimon. diaphoret. ocul. cancr. osteocoll. item per essent. alexipharm. *Stahl*i cum multa scordii portione parata, quæ effectum habet discutientem, balsamicum, leniter diureticum, & hinc acrimoniam e sanguine per vias vrinarias eliminantem.
  - 3) Ferociam *tussis* sedat MP. de cynoglossa pulueribus absorbentibus & nitrosis admixta & vesperi adhibita.
  - 4) *Sitis*, quæ fere cum febre hectica coniuncta est, mitigatur, præter nitrosa, succis acidulis, in primis succo citri, qui præ ceteris pectori amicus est.

B. *Methodus specialis.*

1. *Aluus* primum aperienda & per totam curam expedita seruanda est,
  - 1) Siue per clysteres carminatiuo-emollientes.
  - 2) Siue per lenia laxantia e. g.  
 Recip. herb. veronic.  
           hyssop. ana f. decoctum.



Recip. huius decocti vnc. III.

mannæ calabrin. vnc. i. & semis.

sirup. violar. vnc. i. m. d. pro dosi.

2. Quando notabilis *plethora* præsto est, subiungatur venæ sectio reuulsoria in pede.

3. Deinde adhibeantur ad mundificationem expectorantia cum discutientibus maritata e. g.

Recip. rad. ari, petasitid. pimpinell. alb. vincetox. ana drachmas III.

herb. capill. vener. cuscute. hyssop. bellid. ana manip. I.

femin. anisi, card. mariæ, sophiæ chirurgorum ana drachm. II.

liquirit. vnc. semis.

incis. coq. cum q. s. aquæ simpl. ut circiter duæ libræ remaneant. His adde sirup. de althæa vnc. I. & ter de die vitrum propinetur. Vel præparentur emulsiones ex aquis card. bened. plantag. hyssop. scordii, cum seminibus card. mariæ, sophiæ chirurg. &c.

4. His subiungantur vel statim coniungantur balsamica temperata, & leniter traumatica, ad consolidationem promovendam. *Vid. method. special. tabul. præcedentis.*

5. Denique, ad symptomata febrilia præoccupanda, & mitiganda, aliquoties per diem pulveres nitroso temperantes cum antimonio diaphoretico permisti; mane autem essent. alexipharm. *Stahl*i ad gutt. XXX. propinentur.

6. *Tussis* quando nimium adfligit, addatur his pulveribus MP. decynogloss. gr. I. pro dosi.

### VIII. CAUTELÆ ET OBSERVATIONES PRACTICÆ.

1. In vomica pulmonum præcipue cauendum est, ne ægri, qui iam per se in magno periculo versantur, inepta & tumultuaria medicatione in maiora damna præcipitentur.

2. Hinc abstinendum est, tam a fortioribus *purgantibus* quam a reliquis *commouentibus* & præprimis *volatilibus*.

3. Fo-









3. *Forestus* obseruauit, quod iuuenis, vomica pulmonum laborans, per tussim reiecerit particulam quamdam, quasi vesiculam pure repletam, & deinde hæmopticus factus sit.
4. *Practici*, & in primis Chirurghi, in febribus vulnerariis, ad quas vomica referenda, ita necessariam iudicant venæ sectionem, vt *Schelhammerus* statuerit, illam sine læsione conscientia prætermitti non posse.
5. In primis *alui* legitimus successus per totum morbum maxime necessarius est: hac enim ratione biliosæ partes excernuntur.
6. Sic etiam reliquæ excretiones bene respondeant, præcipue *urina* & *transpiratio* naturalis, ad quas promouendas egregium habet vsum essent. alexipharm. *Stahlii*, quæ præter effectum, quem edit, diaphoretico diureticum, pectorali & balsamica virtute, ad consolidationem promouendam, prædita est.
7. Quando nimis adfluxus mucidorum humorum ad pectus vrget, & moderata anodynorum interpositio necessaria iudicatur, tum *diacodium Montani* locum etiam habet. Veteres utebantur electuariis opiatis, e. gr. *Philonio Romano*. Conserua rosarum, in primis antiqua seu saccharum rosarum, aliis interpositum, etiam præstat effectum.
8. A terris sigillatis & hematite abstinendum est.
9. *Nitrum* quidem egregie æstum febrilem temperat, sed dum tussim auget prudenter & paruis dosibus est vsurpandum. *Conf. tab. de phthisi & hectica.*
10. Expectorantium dulcium abusus vitandus est, quia corruptionem & adfluxum ad pectus auget.
11. *Alchimilla* externo vsu egregium quidem & potens est balsamicum, interne autem motum sanguinis intestinum & inflammationem cum febre exacerbat; quod etiam de *myrrha* obseruandum est.
12. Ad diætam sufficiens tenuis potus commendatur, cum animi tranquillitate.



TABVLA XXXVI.  
DE  
EMPYEMATE.

I. **D**EFINITIO.

Empyema est effusio materiæ purulentæ in concavum thoracis, cum variis incommodis circa diaphragma, mediastinum, pleuram, & pulmones coniunctum. Derivatur ab ἐν, intus, & πύον, pus.

II. DIFFERENTIA.

1. *Empyema* quantum differat a *vomica* pulmonum, præcedente tabula demonstratum est.
2. Differt ab *hydrope thoracis*, quæ quidem etiam paracentesi admittere solet, empyematis autem nomine venire nequit, quia nullo pure sed sola aqua conspicua est.
3. Differt porro empyema ratione *originis* ; de qua re sub *caussis* mentionem faciemus.
4. Differt denique ab *ulcere pulmonum*. Hoc enim materiam suam ichoroso-faniosam vel in asperam arteriam infundit, vel si in cavitatem pectoris hiat, empyema demum producit, atque hoc posteriore euentu uti antecedens a consequente differt.

III. SIGNA.

1. Repentina cessatio doloris, qui antea in pectore erat continuus.
2. Sensus ponderis alicuius in diaphragmate, & materiæ fluctuantis, passim versantis & non raro etiam tantum sonum excitantis, ut ab adstantibus audiri possit.
3. Transitus febris acuta in hecticam, versus noctem se se exacerbantem.
4. Tussis sicca continua, molesta.
5. Respiratio summe difficilis, ob impotentiam expansionis pulmonum.



### III. Signa.

1. Cognoscitur futurum ab Inflammatione praegrassa in Pleura & nulla febre, frisi, dyspurata, sed cum horrore Vago, Sudricula, noctu gravi, Calore Vago, gravitate loco doloris, Dyspnoea, Appetitu prostrato, siti majori desinente — Boerh. 1106
2. Cognoscitur jam praesens. 1. A tempore inceptae inflammationis XX dierum sine purgatione. 2. A Signis Vomicae disparentibus. (Vid Vomicae.)
3. A Novo dolore, Tussi, Dyspnoea, Salivatione oris, moxq<sup>ue</sup> disparentibus. 4. A Tussi sicca, & Signis reliquis. (2. 3. 4. 6. 7. 8. 14. 17.) Digiti in extremitate salidis, Abdominis tumore. Boerh. 1107.
5. Haec febris conjuncta est, & cognoscitur pulsu coloris parvo, siti perpetua, debilitate summa, Animi delirio, & delirio. Boerhaave

6. Vid. Rivor. et Hippocrat.

9. Ex puris in Bronchia transmissione Sputum purulentum exoritur. Rivor.

13. Et Alvi fluxus saniosus lthalis - Boerhaav.

18. Vid. plura de hac in 7<sup>mo</sup> Libro. Cap. 19. Prospici  
Alpini de praesagienda Vita et Morte.

V. Causa. Oritur insuper ab Inflammatione et Vomica  
Diaphragmatis, Mediastini, vel etiam Pericardij.  
Boerhaav.



6. In illo latere, in quod effusio apostematis facta est, commodius adhuc iacere potest æger quam in latere opposito. In hoc enim si recumbit, materia purulenta mediastino incumbit & incommoda adfert.
7. Quo magis calor hæcticus augetur, eo magis corpus extenuatur & vires labuntur.
8. Euenit nonnullis, vt declinato corpore suffocationis periculum incurrant; quod vero mutato hoc situ euanescit.
9. Sputum in nonnullis purulentum obseruatur.
10. Accedunt anxietates, palpitationes cordis, & lipothymia.
11. Interdum adcusant ægroti sensum vaporis calidi, e pectoris cauitate ad os adscendentis.
12. Alii in malo grauiore percipiunt saporem putridum in ore.
13. Sudores nocturni copiosi corpus extenuant & vires prosterunt.
14. Facies rubet in primis eo in latere, in quo abscessus ruptus fuit, nonnumquam vero phlogoses tantum adsunt.
15. Tandem facies *Hippocratica* accedit, & oculi fiunt concaui.
16. Pulsus, in primis in latere adfecto, est celer, sed sæpius intermittens.
17. Nonnumquam vngues curui, & pustulae in thorace apparent.
18. Sæpius, obseruante Hippocrate, pedes fiunt tumidi, & in pectoris latere adfecto obseruatur cutis inflatio ac tumor.

IV. *SUBIECTA.*

Empyema æque ac vomica pulmonum, in pauciora subiecta cadit, nempe in illa tantum, quæ causis specialibus mox adlegandis, implicantur.

V. *CAUSSAE.*

Empyema oritur

1. Vel a vomica in superficie pulmonum rupta.
2. Vel a suppuratione staseos inflammatoriæ in *pleuritide* & *peripneumonia*.



3. Vel nonnumquam a suppuratione staseos in *angina*, quando nempe inflammatio ad arteriam vsque asperam se extendit, & hæmoptycam quasi excretionem molitur: unde ægri nisi septimo die moriantur, empyici euadunt. *Conf. Hypocrat. Aphor. X. Sect. V.*
4. Vel a violentis causis e. g. a vulnere thoracis, quando sanguis extrauasatus, & inflammatione correptus, in suppurationem transit.

#### VI. PROGNOSIS.

1. Paucissimi empyici a morte liberantur, cum primis si tempestiua paracentesis neglecta fuit.
2. Paracentesi peracta, si *magna puris* quantitas, subcruenti terti coloris & foetoris, emittitur, febris continuat, & materia purulenta, pallida, spumescens, liuida, viridis exspuitur, & vires labuntur, res est conclamata.
3. Quando autem *exigua* puris quantitas, albi coloris, & minoris foetoris excernitur, febris & sitis mox cessant, appetitus redit, excrementa aluina compacta excernuntur, vires etiam aliquo modo sibi constant, tum spes est restitutionis.
4. Si materia post septem circiter hebdomades nondum siccescit, sed fluxus adhuc continuat, tum facile exoritur fistula, quæ deinde per longum tempus Chirurghi patientiam exercet.
5. Suppuratio periculosior est, quæ vtramque thoracis partem, quam quæ vnicam, occupat.
6. Suppurationes, quas *pulmonum* morbi excitarunt, facilius *senes*, reliquorum autem viscerum frequentius iuuenes trucidant.

#### VII. METHODVS MEDENDI ET REMEDIA.

##### A. Methodus generalis.

1. *Materia purulenta* in cavitatem thoracis effusa, quantocyus euacuanda est; id quod optime fit per *paracentesin*, seu sectionem thoracis, certo instrumento, ad hanc operationem adaptato, intra quintam & sextam costam institutam. *Conf. cautel.*



## VI.

- S. Si exorsum fuerit Mediastinum, aperto Thorace, sepe  
subitanea Suffocatio —*
- S. Si Empyema Vetus, Uires collapsae, Capilli jam cadunt,  
Alvi fluior colliquationis adsit, Corpus contabescat;  
periculis facta mortem accelerare, solent Boerh.  
1194. & 1195 —*

*3. a. scil. eadem die Hippocrat. 6. Absque labore et  
Valida tussi &c.*

*S. Empyema si 40 diurnum Spatio per Sputum non ex-  
= getur, in tabem degenerat, quae mortem accersit.  
Hipp. Aph. 15. S. 5. (a die qua fit ruptio)*

*S. Si pus Empyicor. per aluum et Urinam per validis viribus  
salis copiose expurgetur, salutem portendit. Ricord.*

## VII. Methodus Medendi —

*1. Ubi constat, iam factam disruptionem (Vomica scil.)  
tum statim pus clapsum diu educendum., a. per os,  
si Natura hunc monstraverit viam. 6. per Urenas,  
si in ea apparent puris evacuati signa — c. per  
Thoracis aperturam &c. d. dando simul decocta  
Vulneraria, abstergentia, putredini resistencia satis  
magna Lepia. Boerh. 1191.*

2. Terebinth. Von. aqua hord. lota, ad 3 iiij exhi-  
-bita cum pulvere Glycer. multum prodest ad  
maturandum, discutendum. & detergendum. Ricor-  
Maximè detergens est Lac Asineri. recens  
murus et visperi assumptum ad Monso-  
est duo ~~proposita~~. adjectis pulveribus de  
Lapid. Cancror. Bol. Armen. & permal. Est.  
Sanguis. Dracon. & Vid. Hoffman. Dissol.  
de Lac. Asineri. Usu.



2. *Vlcus* residuum abstergendum & consolidandum est. Faciunt hoc decocta ex resoluentibus vulnerariis & balsamicis parata, & per syringam iniecta. *Vid. tabul. de Phthisi, item de febre hectica.*
3. *Symptomata* vel præsentia, vel in futurum metuenda, sunt respicienda.
  - 1) *Æstum* febrilem mitigant pulueres ex antimonio diaphoretico & absorbente quodam parati.
  - 2) *Vires* reficiunt analeptica & alexipharmaca e. g. emulsiones amygdalatae, sed non saccharatae, essent, alexipharmac. *Stahlii.*
  - 3) *Aluum* adstrictam soluunt clysteres.
  - 4) Adfluxus quo modo per tempestiuam venæ sectionem præoccupandus sit, *vid. sub cautelis.*
  - 5) *Externe* applicatio spiritus vini camphorati leniter crocati, aut sacculorum, ex neruinis & discutientibus paratorum, vsum habere potest, vt humorum adfluxus & stagnationes auertantur, ne aliqua suspecta stagnatio remaneat.

#### B. *Methodus specialis.*

1. Facta per Chirurgum incisione, materia non vno impetu, sed paulatim euacuetur, ne nimia naturæ eneruatio, vel partium sphacelatio succedat.
2. Deinde decoctum aliquod vinosum, ex balsamicis & traumaticis paratum, per syringam bis de die iniiciatur e. gr.  
 Recip. rad. symphyt.  
           angelic. ana vnc. j.  
       Herb. scordii  
           hyperici.  
       agrimon.  
           fanicul. ana manip. l.  
       Myrrhæ drachm. ij.  
       Mellis rosar. vnc. j.  
       Fiat cum vino decoctum.
3. *Interne* exhibeantur
  - 1) ante meridiem semel vel bis gr. XXV-XXX. de essent. alexipharm. *Stahlii.*



- 2) Post meridiem autem duæ doses sequentis pulueris propinentur.

Recip. Ocul. cancr. acido citri saturat.

Antimon. diaphoret. ana drach. I.

M. dos. scrup. j.

4. Emulsio analeptica subinde interponatur.

5. Toto curationis tempore aluus aperta seruetur per clysteres emollientes.

### VIII. CAUTELAE ET OBSERVATIONES PRACTICAE.

1. *Vena sectio*, quando vrgentibus ante eruptionem symptomatibus, vel etiam statim post eruptionem instituitur, vsu suo caret, sed tunc discutientia & repellentia debent subiungi.
2. Absint ab hoc adfectu *anodyna* præmature adhibenda, quia sphacelum, vel ad minimum vlcus pessimi moris inducunt.
3. Decoctis traumaticis addatur *myrrha*, ouo soluta, seu, vt vocatur, oleum myrrhæ per deliquium.
4. Conducit etiam *nitrum* sed non sæpius repetendum, quia falsa in vlcerationibus adhibita, maiorem vellicationem & pruritus concitant.
5. *Nitri* autem *internus* vsus, vrgente febre hectica, non est reformidandus, sed audacter pulueri, supra descripto, subinde miscendus.
6. *Bontius* libro de medicina Indorum refert, quod empyema per paracentesin feliciter sublatum sit.
7. *Petrus Dionis* non numerat costas, sed quatuor digitis ab angulo scapulæ, & totidem e latere spinæ dorsi incisionem facere docet. Ceterum adnotat, in suppuratione pleuritidis naturam ipsam sæpius indicare locum incidendum, videlicet per tuberculum aliquod, in ea regione proueniens, in qua apostema sedem habuerit. *Conf. tab. chirurg. de paracentesi.*
8. *Externe* superimponi potest vulnere vel spiritus camph. vel sacculus sub methodo indicatus, vel emplastrum de sperm. ranarum camphoratum.
9. *Aegyptii*, teste *Alpino*, non secant, sed inurunt locum, per quem materia purulenta euacuari debet.

10. Sub















10. Sub vsu essentia alexipharm. *Stahlii* obseruari potest, num vestigium aliquod inueniri queat illius adfert, quod materia empyematis per vrinam possit euacuari. Neque modus, neque etiam via patent, quo modo pus e pectore ad illa loca perducatur, sed potius renum vel vesicae laesio adcusatur, si pus cum vrina excernitur. Inter ea tamen multi probati auctores ex hoc fundamento diuretica in empyemate praescribunt.
11. Aer frigidus in hoc adfectu semper noxius est, siue per asperam arteriam in pulmones, siue per apertum pectus, in eius cauitatem ingrediatur.
12. Fugienda quoque sunt in dieta omnia calida & animi pathemata grauiora, quae febrem, aliaque symptomata exacerbant,

TABVLA XXXVII.  
DE  
MALO HYPOCHONDRIACO.  
HYSTERICO.

I. DEFINITIO.

Malum hypochondriaco hystericum est complexus moliminum spasticorum circa venam portae & viscera huic annexa, ad imminutionem sanguinis *abundantis*, & resolutionem *spissioris* collineantium: quo motuum concursu tam positivae actiones, nimirum spasticae tractiones, pressionem, congestionem, quam *passiones* oppletoriae, inflatoriae, distensoriae, restagnatoriae obseruantur.

II. DIFFERENTIA.

1. Quod malum hypochondriacum cum *scorbuto* non sit confundendum, tabula de *scorbuto* monuimus.
2. Malum hypochondriacum a *passione hystERICA* non differre, ab



auctoribus, quorum primus fuit *Highmorus*, satis iam confirmatum est.

Conueniunt enim

- 1) ratione *locorum*, quæ adficiuntur. Sunt hæc hypochondria, præcordia, intestina, meditullium mesenterii, & reliqua viscera cum vena portæ connexa. Immo non raro partes remotæ pectoris & capitis.
- 2) ratione *causarum* generaliorum: vbique enim plethora & spissitudo sanguinis peccant.

Differunt autem quodam modo

- 1) ratione *graduum*: Sicut enim feminæ a morbis frequentius & grauius exercentur, quam viri, sic etiam malum hystericum illas acerbius adfligit, quam viros malum hypochondriacum.
- 2) ratione *causarum* & intentionum *specialiorum*: in feminis enim ad negotium mensium, in viris autem ad hæmorrhoides respicitur.
3. Ceterum ipsum malum hystericum, secundum quorundam auctorum distinctionem est
  - 1) vel *late* sumtum, quod vniuersum adparatum motuum in hoc morbo occurrentium complectitur.
  - 2) Vel *stricte* dictum, quo *exacerbationem* huius mali designant.

### III. SIGNA.

#### 1. Mali hypochondriaci.

- 1) Dolores tendentes, prementes, angustantes, angentes sub costis, maxime in latere sinistro.
- 2) Qui interdum exacerbantur, vt pungentes, ardentes, & interlancinantes euadant.
- 3) Familiare symptoma est *inflatio* sinistri hypochondrii; quæ interdum stataria fit, vt figuram oblongam & fastigiata, *coris* instar exhibeat: hunc adfectum *Hippocrates magnorum lienum* nomine indicasse videtur.
- 4) Si in *dextro* hypochondrio hæc pathemata magis sentiuntur, accedunt sæpe adfectus colici, ardores volatici, præcipue in capite, cum fugitiuo faciei rubore.
- 5) Molestiæ circa *scrobiculum* cordis cardialgiæ.

6) Ali-









- 6) Aliquando enim *ieiuno* ventriculo, præsertim in edacioribus, aliquando *sub pastu*, vt repentina satietas oriatur, aliquando vna vel altera hora *post cibum* angustia occurrit.
- 7) *Adpetitus* de cetero satis bonus, immo auidus, nonnumquam autem vagus est: frigida magis quam calida desiderant, & parcius bibunt.
- 8) *Ructibus* expositi sunt anxiiis, in primis sub pastu, aut sero post eundem; multo frequentius autem *flatibus* stricte dictis.
- 9) Ante autem, quam ructus erumpunt, infestant plerumque præcordia angustando, tendendo, premendo, murmurando; post eruptionem autem multo melius se habent.
- 10) *Palpitatio cordis* essentielle hic est symptoma, & in nonnullis, præcipue feminis, tam euidente gradu excedit, vt motus hic tremulus in circumstantium oculos incurrat. *Conf. tab. de palpitacione cordis.*
- 11) *Adstrictio alui* huic adfectui familiarissima, & ita sæpe pertinax est, vt purgantibus stimulantibus non obediat. Aluus autem laxa hypochondriacis non est propria, exceptis illis, qui, cibis durioribus antea adfueti, iam molliores elegerunt, a quibus intestinorum laxitatem experiuntur, & sensim ad hypochondriacum malum accedunt.
- 12) Hypochondriaci sunt *sputatores*, alii magis ieiuno, alii repleto ventriculo.
- 13) *Nares* fere habent sicciore.
- 14) Satis profunde dormiunt, & si quid a somno illis detrahatur, statim incommode habent.
- 15) *Urina* in malo exacerbato est limpida, ob maiorem in illa regione stricturam; mitescens vero impetu nihil peculiare offert; crysalli enim tartareæ, quæ lateribus vasorum adfiguntur, in statu etiam sano non raro obseruantur.
- 16) *Dolores capitis* si concurrunt, sunt illi prementes, tendentes.



dentes, contusorii, grauanes & vertiginosi, rarius pungentes & lancinantes.

- 17) Exacerbatio horum pathematum non raro ad *animi* usque perturbationes progreditur: sunt enim ægroti anxii, solliciti, mœsti, suspicaces, solitudinis amantes, suspiriosi, immo nonnumquam ipsa melancholia hypochondriaca accedit.

2. *Passionis hysterica.*

- 1) Hic eadem quidem pathemata, modo recensita, sed *acerbiora* obseruantur, occurrunt enim.
- 2) Circa *præcordia* vehementissimæ anxietates, oppressiones, suffocationes, conatus vomendi pertinaces, cum perpetua fere inadpetentia, immo nausea, aut adpetitu vago, frequenter absurdo.
- 3) *Medio ventre* contingunt repentinæ & violentæ compressiones, quasi duabus manibus illa regio corripitur; vbi præcipue *umbilici* profunda retractio obseruanda venit.
- 4) In *intestinis* flatulentia vel stataria vel oberrans sentitur, es wälhet sich wie eine Kugel im Leibe herum.
- 5) In pectore insignis difficultas respirationis contingit cum vehementibus sæpe cordis palpitationibus.
- 6) Nonnumquam spasticæ motus tonici exacerbationes in conuulsiones, quas vulgo *epilepsiam uterinam* vocant, excurrunt.
- 7) In *faucibus* vitia deglutiendi, & tam vehementem sensum non raro percipiunt, ac si nucleus, vel res dura œsophago inclusa esset; ac tum quidem præcedunt plurimum pandiculationes, oscitationes & respirationis temporaria interceptio, aut strangulatio ac si laqueus collo iniectus esset, quem sensum nonnumquam insignis suffocatio excipit, ita vt per longum aliquando tempus sine pulsu & respiratione instar mortuorum iaceant.
- 8) In *capite* dolores adfligunt velut immanes, magis tamen hemicranici, quam vniuersum caput occupantes. *conf. tab. de clauo hysterico, sub signis.*

9) In









- 9) In emissione *urinae* exquisitissimi dolores sub exacerbatione huius mali interdum se se manifestant, & adnotante *Sydenhamo calculum mentiuntur*; quod symptoma multis medicis imponit, ut verum subesse adfectum calculosum iudicent.
- 10) *Mentis adfectiones grauiore*s, quam in viris, obseruantur.

IV. *SUBIECTA.*

Huic malo quam maxime expositi sunt homines

1. Vix vnquam alii, quam insigniter plethorici.
2. Vitæ sedentariæ & otiosæ addicti; atque huc ante omnia litterati referendi sunt.
3. Qui adperitui largiter indulgent, sicciores dapes eligunt, & parum bibere solent.
4. Temperamentum melancholicum; ob crassiam sanguinis spissiore, præcipue hoc malum incurrit.
5. Sanguineum autem temperamentum quando illi obnoxium fit, ratio in vitio diætæ & abusu rerum non-naturalium quærenda est.
6. Ludithic adfectus tragoediam suam in terminis *iuventutis* ab anno circiter XVIII. ad XXX.
7. *Ætas* autem *puerilis* quam minime ab hoc malo corripitur.
8. Nec etiam adeo frequenter ætas *annosior* sexus *virilis*, nisi vel continuationem pristini mali vel palindromen sentiant, vel lautiori admodum diætæ & vitæ otiosæ dediti, vel suppressionem hæmorrhoidum experti sint.
9. In feminis autem hoc malum magis occurrit ætate iuuenili *pronectiore*, nempe ab anno circiter XXX ad XL & L. Immo cessatio mensium proprium quasi tempus est, quo sexus hic potissimum huic adfectui exponitur.
10. Familiarius etiam malum hypochondriacum in sexu hoc sequiore, quam in virili obseruatur: quam primum enim vitia vterina, e. g. mensium, lochiorum, molarum incurrun, statim ab hoc malo infestantur.



## V. CAUSSAE.

1. Causa *materialis antecedens* est plethora cum spissitudine coniuncta.
2. Causa *proxima* est impeditus sanguinis progressus circa venam portæ & viscera illi adnexa.
3. Causa *efficiens* horum motuum est ipsa natura, quæ hic plethoram imminuere, & impeditum sanguinis progressum subleuare adlaborat.
4. Causæ in hunc finem *instrumentales* sunt motus illi spastici, tensorii & pressorii; immo ipsa adeo profunda suspiria hypochondriacorum eo collineant.
5. Causæ *occasionales, procatactica & aduentitia* permultæ sunt:
  - 1) Suppressæ euacuationes sanguinis, præcipue mensium & hæmorrhoidum.
  - 2) Diæta plena & lauta; potus autem parcus.
  - 3) Vitæ genus sedentarium.
  - 4) Abdominis inconueniens compressio.
  - 5) Excretionum quarumlibet, præcipue alui, suppressio.
  - 6) Consuetudo horum motuum & hæreditaria dispositio.
  - 7) Flatulenta intestinorum atonia.
  - 8) Animi pathemata, e. g. ira, terror, desideria veneris &c.
  - 9) Speciatim vero nausea & sensibilitas; quo pertinet odor moschi, ambrae, zibethi, rosarum &c.
  - 10) Peculiaris structura venæ portæ omni iure ad numerum causarum refertur, quæ præ omnibus aliis in corpore humano partibus apta est, ad hoc malum fouendum.
  - 11) *Distensio* vasorum oppletorum tamquam causa *coniuncta, prouocans & acerbans* consideranda est.
6. Exsulent itaque causæ *pure passivæ obstructionum, venenosi habitus sanguinis menstrui retenti, salium stimulantium* &c. vni-  
ca enim animi commotio plus hic valet, quam *sexcenti Hippocratis sapes*.
7. Exsulent etiam crassæ illæ vulgi opiniones de *uteri locali translatione, adscensione, volutatione*.









## VI. PROGNOSIS.

1. Malum hypochondriacum *sibi relictum*, nec præposteris medicationibus tractatum, plus incommodi quam periculi portendit.
2. Quando autem quocumque modo turbatur, grauiora mala inducuntur:
  - 1) Scirrhusæ indurationes.
  - 2) Tumores vel œdematosi, vel rubro-liuidi in pedibus.
  - 3) Melancholia hypochondriaca, timida, taciturna, speculabunda, anxiosa, desperabunda.
  - 4) Vomitus cruentus, mictus cruentus, nephritis.
  - 5) Febres intermittentes, lentæ, hæcticæ, vel acutæ inflammatoriæ.
  - 6) Vniuersa scena adfectuum arthriticorum.
  - 7) Icterus simplex in iunioribus, niger in annosis.
  - 8) Catarrhus suffocatiuus.
  - 9) Vertigo, paralysis, apoplexia.
3. Quo magis motus circa præcordia & lienem vrgent, eo magis ad vomitum cruentum respiciunt; qui tamen in viris non ita facile, quam in feminis metuendus est.
4. Vbi vero motus ad inferiora tendunt, ibi fluxus hæmorrhoidalis prouocationem respiciunt.
5. Hæmorrhoides quando proueniunt, & legitime continuant, malum hypochondriacum soluant.
6. Quando autem per illarum suppressionem hoc malum inductum est: contumacissime se gerit.
7. Malum hoc sicut annosos rarius infestat, quam iuniores, ita grauius illos adfligit, & ægrius in iisdem profligatur.
8. Iuniores autem successu annorum sponte sæpius ab his pathematibus liberantur, si vitæ genus mediocriter tantum mutetur.
9. Sicut hæmorrhoidum fluxus hypochondriacos insigniter subleuat, ita mensim fluxus ordinatus ad hystericum malum imminuendum, multum contribuit.
10. Quo magis in sequiori sexu circa lienis confinia pathemata vrgent, eo maior de vomitus cruenti eruptione suspicio habenda est.



11. Quando vero in inferioribus abdominis partibus incommoda magis sentiuntur, negotium pro sexus diuersitate vel ad hæmorrhoidum vel ad mensium promotionem tendit.
12. Vomitus *vacuus* maiorem metum eruptionis sanguinis incutit, quam *repletus*.

## VII. METHODVS MEDENDI ET REMEDIA.

### A. Methodus generalis.

#### 1. *Quantitas* sanguinis est imminuenda


- 1) per *venæ sectionem*, sed non aliam quam in *pede*, circa æquinoctia, & quidem luna decrescente, quo tempore natura ad dimittendos humores magis inclinat: magna incisione, vt spissior sanguis breui tempore satis & libere effluere possit.
- 2) per *hirudines* ad hæmorrhoidalia loca adplicatas. *Vid. dissertat. Stahlî de sanguisugarum utilitate, & tab. chirurg. de hirudinum adplicatione.*
- 3) per reuocationem mensium suppressorum. *Conf. tab. de suppressione mensium.*

#### 2. *Craſis* spissior est corrigenda & attenuanda

- 1) per conuenientem potissimum *dietam*, nempe per duo illa adminicula, satis efficacia, *motum* & *potum*. Potus diluit, & motus subagitat diluens cum diluendo.
- 2) Per medicamenta sanguinem incidentia & attenuantia, quæ autem ad efficaciam commendatæ iam diætæ non accedunt. Laudantur in hunc finem
  - a) *Radices*: ari, vincetoxici, helen. pimpin. alb. cichor. tarax. caryophyllat. rub. tinctor. dictamn. &c.
  - b) *Herbæ*: scord. fumar. scolopendr. capill. vener. cent. min. card. bened. cuscut. epithym.
  - c) *Salia digestiua*: tartarus vitriolatus, tartar. tartarifat. arcan. duplicat. nitr. antimoniat. liquor terræ foliat. tartari, sal tartari.
  - d) *Gummi-resinæ*: ammoniac. galban. sagapen. item gum. heder. iuniper.
  - e) *Antiscorbutica* quantum hic valeant, illucescet ex num. 23 *cautelar*.

f) *La-*















f) *Laxantia* cum resoluentibus dictis coniuncta, e. g. hel-  
lebor. nigr. polypod. rhabarbar. fol. sennæ &c.

g) *Composita*: ex his vsum habere possunt pilul. *Becheri*,  
*Stahlii*, sal Anglicanum, tinct. salis tart. antimon. ef-  
fent. alexipharm.

3. *Commotiones* spasticæ exacerbatae sunt mitigandæ. Præ-  
stant hoc

1) Nitrosa cum sale quodam digestiuo, & cinnabari sociata,  
quibus etiam absorbens aliquod exigua dosi addendum  
est.

2) Vbi valde anomalæ commotiones circa venam portæ  
occurrunt, ibi conducunt

a) Decoct. *millefol.* vel eius essentia cum spiritu C. C. mo-  
derate interdum maritanda.

b) Vel essent. *adanthi albi*, quæ herba eundem effectum  
ac millefolium in turbis circa venam portæ habere  
dicitur.

c) *Cortex cascarilla* eximium etiam præstat vsum, ad com-  
motiones tales impetuosas mitigandas.

4. *Excretiones* ordinariæ sunt promouendæ.

1) *Aluum* adstrictam solvunt

a) *Diluentia*: e. g. potus calidus coffée, qui plus valet aluo  
expediendæ, quam thée, hic enim valde saturatus  
subadstringit.

b) Solutio *nitri* per potum ordinarium.

c) *Rhabarbarina* cum speciebus resoluentibus & forma in-  
fusi vsurpata.

d) *Extracta* resoluentia & abstergentia cum gummatibus  
& moderatissime aloëticis coniuncta.

e) *Clysteres* emollientes eximiam hic semper habent utili-  
tatem.

2) *Transpirationem* naturalem & lenem *diuresin* promouet  
essent. alexipharm. *Stahlii*, sub placido corporis motu  
vsurpata.

5. Tonus partium nimis distentarum est roborandus. Faciunt  
hoc

1) *Martialia*, legitimo tempore adhibenda e. gr. crocus



martis antimoniat. aperitiuus *Stahlii*, tinctur. martis aperitiu. *Ludouici*, & eiusdem crocus martis sulphuratus, &c.

- 2) *Salia volatilia* cum tincturis alcalicis mixta, e. gr. tinctura tonico-neruina *Stahlii*.

**B. Methodus specialis.**

1. *In paroxysmo.*

- 1) Ante omnia *aluus* aperiatur, & semper aperta seruetur, per clysteres emollientes, & spasticos rigores demulcentes; eius modi sunt bene pingues, ex oleo amygdal. dulc. oliuar. recent. chamomill. aneth. sesam. parati.
- 2) Deinde temperantia nitrosa, & incidentia salina cum cinnabarinis exhibeantur, & ter per diem repetantur. e. gr. nitrum depurat. nitrum antimoniat. cinnabar. antimon. ocul. canc. cum acido tartari saturat.
- 3) Impetus si hisce cedere recusat, essentia vel decoctum millefolii parce & moderate propinetur, vel alia superius adlegata adhibeantur.

2. *Extra paroxysmum.*

- 1) Remittente impetu sanguis imminuatur per venæ sectionem, circa æquinoctia repetendam.
- 2) Et tum ad sanguinem diluendum & attenuandum, superius commendata remedia, præcipue diætetica, applicentur.
- 3) Mensium etiam & hæmorrhoidum ratio habeatur, per methodum suo loco commendatam.
- 4) Denique ad tonum restituendum martialia, vel volatilia salia cum alcalicis tincturis mixta, propinentur, vel crocus martis antimoniat. cum *MP. Stahlii* sociatus.

**VIII. CAUTELÆ ET OBSERVATIONES PRACTICÆ.**

1. Si vmquam, certe in decantato hoc adfectu, cautelis opus est; vbi multæ quidem prædicationes variorum remediorum, sed exigua auxilia reperiuntur.
2. Sufficiens labor & humectatio corporis plus valent, quam

vni-










uniuersus medicationis adparatus, optima licet methodo institutus.

3. Quam diu sanguis abundat, omnia resoluentia, & tonum roborantia, sunt frustranea.
4. Si tentamen medendi insuper *impetuose* in talibus circumstantiis instituitur, facile hæmoptysis, asthma conuulsuum, catarrhus suffocatiuus, adfectus arthritico rheumatici, siue vagi, siue fixi, inducuntur.
5. Item repentinæ anxietates præcordiorum, infarctus viscerum, vel febres inflammatoriæ. *Vid. prognosis.*
6. Non imminuta sanguinis quantitate *symptomata* statim adgredi multo adhuc periculosius est tentamen.
7. *Vena sectio* curatiue, aut in brachio, instituta, magis nocet quam prodest: facile enim pathemata ad superiores partes prouocat, & contumaciora reddit; iusto autem tempore & loco administrata durabilem sæpe subleuationem adfert, & reliquæ medicationi viam sternit. Si pressiones magis *in dextro* latere sentiuntur, & nullum vitium in pectore vel dispositio vertiginosa subest, tum in brachio etiam locum habet.
8. *Scarificatio* vix talem effectum infert, qualis huic malo conducit.
9. *Hirudines* nec opportuno tempore nec iusto ordine adplicatæ, maioribus anomaliis ansam præbent; dextre autem adhibita ad molimina hæmorrhoidalia mitiganda, & motus congestorios a superioribus visceribus renocandos, vsum habent eximium, tanto magis, si venæ sectio præmissa est. *Vid. tab. de suppressione hæmorrhoidum.*
10. *Emetica* hypochondriaco-hystericis, iuxta hodiernos mores, præscribere, infelix est tentamen: pathemata exacerbantur, in habitum obfirmantur & facile vomitus cruentus, præcipue in feminis, metuendus est.
11. Vbi autem malum adhuc recens, & conspicuum diætæ vitium subest, subiectum insuper euemetum & robustum, ibi *moderatum emeticum* conceditur.
12. *Purgantia fortiora*, frequentius adhibita, hypochondriacis etiam non conueniunt: motus spasticos magis augent  
&



- & sanguinem adhuc spissiore reddunt: unde a frequentibus purgantibus malum hypochondriacum nonnumquam inducitur.
13. Accusata enim *saburra* in primis viis hypochondriacorum, ad quam eliminandam vomitoria & purgantia primario præscribuntur, plurimum nulla est.
  14. Frustraneus etiam est metus, quasi *acida pungentia*, malum hypochondriacum fouentia, in primis viis generarentur; quæ proinde expurganda essent.
  15. De *polypodio* in specie adhuc dubitandum, num hoc loco tantos effectus præstet, quanti per meram sæpe credulitatem de illo prædicantur.
  16. *Mercurialia* non possunt admitti, nedum detestanda hic *saluatio*; quæ contracturas, paralyses, apoplexiam, asthmata conuulsiua, immo mortem inducere valet.
  17. *Diaphoretica* calida etiam nocent, sanguinem enim vel in orgasmum deducunt, vel humiditatem ei subtrahunt: absint itaque alexipharmaca calida, carminatiua, olea destillata, myrrhata, camphorata, salia oleosa & omnia sulphurea acria, quæ infarctibus & phlogosibus occasionem præbent.
  18. Methodus, quæ per *alterantia*, edulcorantia, acrimoniam corrigentia, salibus suspectis subuenire docet, salutaris non deprehenditur; inducit potius adfectus asthmaticos, scirrhosos, œdematosos, iëtericos, asciticos, colicos, iliacos, podagricos, vertiginosos, inflammatorios, paralyticos, apoplecticos.
  19. Nenix illæ, de efficacia *martialium absorbente, fundente & colliquante*, experientix practicæ non respondent, neque etiam chymix experimentalis; conspicuus potius effectus adstringens, solo gradu differens, in omnibus *martialibus* deprehenditur.
  20. Hinc *martialia*, in *vigore* paroxysmi vsurpata, maiores anxietates, infarctus viscerum & adstrictiones alui inferunt; *remittente* autem impetu & præmissa venæ sectione adhibita & continuata, leni adstrictione venarum distentiarum iustum tonum restituunt; & hoc tanto efficacius, si cum









si cum essentia millefolii miscentur. Cæterum a crudo Marte abstrahendum est.

21. *Salia volatilia* mirifice quidem hodie extolluntur, & virtus illorum resoluens & attenuans ad nauseam prædicatur, sed pauca grana, quæ pro dosi adhibentur, satis demonstrant, quod non in humores, sed in vias agant, iisque stimulum ad constrictionem corporum incutiant; quæ strictura, quando sanguis nimis mobilis, & viæ nimium repletæ sunt, male cedunt. Hinc intempestius & liberalis illorum usus cum martialibus eadem damna inducit.
22. Neque *absorbentia* ad summam medelæ peculiare quid conferunt, licet id vulgo credatur; largius enim & frequentius usurpata, humores magis inspissant, & tenaciores reddunt, in primis etiam viis turbas & molestias procreant.
23. *Antiscorbutica*, plenis buccis commendata, fundamentum huius mali non attingunt, acriora potius illud exasperant; præmissa tamen venæ sectione, temperata cum reliquis incidentibus, superius eommendatis, possunt coniungi.
24. Idem de *antiuenericis* sentiendum est.
25. Usus *acidularum* asylum hypochondriacorum vulgo reputatur, sed propter exiguum re vera effectum, & propter iacturam temporis ac sumtum censemus, quod *remedium grauius sit morbo ipso*. Præter ea, ubi sufficiens motus, siue per virium defectum, siue per sumtum ad vecturam destitutionem, obtineri non potest, ab usu illarum prorsus abstinendum est. *Conf. dissert. Stahlî de fontium salutarium usu & abusu.*
26. *Nitram*, in adfectibus hypochondriacis prudenter adhibitum, egregium præstat effectum: spasticam enim partium fibrosarum stricturam relaxat, & qualemcumque ardoris sensum in visceribus obtundit.
27. *Nitram* cum sale digestiuo & pauca absorbentis cuiusdam quantitate mistum, flatulentiam hypochondriacam, post cibos



- cibos præcipue emergentem, promptius subigit, quam ullum aliud medicamentum.
28. *Aloëticorum* vsus in malo hypochondriaco cautissimus & parcissimus esse debet: quando enim hic adfectus eo iam peruenit, ut euacuationes respiciat, tum incongruens illorum vsus grauissimas exacerbationes inducit, quia aloë sanguinem quidem commouet, sed non ad exitum perducit.
29. Vsus *clysterum* emollientium, uti huic malo efficaciter occurrit, ita in *feminis* præcipue laudatur. Parantur ex herbis emollientibus, lubricantibus, mucilaginosi, oleosis & temperatissimis carminatiuis.
30. *Veronica* cocta, &, adiecto oleo ac sale, in clystere adhibita, ad hypochondriaco-hystericos lumbares & ischiadicos spasmos, egregium præstat effectum.
31. *Laxantia*, licet mitissima sint, ad commodum tamen clysterum vsus non accedunt: ipsa *rhabarbarina* relinquunt aliquam adstrictionem, & hinc sui repetitionem efflagitant.
32. *Manna* & folia *senna* flatulentiam excitant & naturam sensim in consuetudinem deducunt, ut nihil deponat, nisi adhibitis hisce stimulis: vsus itaque eorum sit moderatus.
33. *Pruna Damascena* ad expediendam aluum vtiliter adhibentur in iis, qui a dulcibus alias non læduntur; modo non statim bibatur cereuisia fermentescens, sed haustus vini, vel alius conueniens spirituosus.
34. Exsulent in hystericeis tot decantata *uterina*, e. gr. elixiria, essentia, tinctura, aqua destillata aromatica, die hîgige Mutter-Wasser.
35. Speciatim reiiicitur *castoreum*, licet tot laudibus exaltatum; internus enim illius vsus ad pauca quidem momenta leuamen adfert, deinde autem grauiora incommoda inducit, præcipue vero caput obnubilat, & angustias præcordiorum auget. Ante omnia ab illo abstinendum est, quando pathemata hypochondriaco - hysterica nauseabunda & vomibunda occurrunt.









36. *Millefolii* vsus debet esse prouidus, præcipue in viris; in feminis maiori securitate adhibetur; ubi essentia, cum croco mixta, impetum commotionum & anxiamolimina, ad menses tendentia, egregie mitigat. In viris quando adhibetur, essent. millefol. p. i. cum essent. pimpinell. alb. p. III. & spirit. salis ammoniac. p. semis miscetur.
37. Vsus *marinorum animalium*, e. g. dent. hypopot. lap. manat. priap. cet. prorsus improbatur: licet enim motus per illa in præsens supprimantur, in futurum tamen vel maiore impetu reuertuntur, vel infarctus & scirrhiviscerum, aut plane hydrops succedunt.
38. Quid de *cucuphis*, quæ in capitis doloribus hystericarum adhibentur, censendum sit, tabula de *cephalalgia*, & altera de *clauo hystérico* indicauimus.
39. Quibus locis etiam cautelæ de *duplicis generis odoramentis*, in suffocatione hystérica admodum vilitatis, adiectæ sunt.
40. Occurrunt nonnumquam hystericæ, quæ nullum plane odorem sub tali constitutione persentiscunt: in his præstat ab odoramentis plane abstinere, quam grauius damnum inferre.
41. *Camphora* vsus in capitis doloribus hystericarum citatis locis euoluatur, ubi simul consilium datur, qua ratione etiam in illis feminis vtiliter adhiberi possit, quæ alias illius odorem fastidiunt.
42. Vsus *carnis lupinæ*, de collo suspensæ, in malo præcipue feminarum, loco secreti a quibusdam habetur; id quod experientiæ relinquendum est.
43. *Narcotica* sedant quidem promptius exacerbationes hypochondriaco-hystericas, sed vehementius illæ recrudescent; & deinde etiam hæc remedia a natura adspernantur.
44. Denique *dieta*, non quidem scrupulosa, conueniens tamen commendatur; cauendo a cibis acidis, crassioribus, frigidis, placentis butyraceis. Qui segnitie alui laborant,



certo tempore huic negotio indulgeant, & paullo ante cibum exiguum panem largo butyro illicum præmittant.

## TABVLA XXXVIII.

DE

## INFARCTV LIENIS.

## I. DEFINITIO.

*Infarctus* lienis est inflatio visceris huius laxi & cellulosi, a restrictione sanguinis versus ramum splenicum orta, & eruptionem per vasa brevia respiciens.

## II. DIFFERENTIA.

1. *Infarctus* lienis a recentioribus pathologicis *obstructionis* nomine venit; sed hæc, vi vocis, plenariam sanguinis interceptionem designat, & multas confusiones inducit; de qua materia legi meretur *dissertat. Stahl* de *obstructione vasorum sanguiferorum*.
2. *Infarctus* lienis quidem non differt a *malo hypochondriaco*, specialem autem sanguinis directionem & determinationem versus viscus lienis inuoluit.
3. Non confundendus est lienis *infarctus* cum *doloribus nephriticis*, versus sinistrum latus se se extendentibus, & profundius adfligentibus. *Conf. signa nephritidis*,

## III. SIGNA.

1. Inflatio in latere sinistro sub costis spuriiis.
2. Cum doloribus prementibus & tendentibus, raro autem interlancinantibus.
3. Durant hæc incommoda per vnum vel alterum diem, & dehinc remittunt.
4. Sub afflictione laborant difficultate respirationis.















5. Anxietate etiam præcordiorum & animi mœrore adficiuntur.
6. Concurrit tussis sicca periodica.
7. Ingens diminutio virium, torpor ad actiones & morositas.
8. Adpetitus plurimum languet.
9. Manifestat sese ventriculi inflatio, quæ a ructibus magis, quam a flatibus stricte sic dictis tollitur.
10. Palpitatio cordis, & sæpius etiam motus palpitatorius in ipso liene observari solet.

IV. *SUBIECTA.*

Huic adfectui sæpius obnoxii sunt homines.

1. Mediæ & consistentis ætatis, sexus feminini præ virili.
2. Temperamenti præcipue melancholici, vel sanguineo-melancholici.
3. Qui pathemata generaliora hypochondriaca, præcipue autem suppressiones hæmorrhagarum diu perpeffi, & sub his incongruenter, in primis adstringentibus tractati sunt.
4. Qui vitæ sedentariæ, speculabundæ, variis curis & sollicitudinibus obnoxii existunt.
5. Verbo: omnia fere illa subiecta, quæ præcedente tabula descripta sunt.

V. *CAVSSAE.*

1. Causa *antecedens* est plethora cum spissitudine coniuncta.
2. Causa *continens* & proxima est infarctus & restrictio sanguinis versus ramum splenicum; sub quo impedito & perplexo negotio natura eruptionem stagnantis sanguinis per vasa brevia respicit.
3. Causæ *occasionales* & *procatarcticae* sunt:
  - 1) otiosum vitæ genus.
  - 2) Cibi crassiores & parcius potus.
  - 3) Neglectio adfuetarum euacuationum sanguinis.
  - 4) Inepta medicatio in febribus *intermittentibus* per adstringentia, & in *acutis* per refrigerantia.
  - 5) Neglectio alui expediendæ.
  - 6) Refrigerationes partium corporis extremarum.
  - 7) Dispositio hæreditaria & animi pathemata.



## VI. PROGNOSIS.

1. Infarctus lienis non est præsentis periculi, & quo recentior est, eo facilius adhuc cedit congruæ medicationi.
2. Quando sibi relinquitur per aliquot annos sine vitæ iactura durare potest.
3. Progrediente autem tempore, & accedente in primis medicatione improuida, facile in febrem quartanam transmigrat.
4. Vel in scirrhum abit, quem tamen per plures etiam annos gestare possunt lienosi. *Conf. tab. sequens de scirrho lienis.*
5. Tandem febres lentæ, hecticodes.
6. Vel oedematosi, cachectici, ascitici adfectus hanc scenam claudunt.
7. In feminis vomitus cruentus, in viris autem hæmorrhoides hoc malum nonnumquam soluere solent.
8. Nonnumquam stasis inflammatoria suppurascent, sed rarissime, exoritur, & materia purulenta coloris terribilissimi, per vomitum vel aluum reiecitur.

## VII. METHODVS MEDENDI ET REMEDIA.

## A. Methodus generalis.

1. *Quantitas* sanguinis est imminuenda; id quod obtinetur
  - 1) per venæ sectionem in dextro pede circa æquinotia instituendam & numquam omittendam.
  - 2) per reuocationem hæmorrhagiarum suppressarum.
  - 3) per hirudines in negotio hæmorrhoidali.
2. *Qualitas* sanguinis spissior est corrigenda. In hunc finem commendantur
  - 1) *Radices*: cichorii, tarax. helen. vincetox. pimpinell. alb. ari, bardan. apii, petroselini, graminis.
  - 2) *Herbæ*: absinth. card. bened. centaur. min. fumar. hyssop.
  - 3) *Antiscorbutica temperata*: nasturt. beccabung. cochlear. acetosell.
  - 4) *Salia enixa*: tartar. vitriolat. arcan. duplicat. nitrum ammoniat. in primis tartarus tartarifat.

5) Gum-









- 5) *Gummi-resinae* : ammoniac. fagapen. sarcocoll. galban. bdell. myrrh. succin.
  - 6) *Diluentia* per sufficientem potum cum labore corporis coniunctum.
  - 7) *Laxantia* cum resoluentibus modo commendatis, nupta e. g. hellebor. nigr. senn. rhabarbar.
  - 8) *Composita* : pilul. *Becheriana*, *Stahlianæ*, tartarea *Bontii*, extract. panchymagog. *Crollii*, magnes. alb. sal. Anglican. essent. alexipharm. *Stahl*i, essent. absinthii composita.
  - 9) *Externa resoluentia & roborantia* : emplastr. de ammoniac. saponat. *Barbette*, diaphoret. *Mynsichti*, de sperm. ceti, de cicuta. Item *emollientia* : emplastr. diachylon, de meliloto, *linimenta* ex vnguent. de althæa, ol. cappar. chamomill. irin. camphor. alternatim regioni lienis adplicata.
3. *Motus* tonicus in liene relaxatus est roborandus, ad congestoriam sanguinis restagnationem discutiendam, & novum infarctum præoccupandum. Huic indicationi satis faciunt
- 1) *Martialia teneriora* : croc. martis antimoniat. *Stahl*i, essent. vitrioli martis *Zuvelseri*, vel *Ludowici*.
  - 2) *Salia volatilia* cum tincturis alcalinis maritata, e. gr. MR. tonico nervina *Stahl*i.
  - 3) *Specificæ antisplenetica*, qualia creduntur esse
    - a) Rad. rub. tinctor. caryophyll. capparum.
    - b) Herb. cuscut. epith. scolopend. ceterach. millefol. adianth. nigr. præcipue vero *alb*.
    - c) Cortex & lignum fraxini, circa solstitia æsum, item cort. & lign. tamarisci.

#### B. *Methodus specialis.*

- I. Ante omnia *alvus* aperiatur, & aperta servetur, siue
  - 1) per *chysteres* nervino-carminativos, reuulsioni & roborationi discussoria aptos, e. g.
    - a) *Radices* : malvæ, althææ.
    - b) *Flores* : chamomill. verbasc. melilot. stoechad. citrin. fummit. origani.

c) *Se-*



- c) *semina*: anisi, foenicul. foenugraeci; siue
- 2) per blandiora *laxantia*, e. g.
  - a) Infusa helleborina.
  - b) Pilul. *Becheri*, *Stahlii*.
- 2. His laxantibus subiungantur resoluentia, diluentia, & sanguinem spissum attenuantia, superius commendata.
- 3. Et quando symptomata febrilia vrgent, pulueres nitroso-temperantes simul adhibeantur. *Vid. cautel.*
- 4. Post paroxysmum obseruetur iustum tempus *vena sectionis* circa æquinoctia repetendæ; coniunctis iterum resoluentibus & leniter laxantibus.
- 5. Mensium vel hæmorrhoidum specialis ratio habeatur.
- 6. Denique tonica martialia legitime propinentur.

#### VIII. CAUTELAE ET OBSERVATIONES PRACTICAE.

- 1. Obseruationes, quas præcedente tabula de malo hypochondriaco commendauimus, etiam in hoc adfectu notandæ sunt.
- 2. *Vena sectio* præsentē paroxysmo non necessaria est, quia per aliquot tantum dies impetus durat, & medicatione commendata profligari potest. Ad præcautionem itaque instituatur.
- 3. Februm intermittentium incongruens tractatio, quando huic adfectui ansam dedit, & suppressæ febres sub vsu medicamentorum reuocantur, tum methodus iis conueniens adhibenda, & eo facilior huius mali eradicatio speranda est.
- 4. *Martialia* prius non concedantur, quam sufficiens obtenta est reseratio; quæ ex vrina largiore & crassa (non tamen aurantii coloris, hæcticam indicantis) cognoscenda est.
- 5. Quando autem *martialia* cum aliis coniuncta propinantur, tum methodus satis secuta est, e. g. si mane resoluentia, & vespere *laxantia* leniora adhibentur, *martialia* versus meridiem sunt concedenda; quo casu hæc MR. commendari potest.

Rec. tinct. aperitiu. *Ludouici* vnc. I.

essent. adianth. alb. vnc. semis.

M. dos. XL. guttæ, versus tempus prandii sumendæ.

6. Si










6. Si vero hecticæ vera indicia iam adsunt, tum *martialia* locum non habent, sed methodus tabula *de hectica* commendata.
7. Auctores obseruarunt, quod lienis infarctus resoluti indicium sit, si superueniat febris acuta, cum petechiis complicata, & excretio sanguinis coagulati nigri & foetentis per aluum.
8. Quid de radice *polypodii*, quæ in splenetico adfectu præ aliis effertur, sentiendum sit, præcedente tabula sub *cantelis* indicatum est.
9. Alii laudant radicem *asari*: quod experientiæ relinquitur.
10. *Opiata*, ad dolores placandos adhibita, infarctum augent, & aluum adstringunt.
11. Quod lignum *fraxini* lienem consumat, fabula est.
12. Neque resoluentia *acriora*, e. g. rad. bryoniæ, teneris & sanguineis improuide præscribenda sunt, quia metum exulcerationis inferunt.
13. *Lumbrici* terrestres, resolvente & diuretico effectû præditi, quid in hoc morbo præstent, experientia quemuis docebit.
14. Semper iniungenda est ægris continuatio vsus remediorum ad minimum per aliquot hebdomades, præcipue, quando malum diu iam perstitit & inualuit, alias irrita sunt omnia, etiam si optima fuerint remedia; nullæ enim viscerum obstipationes præcipitem curationem admittunt. Absit itaque omnis *heroica* medicatio, tum *euacuans*, tum *alterans*, effectus enim funestos accelerat.
15. *Nuda* vero *inflatio* lienis, quæ vel in feminis a mensium regectione, vel in febribus intermittentibus contingit, facilius & citius profligatur per methodum & remedia, superius commendata.
16. Infarctus lienis quando in *ulcerationem* transit, (id quod reiectio purulentæ & foetidæ materiæ per vomitum vel aluum manifestat,) tum consolidatio promouenda est. In hunc finem laudantur
  - 1) Cortex *fraxini* in decocto vel cum melle exhibitus.
  - 2) Conserua *rosarum*.



- 3) Terebinthina cocta, cum ovo sorbili vel cereuisia calida propinata.
- 4) Balsamum Peruvianum cum emulsione amygdalarum vsurpatum.
- 5) Interpositis pilulis laxantibus ex gummi ammoniaco, sagapen. extract. panchymagog. *Crollii*, mercur. dulci, aloë &c.
17. *Succi* recenter expressi ex radicibus & herbis, sub methodo generali commendatis, e. g. ex radice cichorii, taraxaci, herbis antiseorbuticis, efficaciores deprehenduntur, quam si hæc remedia sub alia forma exhibentur.
18. *Acidula* minorem adhuc locum hic habent, quam in malo hypochondriaco, in quo materia peccans ad specialia loca nondum determinata est: augent enim obstipationes, inducunt cachexiam, hydropem, vel hecticam, immo mortem maturius aduocant.
19. *Therma*, nisi venæ sectio, leniora resoluentia & euacuancia præmittuntur, faciliori lienis exulcerationi anam præbent.
20. Dieta mollis, lubrica, potulenta medelam egregie promouet, sed tanto efficacior est, quo magis corporis motus, primo placidus, & deinde subcussatorius coniungitur.
21. Cibi moderate aromatizati & vinum bonum, modice sumtum, vti salutaria sunt remedia, ita immodicus eorum vsus quam maxime nocet.
22. Præ cæteris laudantur cibi capparibus conditi; num vero potus specialem efficaciam adquirat, quando ex poculis *ligni tamarisci* hauritur, experientiæ relinquendum est.
23. Animi pathemata, vti ad concitandum hunc adfectum præsentis sunt efficaciz, ita & mentis tranquillitas multum confert ad malum felicius profligandum.
24. Ceterum notari meretur, quod *Ettmüllerus* hunc adfectum non lieni, sed intestino colo, a flatibus vel induratis scybalis distento, adscripserit; quam autem opinionem tres præcipue circumstantiæ refutant;
  - 1) Infarctus lienis *periodice* recurrit.
  - 2) Per aliquot dies *constanter* durat.
  - 3) Cly-









- 3) Clysteribus emollientibus confestim non cedit, quorum omnium in adfectibus flatulentis contrarium obseruatur.

## TABVLA XXXIX.

DE

## SCIRRHO LIENIS.

## I. DEFINITIO.

Scirrhus lienis est tumor huius visceris induratus a restagnatione humorum sensim spissescentium, & exhalantibus tenuissimis portionibus, siccescentium, originem ducens. Deriuatur a σκίρρω, induro.

## II. DIFFERENTIA.

1. Scirrhi sunt vel *seroso-gelatinose*, vel *sanguineæ* indolis.
2. Scirrhusa lienis constitutio differt a simplice illius *infarctu*; Hic enim facilius adhuc felicem consequitur discussionem: Scirrhus autem vix unquam. *Vid. prognosis.*
3. Scirrhus lienis differt *gradu*; in aliis enim lien *in totum*, in aliis *in tantum* induratus est.

## III. SIGNA.

1. Obuia tactui durities sub costis versus latus sinistrum & lumbos retrorsum, cum sensu ponderis cuiusdam, huic lateri incumbentis, & hinc decubitum in latus dextrum molestum reddentis.
2. Color faciei, immo reliqui corporis, luridus, ad fuscum nigricantem subuiridem tendens.
3. Cum oculorum altiore quasi retrocessione, & circa orbitam liuente ambitu.
4. Angustia pectoris est fere perpetua, cum difficultate respirandi, & tussi sicca pertinaci coniuncta.
5. Adpetitus crebro auidus est, interdum tamen sine causa manifesta fit nauseabundus.



6. Repletio, aut potius inflatio ventriculi post sumtos cibos, & sensus pressiois.
7. Alius est valde segnis, vel tamen inconstans.
8. Urina tenuis, parca, subliuida, viridescens, immo dilute nigricans.
9. Quando inueteratus est scirrhus, in pede *sinistro* inflatio turgida, liuida & dura occurrit, donec tandem tumor vltorius se extendat.
10. Languor corporis insignis.
11. Animus præ se fert torporem, tædiosam morositatem, taciturnitatem, anxietatem, & hæc omnia sine causis manifestis.

IV. *SVBIECTA.*

1. Vterque sexus obnoxius quidem est huic labi, sed ea non ita frequenter occurrit.
2. *Viri*, qui diu hypochondriaci fuerunt, & *femina* a malo hysterico frequentius vexatæ.
3. Ætas virilis & prouectior.
4. Personæ, quæ in febribus intermittentibus, præcipue in quartana, adstringentibus, vel in acutis inconueniente ratione tractatæ sunt. *Conf. caus.*
5. Otiosæ, sedentariæ, & speculabundæ.

V. *CAVSSAE.*

1. Causa *antecedens* est congestio sanguinis restagnatoria in ramo splenico.
2. Causa *proxima* est repentina dissipatio partium fluidarum, & *tenuiorum*, relictis solis *spissioribus*, in talem duritiem abeuntibus.
3. Causæ *occasionales, procatarticae & aduentitiae* sunt :
  - 1) Peruersæ medicationes, quæ præ aliis scirrhos inducere valent, e. gr. adstringentia in febribus intermittentibus, refrigerantia & salia volatilia in acutis, topicorum frigidorum adplicationes in simplice adhuc *infarctu*; vulgo kühlend Pflaster auf die Milz legen.
  - 2) Vehementes contusiones & vellicationes.

3) Diæ-















3) Diæta crassa, mucida, lentescens, e. gr. nimius usus piscium, carnis infumatae, lacticiniorum.

4) Insignia animi pathemata.

#### VI. PROGNOSIS.

1. Discussio scirrhi *veri*, vel plane nulla expectari potest, vel certe difficillimi, & summe ancipitis euentus est; id quod contra vanas pollicitationes, a multis iactatas, probe tenendum est.

2. In scirrho quidem *recentiore* aliqua discussionis spes adhuc adfulget. Quippe nonnumquam per vomitum cruentum in feminis soluitur.

3. Econtra quando scirrhum symptomata hectica & ascitica sequuntur, pessimum est malum.

4. Scirrhus *sibi relictus*, per multos annos sine corruptione & vitæ periculo durare potest.

5. Quando autem sola *emollientia* adhibentur, quæ cum *maturantibus* inseparabilem nexum habent, euentus præceps & periculosus acceleratur: laudabilis enim huius staseos suppuratio vix umquam speranda est.

6. Scirrhus perpetuo proclivis est ad corruptionem, sed magis sphacelofam, quam inflammatorio-suppuratoriam, aut ulcerofam.

#### VII. METHODVS MEDENDI ET REMEDIA.

1. Scirrhus lienis *incipiens* tractatur, uti infarctus. *Vid. methodus tabulae precedentis.*

2. Sigillatim autem adhuc notandum, quod *resoluentia* paululum *fortiora*, hic magis locum habeant, quam in lienis infarctu, e. gr. rad. gentian. bryon. ari, squillæ, radices quinque aperientes, item rad. chinæ, sarsaparillæ, herb. capillares, antiscorbuticæ, & gummi-resinosa: bdell. sagapen. ladan. galban. ammoniac.

3. Item: quod venæ sectio statim post absterfionem primarum viarum possit institui.

4. *Externe* eadem emplastra, sub infarctu commendata, adhibeantur, quibus *emolliens* aliquod linimentum per vices substituatur, e. g. vnguent. al. h. cum medulla crur. vitulin. & camphora mixtum.



5. Vbi autem scirrhus iam obfirmatus est, in primis quando plus de sanguinea substantia participat, ibi præstat artis inopiam profiteri, quam vanis pollicitationibus ægrum laetare & frustrari.

### VIII. CAUTELÆ ET OBSERVATIONES PRACTICÆ.

1. Quem ad modum iam *Hippocrates* consilium dedit, ut *cancer occultus*, qui nihil aliud est, quam *scirrhus sanguineus*, intactus relinquatur, sic etiam præstat, in veriore scirrhum manum detrahare, quam per emollientium continuum usum statim hanc ad maturationem perducere.
2. Sectio venæ *saluatella* (inter annularem & minimum digitorum) quam veteres hic commendant, ad summam quidem rei nihil facit, præmissa tamen venæ sectione generaliore, specialior hæc, cuiuscumque demum efficaciam, potest subiungi.
3. Illud pro axioma habendum est, quod in vitiis viscerum *scirrhis* æque ac *ulcerosis*, neque autocratia naturæ, neque artis ministerium ad solidam curationem sæpe aut multum quid proficiant.

### TABVLA XL.

DE

## INFARCTV HEPATIS.

### I. DEFINITIO.


Infarctus hepatis est stagnatoria sanguinis in hoc viscere congestio, siue a spastica hepatis contractione, siue a nimia motus tonici remissione, originem ducens.

### II. DIFFERENTIA.

1. Quomodo *infarctus* a *scirrhus* hepatis differat, sequente tabula indicatum est.
2. Vitium hepatis hic duplici modo considerandum est:

1) Vel









- 1) Vel enim hepar motu spastico nimium *contractum* est; id quod ordinarie in adultioribus contingit.
- 2) Vel nimium *expansum*, & hoc sæpius in iunioribus reperitur; qui vterque status motum sanguinis per hoc viscus liberiores impedit, & infarctum efficit. De hac materia legi meretur *dissertatio Stahlî de hydropæ.*

### III. SIGNA.

1. Angustia præcordiorum, præsertim circa hypochondrium dextrum, cum respiratione difficili.
2. Dolor grauis & obtusus, interdum etiam pulsui respondens.
3. Æstus volaticus, & phlogoses repentinæ, cum rubore faciei, & colore insigni in volis manuum.
4. Sitis vaga.
5. Oris siccitas & amaritudo.
6. Saliva glutinosa.
7. Tussis sicca hypochondriaca.
8. Prostratio adpetitus.
9. Cardialgia insignis.
10. Lassitudo & grauitas artuum.
11. Somnus inquietus & iactatione corporis turbatus.
12. Habitus corporis flaccidus, immo, ob impeditam liberiores lymphæ separationem, contabescens.
13. Urinæ sub initium sunt tenuiores; quo magis autem hectica accedit, eo magis saturati aurantii coloris existunt, & deinde rubicundum sedimentum exhibent.
14. Augmentum doloris, quando hypochondrium digitis tangitur.
15. In statu nimie hepatis expansionis, tumor dextri hypochondrii notabilior visu & tactu discernendus sentitur.
16. Alius plerumque adstricta, & reliquarum actionum tardior successus obseruatur.

### IV. SVBIECTA.

1. Sunt hic fere eadem, quæ tabula de infarctu lienis indicata sunt.

2. Præ-



2. Præcipue tamen temperamentum melancholico-cholericum, huic malo magis subiacer.
3. Hypochondriaci & hystericae, congestione versus venam portæ laborantes.

#### V. CAUSSAE.

1. Causa *antecedens remota* est plethora cum spissitudine sanguinis coniuncta,
2. Causa *antecedens propior* est vniuersus motuum hypochondriacorum adparatus.
3. Causa *immediata & proxima* est vel
  - 1) spastica hepatis contractio, vel
  - 2) motus illius tonicus remissior.
4. Causæ *occasionales, procatacetica & aduentitiæ* sunt:
  - 1) Suppressio hæmorrhagiarum in primis hæmorrhoidum & mensium.
  - 2) Neglectio artificialium adsuetarum.
  - 3) Impeditus sanguinis progressus per hypochondria.
  - 4) Peruersa febrium medicatio, intermittentium quidem per adstringentia, acutarum autem per salia volatilia vel refrigerantia topica.
  - 5) Peruersi vsus vomitoriorum, maxime in plethoricis paullulum adultis & spontaneis sanguinis euacuationibus adsuets.
  - 6) Iracundia, præcipue inter cibum, vel statim post eundem.
  - 7) Diæta crassa & potus parcior.
  - 8) Frequentissime haustus frigidus, corpore calente.
  - 9) Abusus acidulorum adstringentium in morbis chronicis.

#### VI. PROGNOSIS.

1. Infarctus hepatis legitime tractatus, admittit quidem curationem, præsertim in statu recente; si autem ineptis medicaminibus tractatur, inflammatio cum febre acuta, immo suspecti vomitus & alui fluxus accedunt.
2. Quando mature non tollitur, facile transit in scirrhum, & denique in hydropem, cachexiam ictericam, hecticam.

3. In-









3. Infarctus hepatis, *expansione* visceris conspicuus, facilius tollitur, quam qui cum nimia hepatis *constrictione* coniunctus est; cuius etiam vestigia hectica sæpius legit.
4. Hamorrhoides vel menses quando hepatis infarctui, a sanguine congesto oriundo, superueniunt, sæpius malum solvunt.
5. Ira, uti morbum grauiorem, ita etiam difficiliorem reddit medicationem.
6. Infarctus hepatis maioris est momenti, quam infarctus *lienis*, tam ratione periculi, quam difficultatis medendi.
7. Rarius infarctus hepatis subit corruptionem.

## VII. METHODVS MEDENDI ET REMEDIA.

Methodus differt secundum causas.

1. In spastica *contractione*, sequente modo procedendum est:
  - 1) Primæ viæ abstergendæ & euacuandæ sunt per lenia laxantia, sennata, rhabarbarina &c.
  - 2) Deinde, ad causam antecedentem auferendam, instituat<sup>ur</sup> venæ sectio in pede, in hæmorrhoidibus vero suppressis, hirudinum ad anum applicatio.
  - 3) Postea materia, in hepar impacta, incidatur, resoluat<sup>ur</sup> & abstergatur. In hunc finem præ aliis commendantur:
    - a) *Radices*: cichorii, taraxaci, graminis, vincetoxici, pimpinellæ albæ, ononid. apii, polypod. squillæ, quæ autem modeste adhibenda est.
    - b) *Herbæ*: hepat. nobil. capill. veneris, cuscute, acetos.
    - c) *Flores*: bellid. min. borrag. bugloss.
    - d) *Semina*: anisi, foeniculi, carui, baccæ lauri & iuniperi
    - e) *Cortices*: winteran. citr. cinnamom. aurantior.
    - f) *Gummata*: ex quibus præcipue ammoniacum ab Ettmüllero laudatur. *Vid. cautel.*
    - g) *Salia digestina*: nitrum antimoniat. tartar. vitriolar. arcan. duplicatum, sal Anglican. mirabile Glanheri,



quibus nitrum & modicum absorbentis adieiendum est.

h) *Composita*: pilulæ *Stahlii*, *Becheri*, quæ tanto magis commendantur, quia febres suppressas facile reuocant, & hinc medelam reddunt faciliorem.

i) *Laxantia cum epicrafi*; ubi resoluentia, iam commendata, cum lenioribus euacuantibus, præcipue chologogis maritanda sunt.

4) Ad relaxandam hepatis *stricturam* conducunt

a) *Interne*: laxantia modo indicata.

b) *Externe*: Emplastra emollientia, non continenter, sed per vices regioni hepatis imponenda, ne suppurationem inducant, & cum tonico-neruinis alternanda e. gr. imponatur emplastr. emolliens, siue sit diachyl. cum vel sine gummatibus, siue de meliloto, & post 24. horas emplastr. tonico-neruinum substituitur, v. gr. diaphoret. *Mynsichti*, de spermat. ceti eiusdem.

2. In nimia hepatis *relaxatione* ea ipsa methodus adhibenda est, quam *tabula de infarctu lienis* commendauimus.

#### VIII. CAUTELAE ET OBSERVATIONES PRACTICAE.

1. Cautelæ, quæ tab. de infarctu lienis traditæ sunt, etiam hic obseruari debent.

2. *Gummi ammoniacum* egregiam sane resoluedi habet efficaciam, quando autem, secundum *Ettmüllerum*, vel in vino, vel in aqua destillata soluitur, & in tali fluida forma propinatur, ad modum nauseosum exhibet saporem. Commodius itaque in forma pilularum sumitur, e. g.

Recip. Gummi ammoniac. depurat. drachm. I.

Extract. panchymag. *Crollii* drachm. II.

centaur. minor.

card. bened. ana drachm. semis.

Mf. pilulæ dos. scrup. I.

3. Quo magis *volaticus æstus* vrget, eo sæpius nitrosa cum absorbentibus & salibus digestiuis maritata, propinanda sunt.

4. *Cichorium* hic specificè laudatur, a cuius radicis conditæ solo v-









- lo usu ægrum eius modi restitutum esse, *Stablius* mement.
5. *Millepedes* in obstipationibus glandularum a plerisque quidem commendantur, sed quia fortius resolvunt, partium autem veræ obstipationes præcipitem medicationem ægre tolerant, caute hinc adhibeantur.
  6. *Tussis*, si non adeo vrget, speciali non indiget medicatione; quando autem exasperatur, tractanda est, uti tabula de tussi indicauimus.
  7. Si *commotiones febriles* superueniunt, nitrosa & absorbentia, cum acidis saturata, profunt.
  8. *Potus* sufficiens, humectans, iniungendus est, non solum sub therapia, verum etiam post eandem. Item *motus* corporis placide succussatorius, abstinendo a venere, diætæ calida, aromatica, vinosa.
  9. *Causse occasionales* quidem omnes euitandæ sunt, maxime tamen peruersæ *februm intermittentium suppressiones*: nam infarctus hepatis & lienis tam certe inde proueniunt, ut etiam vulgus causam horum infarctuum per denominationem *Giebet-Ruchen* manifeste designet.
  10. *Vena sectiones* in superioribus corporis partibus administratæ, non solum nullum usum, sed & sæpius damnum adferunt.
  11. Ad *alui obstructiones* & incommoda flatulenta conducunt clysteres emollientes, roborantes; cauendo, ne stimulantia addantur: aluo enim adstricta reliqua remedia parum profunt.
  12. *Discutientia acriora & volatilia* hepatis stricturam augent.
  13. *Purgantia acriora* noxia existunt.
  14. *Ex sedatiuis*, optima virtute prædita sunt, cinnabaris, & cortex cascarillæ.
  15. *Specifice* ad spasmos hypochondriacos coercendos conducit *millefolium*.
  16. Absorbentia terrea, acida & alia incrassantia sunt euitanda.



## TABVLA XLI.

DE

## SCIRRHO HEPATIS.

## I. DEFINITIO.

Scirrhus hepatis est tumor huius visceris induratus, a restagnatione humorum, sensim spissescantium, &, exhalantibus tenuissimis sanguinis portionibus, siccescentium, prognatus. Derivatur a σκρῆνω, induro.

## II. DIFFERENTIA.

1. Scirrhus hepatis differt *gradu*: alius enim totum viscus, alius vero partem eius obsidet.
2. Differt ab *infarctu* eiusdem visceris non solum gradu *læsionis*, sed & *symptomatum*; scirrhus enim semper adfectus oedematoso - hydropicos, vel hecticam pro comite habet.
3. A *scirrho lienis* hic scirrhus hepatis differt ratione *loci* & *symptomatum*.

## III. SIGNA.

1. Tumor & durities in hypochondrio dextro, ceu regione hepatis; quæ pathemata constanter & durabiliter sentienda, immo tactu sæpe externo percipienda sunt.
2. Dolores obtusi, tendentes & grauant.
3. Iunguntur velut ordinariæ & indiuiduæ comites tussis & adfectio asthmatica, vtræque sicca.
4. Decubitus incommodus in latere opposito.
5. Appetitus ad modum languet, & post sumtos in minore quantitate cibos subitanea satietas, cum pressione circa ventriculum, & difficultate respirationis, accedit.
6. Concurrit sensibilis hectica, quæ tabem in partibus superioribus, in inferioribus vero tumorem pedum, primum leuiorem, deinde vero asciticum contumacem comites habet.

7. Uri-















7. Urina coloris est aurantii, & consistentiæ crassæ, pauca prodit cum sedimento submucido, interdum graui & spisso, rosei coloris.
8. Adspectus est pallidus, cachecticus, ictericus.

## IV. SUBIECTA.

1. Subiecta conueniunt cum illis, quæ præcedentibus tabulis indicata sunt.
2. Inprimis autem huic malo subiiciuntur personæ, quæ in febribus *intermittentibus*, præcipue quartanis, cum *china china*, in *acutis* cum *solibus volatilibus*, *refrigerantibus* topicis in regione hepatis, in *lentis* & *hecticodeis* cum *decoctis vulnerariis* & *tincturis antiphthisicis* vulgaribus tractatæ sunt.
3. Item, quibus in hæmorrhagiis valida sistentia adhibita sunt, vel in *chronicis* adfectibus inconsideratus acidularum vsus male cessit.

## V. CAUSSAE.

1. Causa *antecedens* est congestio sanguinis restagnatoria in hepate.
2. Causa *proxima* est repentina partium fluidarum & tenuiorum dissipatio, relictis folis spissioribus, in talem duritiem abeuntibus.
3. Causæ *occasionales, procatarticae & aduentitiae* sunt:
  - 1) suppressiones euacuationum sanguinis naturalium.
  - 2) Neglectiones artificialium adfuetarum.
  - 3) Peruersæ medicationes, e. g.
    - a) Februm intermittentium, per adstringentia.
    - b) Februm acutarum, per refrigerantia & salia volatilia.
    - c) Infarctus adhuc simplicis, per topica frigida.
    - d) Hæmorrhagarum, per positiue sistentia. *Vid. subiecta.*
  - 4) Vehementes contusiones & vellicationes.
  - 5) Insignes animi commotiones.
  - 6) Diæta crassa, mucida, lentescens.



VI. *PROGNOSIS.*

1. Quæ de scirrho *lienis* sub *prognosi* dicta sunt, illa valent etiam de scirrho hepatis, nempe
2. In casu recentiore aliqua adhuc discussionis spes est.
3. De reliquo euentus salutaris vel plane nullus, vel certe difficillimus, & summe anceps, obtinetur.
4. Scirrhus semper pronus est ad corruptionem subeundam, siue inflammatorio-suppuratoriam, siue sphacelofam.
5. Neutra harum corruptionum salutariter euenit: sphacelofa enim paucis horis mortem, suppuratoria autem exulcerationes & hecticam lethalem inducit.
6. Induratio hepatis quando in subiectis cholericis aut siccis contingit, hecticam, in humidioribus vero hydropem inducit.
7. Quo lentiore progressu generatur scirrhus, eo magis medicationem eludit.
8. Scirrhus hepatis, uti sequitur, sic etiam sæpe præcedit icterum, præsertim nigrum, interdum hydropicos & asciticos tumores. Comitatur nonnumquam cachexiam, maxime icteroidem, febres lentas, ex iracundia natas, quartanas suppressas.

VII. *METHODVS MEDENDI ET REMEDIA.*

1. In scirrho hepatis adhuc *incipiente*, discussio sequente methodo tentetur.
  - 1) Aluus aperiatur per clysterem neruino - carminativum, reuulsionem & roborationem discussoriam promouentem. In hunc finem laudatur rad. alth. maluæ, flor. millefol. chamomill. verbasc. anis. foenicul. &c.
  - 2) Deinde venæ sectio in pede instituatur, cum adplicatione hirudinum ad anum, in primis in subiectis hamorhoidariis; coniunctis pulueribus nitroso-temperantibus.
  - 3) Post ea resoluentia & discutientia cum laxantibus subiungantur. e. g.

Recip.









Recip. rad. gentian. rubr.

bryon. ana drachm. II.

pimpinell. alb.

ari ana vnc. semis.

herb. centaur. min.

card. benedict.

fumar. ana manip. I.

hyssop.

capill. vener. ana manip. semis.

lign. sassifr. drachm. III.

fol. fenn. vnc. I.

fibr. hellebor. nigr. vnc. semis.

rhabarbar. drachm. III.

cremor. tartar. drachm. II.

Incis. contus. Mf. nodulus, vino immergendus, dōs.

Ein Wein-Gläßgen morgens nüchtern.

4) *Externe* emplastra resoluentia & roborantia regioni hepatis imponantur. *Conf. methodus* præcedentium tabularum & *cautelæ* sequentes.

5) Tonica martialia non prius, quam facta discussione propinentur.

2. In scirrho hepatis *obfirmato* irritus est omnis conatus, ne tamen nihil agere videamur, dicto modo medicatio instituat.

# VIII. CAUTELAE ET OBSERVATIONES PRACTICAE.

1. Quæ tabula XXXVIII, XXXIX & XL. sub *cautelis* dicta sunt, omnia hic obseruanda commendantur.

2. *Mercurius dulcis* in adfectibus scirrhorosis non reiiciendus est, egregie enim resoluit, e. g.

Recip. tartar. vitriolat.

ocul. cancr. acido citri saturat. ana  
drachm. I.

mercur. dulc. gr. XII. m. f. pulvis.

diuid. in sex partes æquales, & versus vesperam  
vna dosis sumatur.

3. *Topi-*



3. *Topica* alternis diebus permutantur, e. gr. si hodie emplastrum de ammoniaco, aut de cicuta *Foresti* adplicatum fuerit, cras emplastrum diachylon vel de melilot. imponatur, vel emplastrum emolliens cum resolvente coniungatur, & sic quotidie continuetur.
4. Quod si vero exacerbationes hecticae frequenter & acriter his scirrhis constitutionibus superueniant, aut in *spongiosis*, praecipue eneruatis aut annosis, stases hydropicae accedant, & inspetus talis typum sernet æquinoctialem aut solstitialem, tum prognosin magis lethalem formare, quam therapia sollicita ægrum defatigare præstat: reuerente enim æquinoctio vel solstitio periodus clauditur.

## TABVLA XLII.

DE

## ATROPHIA.

## I. DEFINITIO.

Atrophia est defectus debitæ corporis nutritionis, a chylo, qui ob varia primarum regionum vitia, praecipue autem ob infarctum glandularum mesaraicarum, ad massam sanguineam sufficiens quantitate non potest deferri, originem ducens, & lenta partium externarum consumptione potissimum sese manifestans. Derivatur ab *α* privat. & *τροφή*, nutritio.

## II. DIFFERENTIA.

1. *Atrophia* differentiam ab *infarctibus* lienis & hepatis, collatio praecedentium tabularum docet.
2. Differt atrophia, *strictè* sumpta, a tabida *hectica* consumptione
  - 1) *ratione causarum*: in atrophia enim *infarctus* tantum, vel ad summum durities glandularum mesaraicarum, in *hectica* autem vera plerumque exulceratio cum febre aliisque symptomatibus subest.

2) Gra-









- 2) *Gradu symptomatum*: in *hectica* enim omnia sunt acerbiora, quod ex *signis* inter se collatis, illucescit
- 3) *Ratione ætatis*: *hectica vera* potissimum pubertatem supergressos, *atrophia* vero iuniores magis adfligit.
3. *A phthisi*, quod ex adfecta parte ipsisque causis, pulmone scilicet & exulceratione eiusdem patet.
4. *Ab aridura partium*, quæ aliqua tantum membra infestat, *atrophia* autem vniuersum corpus occupat.
5. *Amaciæ*, ubi tantum pinguedo consumitur: in *atrophia* autem ipsæ quoque partes musculosæ contabescunt.
6. *Arhachitide*, quæ consecretarium potius ac productum est *atrophiæ*.
7. Differentia tandem ipsius *atrophiæ* ex infra dictis *signis* atque *caussis* patebit.

## III. SIGNA.

*A*, In *atrophia*, ex obstructione *glandularum mesenterii* proveniente, sequentia signa adparent:

1. Languor & flaccida constitutio totius corporis in dies inualescens.
2. Remissio animi, fastidium omnium rerum, & summa sensibilitas.
3. Color faciei deprauatus cum aliqua eiusdem inflatione & labiorum pallore.
4. Oculi fulgore pristino destituti sunt, palpebræ interdum post somnum tument, & reliquæ corporis partes externæ contabescunt.
5. Somnus est levis & inconstans.
6. Adpetitus vagus, frigida magis desiderans.
7. Angustia & maior molestia post cibum.
8. Calores interni cum siti multa ac siccitate oris.
9. Abdomen turgidum, durum, & in progressionem huius mali flaccescente nonnihil abdominis tensione, nodis tactu sentiendis obsessum deprehenditur, *Conf. observat. Ludovici in A. N. C. dec. I. an. III. p. 453.*
10. Aluus plerumque iusto ficior est & adstricta.
11. Vrina crassa, interdum plane chylosa adparet.
12. Corpus sensim extenuatur, concurrente febricula & maiore siti per noctem potissimum adfligente.



13. Quæ symptomata nonnumquam ita exacerbantur, ut æstus fere hecticus cum virium notabili decremento ægri certo tempore incurrant.

B. Quando autem, secundum quorundam auctorum observationes, ab *obstructione tunice villosæ* intestinorum atrophia nascitur, sequentia præcipue signa sese manifestant.

1. Nulli nodi sunt sentiendi.

2. Alius quæ alias siccior, quam maxime est fluxilis cum reiectione ciborum semidigestorum.

3. Febris quando occurrit, longe lenior observatur.

C. A *vermibus* tandem atrophia dependens, in adultis signa admodum habet dubia, in iunioribus vero satis manifesta, nempe

1. Conqueruntur de variis abdominis doloribus *spasticis*, & maxime *morsicantibus* circa umbilicum.

2. Experiuntur varia *tormina* tenesmodea, ut sæpius desiderare conentur, in primis ieiuno stomacho.

3. Vexantur crebrioribus *vomendi* conatibus, sub quibus copiosus liquor in os effunditur; id quod *lumbrico* sic dicto *cordiali*, dem *Sterc. Verm.* vulgus adscribit.

4. Nares perpetuo mucoso adfluxu, immo excoriatione adfectæ sunt, ob perpetuam titillationem ac frictionem.

5. Foetor oris, ut & fæcum alvinarum est teterrimus.

6. Quibus omnibus frequentissimæ sternutationes interdum iunguntur. *Conf. tabul. de vermibus.*

D. Malo diutius in *teneris* persistenti, non raro succedit *rhachitis*, vulgo die Englische Kranchheit, cum tumoribus & superadcretionibus artuum, mit gedoppelten Gliedern, vel incurvatione tibiarum, spinæ dorsæ, gibbosa deformatione, coxis excrecentibus, daß die Hüfte auswachsen; quæ atrophiam quidem solvunt, sed tristi spectaculo sæpe per ætatem corpus deturpant.

#### IV. SVBIECTA

1. Atrophia est morbus *potissimum infantilis*, quem tenera hæc ætas facile incurrit post diapnoën subito repressam, item post præmaturam exhibitionem cibi nimii crassioris & cerevisiæ fæculentæ, acidæ, lac coagulantis, in primis si potus









- potus frigidus noctu, sudante corpore, exhibetur, vel spontaneæ diarrhœæ adstringentibus supprimuntur.
2. Non raro etiam *pueri & adolescentes* ad modum voraces, diætâ cruda, obstruente, vel spiritu vini abutentes, vermibus infestari, vel in febribus male tractati, ab hoc malo infestantur.
  3. Hunc quoque morbum incurrunt homines, qui grauib. morbis, reliquias in visceribus relinquentibus, exhausti, vel nimis hæmorrhagiis debilitati sunt.
  4. Qui scrofulis vel glandularum externarum infarctibus obsessi sunt, sæpe etiam glandulas mesenterii habent obstipatas.
  5. Item insignibus internarum partium concretionibus laborantes.
  6. Tandem etiam effascinati, vel incantati, in quibus vitale negotium naturæ perturbatur, & sic actus etiam nutritionis confunditur.

## V. CAUSSÆ.

1. Causa *antecedens* est maxime infarctus glandularum meseraicarum, quibus chylus retardatur.
2. Obseruarunt etiam nonnulli auctores, quod *obstructio tunica villosa* huic malo ansam præbere possit: quando enim *oscula vasorum lacteorum*, in tunicam nerueam & crustam sic dictam villosam intestinorum hiantium, obstructa sunt & obdurata, aliter fieri non potest, quin chylo aditus ad massam sanguinis præcludatur.
3. *Vermes* quoque non raro hunc adfectum inuitant.
4. Causa *continens* est impeditus vel chyli vel lymphæ motus, a dictis causis antecedentibus inductus. Vnde tumor abdominis dependet. *Conf. causæ tab. de hydrope.*
5. Causæ *occasionales*, procatarticiæ & aduentitiæ in subiectis modo indicatæ sunt.

## VI. PROGNOSIS.

1. Quem ad modum atrophia in adultis & annosioribus raro prius dignoscitur, quam asciticos vel hecticos effectus



iam attraxeris, ita præfagium, horum malorum genio consonum, exinde redundat.

2. *Recentior* atrophia non difficulter tollitur, præcipue, quæ ab usu mucidorum, viscidorum, glutinosorum ortum traxit, & obstructionem tunicæ villosæ intestinorum effecit.
3. Quando vero ab *infarctu glandularum* orta est, difficilis ad modum est curatio. Nam
  - 1) altas facile agit radices.
  - 2) Febris accedens illa remedia, quæ ad resolutionem scirrhi efficacia sunt, non permittit.
  - 3) Huic difficultati adnumeranda est infantum pertinacia, quæ usum remediorum chronicum sæpe respuit.
4. *Dolor* quando adhuc adest in scirrho, bene nos sperare iubet, testatur enim, quod materia infarcta aliquo modo adhuc mobilis, & facilius resolutioni obsecundatura sit.
5. *Inueterata* contumax quidem est, longe autem felicioris curationis, & mitioris euentus observatur quam *hectica*.
6. Quo magis vero hæc complicatur, eo periculosior & intrastabilior atrophia existit; id quod fere fit in adultioribus.
7. Atrophia, quæ a morbis prægressis, e. gr. nimis hæmorrhagiis, febribus male tractatis, originem duxit, longe difficilior per sanatur, quam quæ ex diætæ vitiis exorta est.
8. Quo magis vrget *diarrhæa* in atrophia, eo citius succumbunt patientes.
9. Urina quando flammea redditur & rubicunda, cum frequente æstu ac phlogosibus post cibum, præsentiam hecticæ indicat.
10. Atrophia inueterata interdum degenerat in *rhachitidem*, quæ plurimum omnem respuit curationem.
11. Eiusdem quoque fortis est atrophia illa, quæ ab incantationibus provenit.
12. Quæ vero inducta est a vermibus, his enecatis & sublatis, atrophia, non nimium inueterata, feliciter tollitur.















## VII. METHODVS MEDENDI ET REMEDIA.

Ante omnia ratio habenda est caussarum, quæ atrophiam produxerunt. Sic

1. Quando *glandula meseraica* obstructa sunt, vel *tunica villosa* intestinorum in caussis est, primo loco sordes primarum viarum educendæ sunt per lenia *laxantia* & *abstergentia*. Huc faciunt: mercur. dulc. legitime præparatus, sal cathart. amar. arcan. duplicat. sal polychrest. vel syrupus de cichorio cum rhabarb. item sal Anglican. manna, syrupus de spina cerui, domesticus dictus. Hæc laxantia in progressionem curæ aliquoties repetenda, vel sequentibus subinde interponenda sunt.

2. Deinde ad infarctum glandularum meseraicarum quanto cyus expediendum, & debitum chyli ac lymphæ progressum restituendum, exhibenda sunt incidentia, resoluentia & attenuantia, cum tonicis martialibus sociata. In hunc finem laudantur

1) *Radices*: ari, vincetox. pimpin. alb. zedoar. leuist. imperat. galang petasit.

2) *Ex herbis* hederæ terrestr. in succo & iusculis.

3) *Salia enixa digestiua*: tart. vitriolat. arcan. duplicat. sal absinth. centaur. min. card. bened.

4) *Composita*: tinct. antimon. tartarifat. tinct. salis tartar. essent. succin. essent. alexipharmac. *Stahlii*.

5) *Tonica martialia* huc facientia sunt: crocus martis antimoniat. aperitiuus *Stahlii*, tinct. vitriol. mart. *Ludovici* e. gr.

Recip. tartar. vitriolat. draehm. I.

croci mart. antimoniat. subtiliss. scrup. I.

Misc. dosis pro ætatis ratione differt, a gr. 6. 8. 10. 20. qui pulvis bis quotidie sumendus, & per duas vel tres hebdomades, subiuncto post octauum circiter diem aliquo semper laxante, continuandus est.

3. Si quid febrilis, vti fere fit, concurrît, pulueri modo descripto antimon. diaphoreticum, & vrgente æstu, nitrum immisceri potest in infantibus, pueris insuper essent. alexi-



lexipharma. multa essent. scordii saturata propinetur; infantibus autem adhuc *sugentibus* talia non æque conueniunt, sed nutricibus potius exhibenda sunt.

4. Cum hisce internis coniungantur simul *externa*. Laudantur præ aliis

- 1) *Emplastrum* saponat. *Barbette*, quod abdomini late impositum probe resoluit & aluum relaxat, vnde nonnullis das *Purgier* & *Pflaster* audit. Item emplastr. de ammoniac.
- 2) *Linimenta*, quæ præcedentibus tabulis ad infarctus viscerum commendata sunt, e. g. ex oleo laurin. lumbricor. terrestr. vnguent. de althæa & oleo ceræ.
- 3) *Balnea* ex aqua dulci parata, *vid. cautel.*
- 4) Contactus *manus* illius hominis, qui *tabe mortuus* est. Hoc enim remedium quoniam scrofulas discutit, multo magis infarctus restituere ab illis creditur, qui ad propriam experientiam prouocant.
5. Quando autem adfectus a *vermibus* originem ducit, illæ necandæ sunt ac eliminandæ. *Confer. tabul. de vermibus, & infra cautel. 2.*
6. Remotis impedimentis *nutrientia*, & alimenta, laudabilem chylum largientia, porrigantur, v. g. iuscula hordeacea, lacticia, emulsiones, gelatinæ cum amygdalis &c.
7. De cura specialioribus causis destinata sub cautelis dicemus.

#### VIII. CAUTELÆ ET OBSERVATIONES PRACTICÆ.

1. Quum morbos curare, sit causas eorum tollere; hinc in atrophia semper ad causas specialiores, huic malo ansam præbentes, respicere, easque conuenientimodo remouere decet Medicum.
2. Quando itaque *vermes* hoc malum induxerunt, non cedit atrophia, nisi colluies ista anthelminticis amaris, e. gr. myrrha, sem. santonici cum pane mellito, vel insipidis, v. gr. corallina, C. C. vsto, mercurialibus, enecetur, & extra corporis fines proscribatur. *Conf. tab. de vermibus.*









3. Sia nimia *sanguinis profusione* nata sit atrophia, gelatinis nutritibus vires reficiantur.
4. Quod si vero magicas *incantationes* subesse certum sit, res est calamitosa. Commendantur autem in talicasu *balnea* ex antimagicis parata, e. g. sideritide, conyza flore violaceo, stoechad. citrin. antirrhin. aruens. hyperico, abrotano &c. cum formicis.
5. *Balnea* in omni tabe, tanto magis in infantibus, egregie conveniunt, non opus autem est, peculiaria additamenta herbarum adhibere, nisi incantationis suspicio præsto sit, sed aqua dulcis sola sufficere potest.
6. *Vfus acidularum* internus, cum *vfu thermarum* externo effectum sæpius haud contemnendum edit in infarctu nondum inueterato.
7. *Sensibilitas* subiectorum ubique attendenda est, ne per vehementiora remedia, vel maiores doses iuniores & tenellos exagitemus & obruamus.
8. Adultioribus & non adeo sensibilibus *gummata* profunt. Gummi *ammoniacum* sane temperatissimum, *galbanum* autem iam nimis acre observatur.
9. *Mercurius dulcis* non repetitis & magnis dosibus propinandus est, vomitus enim in sensibilibus excitat, qui quidem non adeo reformidandi sunt, respiciendum autem est, ne plus iusto contingant.
10. Remedia *volatilia* ut & *martialia*, absque præmissa conveniente resolutione & euacuatione adhibita, materiam profundius in glandulas impellunt, & febrem augent, ut adeo facilius hectici fiant.
11. Circa *vsum topicorum* euitetur partim *nimia emollitio*, partim *nimia tonica reboratio*; priora enim *abscessum*, posteriora vero maiorem *indurationem* inducunt.
12. A multis *lacticiis* pueris & infantibus cavendum est; quando autem adhuc sugunt, nutritibus ad lac corrigendum exhibeantur remedia absorbentia, salina digestiva, diuretica, immo anticatarrhalia e. g. oculi cancri, arcan. duplic. essent. succin. pimpin. alb.
13. In *rhachitide* succedente eadem tractatio tutissima est, maxime



xime per tincturam antimon. acrem, & martialia cum radiceari, & salibus digestiuis. *Externe* linimenta, vel spiritus neruini, item balnea ex neruinis coronariis, in primis serpillo, frictiones, varia machinamenta, ad partes corporis in debitam molem, situm & ordinem reducendas, simul in auxilium trahantur.

14. Intermittentes suppressæ, reuocandæ & curandæ sunt per laxantia & digestiua. *conf. tab. de febre tertiana*: reuocatæ enim febres vtilem atrophicis exhibent medicinam.
15. In diætâ euitentur refrigerium, spiritus vini, potus noctu & ieiuno ventriculo concessus, faculentus, cibi crudi, azymi, acidi: eligantur ex aduerso iuscula aromatisata, decoct. C. C. passulatum, vel cum radic. polypodii, decoct. hordei, cum aniso, foeniculo, aliisque leniter resolventibus, quæ felicem curationis successum non parum promouent.

## TABVLA XLIII.

DE

## NEPHRITIDE.

## I. DEFINITIO.

Nephritis est adfectus renum inflammatorio-erysipelaceus, a congestionem sanguinis stagnatoria, hæmorrhoides externas eminus respiciente, natus. Deriuatur a *νεφρός*, ren.

## II. DIFFERENTIA.

1. Nephritis *simplex*, seu *pura*, differt a *calculosa* sequente ratione.

- 1) Nephritis *simplex* per longum tempus sine vilo calculo, & *calculus* ex aduerso sine vlla vera nephritide ægrum potest adfligere.

- 2) In nephritide *simplice* occurrit dolor & ardor lumborum









rum profundus, premens & tendens; in *calculosa* autem dolor acutissimus adfligit, *conf. signa* subsequencia.

3) In *simplice*, vrina post sui demum refrigerationem, vti in omnibus arthriticis adfectibus; *crystallos* pellucidas & rubicundas lateribus vitri adfigit; in *calculosa* vero sabulum non adeo rubrum statim post emissionem, vel pauciore mora, in fundo subsidet.

4) *Simplex* placido corporis motu, præcipue ambulatorio, subleuatur; *calculosa* autem per illam exasperatur, & quieta continentia potius mitescit.

5) Tandem *calculosa* vix umquam curatur, *simplex* autem quando tempestive & legitime ei succurritur, omnino curari potest & solet.

2. Nephritis *vera* differt a *nephritide spuria*, quæ dolore spastico, tensivo & lancinante, in externis potissimum dorsi & lumborum musculorum partibus se se manifestat.

3. Differt quidem *profundus nephriticus* dolor a doloribus *ischiadiciis*, qui magis externas musculosas partes adficiunt, ob conspirationem autem caussarum & vasorum, quam nephritis cum malo ischiadico fouet, hi dolores ita interdum colludunt, vt dubium videatur, num magis rheumatico-ischiadici, an vero nephritici habendi sint.

4. Differentiam doloris *colici* in regione lumbari a nephritico docent diuersitates subiectorum & antecedentium caussarum.

### III. SIGNA.

1. Dolores in regione lumborum, non ita frequenter *utrumque*, sed potius *alterutrum*, præcipue vero *sinistrum* latus occupantes.

2. Sunt illi sub initium magis tendentes & prementes;

3. Sensim autem fiunt acutiores, lancinantes & inflammatoriæ acerbitalis, cum anxia inquietudine.

4. Occupat hic dolor ægrotos sæpe numero cum commotionibus febrilibus, horrore nempe, vel ad minimum cum horridula vaga percurfatione;

Aaa

5. Cui



5. Cui succedit calor acri ardore molestissimus.
6. Querela de imminutione aut plane cessatione adpetitus, virium summa deiectione & siticulositate.
7. Somnus vel plane nullus, vel tamen ad modum inquietus est.
8. Concurrit capitis dolor obtusus, aut ad minimum perturbatio & vertiginosa debilitas.
9. Interdum molestia circa primas vias, nempe tormina intestinorum colica, & vomitoria ventriculi subuersiones, siue concurrunt, siue nouum insultum præcedunt.
10. Nonnunquam dolor per totum femur excurrit, vel tamen illud stupore & rigore adficitur.
11. Impetus non per multos dies, sed per paroxysmos sævit, interpositis longis, præcipue agro cautius viuentem, interuallis.
12. Sub impetu alius potissimum adstricta obseruatur.
13. Adest conatus mingendi crebrior, vrina parcior, tenuis, vel, si obtusi solum dolores adsint, crassior, & filamentis quasi mucidis imbuta procedit.
14. Nonnunquam vasa spermatica, quæ ad testes procedunt, tumore & dolore simul adficiuntur; de qua re legi meretur *theoria Stahlî pag. 1126. seqq.*

#### IV. SVBIECTA.

Nephritidi præ aliis obnoxii sunt homines

1. Temperamenti *sanguinei*, aut dominante sanguineo præditi, qui sunt habitus corporis laxi, spongiosi, succulenti.
2. *Hippocrates* nephritidem non nisi *senioribus* familiarem obseruauit, sed in nostris *regionibus* & *moribus* etiam *consistenti* ætati euenit.
3. Iunior autem & infantilis ætas ab hoc morbo non corripitur, nisi hæreditaria dispositio, vel violentæ causæ externæ concurrant.
4. Sexus virilis longe frequentius a nephritide exercetur quam femininus, utpote a motibus hæmorrhoidalibus magis immunis existens.

5. Qui









5. Qui post adfuetæ sanguinis euacuationis neglectum motibus corporis concussoriis fortioribus se exponunt.
6. Vel causis occasionalibus subsequenter subiacent.
7. Podagrici & ischiadici plurimum sunt nephritici, ob connexionem causarum & vasorum.
8. Nephritidi *spuria* præcipue subiacent illi, qui hæmorrhoidum fluxum vel iam sunt experti, vel ad eundem procliues.
9. Itidem qui a vita agili ad otiosam transeunt, & diætâ calidâ, venere & fortioribus motibus succussoriis gaudent.

## V. CAUSSAE.

1. Causa antecedens *remota* est status plethoricus.
2. Causa antecedens *propinqua* est rheumatica congestio sanguinis versus renes, hæmorrhoides *eminus* respiciens.
3. Causa *immediata* & *proxima* est stasis sanguinis congesti in renibus, propter quam motus inflammatorius accedit.
4. Causæ *occasionales* & *procatarticae* sunt:
  - 1) Euacuationes sanguinis naturales neglectæ.
  - 2) Artificiales adfuetæ prætermittæ.
  - 3) Abusus diureticorum calidorum & acrium e. g. oleorum destillat. terebinthin. iuniper. succini, balsam. sulphur. spirit. acris empyreumat. tartari &c.
  - 4) Abusus veneris & aphrodisiacorum, e. g. stinc. marin.
  - 5) Violentæ corporis & animi commotiones per vecturam, equitationem & iracundiam.
  - 6) Violentæ læsiones per ictum, lapsum &c. in regionem lumbarem.
  - 7) Diætâ calida, aromatica, vinosâ.

## VI. PROGNOSIS.

1. Nephritis *simplex*, si mature & recte illi consulitur, potest curari, *calculosa* autem vix umquam.
2. Licet enim quævis internæ inflammationes grauioris momenti æstimandæ sint, nephritis tamen omnibus aliis leuior habetur, ob perpetuam abstersionem, & corruptionis inhibitionem per vrinam præterlabentem.
3. Inter ea metum facit subsecuturæ exulcerationis, quæ pro-



- ximam viam munit ad calculum generandum & hecticam renalem inuitandam.
4. Quo frequentius & acrius paroxysmi redeunt, eo maius periculum minantur, & eo grauius exulceratio praualescit.
  5. Rarissime fit, vt ren vterque corrumpatur, sed plerumque tantum sinister.
  6. Quo maior ebullitio sanguinis adest, eo peior est stasis inflammatoria. Hinc in iunioribus longe vehementius nephritis exacerbatur, & difficilius tollitur, quam in senioribus, vbi minor orgasmus occurrit.
  7. Quo copiosius calidiora diuretica in vsum trahuntur, eo pertinacius adfectus persistit, & eo certius calculus renalis & hectica sese adfociant.
  8. Hippocrates aphor. XI. sect. VI. iam obseruauit, quod hamorrhoides, nephriticis superuenientes, pathemata huius adfectus soluant.
  9. Aluus adstricta dolores exacerbatur.
  10. Nephritis spuria non raro in senibus marasmodum post se relinquit.

## VII. METHODVS MEDENDI ET REMEDIA.

### A. In paroxysmo.

1. Ante omnia aluus expediatur per clysterem, non stimulantem, sed emollientem, cum lacte vel iure carniū parandum. Simon Pauli, experientia duce, commendat herbam veronicæ coctam, & cum oleo quodam atque paucissimo sale adplicatam.
2. Deinde ad *orgasmodum* sanguinis & ardorem temperandum, exhibeantur
  - 1) Pulueres nitrosi, cum sale quodam digestiuo & cinnabari optima coniuncti, ac intra tertiæ horæ spatium repetendi; immo nitrosa ipsa in potu.
  - 2) His pulueribus versus vesperam antimon. diaphoreticum cum absorbente quodam immisceatur e.g. antimonii diaphoret. gr. VIII. ocul. cancr. gr. IV. pro dosi.
  - 3) Huic indicationi etiam fauent *emulsiones*, cum aquis diaphoreticis & temperantibus. e.g.















Recip. semin. card. Mariæ drachm. III.

papau. alb. drachm. II. contus. adfund.

Aquæ scord. veronic. scabios. card. bened.

sambuc. chærefol. ana vnc. I. aquæ rosarum,

cinnamom. ana vnc. semis, fiat s.a. emulsio,

cui adiiciantur antimon. diaphor. drachm.

I. ocul. cancr. scrup. II. & edulcoretur cum  
saccharo.

4) It. serum lactis, decoct. ex scorzoner. hordeo, C.C. ebo-  
re, gelatina C.C. ol. amygdal. dulc. cum spermate  
ceti vel manna, decoct. *Foresti* ex semin. althææ, malu.  
cicer. rub. IV. frigid. maior. hord. caric. pingui. sebest.  
rad. liquirit.

3. His temperantibus interponatur semel vel bis ante meri-  
diem essent. alexipharmaca acidulata, sed sine regimine,  
ad æqualem tantum distributionem humorum obtinen-  
dam.

4. *Externe* conducunt ad *discussionem*

1) sacculi sicci ex floribus chamomill. melilot. semin. fœ-  
nu græc. &c. lumbis imponendi.

2) Spiritus serpilli abstractus, dolenti regioni adpli-  
candus, item spiritus formicarum.

3) Emplastrum saponat. *Barbette*, quod tamen non ultra  
10. 12. horas in lumbis relinquendum, alias facile  
euenit, quod sub *signis* num. 12. indicatum est; vel  
loco dolenti applicetur vnguentum Comitissæ, aut  
refrigerans *Galenii*, it dialth. cerussæ.

5. Ad *reuulsionem* autem congestionis inflammatoriæ, præ-  
ter clysteres superius commendatos, aliquid etiam con-  
tribuunt

1) *Friktiones* & *ligatura* partium oppositarum.

2) Quando nimium increbescit, applicatio *hirudinum*;  
quæ omnia quoque *ischuria* accedenti subueniunt.

6. Remittente autem insultu, vsum laudabilem præstat MR.  
polychresta *Stahlii*, ad tonum in renibus restaurandum.

7. Toto medicationis tempore sufficiens humectatio necessa-



ria est, in quem finem potus tepidus, dilutus, leuiter acidulatus & potus thée laudatur.

B. *Extra paroxysmum.*

1. *Vena sectio* æquinoctialis in pedē numquam negligatur, vel *sacrificatio* menstrua.
2. *Dyscrasia* humorum interdum per lenia *laxantia*, e.g. rhabarb. sennam, passulas educatur.
3. Negotium hæmorrhoidale prudenter respiciatur.
4. Alui siccitas, huic adfectui familiaris, corrigatur diætā molli, lubrica, temperata & diluente : vitando diætā calidam, vinosam, aromaticam, venerem & iracundiam.

VIII. CAUTELÆ ET OBSERVATIONES PRACTICÆ.

1. Nephritis *simplex* a *calculosa* distinguenda quidem est, ad *prognosin* tanto certius formandam, ad vsum autem *præcticum* hæc distinctio non adeo insignis est utilitatis : vni-formis enim horum malorum tractatio tutissima censenda.
2. *Sanguinis ventilationes*, vti semper ad anteuertendum morbum maioris efficaciam sunt, quam ad curandum, ita etiam præstat, in paroxysmo nephritidis ab illis abstinere.
3. Vbi autem insignis *plethora* concurrit, ibi *vena sectio in pede* vix poterit omitti ; quæ in vrgente tali casu statim post clysteris adplicationem instituenda est.
4. *Extra paroxysmum* tempestiuæ *vena sectiones* & *hirudines* non solum multum leuaminis adferunt, sed etiam futuræ medicationi viam præparant, vt longe veriore effi-caciam exhibeat.
5. A medicatione *calida* & *acriore*, sanguinem feruidius com-mouente, quam maxime hic cauendum est.
6. Inprimis pessimi sunt effectus vsitata hodie *diuretica*, præcipue oleosa, e.g. ol. destillat. terebinth. iuniper. succin. pic. spiritus acris empyreumat. tartari, spiritus nitrī simplex & clyssiiformis, immo, largiore vsu, etiam dulcificatus ; millepedes, raphanus rusticanus, bacca alkekeng. arill. cynosbat. amygdalæ rancidæ & amaræ ; in sensibilibioribus etiam aqua fragorum, petroselini &c. quæ aucta vlceratione, calculum citius progenerant.

7. Ipsa










7. Ipsa *salia volatilia*, tanto magis *oleosa*, sanguinis orgasmum, & congestionem ad renes augent: Vnde hæc quidem nullius, illa autem, declinante paroxysmo, alicuius adhuc vsus sunt.
8. Externe *fotus* calidus egregium doloribus adfert solamen.
9. Nimia *refrigerantia* inflammatoriam stasim magis coagulant, *leniora* autem, antea laudata, eandem mitigant.
10. *Sacculi* ex speciebus paregoricis, siue *ficci*, siue cum *vino* cocti, inter discutientia fere ceteris sunt præferendi.
11. *Thermæ* externe aliquam vtilitatem præstant. *Acidularum* temperatarum vsus internus non esset contemnendus, nisi labis internæ suspicio dehortaretur.
12. *Emplastica* obstruunt poros, & sic discussionem staseos remorantur; emplastrum autem *Barbette*, cum prædicta cautione vsurpatum, egregii & præsentis est effectus.
13. *Camphora*, licet alias externo vsu satis potenter succurrat inflammationibus, in nephritide tamen cautius adhibenda est, ob diureticam, quam efficit, stimulationem: unde vel plane omitti, vel cum refrigerantibus mixta adplicari debet.
14. *Millefolii* vsus in hoc malo haud sincerus est & probatus.
15. Nephritici ab oneratione *primarum viarum* ad modum sibi caueant: ob singularem enim consensum huius mali cum ventriculo & intestinis omnia edulia flatulenta, leguminosa, concoctu difficilia e. g. carnes fumo indurata, pisces duriores, oleracea nimia, caseus macrior &c. nephritidem præsentissime exacerbare sentiuntur.
16. *Purgantibus* autem *acrioribus* sordes primarum viarum eliminare velle, infelix est tentamen: *blandiora* conceduntur.
17. Excretionem *urinae* legitimam conuenit respicere, quam, vti diuretica acriora disturbant, ita pulueres, sub methodo commendati, placide promouent.
18. Diuretica *culinaria*, e. g. petroselin. asparag. apium, ciceres rubri, cepæ, allium, raphanacea &c. nephriticis non concedantur.



19. In refractaria alui obstructione clysteribus commode M. P. *Beccheri* vel *Staklii* misceri potest. e. g. drach. semis ad drachm. j.
20. *Vinum*, licet adfuetum, parcissime tamen sumendum: tantum eius proderit, quantum cibis parandis admisceri potest.
21. Mutatio potus spirituosus in aqueum calidum, optime nephriticis solatur.
22. Quaecumque in *pectoris* vitiis solamen adferre solent, ea *renalibus* quoque læsionibus commode subueniunt. *Conf. tab. de phthisi caut.*
23. Quam ob causam & vulneraria, pectus consolidantia, renum ulceribus & calculorum prouentui, maxime nephriticis recursibus, obuiam eunt, e. g. consolid. Saracen. heder. terrestr. in forma theæ usurpata.



## TABVLA XLIV.

DE

CALCVLO RENVM ET  
VESICAE.

## I. DEFINITIO.

1. Calculus *renum* est concrementum quoddam mucido-salinum a congestoria sanguinis stasi, & hinc subnata huius visceris corruptione, siue ulcerosa, siue apostematode oriundum.
2. Calculus *vesicae*, qua talis, est concrementum mucido-salinum, ex hæreditaria parentum labe plerumque transmissum & progenatum.

## II. DIFFERENTIA.

1. Calculus *renum* a calculo *vesicae* differt sequentibus.

1) *Magnitudine*: *renalis* enim pisi mensuram raro excedit,  
*vesicae*









*vesicalis* autem ita saepe excrescit, vt ab oui columbini mole vsque ad anatini magnitudinem accedat.

- 2) *Textura*: *renalis* frequentissime asperitatem in superficie exhibet, *vesicalis* autem glaber & laeuigatus quasi adparet, insuper ex pluribus lamellis, ceparum similitudine sibi inuicem superinductis, ac ætatem circiter huius concrementi designantibus, constat, in meditullio autem sui substantiam plerumque sabulosam fouet.
  - 3) *Firmitate*: *renalis* ante, quam siccior euadit, fragilis, immo friabilis, *vesicalis* autem durus est.
  - 4) *Numero*: in renibus multi ordinarie calculi reperiuntur, in vesica autem pauci, immo saepe vnicus tantumprehenditur.
  - 5) *Colore*: *renalis* ordinarie rufescit.
  - 6) *Calculus renum* frequentius occurrit, quam calculus vesicae.
  - 7) *Reliquam differentiam signa, subiecta & causse* docebunt.
2. Calculi *renalis* differentiam a *nephritide*, & conuenientiam pariter cum illa, præcedente tabula exhibuimus.
  3. Calculus *renum* non confundendus est cum *tartarea* illa *concretionem*, quæ in vrinis atthritico-rheumaticorum obseruatur, & vulgo hominibus pro sabulo imponit: nam verum sabulum, & calculi, statim post vrinae missionem in consistentia solida fundum petunt, concretum autem tartareum arthriticorum post refrigerium demum vrinae coalescit.
  4. Calculus *vesicae* est vel
    - 1) *indigena*, qui in ipsa vesica natus, aut educatus est; vel
    - 2) *aduena*, qui ex renibus per vretes in vesicam prolabitur, & vltius dehinc promouetur.
  5. *Motus* calculosi ab ipsa calculi præsentia bene sunt distinguendi: saepe enim ingentes spastico-dolorifici motus adsunt, vbi tamen vel nullus, vel tantum exiguus calculus, præcipue in vesica gestatur, sine insignibus doloribus & vitiis vrinae.



6. Divisio calculi *in dolentem & non-dolentem* fundata potissimum est *in subiectis*: Phlegmatici enim, ob laxiorem partium texturam tam exquisitos dolores & cruciatus numquam incurrunt, quos sanguinei experiuntur. *Conf. signa calculi renalis.*
7. Ceterum in aliis quoque corporis partibus, e. g. hepate, pulmonibus, concrementa eius modi occurrunt, quæ cum adfectu nostro, qui καλ' ἐξοχήν calculus dicitur, quod ad causas præcipuas attinet, conueniunt.

### III. SIGNA.

#### i. Calculi renalis.

- 1) Dolor in lumbis vel vtrimque vel in alterutro tantum latere.
- 2) Isque profundus, constrictorius, tensius, pressorius & talem sensum exhibens, ac si palus ibidem infixus esset: ad minimum a suspitione suppurationis aut ulcerationis non alienus est.
- 3) In pure sanguineis hic dolor ad exquisitissimos cruciatus, & inflammatorios ardores excedit.
- 4) In phlegmaticis autem stupor solum, languor & flatulentia obseruatur.
- 5) Quieto corpore dolor notabiliter mitescit, a leui autem occasione paroxysmus denuo prouocatur.
- 6) Tempore huius exacerbationis ægri, præcipue sanguinei, multa & diuturna horripilatione, vel frigore plane percelluntur, cum phlogosis intercurrentibus, & tonici motus alternis mutationibus, donec tandem calculi excretio subsequatur.
- 7) In paroxysmo autem curuati incedere coguntur calculosi.
- 8) Ipsi motus conuulsiui in grauiore paroxysmo eosdem interdum occupant.
- 9) Aluus ordinarie adstringitur.
- 10) Interdum dolor quidam in glande penis sentitur, & paruuli calculi seu granula quædam *fastigiata*, quæ faciem crystallorum salinarum repræsentant, in illa reperiuntur.

11) Quan-









- 11) Quando calculus per vreterem descensum tentat, ad regionem ossis *ilii* vsque dolor excurrit.
  - 12) Qui in vno magis latere calculum gerunt, illi tempore exacerbationis stuporem femoris & restrictionem testiculi in illo latere persentiscunt.
  - 13) Vomitus, tormina colica & defectus appetitus saepe paroxysmum antecedunt, sicuti *mictus cruentus* ipsius calculi genesis.
  - 14) Vrinae vitia frequenter concurrunt: modo enim ischuria, modo dysuria, modo, & saepissime quidem, adfectus ex his duobus mixtus, nempe stranguria, affligit.
  - 15) Præterea interdum sabulo, interdum paruulis calculis, interdum mucoviscido, ab ordinario vesicæ mucoviscido distinguendo, vrina imbuta est.
  - 16) Renes calculosi, facta sectione, ordinarie flaccidi, semiconsumti, cum purulentis & fistulosis tractibus reperiuntur.
2. Calculi *vesicalis*.
- 1) Calculus *vesicæ* magis ad quietem compositus est, quam *renalis*, cuius elidendi conatus fere indomiti existunt.
  - 2) Quando autem concrementum illud in vesica commouetur, tum atrocissimi dolores inducuntur.
  - 3) Hic vitia vrinae æque ac in renum calculo occurrunt, nempe frequens stranguria aut plenaria huius excretionis suppressio.
  - 4) Quando patientes desident, sensum alicuius ponderis in perinaeo observant.
  - 5) Qui sensus post vrinae missionem facile exacerbatur.
  - 6) Vrina, quando omnino procedit, furfuraceum quasi mucum exhibet, interdum etiam aliquid arenæ.
  - 7) Speciale signum est, huiusmodi ægros varia spastica incommoda circa anum & genitalia persentiscere.
  - 8) Specialissimum & omnium certissimum sumitur a contactu calculi per cateterem.

## IV. SVBIECTA.

1. Calculi *renalis*.

Bbb 2

1) Ea-



- 1) Eadem fere subiecta, quæ a nephritide corripuntur, calculo etiam obnoxia euadunt, nempe
- 2) Homines temperamenti *sanguinei* dominantis, habitus corporis laxi, porosi, & spongiosi, in quem sanguis altius penetrare potest.
- 3) *Graciliores* rarissime a calculo infestantur, nisi vel hæreditaria dispositio vel causa violenta, externa, vel peruersa empirica aliorum adfectuum tractatio, vel euacuationum sanguinis adfuetarum suppressio, aut neglectio, accedat.
- 4) *Ætas* iuuenilis, frequentius autem virilis, & sæpe etiam senilis huic malo ordinarie exposita est.
- 5) *Hæmorrhoidarii*, si hunc fluxum sæpe, diu & copiose habuerint, post ea autem illius suppressionem incurrant, valde præcipites sunt in mictum cruentum, nephritidem & calculum renalem.
- 6) Vel quibus hæmorrhoides parce & impeditæ succedunt.
- 7) *Podagrici*, multum & grauiter a suo malo vexati, sæpe etiam a calculo adfliguntur.
- 8) *Sexus virilis* longe magis calculo *renum* expositus est, quam *femininus*.

## 2. Calculi *vesicalis*.

Calculus vesicæ euenit

- 1) *Ætati* puerili, immo infantili, si vel parentes, vel proximi agnati, calculosi aut arthritici fuerunt; ad quod negotium falsa *nutricum* diætâ multum etiam contribuere potest.
- 2) *Ætati* autem adultiori & senili, quando calculus euenit, is ordinarie *natales* suos renibus, & *incrementum* tantum vesicæ debet.

## V. CAUSSAE.

### 1. Calculi *renalis*.

- 1) Causa *antecedens remota* est congestio seu restrictio sanguinis versus renes.
- 2) Causa *antecedens propinqua* est inflammatoria stasis, & deinde corruptio, siue purulenta, siue falso-ulcerosa
- 3) Causa















- 3) *Causſa proxima & continens* eſt lymphæ γλιſχερά ſeu glutinoſa, quæ ex vlcere renali exſudat, & accedente ſalſugine vrinae, primum in lentum mucorem, mox in tophaceam cruſtam, & ſenſim in duritiem conuertitur, quod concrementum tam diu augetur, donec aliqua occasione auulſum conſtrictione peluis atque vreterum, in veſicam detrudatur.
- 4) Calculum enim non conſtare ex ſola materia lapidea & terrea, adparet primo exinde, quod neque totus, neque breui in menſtruis ſalinis ſoluatur, deinde, ſi excretus libero aëri exponitur, pondere notabiliter imminuatur, tertio igni commiſſus non ita parum ſalis volatilis, olei empyreumatici & humiditatis exſpiret, & quarto, recens eiectus friabilis fit.
- 5) *Cauſſæ procatarcticae* ſunt vel phyſicae, e. g.
  - a) Concusſio corporis per nimiam equitationem aut vecturam.
  - b) Lapſus aut ictus in lumbos.
  - c) Abuſus vini & veneris.
  - d) Abuſus diureticorum calidorum; vel
- 6) *morales*, eæque omnium efficaciffimæ e. g.
  - a) Iracundia.
  - b) Terror etiam, licet ἀνομαλῶς.
  - c) Quibus hæreditaria diſpoſitio omni iure adnumeratur.

## 2. Calculi *veſicalis*.

Huius cauſſæ eruendæ diu exercuerunt Medicos, quorum alii fundamentum in exſiccatione muci per exhalationem quaſiuerunt, alii autem certos ſpiritus *petrificos* & entia *lapidifica* finxerunt; ſed genuina ratio calculi *veſicae* non multum diſpar eſt rationi calculi *renum*, nempe

- 1) *Cauſſa formalis* conſiſtit in erroribus motuum excretoriorum, per hæreditatem communicatis.
- 2) *Cauſſa materialis* eſt materia mucido-ſalina, quæ per motum talem erroneum nimis copioſe in hac ætate ad vias vrinarias propellitur.

3) *Cauſſæ*



- 3) *Caussæ occasionales & procatarecticae* sunt
  - a) *diæta crassa* in tenera ætate.
  - b) *Potus fæculenti & acidi.*
  - c) *Vehementes abdominis concussiones.*
  - d) *Situs infantum in vtero etiam aliquid ad hunc censum potest contribuere.*

## VI. PROGNOSIS.

### 1. Generatim

- 1) *Verus calculus eiusmodi malum est, quod rarissime extirpatur, adeo, ut iactatæ huius morbi heroice curationes omni iure in dubium vocandæ sint: sæpissime enim in talibus casibus error subest diagnoseos, & tartarus urinæ crystallinus pro sabulo vero diiudicatur.*
- 2) *Calculosi pereunt sæpissime hecticis consumptionibus; quando autem grandior calculus præsto est, præcipue in vesicam prolapsus, tum exacerbationibus, immo conuulsionibus, febris facile acuta superuenit, & mortem accelerat.*


### 2. Calculi renalis speciatiim

- 1) *Constans persanatio non speranda est, sed*
  - a) *vel frustra tantum, & quidem ad breue tempus, sopitur*
  - b) *Vel in hæmorrhoides aut podagram fit transitus; quo tamen casu vix umquam impetus aut solidus proventus calculi tollitur.*
  - c) *Vel transit denique in magnam ulcerationem renum, quam non inepte phthisin renalem quidam adpellant.*
- 2) *Non desunt quidem exempla, quæ semel iterumue calculo renum laborarunt, & liberata sunt, sed id bonitate magis vegetæ naturæ, quam medicamentis factum est.*
- 3) *In subiectis autem annosis, & præsentem virium iactura, nihil integrum est sperare.*
- 4) *Constitutionem autem ulceroso-calculosam in renibus æque ac in phthisi pulmonali, per plures annos ab euentu lethali defendi posse, experientia docet.*

5) Non-









- 5) Nonnulli calculosi cum quotidie materiam vlceroso-ichorosam emiserint, a calculis post ea immunes vixerunt.
- 6) Mictus cruentus, vt calculum renalem saepe antecedit, *vid. signa*, sic etiam eidem frequenter superuenit, rarissime tamen illis; qui magnorum calculorum vel multorum tenuiorum, prouentu laborant. Hinc quo copiosius in talibus constitutionibus calculosis sanguis per mictum cruentum excernitur, tanto minor vel dolor vel calculi prouentus, aut concursus deprehenditur.
- 7) Calculus maioris molis minores & perraras excernendi molestias facessit.
- 8) Quo magis autem asper est, eo acutiores infert dolores.
3. Calculi *vesicalis* in specie.
  - 1) Vesicae calculus, praecipue maior, toti pharmaciae hucusque non obedit, sed chirurgica plerumque subsidia efflagitat.
  - 2) Licet autem chirurgica operatione semel sublatus sit calculus vesicae, nouae tamen concretionis periculum semper impendet.

## VII. METHODVS MEDENDI ET REMEDIA.

Calculus renum & vesicae vna eademque pharmaceutica methodo commode tractantur.

### 1. In *paroxysmo*.

- 1) Prae omnibus alius per clysteres expediatur, & si etiam aperta sit, aliquoties tamen adhibeantur: hi enim anxietates syncopticas, & tormina colica, eximie levare solent, praecipue ex veronica parati.
- 2) His protinus iungantur pulueres nitroso-temperantes cum sale digestiuo & cinnabari combinati, e. g.

Rec. Nitr. depurat.

tartar. vitriolat. ana drach. II.

ocul. cancr. acido citri saturat.

sang. hirci praeparat. ana drach. I.

cina-



cinabar. opt. scrup. II. M. dos. scrup. I.

Singulis binis horis repetatur, donec dolores mitescant.

- 3) Loco huius pulueris *senibus*, salia minus tolerantibus, exhiberi possunt diluentia, lubricantia & emulsiva.

Huc pertinent

a) Diluentia calida ex infusis thee, coffee, decoctis aperitiuis ex cichor. asparag. &c.

b) Lubricantia pingua & emollientia, e. g. oleum amygdalar. dulc. emulsiones dulciores, & abunde saccharatae, ne vel in mucorem, vel in acerbam austeritatem degenerent, mucilago hordei, auenae, infus. lini.

c) Pectoralia fere omnia.

d) Decoctum nephriticum *Foresti*.

e) Conserua rosarum.

f) Decoctum & succus rad. altheae, glycyrrhizae.

- 4) In dolorum nimia exacerbatione anodynorum refractae doses interponantur. Huc pertinent

a) Theriaca caelestis.

b) Massa pilularum de cynoglossa.

c) Pilulae *Wildegansii* genuinae.

d) Tinctura opii *Langelotti*.

e) Cum hisce anodynis alexipharmaca coniungantur.

- 5) *Externe*, praeter clysteres superius commendatos, simul in auxilium vocentur relaxantia.

a) Balnea ex furfuribus cum semine lini, foenugraeci, &c.


b) *Fotus* aut calidi sacculi ex herbis & radicibus emollientibus, e. g. rad. altheae, maluae, herb. violar. parietar. chamomill. melilot. branc. vrsin. adiectis seminibus modo dictis.

c) *Vnguenta* emollientia ex pinguedine human. medull. ceruin. in calculo *vesicae*.

d) *Olea* in eadem calculi specie, e. g. ol. lumbric. terrestr. camphorae.

- 6) Vbi minorum calculorum praesentia satis constat, ibi pro









6) Vbi minorum calculorum praesentia satis constat, ibi pro subiectorum conditione *pellentia* subiungere, vel potius cum usu relaxantium coniungere consultum est. Huc pertinent *diuretica* & sic dicta *lithontriptica* temperata, e. g.

- a) Fraga, praecipue infusum illorum, cum spiritu vini.
- b) Fructus alkekengi.
- c) Fructus cynosbati.
- d) Nuclei persicorum.
- e) Rad. & herb. petroselini.
- f) Semen milii solis, violarum, vrticae, dauci.
- g) Ciceres rubri in decocto.
- h) Succus raphani, qui egregie pellit, & tamen aestum non augeat.
- i) Prae ceteris amygdalae amarae, quotidie 6-8. comestae.
- k) Item semen bardanae ad scrup. I.
- l) In infantibus aquae fragor. petroselin. vrticae minoris.
- m) Tincturae alcalinae. e. g. tinct. antimon. tartarizat. tinct. salis tartari.
- n) Diuresin etiam promouet pulvis ille salinus num. 2) descriptus.

7) Et quoniam febriles commotiones ordinarie accedere solent, opponi illis statim possunt alexipharmaca & aequalem humorum distributionem promouentia. Huc pertinent

- a) Ess. alexipharmaca *Stahlii*, mane exhibita.
  - b) Antimon. diaphoret. pulueri sub num. 2) immiscendum.
  - c) Diluentia calida, e. g. potus theae, coffee
  - d) regimen leniter diaphoreticum.
- 8) Tandem remittente exacerbatione neruino-stomachica adhibeantur.
- 9) Calculus *renalis* quando in vesicam demissus est, conducit infusum quoddam, in primis sem. lini, in loco subfrigido ad impletionem vesicae haustum, quo multa demum vrina eiiciatur.



2. *Extra paroxysmum.*1) *Quantitas sanguinis imminuatur*

a) vel per reuocationem euacuationum naturalium, e. g. hæmorrhoidum, mensium.

b) Vel per substitutionem artificialium, e. g. venæ sect. æquinoctial. sacrificat. quæ maxime repetendæ sunt, si forte æger eas neglexerit.

2) Laxationes quater per annum instituantur per rhabarbar. fol. fenn. cum cinnamom. anis. tartar. solub. in vin. infus.

3) Mundificatio &amp; consolidatio tentetur per balsamica &amp; traumatica, ex quibus primum locum hic habere creduntur

a) Virga aurea *Gesneri*, & reliquæ consolidarum species,

b) Chærefolium.

c) Heder. terrestr. pyrol. sanicul. auricul. muris, in succo, vel melius cum melle in decocto, aut electuario, exhibita.

d) Conserua rosarum.

e) Succinata temperatiora; reliquæ videantur sub *cautelis*.

3. Diæta cruda, flatulenta, venus, corporis &amp; animi insignes commotiones euitentur. Potus sit aqueus, calidus, ex infus. thée, veronic. heder. terrestr. virg. aur. emulsiuus cum pectoralibus; cereuisia bene defæcata, vel, more Anglicano, cum succo betulæ, vel semine dauci fermentata.

VIII. *CAVELAE ET OBSERVATIONES PRACTICAE.*1. In adfectibus *calculosis* per ancipitem prognosin fama artis semper tuenda est; præcipue in statu iam inueterato.2. In calculo *vesicæ grandiore*, viarum proportionem excedente, pharmacia moderamen tantum ad aliquod tempus præstare, solidum autem auxilium adferre non potest. Magnitudo vero calculi explorari potest in viris per digitum intestino recto immissum.

3. Confugiendum ergo erit in vegetioribus ad chirurgica præ-









præsidia, extractionem nempe, vel exsectionem; nisi intolerandos fere dolores interdum experiri, perpetuo cæteris vsu ischuriam soluere, maiorem calculi epigenesin, convulsiones, & tabem corporis, præstolari malint.

4. *Extractio* calculi magis locum habet in feminis, ob breviorē & ampliorem vrethram, quam apud viros; quamquam Ægyptii in his quoque extractionem, & quidem hac encheiresi tentare soleant, vt flatu immisso vrethram dilatent, & sic egressum calculi commodiorem promoveant.
5. *Exsectio* seu *lithotomia* nostro tempore vnicum & vltimum fere est consilium.
6. Quamvis autem calculus vel pharmacia, vel chirurgica manu, exclusus fuerit, restat tamen periculum *novi* illius prouentus; cum iteratam genesin intercipere non semper sit in Medici potestate.
7. *Lithontriptica*, seu calculum resoluentia & comminuentia per *tria regna* a Practicis decantata, veritatis vix vñquam testimonium merentur: calculus enim non est indolis pure terreæ, soluentibus menstruis auscultantis; vti quidam multi fingunt, & hinc modo *spiritum tartari* ex symbolismo ad concreciones tartareas dissoluendas, modo *spiritum nitri*, quod nitrum lapides in pollinem reducere videatur &c. laudant. Multa talia vel præbent materiam, vt sabulosa vrina mox excernatur, vel ad minimum adfluxum materiæ, in corpore iam hærentis, ad renes auferant, cuius census etiam sunt *lapis iudaicus*, lyncis, & similia.
8. Efficaciæ *asellorum* præparatorum nemo peritus subscribet, licet a *Dygbæo* valde extollatur.
9. Neque efficacia *gryllorum*, in actis N. C. adlegata, experientia satis confirmata est.
10. Idem sentiendum est de experimento illo, quod eodem loco de *vesica leporis* combusta enarratur, ac si calculus per eandem in limum sit resolutus.
11. Sic etiam *stupenda* efficacia *virgæ aureæ Gesneri*, ad resolvendum




- dum calculum, nondum innotuit, licet a multis commendetur.
12. *Petroselinum, fraga, bacca alkekengi* satis quidem efficaciter vrinam & calculum pellunt, sed non resoluunt.
  13. Quidquid in hoc genere sperare integrum est, magis in iniectione per *syringam*, quam adsumptione per os quaerendum, licet de menstruis acrioribus, hodie praesentibus, non immerito metuendum sit, ne vesicam citius quam calculum arrodant.
  14. Dictorum omnium manifestissimum specimen cernere possumus, si remedium tale lithontripticum, etiam optimum, sufficiente satis quantitate, calculo cuidam humano adiiciatur, & ex effectu deinde consideretur, quid in corpore humano exiguae illae guttulae effectura sint, de quibus, quantum ad locum adfectum pertingat, non facile potest colligi & exacte declarari.
  15. *Pellentia* cautissime adhibenda sunt; praecipue si vel maiores sint calculi, vel acutiores: nam expulsio requirit spasmoticam constrictionem renum & vreteris, unde transitus calculi potius impeditur, dolores exacerbantur, viae laeduntur, adfluxus augetur, & inflammatio, praecipue in sanguineis, prouocatur.
  16. Ante igitur, quam ad talia *pellentia* progrediamur, probe inquirendum est, num spasmi dolorifici remiserint, & moles calculorum viarum amplitudine respondeat; praeter ea, ad spasticam constrictionem mitigandam, *pellentibus* hisce semper emollientia externa, sub *methodo* commendata, coniungenda sunt.
  17. Quae *tabula de nephritide* monuimus ratione *calidorum oleorum* & aliorum acrium *pellentium*, ea hoc etiam loco repetenda sunt. Absint itaque inter *pellentia olea destillata* & *diuretica acria*, cuius census sunt raphanacea, de allio, cepis, salia acria alcalina, spiritus nitri dulcis, spiritus salis armoniaci, salis communis &c. quae humorum ad renes maiorem decubitum incitant, & ulcerationem augent.
  18. *Herba vulneraria* a Practicis contra calculum varia quidem com-
















commendatur, sed si quantumcunque adstringentes fuerint, notabilem exacerbationem inferunt, præcipue si calculus iam increbuerit, & manifestior adsit vlceratio, cum continuis dorsi doloribus.

19. Speciatim *millefolium* & *marrubium album* in calculo renum nimium irritare, & exulcerationem augere obseruantur. *Conf. tabula de phthisi.*
20. Pro scopo *balsamico* non conueniunt aloëtica, myrrhata, ol. terebinth. balsam. sulphuris, & alia acriora balsamica, quæ orgasmum sanguinis promouent. Hinc ne balsamum quidem Peruvianum aut copaiuæ citra sensibilem ardorem, calorem, sitim & siccitatem oris propinatur.
21. Mitigatio insultuum minus commode per *opiata* tentatur. Quod si vero pro obnubilando dolore aliquid opiatum adhibere placeat, M. P. de cynoglossa hoc nomine erit tutissima: modo sollicitè coniungantur alexipharmaca, & regimen mediocriter diaphoreticum. Sin secus, per abusum opiatorum mors acceleratur, vel ad minimum chronici periculosi adfectus inducuntur.
22. *Pulvis Volkammeri* calculum quidem ipsum non tollit, quoniam autem ab omni narcosi alienus, & ob gemmarum ingredientia antispasticam habet efficaciam, ad placandas commotiones, calculum comitantes, egregium edit effectum.
23. *Balnea* non omnibus proficua sunt: in nonnullis enim adfectus asthmatici vel febres synochæ per illa prouocantur.
24. *Acidula* temperant quidem diluendo generaliores nephriticos orgasmos, sed quia motum humorum ad renes magis augent, impediunt consolidationem.
25. Quæcunque in *pectoris* vitiis solamen adferunt, illa in *renum* quoque læsionibus cum effectum adhibentur. *Conf. tabula de phthisi.*
26. Quem ad modum sal digestium *Sylvii*, & alia ex sale communi præparata, cuius vlcerationi inimica reperiuntur, ita mucidis præcipue phlegmaticis non interdicens



est vsus ciborum modice salitorum, ex quibus multi potius leuamen, quam damnum ceperunt. Prima vero laus sali marino, de nitro participanti, competit.



## TABVLA XLV.

DE

## SPASMIS IN GENERE.

## I. DEFINITIO.

1. Spasmus est rigida tensio & attractio vnius vel plurium musculorum, in vno aut altero corporis membro, præcipue vero in artubus: vnde non solum particularia illa membra, quibus mouendis muscoli tales inseruiunt, in situ rigido detinentur, sed etiam in musculo, adfecto, rigida durities percipitur: ita ut membra non sint in potestate ægroti, donec illa rigida & sensibilis tensio remittat. Deriuatur a *σπᾶν* trahere.
2. Vel breuius: Spasmus est exacerbatio motus tonici, in partibus præcipue musculosis, ad talem sensibilem gradum, vt ægri acribus plerumque doloribus exerceantur, & pars vere in præsens adfecta rumpi quasi videatur.

## II. DIFFERENTIA.

## 1. Spasmus est

- 1) vel *vniversalis*, qui latius per totum corpus se diffundit & rarior est;
- 2) vel *particularis*, qui singulares partes, a capite fere ad calcem, occupat, & frequenter occurrit.

2. Ad spasmum *vniversalem* sequentes species pertinent.

- 1) *Tetanus*, quo vniuersum corpus obrigescit, vt in situ recto immotum iaceat.
- 2) *Emprosthotonus* antrorsum incuruat corpus, vt genua capiti adducantur.
- 3) *Opisthotonus* retrorsum inclinatur corpus, daß man unter dem Rücken hinfriechen könnte.
- 4) *Ca-*









4) *Catalepsis* vniuersum corpus repente in tali situ, quo illudprehendit, firmissime rigidum detinet; vt gestus oris, oculorum ac membrorum, plane eosdem seruet: rarissimus est adfectus.

3. Ad spasmos *particulares* pertinent sequentes species in variis corporis locis occurrentes.

1) *In capite*:

a) *Spasmus cynicus*, qui est torsio & tractio quædam oris, instar canis ringentis, formata & per plures horas continuans, cum euentu sæpe lethali; siquidem vel in apoplecticos vel conuulsiuos exitus; vel utrosque coniunctim hic rictus terminatur.

b) *Risus sardonius*, qui a *spasmo cynico* non differt, nisi quod absolute veluti *cum delirio* coniungatur; quale quid in *spasmo cynico* obseruare non contingit.

2) *In occipite* notandus est *spasticus* ille adfectus, qui *femino* præcipue sexui vsitator, cum aliis *rheumaticis* atque *hemicranico arthriticis* pathematibus, infimum *occiput*, nempe *musculos* illos, qui capitis erectioni, & in utrumque latus *conuersioni* succurrunt,prehendit; cum tanta subinde vehementia, vt non solum *rigidam, spasticam*, caput circumflectendi impotentiam inde experiantur sed etiam *contentionem* illam *spasticam* tensam atque rigidam, ita secundum situm horum musculorum exquisite persentiscant: vt ex illis partim versus utrumque *latus* ceruicis, partim secundum *longitudinem* eius sitis musculis, tamquam *animalculi* cuiusdam, *muris*, ideam sibi concipiant, & veluti expansis atque defixis eius *pedibus*, ita caput, seu potius ceruicem, correptam detineri pronuncient.

3) *In collo* adfectus ille tensiuus ex incommodo situ aut decubitu inter dormiendum, in spasmis etiam numerandus est, & vulgo sensum hunc ita exprimunt: sie haben übel gelegen, es sey ihnen der Hals davon ganz steiff, daß sie sich nicht wohl umsehen können.

4) *In æsophago* æque ac *ventriculo* occurrunt spastici velut  
rigo.



*rigores*, qui *deglutitionem* partim impediunt, partim id, quod ægre adsumtum est, nauseabunda contentione ferunt, & vehementes anxietates agrotantibus inferunt, ut magnis querimoniis detestentur, es seye nicht anders, als wolte es ihnen das Herze abdrücken.

5) In *intestinis* spasticæ atque rigida tensiones, sub adfectu, qui *colica flatulenta* audit, sæpissime contingunt, per quas intestinum colon præcipue adficitur, ut ægri non tantum constringentem & tendentem illum sensum exquisitè percipiant, (dum aiunt: es drücke sie wie ein Stein im Leibe, als wenn alles darinn zerspringen, oder der Leib ihnen aufplätzen wolte) sed & sæpius post mortem rigidissimas intestini coli stricturas distincte, exhibeant. Maxime vero conspicua est huius modi *strictura spastica* in altioribus colicis doloribus, in ipso *intestino recto*, ut ne cannulam quidem clysticam, nedum altius ipsum clysterem admittat.

6. In *pene priapismus* denotat grauissimam & anxio dolore stipatam membri virilis tensionem, a *satyriasi* differentem, quæ in procaci magis erectione consistit.

7) In *vesica* & præcipue eius *sphinctere* occurrunt etiam spasticæ stricturæ, quæ in stranguria, item in calculi renum & vesicæ paroxysmis vehementer sæuiunt. Tandem etiam *tenesmus* spasminis potius, quam conuulsionibus adnumerandus est.

4. Ad spasmos *particulares* ulterius referendi sunt

1) Adfectus *arthritici*, de quibus sequente tabula speciatim agetur.

2) *Incubus* seu *ephiates*, thoracis spasmus; videatur *tabula de incubo*. Occurrunt autem alii adhuc *thoracis spasmi* satis vehementes, qui per plures horas immo aliquot dies ægros anxie affligunt, & summa sui energia, *respirationem* intercipiendo dubiam reddunt *apoplexia* & *catarrhi suffocativi* indolem: nec mirum, si a vehemente tali regurgitatione humorum versus caput, partim *cruenta*, partim *serosa* effusiones circa ambi-









ambitum cerebri, diuerfa phænomena exhibentes, nonnumquam eueniunt. *Conf. theor. med. Stahl. pag. 883 884.*

- 3) *Asthma spasticum seu conuulsium*: *vid. tabula de asthmate conuulsuo.*
  - 4) *Spasmus fixus Paracelsi* hic etiam nominandus est; licet ipsi auctori nondum adeo *fixus* fuisse videatur: mox enim ad arthriticos & podagricos adfectus, mox ad contracturas &c. eundem refert.
  - 5) Sic etiam huc adnumerandus venit repentinus ille spasmus; *flatulentus* alias dictus, qui musculum celeriter contrahit, eumque per aliquod tempus in rigore detinet.
  - 6) Ad spasmos denique referendus est rigidus ille adfectus membrorum, e. g. quando manus illud, quod comprehendere debent, non satis complecti valent, aut nimis vehementer complexæ sunt.
5. Spasmus porro diuiditur in
- 1) *repentinum*, qui musculum celeriter contrahit, & eundem per aliquam moram rigidum seruat. Hæc species spasmis vulgo καλ' ἐξοχήν der Krampf vocatur; &
  - 2) *lentum*, qui iterum duplex est:
    - a) *Muscularis seu tendinalis*, vbi totus musculus adfici-  
tur cum doloribus tensiuis & grauatiuis & in contracturas membrorum denique terminat.
    - b) *fibrillaris*, qui paucas & singulares tantum fibras in musculo quodam corripit; qualis in omnibus arthriticis adfectibus agnoscitur. Hic in totum tandem musculum se expandit, eoque ipso dolorum impetum mitigat.
6. *Spasmus* licet plerumque cum *conuulsione* confundatur & ambiguo ac confuso sensu vocabulum hoc latine per *conuulsionem* vertatur, differt tamen ab hac duabus præcipue rationibus.
- c) In spasmis rigidum, statarium & immanens quid reperitur, conuulsiones autem sunt vagæ, reciprocæ, instabiles,



biles, latius vagantes, & gradu vehementiores.

2) spasmus minoris, convulsionibus autem maioris sunt periculi.

7. Quoniam autem vehementes illi spasmus, e. g. spasmus cynicus, risus sardonius, asthma spasticum &c. cum veris convulsionibus facile conspirant, & *interscena* quasi illarum plerumque observantur, ex contrario in *arthriticis* adfectibus spasmus multo mitiores & a convulsionibus alieni sunt; vocant hinc priores adfectus *spastico-convulsivos*, posteriores autem *spastico-arthríticos*.

### III. SIGNA.

Hæc ex iis, quæ sub *definitione* & *differentia* dicta sunt, elucet.

### IV. SVBIECTA.

1. Spasmis præ aliis obnoxii sunt homines temperamenti sanguinei, & habitus corporis porosioris atque laxioris.
2. Illi, qui a parentibus, doloribus arthriticis adfectis, prognati sunt & hæreditariam dispositionem possident.
3. Adulti & ætatis provecioris homines præ iunioribus.
4. Spasmis etiam affliguntur graviter vulnerati, nec non, qui febribus acutis periculose decumbunt.

### V. CAUSSAE.

1. Causa *materialis generalior* est abundantia sanguinis in corpore spongioso & vasis angustis.
2. Causa *efficiens* horum spasmodorum est principium vitale, quod per illos plethoram imminuere & materiam incongruam corrigere intendit: licet enim spasmus motus sint *erronei*, non tamen sunt motus *irrationales*, sed propter certum finem semper instituuntur; nempe ut per stricturam partibus ita inductam, atque porosa textura illarum, instar spongiæ compressa, humores in illis contenti exprimantur.
3. Causæ *occasionales* sunt:
  - 1) Dispositio hæreditaria.
  - 2) Animi pathemata, in primis iracundia & terror.
  - 3) Im-









- 3) Immoderati nimisque vehementes corporis motus voluntarii.
- 4) Abusus veneris, vini & aromatum, item intempesta atque intemperans adsumtio medicaminum calidorum & volatiliū, nec non improuidus vomitoriorum & purgantium drasticatorum vsus.
- 5) Tempesta humido-frigida, quæ rheumatismos inducendo, spasticos tales motus concitat.
- 6) Euacuationum sanguinis consuetarum neglectus. e. g. scarificationis, de qua re exemplum notatu dignissimum *conf. Stahlī theor. med. pag. 33-37.*

## VI. PROGNOSIS.

1. Spasmi *uniuersales* repentina tali congestione humorum & stagnatione hinc subsequente, inflammationes internas plurimum inducere valent.
2. *Particulares* autem spasmi in conuulsiones facile transmigrant, & hoc eo certius, quo partes, quas occupant, sunt nobiliores. Dum nimis diuturnis & simul admodum fortibus contentionibus insistant.
3. Omnes spasmi *particulares* testantur quidem de conatu aliquo naturæ, sed incompleto, &, ad effectum obtinendum, irritō: vnde ad maiora tantum & grauiora mala inducenda capaces existunt.
4. Iunioribus si spasmi, simplices etiam, frequentius obueniunt, & consuetudine in illis obfirmantur, augescēte ætate adfectus spastico - arthritici exspectandi sunt.
5. Senioribus, minus adfuetis, spasmi, fortiter oborientes, apoplexiam, paralyses, catarrhos suffocatiuos minantur.
6. Spasmi acutis morbis & vulneribus, præcipue cerebri, superuenientes, sunt omnes periculosi, & propensi ad lethales conuulsionum euentus.
7. Spasmi autem simplices, plethoricis sanis rarius eueniunt, plerumque sunt innoxii.
8. *Spasmus cynicus* degenerat facile in conuulsiones, & lethales plerumque inducit euentus.



9. *Priapismus* veneris vsum tollit, & hoc etiam respectu a *satyriasi* differt.

## VII. METHODVS MEDENDI ET REMEDIA.

Motibus spasticis occurritur.

### A. *Extra paroxysmum.*

1. Per sincerās euacuationes sanguinis, nempe
  - 1) Venæsectiones, iusto tempore & quantitate, iusto etiam loco, tam parti adfectæ, quam ætati ægroti respondente, institutas.
  - 2) Scarificationes.
  - 3) Hirudines, quarum efficacia in spasticis pathematibus, hypochondriacis & podagricis insignis est.
2. Per euacuationes catharticas, ad sordes primarum viarum & aliarum partium eliminandas. Hic conducunt e.g. helleborus niger, folia sennæ, radix ialappæ, specificum ialappinum, trochisc. alhandal.
3. Per attenuationem sanguinis spissioris; vbi conueniunt diuretica & incidentia mitiora rad. vincetox. valerian. pimpinell. alb. helen. dictamn. alb. essent. alexipharm. *Stahl*i, tinct. antimon. tartari.
4. Methodus itaque spasmos præcauendi & auertendi sequente modo instituaturs.
  - 1) Leniores laxationes per aliquot dies præmittantur.
  - 2) Deinde venæsectio instituaturs.
  - 3) Post ea essentia quædam alexipharmaco-diuretica cum essentia succini remixta, per octo circiter dies propinetur.
  - 4) Coniuncto vbiq; placido & continuo corporis motu.

### B. *In paroxysmo.*

Hic res consistit in ipsius *motus* medicatione, quæ obtinetur

1. per *remedia generaliora* lenientia atque emollientia, vulgo *paregorica*, dicta, e. g.
  - 1) Per succinum, modeste & sine separatione suæ substantiæ vsurpatum, sal succini volatile, liquorem C. C. succinatum, a superfluo sale vrinoso liberatum.
  - 2) Per















- 2) Per vegetabilia acriuscula, quæ anticatarrhalia, neruina & carminatiua censentur, ex quibus temperata sunt seligenda.
- 3) Per emulsiua, gelatinosa, diluentia, nitrosa, cinnabarina.
2. Per *specifica*, quorum multa quidem vulgo recensentur, sed pauca experientiæ respondent, e. g.
  - 1) *Annuli antispastici* ex ungula alcis, cornu rupicaprae, mercurio coagulato, qui re vera nullius vsus sunt.
  - 2) Idem censendum de *annulis ferreis* ex catena patibuli sumtis.
  - 3) *Dentis hippopotami* encomium, ex *Tabernæ-Montani hydrographia* excerptum, legatur in dissertatione de *lapide manati*, qui ipse etiam specificum habetur.
  - 4) *Lumbrici* denique *terrestres* maximam præ reliquis laudem merentur.
  - 5) Qualecunque autem specificum commendetur, exhibendum est illud methodo conueniente, nempe generalioribus præmissis.

## VIII. CAUTELAE ET OBSERVATIONES PRACTICAE.

1. *Cinnabaris* ad motus specificè moderandos satis quidem famosa est, præstat enim effectum in sensibilibus & infantibus non contemnendum; pro vero tamen specifico non censenda, fungitur potius officio *cotis*, quæ, exfors ipsa secandi, ferrum reddit acutum.
2. Pulvis antispasmodicus ex nitro, sale medico & momento cinnabaris paratus, in sedandis spasmis egregii quidem vsus sæpius deprehenditur, interdum autem non sufficit; quo casu largior portio cinnabaris rite præparata, addatur, ita vt quælibet dosis huius pulueris 6 - 8 grana cinnabaris contineat.
3. *Euacuatio sanguinis* si non præmissa fuerit, parum efficient medicamenta iam laudata.
4. Hoc tanto magis valet de *salibus volatilibus urinosi*: hæc enim, licet præmissæ sint sanguinis ventilationes, non tamen nisi moderate adhibenda sunt; melius autem ope-



rantur, si cum tinctura quadam alcalina, e.g. salis tartari vel antimonii, remixta exhibeantur.

5. Facilius est motus *convulsivos* specificis compescere, quam *spasticos*.



## TABVLA XLVI.

DE

### ADFFECTIBVS SPASTICO-ARTHRITICIS.

#### I. DEFINITIO.

Arthritis est spasticus quidam adfectus, articulos, in quacumque corporis regione, propter humores in hæmorrhagicum quidem finem congestos, hic autem & illic stagnantes aut impeditius procedentes, pertinacius adfligens, numquam vero ad salutarem illum finem, quem principium vitale intendit, perueniens. Derivatur ab ἀρθρον, articulus.

#### II. DIFFERENTIA.

1. Arthritis interdum *generaliter*, & recte quidem, sumitur, ac tum sequentes præcipue species sub sese comprehendit:

- 1) *Hemicraniam*, quæ dimidiam capitis partem occupat.
- 2) *Pleuritidem spuriam*, ubi thorax adficitur.
- 3) *Malum ischiadicum*, quod in coxis adfligit.
- 4) *Chiragram*, in qua manus occupantur.
- 5) *Gonagram*, ubi genua patiuntur.
- 6) *Podagram*, in qua pedes infestantur.
- 7) *Glossagram*, quæ linguam occupat.

Hæ species specialibus tabulis explicitæ sunt.

2. Interdum autem arthritis *specialiter* ac *strictiore* sensu accipitur, & sic illos tantum spasticos adfectus denotat, qui in *superioribus* corporis partibus obveniunt, & tum cum podagra sub vno genere *spasmi* constituta est, atque ita ab hac sequente ratione differt:

1)









- 1) Arthritis, stricte sumta, iuniores, podagra autem annosiores occupat.
- 2) Arthritis ordine prior est, & ætate accedente, in podagram facile transit.
3. Re ipsa autem omnes adfectus arthritici non differunt, nisi quod ad loca & tempora attinet; in reliquis autem essentialibus conditionibus & causis generalibus prorsus conspirant.
4. Arthritis diuiditur in *veram*, seu *fixam*, & *vagam*.
  - 1) *Vera* in certis partibus hæret, & licet interdum alias quoque partes occupet, antea tamen adfectas non deserit.
  - 2) *Vaga*, *simplex* & *scorbutica* vulgo dicta, cito ab vno loco in alterum profilit, e. g. ex thorace in coxas, & inde in pedes.
5. *Rheumatismus* & *arthritis* non sunt res maxime diuersæ, sed subordinatæ, id quod *tabula de rheumatismo* vberius demonstratum est.
6. Longius autem ab arthritide differunt *congestiones* & *commotiones sanguinis simplices*.
  - 1) Ratione *effectus*: nam congestiones non raro ad sanguinis eruptionem perueniunt, arthritici autem adfectus numquam, licet eundem finem respiciant.
  - 2) Ratione *durationis*: congestiones enim breuiore sæpius periodo, arthritici autem adfectus longiore circumscribuntur.
  - 3) Ratione *partium* adfectarum: congestiones partes magis interiores, arthritici autem adfectus non solum interiores, sed potissimum etiam exteriores musculosas occupant: illæ vasa sanguifera, hic vero fibras musculares figillatim adfligunt.
  - 4) Ratione *euentus*: congestiones ad inflammationes vel ulcerationes, arthritici vero adfectus ad rigores, contracturas vel tabidam membrorum extenuationem inclinant.



III. *SIGNA.*

1. Dolor interdum est tensiuus, strictorius & tractorius, qui motibus liberis illorum artuum, quos occupat, tantum infert impedimentum, quod sub conatu demum mouendi euidentius emicat.
2. Interdum vero hic dolor magis est lancinans, vibratilis, nonnumquam etiam pulsatilis, compunctorius & fremebundus, sub leui motitatione membri, velut rupturæ periculum adferens.
3. Non tamen iugiter æqualis est, sed per vices remittit, immo quandoque intermittit.
4. In arthritide *vaga* dolor hic magis sentitur vellicatorius & subtiliter reptilis, quasi formicæ interiorē partem occuparent.
5. Pruritus & ardor coniunctus quidem est, sed sine rubore & tumore notabili, qui, si accedat, dolorum sensibilem mitigationem plerumque adfert.
6. Arthritis autem *vaga* non in vno loco hæret, sed recurrit & euagatur, modo ad superiora, modo ad inferiora, donec tumores in variis articulis post se relinquat.
7. Animus valde angitur sub his cruciatibus, vires languent, adpetitus cadit & somnus deficit.
8. Nonnumquam æstus volaticus interstrepit.
9. Vrina rubra sedimentum tartareum post refrigerationem in fundo deponit, & lateribus vasis adfigit, hinc a sabulo calculosorum probe discernendum, quippe quod statim cum vrina emittitur, mox in fundo colligitur, nec lateribus adhærescit.

IV. *SUBIECTA.*

Arthritidi crebrius obnoxii sunt homines

1. Sanguinei, sanguineo-cholericī, immo etiam dephlegmatico temperamento participantēs, verbo: qui habitus corporis sunt laxi & spongiosi.
2. Plethorici agiles, diæta plena, non raro etiam spirituosæ gaudentes, otiosi.

3. In-









3. Indolis animi immoderatae, praecipitis, iracundae, corpus cito & fortiter exagitant.
4. Iuvenes aequae ac viri aetatis consistentis.
5. Euacuationibus sanguinis naturalibus & artificialibus adfueti.
6. Macilenti raro his affectibus laborant, nisi vel externa causa, vel haereditaria dispositio, vel febres male curatae occasionem iis dederint.

## V. CAUSSAE.

1. Causa *materialis* omnium affectuum arthriticorum est plethora.
2. Causa *efficiens* est principium vitale, quod per motum sanguinis plethorici certis partibus destinatum depletionem illius intendit.
3. Nempe hi motus, licet erronei sint, respiciunt in hemicrania & glossagra narium haemorrhagiam, in pleuritide spuria haemoptysin, in malo ischidico, gonagra & podagra haemorrhoides externas.
4. Causae *externae, occasionales & procatae* in descriptione *subiectorum* potissimum indicatae sunt.

## VI. PROGNOSIS.

1. Species horum affectuum leniores, si saepius recurrunt, non minus in consuetudinem abeunt, quam grauiiores, immo successu temporis facile in grauiiores & fixiores arthricos dolores degenerant.
2. Arthritici autem morbi, qui superiores corporis partes in iunioribus subiectis occupant, non tam saepe & obstinate eandem pertinaciam seruant, neque tam diu singulis paroxysmis aegros exagitant, quam podagra & malum ischiadicum; quod aetatis genio maxime adscribendum videtur.
3. Hemicrania enim & pleuritis spuria, augefcente aetate, vel penitus iterum cessant, vel ad pedes descendunt.
4. Podagra autem ita plerumque insolenscit, ut vix unquam ab illa in solidum iterum liberentur: hinc inueterata mitigari tantum, radicitus rarissime extirpari potest.

Ecc

5. Quo



5. Quo magis spasmi sunt particulares, & in exiguis partibus contingunt, eo minus vtilitatis habent, & ad scopum naturæ minime perueniunt.
6. Qui iunioribus annis frequentius & pertinacius spasmos simplices experiuntur, augescēte ætate variis arthriticis doloribus expositi sunt.
7. Si vero spastico-arthritici dolores inferiorum partium subiecta iuniora mature adfligunt, longe grauius iisdem exercentur, quam senes, immo raro ad senium perueniunt, sed ante, quam illud attingant, a doloribus istis vel nimis ferocientibus & in conuulsiones degenerantibus, vel retrocedentibus iugulantur.
8. Arthritico-spastici enim adfectus ad modum procliues sunt ad recursus internos, immo ad internas inflammationes, in primis si imperite tractati repelluntur.
9. Fiunt autem hi recursus fere secundum ætates ad caput, diaphragma, præcordia, venam portæ, & ibi vel inflammatorios febriles, vel suffocatiuo-apoplecticos vel spastico-conuulsiuos effectus exserunt.
10. Ab arthritide *vaga* facile *fixa*, nimirum malum ischiadicum vel podagra initium capit.
11. Arthritis *vaga*, *scorbutica*, quo crudelior & diuturnior, eo magis ruit ad narium efferas hæmorrhagias, hæmoptyses, interdum vomitus cruentos, non raro mictus cruentos, & sæpe numero hæmorrhoides; vbi quam diu fluit sanguis, dolor cessat, simul atque vero fluxus sistitur, dolor recrudescit.
12. Quo citius medela adhibetur, & quo minus adfectus arthritici recrudescere adsueuerunt, eo facilius Medico auscultant.
13. Quando autem tales spasmi fixi iam sunt, & longius a loco excretionis sanguineæ, quam respiciunt, distant, pertinacius insistent & medicamenta adspernantur.

## VII. METHODVS MEDENDI ET REMEDIA.

### A. Methodus generalis.

1. Causa materialis, nempe plethora est remouenda

1) Per









- 1) Per *venæ sectiones*, conueniente loco & tempore institutas.
- 2) Per adplicationem *hirudinum*, ad hæmorrhoides promouendas.
- 3) Per *scarificationes* in subiectis spongiosis.
2. Cruditates primarum viarum, præcipue biliosæ, vtpote motus spasticos insigniter exasperantes, sunt abstergendæ & leniter eliminandæ.
  - 1) *Abstergunt* salia digestiua: arcanum duplicatam, nitrum antimoniatum, & tartarus vitriolatus, &c.
  - 2) *Eliminant* lenia laxantia, e. g. potiunculæ rhabarbarinæ, fennatæ cum passulis, tartaro solubili, sale Anglicano, liquore terræ foliatæ tartari maritata: item vina medicata ex incidentibus, abstergentibus, alexipharmaco-diureticis & purgantibus parata.
3. Orgasmus sanguinis & crasis sulphureo-salina sunt temperanda, rigor solidarum partium est demulcendus; quod præstant nitrosa, absorbentia salina, emulsiua, in spongiosis & robustis acida fortiora.
4. Æqualis humorum dispertitio est adiuuanda,
  - 1) In *cholericis* per salia media, potum sufficientem tenuem ex decocto C. C. infusa thée, coffée, item ex herbis discutientibus chamædrios, dulcamaræ, hyssopi, verbenæ, veronicæ, chærefol. &c.
  - 2) In *aliis* temperamentis simul adhiberi possunt alexipharmaca temperata, e. g.
    - a) Essent. alexipharm. *Staklii* cum essent. succini remixta.
    - b) Item decocta lignorum & radicum resoluentium, e. g. ligni sassafras, radicum sarsaparill. chinæ, pimpinell. alb. bardanæ &c.
5. Motuum spastico-dolorificorum vehementia est mitiganda & dissoluenda.
  - 1) *Mitigant*: antispasmodica cinnabarina, puluis lumbricorum terrestrium, & anodyna per alexipharmaca correctæ, e. g. theriaca, pilulæ *Wildegansii* genuinæ, M. P. de cynoglossa.



2) *Dissolunt:*

a) *Interne:* diapnoica & lenia alexipharmaca, modo commendata, in declinatione autem mixtura tonico-neruina *Stahlii*.

b) *Externe:*

α) Spiritus vini camphoratus crocatus.

β) Spiritus acidus formicarum.

γ) Spiritus lumbricorum terrestrium, cum prioribus parce remixtus.

δ) Spiritus serpilli abstractitius.

ε) Essentia castorei.

ζ) Sapo Venetus, spiritu vini solutus.

η) Ceratum de galbano matricale.

θ) Emplastrum saponat. *Barbette* largiter camphoratum.

ι) *Sacculi* odorati ex herbis coronariis chamæpyt. chamædr. organ. serpill. floribus verbasci, calendulae, radicibus pimpin. albæ, angelicæ, figilli Salomonis, seminibus dauci, anisi, vel breuius: ex farina auenæ, flor. sambuc. croco; adspargendo ubique spiritum vini, vel sacculi vino calido immergendo.

κ) Caseus recens cum pelle leporina.

λ) *Suffitus* præcipue ex stœchade citrina, deinde etiam mastiche, olibano, ligno Rhodio, fantalo citrino, sassafras.

μ) *Suffimigia vaporosa* ex decoctis, herbis carminatiuo-neruinis.

ν) *Friktiones* cum excutia molli, vel potius pannis calentibus, moderato suffitu imbutis.

ξ) *Scarificationes* profundæ in parte adfecta.

ς) Motus exercitium intensum, & quæcumque sensum in parte adfecta fortiter adficiunt, e.g. acupunctura Iaponensium, moxa Chinensium, vesicatoria.

B. *Methodus specialis.*1. *In paroxysmo.*


1) *Ter*















- 1) Ter vel quater per diem propinetur puluis quidam antispasticus, e. g.

Recip. nitri depurati.

tartari vitriolati ana vnc. semis.

ocul. cancer. acido citri saturat. drachm. III.

cinnabar. opt. scrup. IV.

M. dof. scrup. I.

- 2) Succedente madore subiungantur diapnoica & lenia alexipharmaca, e. g. aquæ scord. scorzoner. plantag. cum antimonio diaphoret. & conch. præparat. mixtæ; vel essentia alexipharm. temperata.
- 3) *Externa* simul in subsidium vocentur; vbi inter multa, superius citata, primas tenet spiritus vini camphoratus crocatus, parti dolenti linteo quadruplicato imponendus, & aliquoties per diem repetendus: deinde egregie etiam conducunt emplastrum saponat. *Barbette*, spiritus serpilli abstractitius.
- 4) Altius vt respondeat, clyster emolliens cum momento nitri iniiciatur, & deinde in perpetua libertate conferuetur per lenia & commoda cathartica, e. g. pilulas *Beccherianas*, *Stahlianas*, sal Anglicanum, aqua calida solutum, quod simul incidit & discutit.
- 5) Post quatuordecim circiter dies cum modo dictis coniungantur
- a) Tinctura tonico-nervina *Stahlii*.
  - b) M. P. de cynoglossa, cuius gr. I. versus somnum pulveri antispastico remisceatur.
  - c) Externe spiritus formicarum.
- 6) Tandem, superato morbo, ad residuum membrorum rigorem emolliendum exhibeantur
- a) *Interne*: essentia alexipharm. sine regimine continuata.
  - b) *Externe*: pediluvia alcalina, ex cineribus, &c. parata.
2. *Extra paroxysmum.*
- 1) Ante omnia venæ sectiones circa æquinoctia instituantur.



- 2) In subiectis spongiosis simul in vsum veniant scarificationes menstruæ profundæ circa nouilunium, & quidem in partibus adfectis vel confinibus.
- 3) Præcipue vero hirudines hæmorrhoidalibus locis applicentur.
- 4) Quater per annum congruis laxantibus corpus expurgetur, e. g. per infusa sennata, rhabarbarina, & helleborata, cum remediis ad sanguinem purificandum aptis remixta.
- 5) Sufficiens motus corporis consumtorius, tanquam apex totius negotii, vbique inculcetur, coniuncto potu diluto.
- 6) Quando vernali vel autumnali tempore paroxysmus recurrit, exhibeatur versus instans tempus decoctum lignorum satis dilutum & instar thæe vsurpandum; subiunctis temperantibus nitrosis & tinctura toniconeruina.

### VIII. CAUTELÆ ET OBSERVATIONES PRACTICÆ.

1. Omnes excretionum species, leniter promotæ, dolores minuunt, suppressæ vero, vel fortiter intensæ, omnia exacerbant.
2. Hinc quouis modo improbantur
  - 1) *Opiata*: hæc enim, siue particulis viscidis, siue sulphure volatili, valde actiuo, in humores agant, præter alia damna, contracturas facile relinquunt. In atrociam dolorum *correcta* tantum sub prudente vsu conceduntur.
  - 2) *Anodyna* hæc & quæcumque alia interne adhibita in vigore paroxysmi vel subitaneam mortem, vel febres lentas, hæcticas, vel in sanguineis dolores colicos arcescunt, cum aluinis semper ataxiis, i. e. obstipationibus.
  - 3) Immo ad prophylaxin, vel versus paroxysmos vsurpata, impetum quidem aduenientem longius forte duraturum comprimunt, sed citiori recursui ansam præbent, & tandem ad paralyfin disponunt.
  - 4) Et licet in refractori dosi hunc in modum vsurpentur, varia tamen inordinata & pertinacia pathemata relinquunt.
  - 5) *Mar-*









- 5) *Martialia, bolaria & alia adstringentia* quæ excretiones supprimunt, viscera constringunt, & hydropem minantur.
  - 6) *Salia volatilia*, quæ, intempestive & largiter exhibita, viscera constringunt, & simul humores concitant, stupidum rigorem partibus conciliant, & dolorem osteocopon relinquunt.
  - 7) Maxime *externa* adstringentia, refrigerantia saturnina, stupefacientia, narcotica, sulphurata: licet enim temporarium leuamen adferre soleant, nodos tamen, tophos, immo contracturam inducunt, sapissime adfectum versus interiora retropellunt, & pessima ac funesta illa symptomata accelerant, quæ sub *prognosi* commemorata sunt.
  - 8) *Repellentia fortiora*: quæ simili ratione malum ab exterioribus ad interiora reprimunt, & grauissimas respirandi angustias, quin febres inflammatorias plurimum funestas inducunt.
  - 9) *Acria, calida nervina*: olea destillata, balsami Indici, spiritus oleosi, quæ omnia exasperant, ardores intolerabiles, immo inflammationes adferunt: nulla enim hic partium debilitas, quæ per talia roboranda esset, sed potius nimia strictura & intensio accusanda est.
  - 10) *Spiritus urinosi*, qui pariter stupidum rigorem parti laboranti adfricant.
  - 11) *Fortiora purgantia* in ipso paroxysmo exhibita: per hæc enim motus spastici ad interiores partes, cum vitæ sæpe discrimine, vocantur.
3. De *sanguinis ventilationibus*, præcipue autem *vena sectione*, hic idem valet, quod sub hæmorrhagiis prioribus tabulis sæpius inculcatum est: nempe vigente iam paroxysmo institutæ, morbi pertinaciam non solum frequentius augent, sed & recursum paroxysmorum tantocius & obstinacius accelerant, ac reliquam medicationem, nisi sanguis de nouo ventilatus sit, frustrantur.
4. Quando autem circa prima initia, aut in declinatione ven-
- tila-



- rilationes adornantur, tum vsum aliquem subinde præstant, præcipue *hirudines*, locis hæmorrhoidalibus numero 4-5. adpositæ, vel etiam largæ ac profundæ *scarificationes* in partibus adfectis: qua ratione mali ischiadici impetus sæpe in totum sublatus est.
5. *Lumbrici terrestres* conueniente vehiculo, e. g. aqua card. ben. serpill. fumar. in forma pulueris ad scrup. I. bis aut ter per diem sumendi specificè commendantur in arthritide vaga, scorbutica.
  6. Decoctum inspissatum *strobilorum* seu *summitatum* abietis & pinivivæ etiam in hoc adfectu laudatur. Sumuntur huius liquoris inspissati ter per diem cochlearia tria vna vice in vehiculo calido.
  7. *Serpillum* itidem laudatur tam in decocto quam balneo; spiritus serpilli mixtus cum spiritu vini camphorato bono, i. e. multo sale alcali fixo imbuto, externe conducit.
  8. *Conserua satyrionis* in eodem adfectu prodesse dicitur; duo autem vel tres pro dosi cuspides cultri ter aut quater per diem fumuntur.
  9. Alii, tam in adfectibus spastico-arthriticis, & conuulsivis, quam in febribus corruptis, scabie nodosa, & vlcerosa, præcipue in gonorrhœa male tractata & inueterata *morsulos antimonii* conducere adseuerant:  
 e. g. Recip. antimon. crud. Hung.  
 amygdal. dulc. excort. ana vnc. semis.  
 condit. cort. citr. drachm. II.  
 s. f. q. sacch. in aqua solut. f. l. a. morsuli in 8.  
 part. æq. diuid. & quotidie vnum tribus vicibus comedendi.
  10. *Spiritus vini camphoratus* crocatus, & *sacculi sicci* omnibus conducunt temperamentis.
  11. *Ceratum de galbano* camphoratum, præmissa statim sub initium venæ sectione, in phlegmatico-sanguineis præsentissimum sæpe adfert solamen; nisi tamen intra 2-3. horas effectum præstet, auferendum est.
  12. *Emplastrum sapenatum Barbette*, largiter camphoratum, & per









& per vices impositum, in recentiore malo, in primis ischiadico, satis efficax deprehenditur.

13. *Suffimigia*, maxime ex stœchade citrina, semper conferunt.
14. Sic etiam *frictiones calidae* quam plurimis profunt; qui autem a frigore solamen magis percipiunt, illis *embrocatio* commendatur.
15. *Spiritus acidus formicarum* sub *methodo* non sine ratione post principia locatus est; quando enim vigente paroxysmo adplicatur, dolores potius auget, quam lenit, in declinatione autem adhibitus, rigores artuum emollit, & contracturam præoccupat.
16. *Acidularum* vsus, debito corporis motui coniunctus, robustis spongiosis conceditur, teneris autem & gracilioribus obstructions viscerum, cachexiam, hecticam &c. inducit.
17. Alexipharmaca ad motus & dolores spasticos quidem conducunt, sed sine regimine propinari debent, alias dolores in artus diffunduntur.
18. *Causse occasionales*, nempe diæta lauta, calida, bacchus, ira, venus, motus concussorii, equitatorii diuturni &c. nisi remoueantur, obtenta mitigatio non diu perdurabit.
19. Vsus *saluationis* in affectibus arthritico- contractis frustra a quibusdam laudatur.
20. Fugiat error multis communis, qui *adfectum dorsi spasticum* pro *nephritico* declarat: est enim leuior arthritidis species, peculiari nomine nondum designata.

TABVLA XLVII.

DE

H E M I C R A N I A.

I. DEFINITIO.

Hemicrania est dolor capitis valde acerbus, dimidiam tantum

Fff



tum illius partem occupans, ab *incompleta* sanguinis congestione ortus, & hæmorrhagiam narium *eminus* respiciens. Deriuatur ab ἡμι, semis, & κρανιον, caluaria.

## II. DIFFERENTIA.

Hemicrania differt

### I. a cephalalgia:

- 1) In hemicrania enim congestio est *rheumatica* & *incompleta*, quæ *eminus* quasi euacuationem sanguinis per nares intendit, & est adfectus spastico-arthriticæ indolis, in cephalalgia autem congestio tantum *simplex* contingit, quæ directe hæmorrhagiæ narium destinata est.
- 2) Hemicrania occupat solum dimidiam capitis partem, plerumque sinistram, & alteram immunem relinquit, cephalalgia vero modo per totum caput, modo per certas illius partes se diffundit.
- 3) In hemicrania sæpius subest caussa ex consensu e. g. vitium primarum viarum, hæmorrhoidum, mensium; in cephalalgia autem simplex plethora magis peccat.
2. Hemicrania per se diuidi potest in
  - 1) *Idiopathicam*, &
  - 2) *Symptomaticam*, de qua modo dictum est. Item in
  - 3) *Continuam*, *fixam*, perpetuo quasi ægrum adfligentem, & in
  - 4) *Periodicam*, seu per paroxysmos recurrentem.

## III. SIGNA.

1. Dolores vibratiui, interlancinantes, contumaces, spastico-arthritici, ordinarie adeo vehementes, vt ægri caput quasi distrahi sibi & diuelli autument.
2. Dimidiam quidem capitis partem, præcipue sinistram, hi dolores occupant.
3. In eodem autem latere modo sursum, modo deorsum ta vagantur; vt ex osse bregmatis ad os temporale, & ex osse temporali ad dentes atque oculum illius lateris, & sic ex vno loco in alterum excurrere soleant.
4. Eo ipso, quo inferiores lateris partes occupat, superioribus paul-









paullulum parcat, mox autem ex illis in has recurfat, & sic quasi intercurfando adfligit.

5. Immo dolor interdum ad illius lateris collum & brachium vsque excurrit.
6. In quibusdam subiectis dolores exiguam quidem caluariae regionem occupant, sunt autem tam acuti & pungentes, quam si telum ibidem infixum membranas difsecet.
7. In partibus corporis *remotis* manifestat feſe motus tonicus ſtrictior.
8. Præ dolorum atrociam, ſæpius neque leuiſſimum ſonitum, neque lucis radios perferre poſſunt.
9. In paroxyſmo vrina eſt cruda, & in declinatione colorem præbet ſaturatum, qui paullo poſt copioſum deponit ſedimentum.
10. Aluus frequenter eſt ſicca.

#### IV. *SUBIECTA.*

1. Temperamentum cholero - ſanguineum huic adfectui præ aliis ſuccumbit, quia particulis ſulphureis, organiſmum ſanguinis promouentibus, abundat.
2. Feminis familiarior eſt, quam viris.
3. Cum primis illis, quæ vitæ otioſæ addictæ, & crebris animi commotionibus obnoxia ſunt.
4. Quibus legitimus menſium, vel, in viris, hæmorrhoidum ſucceſſus turbatus eſt.
5. Specialiſſime feminae, quæ in coniugio ſterili viuunt.
6. Tam quidem iuniores, quam adultiores hunc adfectum experiuntur, hoc autem discrimine, vt in illis dextrum præcipue latus, in his autem ſiniſtrum ordinarie occupetur.

#### V. *CAVSSÆ.*

1. Cauſſa *antecedens* eſt plethora cum ſulphureo - bilioſa ſanguinis dyscraſia, eiſdemque nihilo minus aliqua ſpiffitudine coniuncta.
2. Cauſſa *proxima* eſt congeſtio ſanguinis ad caput, ſeu molimen hæmorrhagicum, aliquam illius excretionem reſpiciens.
3. Cauſſa huius congeſtionis & dolorum inſtrumentalis eſt



partium inferiorum maior constrictio per motum tonicum auctiorem, superiorum autem porosarum relaxatio, & tamen *contraria* spasmodum *obluctatio*.

4. *Causæ externa, occasionales & procatactica* sunt.

- 1) Suppressio euacuationum sanguinis naturalium, præcipue mensium & hæmorrhoidum.
- 2) Artificialium adfuetarum neglectio, e.g. venæ sectionis, scarificationis.
- 3) Vel contra venæ sectio tumultuaria, aut stato tempore non repetita, vnde motuum excretoriorum ordo perturbatur.
- 4) Vitium primarum viarum.
- 5) Simplicis cephalalgiae peruersa tractatio per remedia calida & opiata minus secunda.
- 6) Motus arthritici per repellentia imperite tractati.
- 7) Mutatio vitæ generis laboriosi in sedentarium.
- 8) Nimia vigiliæ & lucubrationes.
- 9) Nimia corporis excalefactio.
- 10) Aut repentina illius refrigeratio, in primis pedum tempore humidioris & frigidioris.
- 11) Iracundia, in primis tacita & suppressa.
- 12) Diæta aromatica, lauta & spirituosissima.
- 13) Dispositio hæreditaria.

VI. *PROGNOSIS.*

1. Hemisrania licet dimidiam tantum capitis partem occupet, hunc tamen defectum vehementia dolorum largiter compensat, & in locis confinibus facile decubitus ad oculos, & illorum suffusiones relinquit, maxime post peruersam in paroxysmo tractationem.
2. Quem ad modum hemisrania initium est adfectuum arthriticorum, ita progressionem annorum libentius in plenariam arthritidem transit.
3. Præcipue hoc euenit, si ineptis artificiis sanguis ad inferiores partes circa venam portæ restringitur, vnde facile podagra & malum ischiadicum introducuntur.
4. Quod si vero retro pulsio sanguinis ad viscera facta est, febres















bres inflammatoriæ, præcipue in iunioribus, solent accedere.

5. Quo magis dolor ad illius lateris brachium vsque se extendit, & æger de obdormitione illius conqueritur, eo magis hemiplexia seu paralyfis illius lateris metuenda est.
6. Si nondum in habitum deducta est hemicrania, & in iunioribus se se manifestat, medicatio facilius succedit; quando autem in annosioribus, & præcipue feminis, quarum menses iam cessarunt, contingit, vix vnumquam perfecte tollitur.
7. Præcipue hemicrania *periodica* & *paroxyzans*, interdum adeo rebellis est, vt omnem fere medicationem respuat.
8. Suppressio mensium & hæmorrhoidum quando legitime tollitur, sponte aliquando soluitur hemicrania.

## VII. METHODVS MEDENDI ET REMEDIA.

### A. In paroxysmo.

1. Quoniam semper fere cruditates primarum viarum adsunt, illæ ante omnia euacuentur. Fieri hoc potest

- 1) Sub initium morbi commodissime per lene emetico-catharticum v. g. per tartarum emeticum cum rhabbaro iunctum.

- 2) Quando autem dolores iam ad *ἀκμὴν* peruenerunt, & adfectus diu durauit, tum negotium per clysteres expediendum est. e. g.

Recip. Rad. alth.

malu. ana vnc. semis.

Herb. parietar.

verbasco.

Summit. origan. ana manip. semis.

Semin. anis.

caru. ana drachm. semis.

coqu. in s. q. aquæ simpl. coletur.

Recipe huius colaturæ vnc. X.

electuar. lenitiu. unc. I.

salis gemmæ.

olei chamomil.

℞ 3

aneth.



aneth. ana drachm. III.

M. f. clyster.


2. Deinde *orgasmus* sanguinis & acrimonia illius salino-sulphurea temperetur, per nitrosa, absorbentia, cinnabarina, antimonialia fixa, item per acidula, e. g. clyss. antimon. potui instillandum.
3. Quando dolor admodum vrget, tum cinnabaris largiori dosi propinetur, adscendendo a. gr. V. ad X.-XX. immo ultra, *vid. cautel.* vel MP. de cynogl. gr. I. versus somnum temperantibus immisceatur, conducit etiam cortex cascarillæ.
4. Ad spasmos demulcendos conducunt etiam decocta mucilaginosæ, gelatinosæ, emulsiuæ.
5. In progressionē medicationis, die circiter tertio vel quarto in subsidium trahantur
  - 1) *Interne* tonica & discutientia, v. g. mixtura polychresta tonico-neruina *Stahl*i, vel ess. alexipharmaca ad lenem transpirationem.
  - 2) *Externe* adhibeantur
    - a) In loco adfecto discutientia e. g. spiritus vini camphorat. crocat. vnguent. alabastr. camphorat. epithemata sicca, tabulis de *cephalalgia*, *clauo hysterico* & *cephalæa* commendata, item spiritus maiialis, serpilli, lilior. conuall. formic. lumbr. terrestr.
    - b) In locis remotis reuellentia e. g. euacuationes sanguinis in partibus inferioribus, laxantia, pediluua, frictiones lateris oppositi, adplicatio cucurbitularum cæcarum, & in malo refractario vesicatoria furis adplicata.

B. *Post paroxysmum.*

1. Plethora, tamquam causa primaria, remoueatur per venæ sectionem, in talo instituendam, & circa æquinoctia repetendam.
2. In feminis sufficientis mensium successus ratio habeatur per pilulas *Stahl*i vel *Beccheri* legitimo tempore propinatas, *vid. tab. de fluxu mensium*, item per essent. succin. verus menstruum tempus exhibendam.
3. In









3. In viris negotium hæmorrhoidum respiciatur, *conf. tab. de hæmorrhoidibus internis.*
4. Alui succussus semper promouetur, vel laxationibus per epicrasin operantibus, vel liquore terræ foliatæ tartari ad 30-40. gutt. coniuncto sufficiente potu, & moderato corporis motu.
5. Causæ procatacticae & occasionales reliquæ quouis modo euitentur.
6. Præcipue vita otiosa & sedentaria.

### VIII. CAUTELÆ ET OBSERVATIONES PRACTICÆ.

1. *Venæ sectio* in ipso paroxysmo non instituatur, nisi sequentes duæ circumstantiæ vrgeant:
  - 1) Quando status eminenter plethoricus concurrit.
  - 2) Vel congestio ad caput ita copiose facta est, ut maiora inde mala metuenda sint.
2. *Arteriotomia* licet a *Sennerto* & aliis commendetur, plus tamen detrimenti, quam salutaris effectus ab illa expectandum est.
3. *Adplicatio hirudinum in ipso paroxysmo* minorem difficultatem inuoluit & considerationem, quam venæ sectio: in viris nempe, quorum hemicrania originem duxit ab hæmorrhoidum suppressione.
4. Acta N.C. obseruant, quod hirudines ad tempora adplicatæ, felices effectus præstiterint, sed longe salutarius hæmorrhoidalibus locis adplicantur.
5. Cautela opus est, *emetico-catharticum* propinare, immo in statu insigniter plethorico ab illo remedio plane est abstrahendum; dantur autem nonnunquam casus, in quibus sola temperantia non sufficiunt, & dolores post vomitum statim profligantur, qui antea temperantibus cedere recusant.
6. *Emetica autem sola*, sine coniunctione alicuius cathartici in his circumstantiis, ubi aluus plerumque adstricta est, propinare non caret periculo: præter alias enim noxas, inde expectandas, visus læsiones metuendæ sunt.
7. Ad cruditates primarum viarum euacuandas, egregie etiam



- iam conducunt laxantia cum amaris vegetabilibus coniuncta e. g. infusum ex rad. gent. rubr. hatb. cent. min. rhabarb. helleb. nigr. tartar. tartarifat. liq. terr. foliat. tartari, sal mirabile. Exsulent autem aloëtica, & formulæ pilularum, his abundantes.
8. *Epithemata sicca* præferenda sunt *humidis*, nam hæc partes magis relaxant, & sic vltiori humorum congestioni, & non raro etiam inflammationi ansam præbent.
  9. *Tinctura tonico-neruina Stahlii* ex spiritu C.C. & tinct. antimon. vel salis tartari parata, in augmento mali non propinanda est, ebullitionem enim sanguinis auget, in declinatione autem exhibita, sæpius lenem sudorem excitat, & dolores egregie soluit.
  10. De *martialibus* hic etiam valet, quod alibi passim de illis dictum est; verbo: perturbationem moliuntur. In declinatione autem adfectus pro tonico scopo conducit crocus martis antimoniat. aperitiu. *Stahlii*.
  11. *Opiata*, quamquam dolores interdum aliquo modo suppressimere soleant, minime tamen tuto ob mala consequentia adhiberi possunt.
  12. Quod hemicrania *sinistrum* plerumque latus adficiat, meditationem suppeditat de conspiratione huius adfectus cum pathematibus hypochondriaco-hystericeis, quæ etiam in sinistro plurimum latere obseruantur.
  13. In diæta eligantur cibi eupepti, temperati: absint nimium sicci & assati: vitetur aer nimium calidus, fuliginosus, suppressio transpirationis naturalis per aerem humido-frigidum, penetrans odor spirituosorum.
  14. Obseruationes & cautelas tab. de cephalalgia commendatas cum his conferre, & dextre illas applicare, ex usu erit.
  15. Præcipue autem conferri debet tab. præcedens de adfectibus arthritico spasticis, ad quorum indolem hemicrania accedit.
  16. In subiectis, qui sunt habitus spongiosi, conducit etiam prouidus & modestus vsus *thermarum & acidularum*.

17. De









17. Denique subiicimus, quod *pulveres antispastici largiter cinnabarati* vim suam anodynam in hemicrania longe efficacius ostendant, quam illi, quorum dosis aliquot tantum grana continet. Primam huius effectus occasionem suppeditavit Illustrissimi cuiusdam hemicrania, quæ adeo effera & pertinax erat, ut omnem medicationem in plures dies non tantum respueret, sed & ad convulsivos plane motus excederet. Quum vero in his angustiis vnica tantum dosis, quæ, præter reliqua ingredientia, octo grana cinnabaris continebat, propinaretur, confestim cessabant spasmi, & somnus, qui toto morbi tempore desiderabatur, placide sequebatur atque per 12 horas cum salutari sudore continuabat.

## TABVLA XLVIII.

DE

## PLEVRITIDE SPVRIA.

## I. DEFINITIO.

Pleuritis spuria est species motuum rheumatico - arthritico - spasticorum, pectoris partes externas musculosas adficiens, a congestionem humorum versus hæc loca, hæmoptysin eminens respiciente, & hinc stagnationem inducente, exorta.

## II. DIFFERENTIA.

1. Pleuritis *spuria* a *pleuritide vera* & *peripneumonia* differt :

1) Ratione *graduum*.

- a) In pleuritide enim vera & peripneumonia omnia symptomata sunt multo grauiora & acerbiora, quam in pleuritide spuria: nam illa indiuiduam semper habent comitem febrem acutam continuam, cum horrore inuadentem, & acri calore progredientem: hæc autem, quando omnino commo-

G g g

tiones



tiones febriles habet coniunctas, sunt illæ leuiiores & nomine vix dignæ, inæquales & sine typis, adeo, vt illi, qui ita sensibiles non sunt, illas pro re volatica & transitoria iudicent.

b) Illæ comitem porro inseparabilem habent tussim, hæc autem tam sæpe hic *sine* vlla tussi, quam illic *cum* eadem decumbentes vexat; præter ea notabilem per sputum excretionem non habet coniunctam.

2) Ratione *sedis*.

a) Pleuritis & peripneumonia longe vsitatus circa, aut paullo infra mamillam, se se exserunt, pleuritis vero spuria sæpissime altius circa ipsam clauiculam incipit.

### III. SIGNA.

1. Experiuntur ægri circa clauiculam sub respiratione in alterutro thoracis latere sensum quemdam molestum, qui tensorius magis, quam punctorius est, & respirationis negotium impedit.
2. Locum, quem semel occupat, constanter non seruat, sed de die in diem magis deorsum tendit, donec tandem (nisi mature dissipetur) pectoris regionem deferens, infra costas nothas notabilem adhuc molestiam relinquat, vel ad scapulas excurrat.
3. Transít quidem hic adfectus paucioribus diebus, certa autem periodo non est circumscriptus.
4. Puncturæ sunt inæquales, non pulsui, sed respirationi respondentes, interdum etiam remittentes.
5. Ægri difficulter, & non nisi cum dolorum exacerbatione in latus adfectum decumbere possunt.
6. Sanguis venæ sectione emissus, in superficie cutem exhibet albam, tenacem.
7. Concurrit virium & adpetitus magna imminutio.
8. Somnus est inquietus.
9. Vrina est rubicunda, tartareum deponens sedimentum.
10. Aluus plerumque est adstricta.









IV. *SUBIECTA.*

1. Sanguineo - cholericis & sanguineo - melancholicis, ætatis præcipue iuuenilis & virilis homines.
2. Qui congestionibus rheumatico-arthriticis obnoxii sunt.
3. Sexus virilis, præ sequiori.

V. *CAVSSAE.*

1. Causa *materialis remota* est plethora, & hinc orta congestio versus hunc locum euacuationi sanguinis destinata.
2. Causa *proxima* est stagnatio humorum per copiosum & diuturnum sanguinis adpulsum inducta.
3. Causa *efficiens* est principium vitale, quod per hosce motus congestorios hæmoptycam euacuationem eminus intendit.
4. Causæ *occasionales & procatarticae*:
  - 1) Importuniores & repentini corporis motus sub caloris & frigoris alternationibus.
  - 2) Scabiei, vel aliorum qualiumcumque exanthematum retrocessiones.
  - 3) Repentinæ sanguinis ebullitiones per abusum potuum spirituosorum, vel iracundiam inductæ.
  - 4) Transpiratio auctior & diaphoresis subito repressa.
  - 5) Euacuationes sanguinis naturales suppressæ.
  - 6) Artificiales adsueta neglectæ.
  - 7) Violenta pectoris concussio per ictum, lapsum vel fortio-riorem nisum in oneribus gestandis.

VI. *PROGNOSIS.*

1. Hic affectus, si legitime tractatur, intra aliquot dierum spatium sine periculo decurrit.
2. Futuro autem tempore alii sæpe morbi spastici, videlicet nephritis, malum ischiadicum, & tandem podagra succedunt.
3. Si incongruentia adhibentur medicamenta, e. g. calida alexipharmaca, vel externa refrigerantia, tum externæ inflammationes, asthmata spastica, scirrhi hepatis, vel lienis inducuntur.

Ggg 2

4. Non



4. Non minus per medicationem peruersam in pleuritidem veram vel hepatidem transmutatur.

## VII. *METHODVS MEDENDI ET REMEDIA.*

1. Cruditates primarum viarum ante omnia respiciantur, & per lenia laxantia euacuentur, e.g. per sennata, rhabarbarina, mannata, it. correctæ aloëtica & helleborina.
2. Quando ex iracundia malum hoc existit, ad eliminandam saburram biliosam lene emeticum, & mox quidem propinetur.
3. Concurrente, & valde vrgente plethora, venæ sectio in pede instituatur, maxime in illis subiectis, quorum consuetæ hæmorrhagiæ suppressæ, vel artificiales prætermissæ sunt.
4. Ad stasim, quæ ab humorum versus hæc loca stagnatoria congestione metuenda est, præoccupandam, præscribantur resoluentia, discutientia, & æqualem sanguinis distributionem promouentia, e.g. essentia alexipharm. & mixtura tonico-neruina *Stahlii*, in subiectis floridis mixtura simplex.
5. Transpiratio vbique conseruetur per diaphoretica fixa, antimon. diaphoret. bezoard. minerale, coniuncto regimine modeste calido, non autem coactio.
6. Motus spastici & ebullitiones sanguinis demulceantur per nitrosa, absorbentia & cinnabarina, it. per decocta lenientia, gelatinosa, emulsua ex sem. card. mariæ, amygd. dulc. & herbis pectoralibus, veronic. tussilag. heder. terrestr. scord. scabios. spermat. cer. & denique per portiones ex aquis temperantibus, additis nitro depurato, conchis citrat. corall. rubr.
7. *Vrgentibus* autem motibus spasticis adhiberi possunt pulveres antispastici largiter cinnabarati, vel cum cortice cascarillæ, & versus somnum cum M. P. de cynoglossa mixti.
8. Externe locum habent:
  - 1) Spiritus vini cum spiritu formicarum mixtus, & regioni dolenti adplicatus.

2) Ca-
















- 2) Cataplasmata ex herbis lenientibus, discutientibus & neruinis.
- 3) Emplastra, e. g. emplastr. saponat. *Barbette* camphoratum, de tacamahaca.
- 4) Frictiones tam in loco adfecto, quam dorso.

## VIII. CAVTELÆ ET OBSERVATIONES PRACTICÆ.

1. Si plethora non ad modum vrget, venæ sectio prætermittatur, nam ad prophylaxin instituta, maioris est efficaciam, quam fauiente dolore.
2. Euitanda sunt *externa* remedia *calida acria* & *volatilia*, ne adfectus a partibus externis ad interiora viscera retrocedat.
3. Exsulent remedia *narcotica*, *emollientia* & *expectorantia*, nec non interna *adstringentia*.
4. Eiusdem census est vsus topicus remediorum *sulphureorum*.
5. *Externa refrigerantia* cum animi pathematibus fugiantur.



## TABVLA XLIX.

DE

## MALO ISCHIADICO.

## I. DEFINITIO.

Malum ischiadicum est adfectus spastico - arthriticus ad modum dolens; qui motibus contentiosis coxas & os sacrum vehementer infestat, & sanguinis superflui per vasa hæmorrhoidalia ventilationem intendit.

## II. DIFFERENTIA.

1. *Malum ischiadicum* ab *arthritide* strictè dicta non differt, nisi quod hæc iunioribus, illud autem ætate prouectioribus obtingat & regionem coxæ atque ossis sacri pertinaciter occupet.
2. *Chiragra*, *gonagra*, & *podagra* eundem inuoluunt respectum, & ex ipsa denominatione dignoscitur horum adfectuum differentia *localis*

Ggg 3

3. Quem



3. Quem ad modum omnes arthritici adfectus a *simplicibus* motibus congestoriis hæmorrhagicis ratione *effectus, durationis, partium adfectarum*, immo etiam *euentus* differunt, ita & malum ischiadicum ab his congestionibus simplicibus est distinguendum. *Conf. tab. de adfectibus spastico-arthriticis.*

### III. SIGNA.

1. Dolor coxendicum vehemens, & pertinacia singulari sæviens; maxime in tendinibus circa iuncturas desinentibus.
2. Hic spasmus musculos totius lateris tam arcte stringit, ut æger curvius incedere cogatur, neque corpus sine intensissimis doloribus erigere queat.
3. Pro diuersa fibrillarum strictura, modo inflatio omnium ferme vasorum cruralium obseruatur, modo dolor, qui interdum ad genu, interdum etiam ad pollicem vsque pedis se se extendit, sentitur.

### IV. SVBIECTA.

Ischiadico malo sæpius obnoxii sunt homines

1. Sanguinei, sanguineo-choleric, sanguineo-melancholici, immo etiam de phlegmatico temperamento participant, qui habitus corporis sunt laxi & spongiosi.
2. Præcipue plethorici, floridæ diatæ, lautæ, aromaticæ, spirituosæ, dediti, animi pathematibus, in primis iracundiæ, nimis indulgentes, vitam otiosam degentes.
3. Dispositione hæreditaria adfecti, vel etiam veneri addicti.
4. Præ ceteris facile in hoc malum incidunt hæmorrhoidarii, & illi, qui artificialem sanguinis ventilationem neglexerunt, vel naturalem imprudenter suppresserunt.
5. Certius autem illi, qui rheumaticis & arthriticis strictè dictis morbis ætate iuniore obnoxii fuerunt, progressionem annorum a malo ischiadico infestantur.
6. Feminae hystericae, cælibes hæmorrhoidariæ post mensium cessationem nonnumquam fiunt ischiadicae.
7. Denique illi, qui vel percussiones violentas, vel suppressos

sudo-









sudores in pedibus perpeffi sunt, vel diuturnis præter consuetudinem equitationibus se se exercuerunt.

#### V. CAUSSÆ.

1. Causa *materialis* mali ischiadici est plethora.
2. *Efficiens* est ipsa natura, quæ sanguinem superfluum versus coxas & vasa hæmorrhoidalia, siue externa siue interna, ducit & ibidem exitum quærit.
3. Causæ *externæ & occasionales* in *subiectis* recensitæ sunt.

#### VI. PROGNOSIS.

1. Malum ischiadicum ægros magis excruciare solet, quam dolores arthritici, qui partes superiores infestant.
2. Cholero-sanguineos hoc malum tam insolenter interdum infestat, ut a strictura diuturna partium adfectarum extenuato & coxendicis aridura metuenda sit.
3. Dolor, qui iuncturam femoris occupat, diutius perseuerat, ægriusque tollitur, quam ille, qui circa os sacrum animaduertitur.
4. Malum ischiadicum, hæmorrhoides & nephritis mutuum quidem, sed non perpetuum, inter se habent commercium.
5. Hæmorrhoidum legitimus fluxus non solum passionem ischiadicam mitigat, sed & illius recursum in multis præscindit.
6. Quo insolentius passio ischiadica vrget, eo citius in podagram transmigrat, & quando hæc rite non tractatur, hæctica scenam claudit.
7. Si dolores coxendicem deferere, & ad inferiora tendere obseruantur, optima omnino est nota solutionis spasmorum.
8. Corpus si insolentius commouetur, malum exacerbat.
9. *Hippocr. aphor. 59. Sect. VI.* dicit: quibus longo coxendicis dolore vexatis coxa excidit, & rursus incidit, iis mucres insunt.
10. Item *Hippocrat. aph. 60. Sect. VI.* quibus a diuturno coxendicis malo vexatis crus excidit, iis crus contabescit, & claudicant, si non vsti fuerint.

#### VII. ME-



## VII. METHODVS MEDENDI ET REMEDIA.

1. Methodus, qua malum ischiadicum tractari debet, non differt a regulis illis, quas tabula generali de adfectibus spastico-arthriticis exhibuimus.
2. Hoc tantum monere restat, vt medicatio eo maiori patientia continetur, quo magis malum hoc ischiadicum ad pertinacem podagræ indolem accedere solet.
3. Quod ad *externa* remedia attinet, in malo recentiore non exiguum habent locum & effectum, præcipue *sapo Venetus*, spiritu vini solutus, & *emplastrum saponatum Barbette camphoratum*; item *ceratum matricale*. *Conf. caut. s.*

## VIII. CAUTELAE ET OBSERVATIONES PRACTICAE.

1. *Ventilationes sanguinis artificiales*, si extra paroxysmum & mature satis instituuntur, motus eius modi ischiadicos multum præoccupare possunt.
2. *Hirudines* apud illos, qui hæmorrhoidum suppressione laborant, insignem edere effectum, immo totum interdum malum superare compertum est.
3. *Purgantia, sudorifera* eiusdemque commatis medicamenta sanguinem commouentia, hic omnino exsulent, paroxysmum enim exasperant, infarctum, scirrhum, vlcus inducunt, hæctica tandem insequente.
4. Optimum remedium præcauendi huius mali est *motus voluntarius*, præcipue extra paroxysmum, quantitate sanguinis prius imminuta, institutus. Notandum autem est, quod, nisi hic ipse motus ad consumptionem vsque sanguinis per modum insensibilis transpirationis diu ac continuo peragatur, magis noceat quam profit. Ille enim motus, qui impetuosus & abruptus est, orgasmum sanguinis, virium prostrationem, & multa alia damna importat.
5. *Emplastra, ceratum matricale, & saponatum Barbette* in malo ischiadico recentiore efficaciter adhibentur, in statu autem inueterato sine fructu dolenti regioni adplicantur.
6. Quoniam *balnea* sanguinis quantitatem non imminuunt, ideam verò naturæ, sanguinem commouendi, imprime-









re possunt, horum loco suffimigia potius vaporosa partibus inferioribus admoveantur.

7. *Scarificationes* iam dum adfectæ temere non prætermittantur. Licet enim neque hoc remedio quantitas sanguinis satis imminui possit, docet tamen experientia practica, quantæ efficacis sit consuetudo.



## TABVLA L.

DE

PODAGRA, GONAGRA

ET

CHIRAGRA.

### I. DEFINITIO.

1. *Podagra* est spastica-dolorifica motitatio in pede, a congestionē sanguinis hæmorrhoidali externa initium sumens, & nullo ibi exitu potita, consuetudine ita insolescens, ut ex leuissima deinde occasione recurrat. Deriuatur a πῆς, pes, & ἀγρεύω, capio.
2. *Gonagra* est dolor arthritico-spasticus sæuissimus, genua tantum occupans, & a causis supra indicatis ortum trahens. Deriuatur a γόνυ, genu, & ἀγρεύω, capio.
3. *Chiragra* est dolor arthritico-spasticus, articulationes manuum & præcipue digitorum occupans, atque a causis supra indicatis proueniens. Deriuatur a χεῖρ, manus, & ἀγρεύω, capio.

### II. DIFFERENTIA.

Hi adfectus a reliquis arthriticis pathematibus non differunt, nisi quod ad loca & tempora seu ætatem attinet.

### III. SIGNA.

#### I. *Podagra*

- 1) Præluit sæpe conspicua inflatio & infarctus vasorum

Hh h

per



per crura excurrentium, præcipue apud illos, qui amplioribus vasis instructi sunt.

- 2) Huic iungitur grauatiua aliqua totius corporis lassitudo, & tensio per ipsum femur deorsum, cum adspectu pallido partium musculosarum.
- 3) Cum hoc languore concursat subinde notabilis horripilatio, immo non raro manifestus febrilis horror; licet vana sit speculatio illa, quod podagricis absolute omnibus aliquid febrile eueniat, præcipue, quando incongruentia artificia exclusa sunt.
- 4) Huic succedit, immo cum illo concurrit, æstus modo volaticus, modo ardens, ad sitim & impatientiam usque varians pro temperamentorum diuersitate.
- 5) Inuadit ordinario modo leniter circa vesperam, & summum gradum adipiscitur post mediam noctem, hora autem circiter nona ante meridiem mitescit. Deinde usque ad vespertinum vel nocturnum tempus dolor *remittit*, immo interdum plane *intermittit*.
- 6) Quando autem a manifestis irritationibus exoritur, e.g. ab ira, terrore, tum typum hunc non æque seruat, sed eo momento impetuose irruit.
- 7) Incipit dolor in aliis, præcipue phlegmaticis, tantum tensius, grauatius & pressorius, liberum membri motum impediens, sub conamine autem mouendi insigniter pungens redditur.
- 8) In aliis vibratilis lancinans, vellicans, palpitatorius, pertinacissimus, ad eiulatum usque se extendit, ita ut sub exigua etiam membri motitatione, rupturam illud incurrere videatur. Hos dolores sequentibus circiter verbis exprimunt: es reiße, zerre, fahre hin und wieder, es fechte und tobe, es lebe alles drinnen; es lauffe wie Ameisen, es arbeite drinnen; es reiße das Glied noch ganz zu schanden, es sey, als ob alles zerreißen und zerspringen müßte: als ob Nadeln hin und wieder führen &c. Atque hic est *Galenī κόπος ἐλκώδης*, seu dolor contusorius, quem vulgus circumscribit, es thue so weh wie Blut-Schwären, daß sie sich fürchten, es anzurühren.

9) Sæ-









- 9) Sæpe enim numero micat, vibrat, salit, palpitat pars adfecta, ac si multæ acus intus vibrarentur, aut pectine ferreo locus carperetur.
- 10) Orditur hic dolor in aliis a superioribus partibus deorsum, nempe a coxa ad pollicem pedis, in aliis inuerso ordine, videlicet a pollice ad coxam, procedit.
- 11) Occupat hic dolor pedem, non solum strictissime dictum, sed ipsam etiam tibiam, genu & femur: nec solum articulationes harum partium, sed etiam intermedia spatia. Atque sub hac extensione & excursione gonagram, & malum ischiadicum simul inuoluit.
- 12) Durat hæc adflictio, sed cum temporaria remissione, per plures hebdomades: & quando dolor remittit, excipit eundem rigor; cui si motus accedat, vniuersus dolor cum ferocia recurrit.
- 13) Sub ipso dolore nullus adest somnus; & licet ille tempore remissionis languide obrepat, cum frequentibus tamen pauoribus coniunctus est; præcipue quando ægri improuida quadam *adlisione* pedis *dolores* revocant.
- 14) Tumor aliquibus erumpit, interdum circa initium, interdum circa finem mali, sed non singulis eidem indiuiduo paroxysmis.
- 15) Primis horum dolorum temporibus vel numquam vel rarissime sudant, nisi præ anxietate. Impetus autem quando non nihil languescit, erumpit ad minimum lenis mador, non raro etiam copiosus sudor, præcipue ex adfecta parte.
- 16) Quibus autem sub ipsis doloribus reliquum corpus sudat, illis pars dolens fere sicca manet.
- 17) Adpetitus sub vigore mali aliis iacet, & ad nauseam vomituriem inclinat, aliis satis constat.
- 18) Prioribus concurrunt syndromæ pathematum in abdomine, præcipue in sinistro hypochondrio, colici dolores, alui siccitates.
- 19) Posterioribus magis conspirant dolores lumbares, re-



nales ac nephritici, immo excretio sabuli & calculorum.

- 20) Denique decrefcunt dolores, & fuccedit ftupor vel rigor circa partem adfectam, fub quo ftupore & rigore fpafmodica mufculorum ftrictura adparet; cui ftricturæ contractura & immobilitas membri illius, ad quod mufculi pertinent, indiuiduo nexu ordinarie iunguntur.
- 21) Seceffio illa furfuracea, quæ in fine obferuatur, non omnibus eft familiaris, nec prouentus nodorum tophaceorum, nifi in malo ad modum inueterato, & habitu pituitofa.
- 22) Vrina, quo magis dolores videntur, eo magis etiam eft rubicunda, valde craffa, rubedine paulisper tenebriofa: fedimentum, crudius adhuc malo, deponit pauciffimum, idque pallidum; prouectiore autem morbo craffum & fubmucidum rofeum oftendit: lateribus vitri adfigit & ad fundum etiam dimittit copiofa granula, inftar tartari, aurantii faturatiffimi coloris.
- 23) Recurrit hic adfectus ftato fere tempore, maxime autumnali aut hiberno humidior, vel vernali humido-frigido aëre.

#### 2. *Gonagra & Chiragra.*

Gonagra & chiragra figna peculiari non indigent euolutione. Hi enim dolores ad indolem aliorum adfectuum arthriticorum adcedunt, idem cum iisdem fchema exhibent, cum podagra facile conſpirant, & non, niſi quod ad loca attinet, differunt.

### IV. *SVBIECTA.*

#### 1. *Podagra crebrius obnoxii ſunt homines*

- 1) Sanguinei, ſanguineo-cholerici, ſanguineo-melancholici, immo etiam de phlegmatico temperamento participant, verbo: qui habitus corporis ſunt laxi & ſpongioſi.
- 2) Plethorici, floridi, otioſi, diætæ lautæ, aromaticæ, ſpirituofæ dediti, venere abutentes, animi commotionibus,















nibus, præcipue iracundia laborantes, & qui aut præter consuetudinem aut subinde animi gratia otiosum corpus vel equitando, vel vehendo vel laborando, fortiter exagitant.

- 3) Ordinarie viri consistentis & prouectioris ætatis, prægressa florida & sana iuuentute.
- 4) Graciles, & capacibus venis instructi, paucissimi hoc adfectu laborare inueniuntur, nisi antea spongiosi fuerint, vel hæreditaria subsit dispositio.
- 5) Rarius etiam ætas iunior, nisi ex eadem hæreditaria labe, vel motibus hæmorrhoidalibus prægressis, cum vini, iræ, veneris abusu.
- 6) Quidquid de *infantibus* podagricis circumfertur, ad rarissimos casus pertinet, & laborat fallaciæ suspicionem.
- 7) Quibus euacuationes sanguinis naturales suppressæ, vel artificiales consuetæ prætermittæ sunt.
- 8) Dispositi ad rheumatismum ex apostasi febrili non satis discussa; qui quidem alius etiam habitus, quam spongiosi, esse possunt, & qui ex violenta partis læsione, fractura, contusione, chronica spongiosa ulceratione, insigni perfrigeratione, venericis gummatibus & viscosis inquinamentis in podagram incidunt.
- 9) Feminae rarius quidem hoc malo adficiuntur, quæ vero eidem obnoxia fiunt, sunt plethoricae, hæmorrhoidariae, cælibes, & in his malum ischiadicum fere semper præcedit.
- 10) Subiecta *capitis amplioris* podagræ præ aliis obnoxia esse, vulgo quidem dicitur; sed quæ hic vera sunt, causa generaliore suffulciuntur. nempe illi, qui corporis spongiosi & diffusi existunt, amplius etiam caput plerumque habent.

## 2. *Gonagra & Chiragra.*

Hi adfectus eadem fere subiecta, quæ modo nominata sunt, infestant.

Hhh 3

V. CAUS-



## V. CAUSSAE.

1. Causa *materialis* horum adfectuum est *plethora*.
2. Causa *efficiens* commoti huius sanguinis est principium vitale, quod illum certis partibus destinat, ut per illas euacuatio obtineatur.
3. Nempe hi motus, licet erronei sint, respiciunt tamen in gonagra & podagra hæmorrhoides externas, in chira-gra autem & pleuritide spuria hæmoptysin.
4. Causæ *externæ, occasionales & procatactica* in descriptione *subiectorum* potissimum indicatæ sunt.

## VI. PROGNOSIS.

1. Hi spasmodici dolores quo magis a loco excretionis sanguineo-hæmorrhoidalis, ad quam collineant, remoti sunt, eo pertinacius insistant, & medicationem respuunt. Hinc podagra & gonagra longe difficilius, quam malum ischiadicum eradicantur, & dolor ischiadicus circa os sacrum longe promptius mitigatur, quam qui iuncturam femoris occupat.
2. Podagra ita fere insolescit, ut patientes vix umquam ab illa in solidum liberentur: hinc inueterata mitigari tantum, radicatus extirpari rarissime potest.
3. Quando *iuniores & viri* a podagra corripuntur, totus morbi ambitus plurimum intra 14 dies finitur, in *senibus* autem sæpius ad aliquot menses extenditur; quæ differentia cuiusvis ætatis genio adscribenda est.
4. Podagra artificiis suppressa vel repulsa, grauissimos & pertinaces morbos infert lethali euentu sæpe concludendos. Conf. num. 16.
5. *Vulgi traditio* non caret fundamento, quod nempe, qui ad modum iuniores podagra infestantur, non perueniant ad insignem ætatem, & hoc quidem ob frequentem passionum hypochondriacarum complicationem: Vnde facile recessio ab artubus ad interiora contingit, quæ in sanguineo-cholericis inflammationes viscerum, in magis phlegmaticis hypochondriacos adfectus producit.

6. Sic









6. Sic etiam vera deprehenditur *altera vulgi observatio*, quod, qui tarde podagra tententur, ad feram vsque senectutem viuere soleant, & tandem marasmode vel hydropico-hecticis, vel paralytico-apoplecticis malis vitam amittant. Ex contrario iuniores, vel febribus, acutis inflammatoriis, vel æstuosis hecticis, vel apoplecticis euentibus moriuntur.
7. Quam diu *pauores* sub somno adhuc vigent, finis paroxysmi nondum adest.
8. Quo *fæuioribus* doloribus podagra ægrum exercet, eo breuius & perfectius periodum suam terminat, eo diutius etiam nouus insultus emanet, sed eo certius desinit in spasimum, partes rigide trahentem, & in contracturas facile abeuntem.
9. In chiragrigo-podagrica passione, eaque inueterata, stabiles tandem contracturæ & rigores horum membrorum eueniunt, nodi etiam circa articulos digitorum. Sed hæ *contracturæ* rariores sunt, nisi quidem grauibus animi pathematibus, diata intemperante vinosâ, vel inconditis artificiis inducantur. Ad has autem contracturas referri non debet impotentia illa, partem flectendi sub doloribus, neque rigor ille in declinatione paroxysmi succedens.
10. Quo magis autem a paroxysmis remanet insigne vitium siue tumoris, siue torporis, siue rigoris, siue nodosæ duritiei, siue contractæ distorsionis, eo promptior, aut ad minimum eo certior, & in vniuersum peruicacior, fit recursus.
11. *Cholerico-sanguinei* a tumoribus pedum liberi sunt; ex contrario his strictoria potius partium extenuatio ad coxendicem vsque obtingit, eaque tanta aliquando est, vt in ariduræ metum coniiciantur.
12. *Sanguineis* hi tumores eneniunt duri, rubicundi, calidiores interdum, *phlegmaticis* vero molles, œdematosi, vbiq̃ue tamen cum sensu doloris.
13. Adsuescunt facile & tandem pertinacius durant ac peren-



perennant, sed sine præcipiti periculo, nisi repellantur, vel ineptis remediis hydrops, qui per se non insecutus esset, aduocetur.

14. Pauci podagrici dantur, qui non sabulo & calculis, vel ad minimum lumbaribus doloribus cum vrinæ vitiis aut motibus hæmorrhoidalibus adficiuntur; immo præcludunt sæpe pathemata fere nephritica: vbi autem nephritis calculosa complicatur, ibi raro simul hæmorrhoides obseruantur.
15. Hæmorrhoides autem, debito ordine & quantitate fluentes, podagram in solidum auferre solent.
16. Podagra quando ex artubus ad interiora cito repellitur, siue id fiat per adstringentia, siue per ambulationem, siue per alia exercitia, solos artus mouentia, succedunt facillime tristia & periculosa pathemata, vti num. quarto iam diximus, & hic sigillatim indicabimus, nempe
  - 1) In iunioribus, insigniter plethoricis, & cholericis sanguineis, diæta calida vtentibus, exoritur facile inflammatio vel hepatis, vel lienis vel ventriculi cum febre acuta.
  - 2) In mediocriter annosis, mucosis, diæta non adeo calida vtentibus, sequitur deiectio adpetitus cum vomitu adsumtorum. Huic prostratio virium, agrypnia, splenica pathemata, colica tormina, multa flatulentia, febris lenta & hæctica mox succedunt.

## VII. METHODVS MEDENDI ET REMEDIA.

1. Podagra, chiragra & gonagra eadem quidem methodo & iisdem medicamentis possunt tractari, quæ tabula generali de adfectibus spastico-arthriticis indicata sunt; quoniam autem diuitum æraria & magnatum chartophylacia indubiis testimoniis confirmant, & per vulgus adeo notissimum est, quod podagra medicationibus & medicamentis non cedat, *aliam viam*, eamque simplicissimam & fere certissimam, vtut delicatulis incommodam, monstrabimus, qua hoc malum, nisi ad modum sit inueteratum, & hæreditarium, *funditus* extirpari posse certissimum.

2. Hanc









2. Hanc viam sequente consilio manifestamus: Podagra est *morbis dominorum*, die Herren-Krankheit: vnde qui hoc malo cupit liberari, *seruus fiat*, necesse est.
3. Durum hoc verbum! quis potest audire? Is autem audiet, qui vere cupit liberari, & vitam commodam ac otiosam in laboriosam commutabit. Hæc enim sola causam podagræ, nempe plethoram, potest remouere.
4. Hoc adsertum sine formidine oppositi audacter defendemus: non paucis enim exemplis illud habemus confirmatum, inter quæ hoc, quod sequitur, est notabilissimum.
5. Vir quidam litteratus quinquaginta & quatuor annorum, temperamenti sanguineo-melancholici, habitus corporis spongiosi & crassi, vita sua sedentaria non tantum varia mali hypochondriaci incommoda & motus hæmorrhagicos incompletos sibi cumulauerat, sed & insultus podagricos per viginti & plures annos, tantos iam pertulerat, vt prostratis demum viribus lectum semper fere custodire deberet, & præ nimia animi sensibilitate atque impatientia illos, quos habebat intimos, ne videre quidem posset, atque pecuniam, quam in statu sano non dilapidabat, in terram proiiceret. Nulla salus erat in medicamentis, quæ a multis Medicis exhibebantur, & quo copiosius optimæ bonitatis nutrimenta atque iuscula sic dicta confortantia die Kraft-Brühen, sumebantur, eo magis vires cadebant, donec corpulentia seu pinguedo corporis post paroxysmum aliquot mensium podagricum & febrem lentam remota esset. Consumpta hac ratione plethora & recuperatis paulisper viribus, quærebam ex ægro hoc, num vere cuperet liberari a malo tam diuturno & pertinaci? quumque omnem lapidem se moturum esse cordate promitteret, non tam verbis quam ipsa praxi via monstrabatur, atque, præter corporis motum, venæ sectiones æquinoctiales, quas nemo antea cordi habuerat, eidem imponebantur. Sub initium quidem tantas vires non æger, vt extra domum ambulare posset, breui autem tempore in excursionibus & reliquis cor-



poris motibus habitum mirificum adquisiuerat: factum enim est, vt tempestate commoda pluribus diei horis campos & syluas percurreret, tempore autem nubilo vel hyemali domestica negotia, eaque satis laboriosa, omni adfiduitate & constantia per tres annos susciperet, Omnia aderant sanitatis indicia, & podagra, quod per viginti annos frequentibus annuis paroxysmis nostrum exercuerat, tribus hisce laboriosis annis numquam redibat. Nihil, quod desideraretur, restabat, quam hoc vnicum matronarum domesticarum votum, videlicet vt pristina corpulentia, quam adfiduus labor haecenus impediuerat, rediret. Redibat quarto anno, quo sensim a labore remittebat, & diata nihilo minus plena ac lauta utebatur, venæ sectionem etiam, quam magnopere auersabatur, omiserat. Hac ratione ampla illa vestimenta, quæ spe obtinendæ pristinae obesitatis angusta fieri matronæ recusauerant, ad vota erant expleta. Prædicebam pristinum morbum, qui quinto anno mitioribus quidem, sexto autem acerbioribus paroxysmis recurrebat, atque totam pinguedinis penum consumebat. Nouam hanc calamitatem litteris suis mihi indicabat ager (discesseram enim inter ea ex illo loco, quo vna habitabamus) & novam obedientiam pollicebatur.

6. Plura eius modi exempla nota sunt, quæ podagram, quoties desiderant, vita otiosa possunt reuocare, & ex contrario per sufficientem constanter laborem illam profligare.

#### VIII. CAUTELAE ET OBSERVATIONES PRACTICAE.

1. Omnes excretiones, leniter promotæ, dolores horum adfectuum mitigant, suppressæ vero, vel fortiter intensæ, illos exacerbant.
2. Hinc quouis modo improbantur
  - 1) *Opiata*: hæc enim siue particulis viscidis, siue sulphure volatili valde actiuo, in humores agant, præter alia damna, contracturas facile relinquunt. In atrociam autem dolorum illa tantum, quæ correctæ sunt, sub prudente usu conceduntur.

2) *Mar-*









- 2) *Martialia, bolaria & alia adstringentia*, quæ excretiones supprimunt, viscera constringunt, & hydropem arcessunt.
- 3) Cautelæ illæ, quæ tabula generali de *spasms* indicatæ sunt, etiam hic valent.
3. *Pilula Stahlianæ*, præcipue illæ, quæ ad tumores specialiter instructæ sunt, in tumore podagrico extra paroxysmum laudantur.
4. *Hirudinum* adplicatio ad loca hæmorrhoidalia, vel largæ & profundæ *scarificationes* in partibus adfectis vsum præstant.
5. Item *spiritus vini camphoratus crocatus & sacculi sicci* omnibus subiectis conducunt.
6. Quemlibet rheumatismum, siue a febribus male solutis, siue a scabie repulsa &c. productum, pro podagra interpretari, caueatur.
7. *Causæ occasionales*, nempe diæta lauta, calida, bacchus, ira, venus, motus concussorii, equitatorii diuturni &c. nisi remouëantur, obtenta mitigatio non diu durabit.
8. Excell. *Stahlius* adlegat exemplum serui alicuius, qui a domino suo podagrico ocreas dono acceperit, & breui abhinc tempore podagricus factus sit.
9. In doloribus podagricis egregie laudatur *emplastrum*, quod *tabul. chirurgica de contabescentia* describitur.
10. Ceterum res est altioris considerationis, quod repulsio podagræ ex artubus ad interiora tam infauusta consuetudina, eaque satis velocia habeat. Certe qui considerat paucas illas sanguinis guttulas, quæ spasticis illis contentionibus exagitur, non facile credet, quod illæ ipsæ ad interiora repulsæ tale infortunium producere possint. Hinc non tam in *materiam*, quam *motus pertinaciam* culpam reiicimus. Natura enim, quæ intentione euacuandi sanguinem occupata est, quando in externis partibus turbatur, ad interiores partes se conuertit, & in quocumque viscere vitali eosdem pertinaces motus strictorios & expressorios instituit. Vnde stases humorum inflammatoriæ oriuntur, & tristia consuetudina introducuntur.



## TABVLA LI.

DE

## I N C U B O.

## I. DEFINITIO.

Incubus est spasmodica musculorum thoracis contractio, nocturno tempore contingens, & anxiam valde ac laboriosam respirationem inducens; germanice, der Asp, græce ἐφιάλης.

## II. DIFFERENTIA.

1. Incubus quo modo ab *asthmate conuulsivo* distinguendus sit, sequente tabula fufius indicatum est.
2. Differentiam a *catarrho suffocatio* signa vtrorumque adfectuum, inter se collata, docent. *Conf. tabula de catarrho suffocatio.*


## III. SIGNA.

1. Sensus ponderis alicuius, pectori incumbentis.
2. Respiratio anxiosa, & tam vehementer cohibita, vt neque mouere corpus, neque claram vocem emittere possint ægri.
3. Totius enim corporis motus paullisper sufflaminatus est, collecto motus vigore circa thoracem.
4. Oberrant sensibus varia phantasmata, quæ vere se conspiciere & a quibus iniurias se pati autumant adfliti.
5. Soluitur hoc incommodum, simul ac vnicum tantum membrum ad motum denique concitetur.
6. Remanet autem aliquamdiu ingens lassitudo per corpus vniuersum, immo nonnunquam maculæ rubicundæ vel liuidæ, siue in artubus siue in pectore, conspiciuntur.
7. Hæc omnia nocturno tempore contingunt, medio inter vigilantem & dormientem statu.

## IV. SVBIECTA.

1. Euenit incubus sæpius plethoricis, non quidem simpliciter talibus, sed notabili sanguinis spissitudine laborantibus.
2. Spe-















2. Speciatim; qui adfectibus hypochondriaco-splenicis obnoxii sunt.
3. Qui nimia ciborum quantitate ventriculum circa vesperam onerare, & in tergo decumbere solent.

## V. CAUSSÆ.

1. Causa *materialis* est plethora cum spissitudine sanguinis, præcipue circa venam portæ stagnantis, coniuncta.
2. Causa *formalis* spasticorum horum motuum est principium vitale, quod illos rationaliter quidem, sed ex errore constituit.
3. Cum causa materiali interdum conspirant cruditates primarum viarum.
4. Hac ratione exfulant fabulæ, quæ de hoc malo per vulgus circumferuntur.

## VI. PROGNOSIS.

1. Incubus transitorius est adfectus & minoris periculi.
2. Contumaciter tamen interdum se gerit, nec prius auferitur, donec sanguinis quantitas imminuta & eiusdem spissior qualitas correctæ sit.

## VII. METHODVS MEDENDI ET REMEDIA.

1. Præmittantur per aliquot dies blandiora *laxantia* cum digestiuis & resoluentibus coniuncta.
2. Deinde, modo tempus sit opportunum, *venæ sectio* in pede administretur, subiunctis pulueribus nitrosis, digestiuis, cinnabarinis.
3. De reliquo eadem methodus, quæ *tabula de malo hypochondriaco-hysterico* commendata est, obseruetur.


## VIII. CAUTELÆ ET OBSERVATIONES PRACTICÆ.

1. Quo magis primarum viarum cruditates peccant, eo magis post euacuantia tonus per stomachica amara restituendus est; in quem finem præcipue laudantur essent. gentian. rubr. centaur. min. card. bened. absinth. cort. aurant.
2. Vbi incubus *vnice* a prægrauatione ventriculi dependet, ibi euacuatio commode per blandum aliquod *vomitum*.



*um* peragitur ; caueatur modo , ne in diagnosi error committatur, vomitus enim in adfectibus hypochondriaco-hystericiis grauia mala inducturus esset.

3. Adsuescant eiusmodi ægroti lateribus, non autem tergo, incumbere.



## TABVLA LII.

DE

## ASTHMA TE SPASTICO

SEV

## CONVVLIVO.

### I. DEFINITIO.

Asthma conuulsiuum est vehemens spastica musculorum thoracis compressio, hæmoptylicam euacuationem, sed erronee, respiciens.

### II. DIFFERENTIA.

1. Asthma conuulsiuum ab *incubo* sequentibus differt:

- 1) *Incubus* euenit dormientibus tantum, vel ad minimum semidormientibus, *asthma* autem *conuulsiuum* vix aliis, quam vigilantibus, obtingit.
- 2) *incubus* transitorius est adfectus, *asthma* autem *spasticum* longe pertinacius durat, & frequentissime statis paroxysmis reuertitur.
- 3) *Incubus* respirationem tam vehementer cohibet, vt vocem claram supprimat, *asthma* autem *conuulsiuum* liberam magis habet respirationem.
- 4) *Incubus* minoris, *asthma* autem *spasticum* maioris est periculi.

2. Asthma *spasticum* quo modo ab asthma *defectiuo*, nempe humido & sicco, differat, videatur *tabula de asthma humido & sicco*.

3. Dif-









3. Differentiam a *catarrho suffocativo* docet *tabula de catarrho suffocativo*.

### III. SIGNA.

1. Respiratio est quidem brevis, sed non tam vehementer impedita; neque oppletium quid in pectore sentitur: quibus circumstantiis a *catarrho suffocativo* præcipue dignoscendum est asthma convulsivum.
2. Torpor insuperabilis & extrema lassitudo per reliquum corpus.
3. In thoracè vero & circa scapulas summa compressio sentitur, coniuncta cordis palpitatione.
4. Adspectus faciei inæqualiter est rubicundus, & vasa circa tempora turgent.
5. Alius plerumque est adstricta, vrina fere est suppressa, in nonnullis autem maiori copia excernitur.
6. Concurrit sæpe vertiginosa oculorum & mentis tentatio.
7. Hæc omnia non solum statò plerumque tempore, in primis circa primam noctem, per vnam alteramue horam adfligunt, sed etiam certas periodos formant.

### IV. SVBIECTA.

1. Crebrius euenire solet hic adfectus plethoricis, quam aliis subiectis.
2. In puerili & adolescenti ætate non facile occurrit; nisi quidem aliis morbis accedat, quo vero casu mali ominis deprehenditur.
3. Magis familiaris est adultioribus, in quorum aliis mediocris tantum paroxysmus, sed eo sæpius, occurrit, in aliis autem cum impetu inuadit & breui tempore scenam claudit.
4. Specialiter euenit hic adfectus iis hominibus, qui ventilationes sanguinis adsuetas, præcipue scarificationes circa hæc loca, neglexerunt.
5. Qui vitam laboriosam in otiosam mutarunt.
6. Quibus podagra vel rheumatismus inconditis remediis ad interiora retropelluntur.

7. Porro



7. Porro illis feminis; quæ suppressis vel imminutis menses laborant.
8. Item viris hypochondriacis, quibus hæmorrhoides suppressæ sunt vel impeditæ succedunt.

#### V. CAUSÆ.

1. Causa *materialis* est plethora.
2. Causa *formalis* est irritata ad excussionem natura.
3. Causæ *occasionales* sunt variæ, est enim magis symptomaticus quam idiopathicus adfectus: unde vel febribus, præcipue malignis, vel arthritico-rheumaticis, vel pectoris violentis adfectionibus se se iungit. *Conf. subiecta.*

#### VI. PROGNOSIS.

1. Asthma spasticum est fonticum malum, & licet in præsentia non statim sit periculosum, facile tamen recurrit, & sæpe ægrum iugulat.
2. Pueros & adolescentes quando hic adfectus corripit, perioris est præsagii.
3. Si subiecta valde corpulenta ab hoc morbo infestantur, in hydropem pectoris aliquando incidunt.
4. In iunioribus enim hic adfectus vere spastico-convulsivus deprehenditur, in mediocri ætate acutos morbos vel peculiare sanguinis eruptiones, præcipue hæmopticas, in senioribus autem catarrhos suffocativos, apoplexiam, paralyin, post se relinquere observatur.

#### VII. METHODVS MEDENDI ET REMEDIA.

##### 1. In paroxysmo.

- 1) Ante omnia alvus solvatur per clysterem acriusculum, ad quem, deficientibus aliis, vrina recenter emissæ, sumatur.
- 2) Deinde venæ sectio siue instituatur, siue differatur, secundum indicationes sub *cautelis* legendas.
- 3) Post ea ad sanguinis commoti placationem sæpius exhibeantur pulveres nitrosi, absorbentes, cinnabarini.
- 4) Coniunctis, ad sanguinem congestum discutiendum, temperatis alexipharmacis cum regimine leniter diaphoretico; quod tanto magis necessarium erit, quando febris, uti fieri solet, concurrat.
- 5) In









5) In casu valde vrgente cum pulueribus nitrosis versus somnum misceantur gran. II. M. P. de cynoglossa, vel cinnabaris largiore dosi adhibeatur.

6) Externe locum habent, tanto magis si æger scarificationibus adfuetus fuerit, sequentia:

a) Spiritus vini camphoratus, circa scapulas, ceruices collum, adplicandus.

b) Dens hippopotami.

c) Frictiones cum panno calido, præsertim si sensus circa scapulas adest.

d) Suffimigia ex succino, mastiche, storace &c. item ex stœchade citrina, prunis iniecta, & parti dolenti adplicata

## 2. *Extra paroxysmum.*

1) Venæ sectiones æquinoctiales in pede numquam prætermittantur, coniunctis pediluuiis, alternis hebdomadibus repetendis.

2) adsueta scarificationes iterentur.

3) Hæmorrhoidum & mensium vitium legitima methodo corrigatur.

4) Lenia laxantia subinde exhibeantur.

5) Subiunctis, ad tonum roborandum, & æqualem sanguinis distributionem promouendam, tonico-neruinis, e. g.

Recip. tinct. salis tartari.

essent. succin. ana drachm. II.

spirit. C. C. drachm. I.

M. dos. gutt. XXX.

## VIII. *CAUTELÆ ET OBSERVATIONES PRACTICÆ.*

1. *Vena sectiones*, in paroxysmo institutæ, hoc habent incommodi, vt adfectus in posterum pertinacius recurrat & idem auxilii genus efflagitet. Natura enim per hocce motus spasticos e longinquo sanguinem exprimere intendit, & quando per venæ sectionem desiderium illius expletur, alia vice, simul ac molestant plethoram sentit, ad antiqua molimina reuertitur, & prius non placatur, quam vena secta est.

Kkk

2. Vnde,



2. Vnde, si æger hoc malum numquam expertus est, venæ sectionem absolute necessariam non iudicamus. Quando autem illa omnino placet, instituatur satis copiose, & quidem vel iu vicinia, nempe in brachio, vel, si adfectus non ita vrget, in pede.
3. Quando vero æger ab hoc asthma te antea iam correptus, & venæ sectio administrata fuit, tum illius repetitio summe necessaria est: sine hac enim natura omnia reliqua subsidia spernit.
4. *Vomitoria*, sine matura circumstantiarum diiudicatione, data magis nocent, quam profunt, præcipue ratione plethoræ & latentis sub ea timoris hæmoptyseos. Si autem voracitas prægressa incrementum conferret, & nihil adeo contra indicaret, lene aliquod emeticum, præmisso clystere & pro re nata venæ sectione, concederetur.
5. Sic etiam *purgantia fortiora* non sine damno adhiberi possunt; lenia autem laxantia vsum suum præstant.
6. A nimia tali sanguinis pressione & spasmodica ipsius cutis contractione sæpius *sudor* provenit, quem nitrosa re vera magis promouent, quam sistunt.
7. Quando pathemata *hypochondriaca* euidentius complicata sunt, *mixtura simplex*, leniter camphorata, bene acidulata, & sine regimine vsurpata, utilis est; hæc enim flatulentis hypochondriacis subiectis egregie conducit.
8. *Salia volatilia*, præcipue in paroxysmo, fugiantur.
9. *Anodyna*, si, alio nondum aperta, exhibentur, certissime damnum inferunt.
10. Circumspectus *hirudinum* vsus multis hypochondriaco-asthmaticis salutaris fuit.
11. *Diaphoretica* in primis calida multum nocent, quia paroxysmum fortio rem reddunt, lenia autem diapnoica vsum habent.
12. *Expectorantia* in spastico-asthmaticis adfectibus, vbi nulla materia præsto est, adhibere velle, periculosum est.









TABVLA LIII.  
DE  
SINGVLT V.

I. DEFINITIO.

*Singultus* est motus diaphragmatis, & mesenterii cum intestinis semi-conuulsuus, per quem principium vitale aliquid circa hanc regionem molesti discutere, propellere & eliminare intendit.

II. DIFFERENTIA.

1. *Singultus* est vel *idiopathicus*, qui a vitio primarum viarum originem ducit, vel *symptomaticus*, qui per consensum neruorum in aliis morbis acutis contingit.
2. Qui morbis acutis superuenit, distinguendus est a singultuosa illa respiratione, moribundis infantibus familiari.
3. Differt *gradu*, est enim vel vehementior, cum summa vi & nisu eueniens, vel mitior, per spontaneam oris clausuram facile moderandus.
4. Qui *chronice* occurrit, vel mox cessat, vel, quod tamen rarius contingit, febrem inflammatoriam comitem habet, & maiore expiratione sonora ac fortiore impetu adfligere deprehenditur.

III. SIGNA.

1. Præcedit sæpe dolor grauatiuus & pressorius circa orificium ventriculi sinistrum.
2. Sequitur sub diaphragmatis concussione exspiratio sonora, plus minus acuta.
3. Sub ipso hoc motu concussorio, in chronico adfectu, exserit se se sensus quidam vlcerosus, als wenn alles rohe und wund an demselbigen Orte wäre.
4. Post præterlapsam horæ quartam circiter partem sponte fere cessat.
5. Aliquando autem, ultra aliquot horas, immo dies durat.



IV. *SVBIECTA.*

1. Singultus chronicus euenit potissimum iis hominibus, qui nimis auide cibum, præcipue fructus fugaces austeros, & frigidum potum magnis haustibus ingerunt.
2. Singultus in acutis morbis facile illis subiectis accedit, quæ inflammatione quadam interna corripiuntur, specialiter aliquando in puerperis febre acuta correptis observatur.
3. Dysenteria, vel alia inflammatione intestinorum laborantibus.

V. *CAVSSAE.*

1. Singultus communis seu *chronici* causæ sunt:
  - 1) Prægrauatio ventriculi a cibis dyspeptis, crudis, austeris, præcipue festinato ingurgitatis, & hinc inductæ cruditates ac flatulentia.
  - 2) Potus frigidus, vel medicamenta refrigerantia.
  - 3) Exacerbationes motus peristaltici, per emetica vel purgantia fortiora inductæ.
2. Singultus in *acutis* occurrit præcipue in inflammatione mesenterii, pylori, diaphragmatis, finæ partis in hepate, ilei in dysenteria, item in febre causodea.
3. Causæ *occasionales* sunt inflammationum externarum, vomitus, diarrhææ, hæmorrhoidum nephriticorum, vel podagricorum adfectuum repentina suppressio & retropulsio.
4. Interdum per adsumtum lentescens venenum singultus inducitur.
5. Hac ratione singultus ab actu naturæ rationali, quo obstaculum qualecumque remouere intendit, non autem materia neruos stimulante, irritante & vellicante dependet, id quod confirmat experientia quotidiana, dum vehementes imaginationes aut memoria terrificæ angentis rei alicuius &c. singultum sæpiuscule compescunt.

VI. *PROGNOSIS.*

1. Singultus vulgaris, chronice occurrens, non est periculosus















lofus. Licet enim exempla quædam prostant, in quibus singultus sine morbo acuto lethalis fuit, rarissime tamen hoc euenire solet.

2. Quando autem hic singultus vulgaris sæpius recurrit, maiorem inuoluit considerationem, quia facile in consuetudinem transit, & multum molestiæ adfert.
3. Tale malum, pensitatis recte circumstantiis, a vulgari singultu gradu & vehementia longe differt, & frequenter a labore & motu quodam externo vehementiore mox cooritur.
4. Quando morbis *acutis*, præcipue versus *dies criticos* singultus superuenit, numquam caret periculo; facile enim motus hic semi-conuulsiuus in veras & vniuersales convulsiones per vniuersum corporis habitum transit, quibus breui tempore ægri expirant.
5. Sic etiam ille singultus periculo non caret, qui aliis morbis accedit. Testatur enim sæpe de aliis fonticis malis, e. g. internis inflammationibus diaphragmatis, ventriculi, hepatis & aliorum viscerum; item de scirrhis, periculosis infarctibus, præsentibus vel imminetibus corruptionibus. Interdum exanthemata difficulter erumpentia aut pene retropulsa comitatur.
6. Non minus ille singultus, qui colicæ præter consuetudinem accedit, mali ominis est; *conf. tabula de colica.*

## VII. METHODVS MEDENDI ET REMEDIA.

1. Singultus *communis* non indiget medicatione, breui enim tempore, immo paucis subinde momentis, transit; subleuatur autem commode per externum calorem & potum qualemcumque calidum, e. g. thée, coffée; item per expirationem paullisper cohibitam.
2. Quando autem hic singultus tempus ducere, & quod subinde contingit, ad vnam vel alteram hebdomadem se se extendere videtur, simulque saburram primarum viarum suspectam reddit, tum sequens methodus adhibeatur:
  - 1) Ad cruditates primarum regionum eliminandas præscribantur



- a) Interne lenia laxantia, præcipue rhabarbarina & hel-  
leborata, item salia cathartica amara.
- b) Externe clysteres abstergentes.
- 2) Deinde ad ventriculum roborandum exhibeantur
  - a) Interne stomachica amara & neruina, e.g. essent. ab-  
sinth. galang. cort. aurant. centaur. minor. gentian.  
rubr. macis, mixtura tonico-neruina *Stahlii*, item  
- martialia selectiora, præcipue tinct. martis aperiti-  
va *Ludouici*, pulu. stomachicus *Birckmanni* seu *Quer-  
cetani*, cortex cascarillæ, eiusque extractum.
  - b) Externe camphorata, sacculi aromatici calidi, adiectis  
radicibus odoratis, herbis coronariis, & seminibus  
carminatiuis, it. balsama & emplastra stomachica.
- 3) His subinde interponantur, quæ acrimoniam corri-  
gunt, nempe absorbentia cum antimoniato quodam  
fixo maritata.
- 4) Concurrente flatulentia, hæc legitime tractetur.
- 5) Ad prophylaxin purgans aliquod subinde præscriba-  
tur, & ante vel post pastum aliquot piperis grana, in  
vino adusto, fumantur.
3. Singultus, morbis *acutis* superueniens exposcit
  - 1) *Interne*
    - a) Alexipharmaca cum spiritu nitri dulci mixta, con-  
iuncto leni regimine diaphoretico.
    - b) Pulueres nitroso-absorbentes, magisterium dentis  
apri.
    - c) Emulsiua, gelatinosa, &, sedandi scopo, corticem ca-  
scarillæ.
    - d) Decocta ex rad. scorzon. sigill. Salomonis, apii, ci-  
chor. caryophyllat. herb. veronic. scord. chærefol.  
flor. sambuc. chamomill. semin. caru. foenic. cort.  
citr. cinnamom. addito nitro & crystill. tartari;  
quæ autem decocta non copiose sumenda sunt.
  - 2) *Externe* sacculos carminatiuos discutientes, in quem  
finem laudantur
    - a) Radices helen. pimpinell. alb. leuist. imperator. irid.  
Florentin. zedoar.
    - b) *Hor-*









b) Herbae hyssop. meliss. origan. serpill. pul. montan. salu. rorismarin. thymi, spicae, lauendulae, menth. chamomill.

c) Aromatica.

d) Ligaturae hypochondriorum.

### VIII. CAUTELAE ET OBSERVATIONES PRACTICAE.

1. Vfus *internus castorei*, & aliorum neruinorum calidorum, neque in singultu, neque in aliis infimi ventris morbis commendatur; *externo* autem vfu effectum suum praestat.
2. *Cassia fistulosa* & alia flatulenta laxantia, e. g. fol. *senna*, *agaricum* hic minus locum habent.
3. Acta N.C. anno quinto obseru. 118. notarunt, quod quinque dierum singultus in febre maligna feliciter sublatus sit per vsum *nitri*, *absorbentium*, *emulsuorum* & *alexipharmacorum*.
4. Hac obseruatio confirmatur quotidiana experientia, nitrosa enim cum absorbentibus & leniter diaphoreticis, quando in acutis adhibentur, rarissime singultum admittunt: inflammationes enim, propter quam discutiendam singultus a natura excitatur, praecauent.
5. Quando autem nitrosa non adhibita fuerunt, & singultus morbis acutis accessit, tum in casu adhuc recente & nondum praualido per dicta remedia frequenter profligatur, ad insolescentem autem adfectum raro sufficit, multo minus alia remedia famosa.
6. Qui *chronico* singultu vexantur, *cingulo* quodam abdomen per diem muniant, potum frigidum euitent, & labore corpus exerceant.
7. Euitanda sunt remedia *stomachica acria*, *calida*, *volatilia* & *opiata*.
8. *Fortiora purgantia* & *emetica* in quouis singultu nocent.
9. Calor externus, pro mitigando singultu, egregie conducit.



## TABVLA LIV.

DE

## CONVVLSIONIBVS IN GENERE.

## I. DEFINITIO.


Conuulsiones sunt repentinae, reciprocae ac extremae motus tonici exacerbationes, in partibus praecipue musculosis, raptim tractis & remissis: quo summo, sed erroneo, conamine natura aliquid in corpore molesti, quod vel actu praesto est, vel ab illa fingitur, propellere & expellere intendit.

## II. DIFFERENTIA.

1. Quo modo conuulsiones a *spasmis* vere differant, videatur *tabula de spasmis*: Licet enim sub vno genere motuum, ultra naturalem gradum auctorum reperiantur, & vna species facile in alteram transmigret, nullo tamen modo confundendi sunt. Distinguunt alias inter conuulsionem, ceu spasmum simplicem completum, & motus conuulsiuos; sed & hanc differentiam hic praetermittimus, ne confusione ansam praebemus.
2. Conuulsiones sunt
  - 1) vel *idiopathica*, quae sine euidente complicatione cum aliis morbis corpus infestant, & tempore statim, praesertim circa insigniores lunae phases, ex nulla alia quam ideali causa erronee recurrunt. Huc pertinent conuulsiones illae, quae strictiore sensu *epilepsia* nomine veniunt.
  - 2) Vel *symptomatica*, quae fonticae corporis periclitationi superueniunt, vti sub *caussis* dicetur.
3. Hoc solo respectu causarum & morborum complicatorum differt *epilepsia* a reliquis motibus conuulsiuis: illa enim nullam proportionem cum causa physica vel morali praese fert, sed *idiopathice* absque aliis morbis corpus potissimum adfligit, propriaque sui vehementia pro-









prosternit, licet a causa materiali initium sumserit; illæ autem causas plerumque fonticas cum morbis coniunctis pro fundamendo habent.

4. Convulsiones *uterinæ* distinguendæ sunt a *lipothymiis* & *suffocationibus uterinis*: in his enim oculi semper clausi & membra flaccida sunt.

### III. SIGNA.

1. In hoc tristi adfectu adparent partis alicuius vel vniuersi corporis agitationes reciprocæ, vehementes ac repentinæ, præter voluntatem, immo sæpe citra recordationem, contingentes.
2. Infestant hi motus per breues quasi paroxysmos, dum aliquando paullulum quidem remittunt, statim vero enormi vi recurrunt.
3. Immo in convulsionibus inualefcentibus partes non solum motu, sed & situ torquentur, adliduntur & proiiciuntur.
4. His oculorum distorsio, præcipue versus superiora, & sensuum abolitio accedit.
5. Dentes sæpius colliduntur, & pollices, præsertim in principio, in pugnum contrahuntur.
6. In casu vehementiore artus adeo torquentur, vt diu in hoc distorto situ permaneant.
7. Spuma, vel ad minimum mucus saliuæ sub finem paroxysmi ex ore profluit.
8. In nonnullis aliæ excretiones, e.g. vomitus, diarrhœa, hæmorrhagia narium, excretio vrinæ vel spermatis, contingunt.
9. Subsequuntur insignis corporis lassitudo sitis, vertiginosa capitis perturbatio cum sudore graueolente.

### IV. SVBIECTA.

Convulsionibus plerumque infestantur

1. Feminæ præ viris.
2. Ætas infantilis præ aliis ætatibus.
3. Habitus corporis succulentus præ sicciore.





4. Plethorici, crasso ad modum sanguine laborantes, & iracundi præ minus talibus.
5. Caussis tandem sequentibus occasionalibus obnoxii.

#### V. CAUSSAE.

1. Causa convulsionum est nimia irritatio principii vitalis: hoc enim vrgentibus casibus motum tonicum vitalem ad ultimam energiam intendit, ne quid intentatum maneat.
2. Cur autem paroxysmi in convulsionibus idiopathicis circa phases lunæ occurrant, explicatu difficillimum est: quæ enim causæ de dominio lunæ in humores, speciatim in cerebrum, item de mechanicis configurationibus effluuiorum, elasticis potentiis, proferuntur, laborant *principii petitione*.
3. Plus sane moralis & finalis rationis, quam physici corpori impulsus, in hisce motibus extremis subest: hinc multæ difficultates premunt crassiores illas de vellicatione & stimulatione nervorum opiniones, variolarum testimonio, ubi vix millesimus convulsionibus corripitur, licet omnes eandem putatam stimulantem materiam in illo morbo experiantur.
4. Causæ *occasionales* & concitantes hoc magis illustrent, sæpe enim nulla est proportio inter has & motus tales violentos. Sunt autem illæ concitantes causæ
  - 1) vel *materiales*, e. g.
    - a) Spissitudo sanguinis.
    - b) Coagulatio lymphæ circa caput, per refrigerationem inducta; quod potissimum in infantibus contingit.
    - c) Retropulso crustæ lacteæ, scabiei, achorum vel aliorum ulcerum manantium.
    - d) Interceptio respirationis a tussis vehementia & materia valde tenaci.
    - e) Contenta in abdomine, e. g. vermes, præcipue apud infantes.
    - f) Morbi acuti infeliciter decurrentes, præcipue exanth-









themata legitime non succedentia, e. g. variolæ, morbilli.

- g) Dentitio difficilis.
- h) Res solidæ, e. g. festucæ, grumi, sanies, sub cranio latitantes; item potus spirituosorum acriorum nimius.
- i) Menses suppressi, vel aliæ debitæ excretiones retentæ.
- k) Contusiones grauiiores, præcipue vulnera tendinum aut neruorum.
- l) Morsus animalium iratorum.
- m) Quo magis autem conuulsiones in consuetudinem iam degenerarunt, eo minus cum incitamentis hisce materialibus proportionem seruant.
- 2) Vel *imateriales* e. g.
  - a) Dispositio hæreditaria.
  - b) Animi pathemata, quæ non solum promptissime conuulsiones prouocant, sed etiam pertinaciter illas fouent, præcipue ira, terror, amor vefanus ac desiderium.
  - c) Impressiones ideales per veneficia & philtrea, in primis sanguinem menstruum orgasticum.
  - d) Periodi temporum, præsertim phasæ lunæ.

## VI. PROGNOISIS.

1. Omnium conuulsionum nullus corpori in solidum utilis est effectus.
2. Euentus quidem in *chronicis* causis & scopis non tantum periculi portendit, nisi impetu conuulsiones excedant; inter ea facile adsuescunt, & per leues pure morales causas proteruius reuocantur.
3. Quæ autem conuulsiones *acutis* causis accedunt, ancipitem sæpe euentum sortiuntur: per initia quidem morbi symptomatice hæ conuulsiones minoris, sub statu maioris, in declinatione & tempore debiti exitus summi periculi sunt, morbum lethali euentu claudunt.
4. Illæ conuulsionum species præ aliis sunt contumaces, quæ





- a patheticis occasionibus, vitio hæreditario, veneficiis, philtis initium sumserunt, & consuetudine in habitum iam sunt deductæ.
5. Conuulsiones, quæ adolescentes & adultos corripunt, periculosiores sunt, quam quæ iuniores.
  6. Mulier ex abortu conuulsa, raro euadit, teste *Aretæo* libr. I. c. VI.
  7. Puer febricitans, variolas nondum perpessus, si motibus conuulsiuis, & ardore circa lumbos, corripitur, postero die variolarum eruptio expectanda est, obseruante *Baglinio* in praxi med. pag. 79. & confirmante experientia frequente.
  8. Sic etiam conuulsiones, febrilibus malis in infantili ætate superuenientes, plerumque lethales sunt.
  9. Conuulsiones *symptomata* nulla re efficacius profligantur, quam promotione motuum se- & excretoriorum, morbo primario conueniente.
  10. Epilepsia *uterina*, sub debita mali hysterici tractatione, sponte plurimum euanescit.
  11. Quando autem nulla aut leuissima mali hysterici pathemata adparent, & ita conuulsiones nullam magis proportionem cum causa hac materiali obseruant, tunc prius non soluuntur, quam post specifici remedii, epilepsiae idiopathicae conuenientis, adplicationem.

## VII. METHODVS MEDENDI ET REMEDIA.

1. Ante omnia consideretur, num conuulsio sit *symptomata* vel *idiopathica*.
2. In *symptomata* primarius morbus respiciatur: hoc enim feliciter sublato, conuulsiones interdum sponte remittunt.
3. Vbiq̃ue autem reliquæ medelæ, exceptis febribus acutis, præmittantur blandæ *primarum viarum* expurgationes. In hunc finem præcipue commendantur cholagoga & melanagoga.
4. Euacuationum *sanguinis* deuitarum suppressiones legitima methodo reuocentur; qua ratione spissitudini humorum















morum simul consulitur. Huc in specie pertinet *epilepsia uterina*.


5. In causa *vermium*, *scabiei*, vel *efflorescentiarum retropulsione*, mercurius dulcis in vsum veniat, & expellentia, e.g. flores sulphuris, anticatarrhalibus mixti, vsurpentur.
6. In *pectoris* vitiis, lymphaque viscosa exhibeantur eadem anticatarrhalia, e.g. essent. succini, alexipharmaca, pimpin. alb. cum tinctur. antimon. remiscenda, in phlegmaticis liquor C. C. succinatus, essent. cortic. saffrafras.
7. Contra *spermatis* abundantiam & orgasmum praescribantur nitrosa & sufficiens corporis labor.
8. In causa recrementorum *biliosorum*, infantibus infestorum, ordinentur rhabarbarina, e.g. sirup. de cichorio cum rhabarb. aurum fulminans cum crystallo montana praeparata, clysteres emollientes, qui in flatibus concurrentibus praecipuum vsum praestant.
9. *Dentitio difficilis* & interceptio *asthmatica* tractentur, ut moris est.
10. Conuulsiones per *philtrum* inductae, vomitorium exposcunt satis maturum.
11. Hisce praemissis, motus temperantia & sistentia propinanda sunt, e.g. cinnabarina, nitrosa, lumbrici terrestres, vel specifica adhibenda. Conf. *tabul. de epilepsia*.
12. Motus conuulsiui symptomatici, *febris* superuenientes, non statim oppugnandi sunt, in primis per opiata, sed reliquus febris decursus & successus iusto modo promovendus, cui scopo satisfaciunt aquae diapnoic. emulsiones, cinnabarina.
13. Conuulsiones *idiopathicae* sequente methodo tractentur:
  - 1) Lenia laxantia per tres circiter dies propinentur.
  - 2) Reliquarum excretionum debitus successus conferretur. Denique
  - 3) Versus paroxysmum specifica sub moderato regimine exhibeantur. De quibus fusius *tabul. de epilepsia* agetur.



## VIII. CAUTELÆ ET OBSERVATIONES PRACTICÆ.

1. Obseruatio illa generalis, quod *generalia specificis* sint *præmittenda*, in conuulsionibus potissimum locum habet.
2. Remedia illa, quæ in hoc malo alias efficacia sunt, quando in conuulsionibus, mortem præcedentibus, offeruntur, loco sedationis, maiorem motuum insolentiam excitant, donec ipsa mors sequatur: vnde eo tempore nil nisi *prognosis lethalis* locum habet.
3. Numquam ad motus tantum sistendos dirigatur intentio: neque etiam materiam, fortioribus præsertim medicamentis, expellere tentemus, vbi nulla talis præsto est.
4. *Adstringentia*, ad motus generaliter sistendos, hic exhibere, quouis modo improbatur.
5. Sic etiam *narcotica*, intentionem ad mouendum paulisper obnubilantia, minus fideliter agunt, & ad specialis huius motus sedationem minime sufficiunt.
6. *Cinnabarina* in *idiopathicis* conuulsionibus minimam habent efficaciam, in *symptomaticis* autem & spasticis circa caput restrictionibus plus præstant.
7. *Fortiora purgantia* in conuulsionibus *idiopathicis* non solum inutilia sunt, verum etiam motus magis exacerbare obseruantur: in nonnullis autem *symptomaticis* insultibus, vbi materia crassa manifesta est, magis locum habent, præcipue in subiectis robustis, quibus etiam *emitoria* aliquando salutariter propinantur; cauendo tamen vbique, ne nimis sint drastica, neque *sub ipsis paroxysmis* exhibeantur, restante virium imbecillitate.
8. Violentæ *pollicum eruptiones*, aliæque interpellationes paroxysmorum per odora menta penetrantiora, insignem post paroxysmum defatigationem aut citiorem & frequentiores eiusdem recursus procreare solent.
9. Caueant sibi ægri ab *animi commotionibus*, præcipue iracundis, ab otio, speculationibus, potu spirituosissimo, cibis acidis, refrigerationibus immodestis, rebus graueolentibus, prospectu in profundum.
10. *Vena sectionem*, si malum a plethora vel suppressione fluxuum









xuum sanguinis consuetorum prouenerit, institui necesse est, quam nonnulli in pedum *digitis maioribus* specificè celebrant.

11. *Liquor C. C. succinatus* in quibusdam effectum edit optatum, vitandus autem est eius abusus.

12. Ultimo loco mentionem facimus *olei* illius rectificatissimi, quod *Democritus* sic dictus *Ghristianus* tractatu, *morbis & medicina vite animalis*, in conuulsionibus commendat. Qui oleum hoc *legitime* præparare & *dextre* adplicare poterit, is in conuulsionibus non solum idiopathicis, verum etiam in quibusdam symptomaticis, præcipue vterinis, admirandos effectus obseruabit. *Conf. dissert. nostra inauguralis de efficaci quodam remedio in motibus exacerbatis.* Effectus, quos in hac dissertatione huic oleo rectificatissimo adsignauimus, in hunc usque diem sæpius se commendant.

TABVLA LV.

DE

EPILEPSIA.

I. DEFINITIO.

Epilepsia est motus conuulsiuus plus minus repentinus, summe exacerbatus, artus præcipue & pectus miserrime adfligens, sensuumque priuationem per totum paroxysmum inferens, cum aliis symptomatibus grauioribus, idiopathice magis absque alio morbi concursu ab anxia natura erronee formatus. Deriuatur ab ἐπιλαμβάνω, inhæreo, manum iniicio.

II. DIFFERENTIA.

1. Differentiam *epilepsia* a *motibus conuulsiuiis* in genere *tabula* præcedente docuimus.
2. Distinguunt quidem vulgo inter *epilepsiam idiopathicam* & *sympto-*



- symptomaticam*, sed minus commode: hac enim ratione differentia illa, quæ est inter *convulsiones idiopathicas* & *symptomaticas* facile confunditur & obscuratur.
3. Hinc quamquam *epilepsia* sub *initium* per quascumque causas *materiales* interdum inuitetur & introducatur, *progressione* tamen temporis, quando motus vere epileptici in habitum obfirmantur, *motum* magis quam *materia*, vitia adcusanda & consideranda veniunt.
  4. Atque hoc intuitu *epilepsiam* sic dictam *symptomaticam* eiusque tractationem ad tabulam *precedentem* generalem de *convulsionibus in genere* relegamus, & *epilepsia* nomine hic tantum subaudimus adfectum convulsionis *idiopathicum*.
  5. multo minus solliciti sumus hoc loco de differentia illa vulgatissima, quæ *epilepsiam* infantum in *externam* seu *explicitam*, wenn das böse Wesen ausbricht, & *internam* seu *implicitam*, wenn der innerliche Jammer im Leibe oder Köpfgen ist, distinguit. Quem ad modum enim convulsiones infantum tantum non omnes sunt symptomatice, ita & harum tractationem hoc quidem loco excludimus.
  6. Idiopathica hæc *epilepsia* est vel *recens*, vel *inueterata*.
  7. Item vel *periodica*, mutationes lunæ insigniores, præcipue nouilunia & plenilunia sequens; vel *vaga*, sæpius recurrens.
  8. Alia est *hereditaria*, alia ab impressione per *fascinum* aut nefarias artes magicas inducta, *conf. theoria StahlII pag. 1356*. alia vero aliunde *adquisita*.
  9. Alia *vehementior*, quando nimirum manus in auxilium qualecumque admoventur; alia vero huius intuitu *lenior*.
  10. Differt tandem *epilepsia* a *pavoribus* infantum ratione gradus & durationis, utpote qui huius mali sæpius esse solent prodromi.
  11. Quo modo *epilepsia* differat a *lipothymicis* & *apoplecticis* adfectibus, signa testantur.









## III. SIGNA.

1. In aliis præcedit sensus quidam frigidus, ex partibus remotis repente versus caput adscendens, & scintillæ oculis obuersantur.
2. In aliis prodromi tales non sentiuntur, sed paroxysmus improviso per *casum repentinum* se se manifestat.
3. Sub initium paroxysmi *pollices* in pugnum imprimuntur, & quando manus in auxilium vocantur, contentio adest contumacissima & vehementissima, quæ corpus rigidum & mobile, non vero flaccidum & tranquillum seruat; in aliis vero, ubi eius modi symptoma deest, adfectus mitiore plerumque modo decurrit.
4. In paroxysmi auspiciis mox priuantur sensuum usu, vnde postea, quid factum sit, immemores sunt.
5. Procidunt hinc, quam primum hoc malo infestantur, protinus in terram, oculis apertis & toruis.
6. Concurrunt sæpe oculorum, linguæ & labiorum torsiones, stridor dentium & respiratio sonora cum clamore sæpius ingente.
7. Item violentæ artuum, immo totius sæpe corporis, iactationes & concussiones. *Conf.* quæ *tab. de convulsione* in genere dicta sunt.
8. In nonnullis caput perpetuo agitatur, vt fortissime illud ad sanguinis vsque profusionem terræ adlidant; id quod iunioribus magis solemne est.
9. Desinit tandem paroxysmus cum largiore spuma, quæ ex glandulis salivalibus exprimitur, & ex ore profluit.
10. Epilepticorum quidam sunt auidi, præcipue panis, & magis quidem secalini quam triticei. Atque hi sunt, quorum paroxysmus plerumque terminatur cum vomitu, quo semi-coctum panem, seu fermentescentem magis pulcem, ex ventriculo excutiunt.
11. Nonnulli inter dormiendum solum ab hoc malo corripuntur, in quibus tanto difficilius eradicatur.
12. In epilepsia *habituali* paroxysmi circa phases lunæ immo secundum diei horas recurrere plurimum observantur.



13. Finito tandem poroxyſmo haud vllius rei recordari valent, niſi quod a vehementi hac exagitatione remanentem laſſitudinem ſentiant, & de vertiginofa capitis perturbatione conquerantur.

#### IV. SVBIECTA.

Ab epilepfia plerumque infeſtantur

1. *Infantili* ætate a *convulſionibus* frequentibus correpti.
2. *Animi* adfectibus, præcipue terrori, iracundiæ & mœrori anxio dediti.
3. plethorici, habitu corporis laxo ac ſpongioſo gaudentes, & ſpiſſitudine ſanguinis eximia laborantes.
4. Speculationibus amoris veſani nimium indulgentes.
5. Omnium maxime *hæreditaria* diſpoſitione gaudentes.
6. Tandem iuniores & feminæ.

#### V. CAVSSÆ.

1. Cauſſa *generalis* eſt intentio quædam naturæ excuſſoria, motibus transpreſſoriis & congeſtoriis tentanda.
2. Cauſſa *ſpecialis* eſt *idea motus* per qualemcumque impreſſionem iracundam, aut anxie trepidam intentionem excitata.
3. Hunc motum *idealem* concitare valent variæ mentis perturbationes, e.g.
  - 1) Animi pathemata vehementiora.
  - 2) Auerſio naturæ naſeoſa.
  - 3) Œſtimatio eiſdem falſa.
  - 4) Intentio mentis fortiffima.
  - 5) Ex his quoque non nihil liquet, quo modo *fascina* & *incantamenta* ad hunc adfectum ſua ſymbola addere poſſint atque conferre.
  - 6) Omnium vero diſpoſitio hæreditaria eſt maxima.

#### VI. PROGNOſIS.

1. Epilepfia vti eſt actio naturæ contumaciſſima ac violentiſſima; ita & multa, eaque potiſſimum ſontica, incommoda adfert; de quibus ſequentia teſtantur.
2. Violentior oculorum diſtorſio, quæ in hoc malo occurrat, durabilem ſæpius procreat ſtrabiſmum.

3. Quæ









3. Quæ caput sæpius adfligit epilepsia, id quod in iunioribus fieri solet; illa stupefacit tandem sensus & immittit vsum rationis.
4. Sæpius etiam iisdem subiectis impotentiam adfert paralytodeam.
5. Epilepsia *nocturna*, quia specificorum commodam exhibitionem non adeo admittit, maiores, quam *diurna*, inuoluit difficultates.
6. Quæ *adultis* obtingit, & habitum acquirit, illa vix amplius eradicatur.
7. Qui chronicæ habituali epilepsiæ adsueta sunt, illis, si etiam alio morbo correptis cooriatur, minus periculum denunciat.
8. Quid mutatio loci, temporis, vitæ generis, & præcipue ætatis ad epilepsiæ spontaneam solutionem conferat, ipse iam *Hippocrates* passim observauit.
9. Hinc epilepsia, *ante mensium eruptionem* puellis eueniens, sæpe circa fluxus huius eruptionem, nempe finem secundi septenarii, sponte remittit.
10. Idem observare contingit in *maribus*, in quibus circa pubertatis annos epilepsia, priore tempore exorta, non raro soluitur.
11. Epilepsia, quæ *circa mensium eruptionem* exoritur, facile, licet debite cessauerit, tempore gestationis & præcipue partus, recrudescit.
12. Infantes epileptici, intra sex hebdomades adhuc constituti, raro evadunt.
13. Epilepsia tandem *habitualis* cum hectica complicari & scenam claudere solet.

## VII. METHODVS MEDENDI ET REMEDIA.

Ante, quam ad ipsa *specifica* fiat progressus, *generaliora*, excretionibus ordinariis promouendis destinata, præmittantur. Quæ de causa

1. Cruditates *primarum viarum* eliminantur *laxantibus*, per tres circiter dies propinatis: huc faciunt chologoga & melanagoga, v.g. rhabarb. hellebor. nig. mercur.

Mmm 2

dulc;



dulc. syrup. de cichor. cum rhabarb. vt & clysteres emollientes & abstergentes.

2. Deinde *reliquarum excretionum* debitus successus respiciatur.

3. Denique *versus paroxysmum specifica* sub leni regimine exhibeantur. Horum ingens farrago apud auctores inuenitur, ex quibus sequentem facimus selectum.

- 1) Radix & semen pœoniæ maris.
- 2) Viscus quernus & corylinus.
- 3) Carbo artemisiæ.
- 4) Cranium humanum.
- 5) Secundinæ primiparæ humanæ.
- 6) Stercus pavonis & leonis.
- 7) Ungula alcis, de collo suspensa.
- 8) Cerebrum corui.
- 9) Hippomanes, id est glandulosa illa massa, quæ in ore pulli recens nati reperitur. Hæc omnia antiquorum tempore iam erant celebrata: a recentioribus laudantur:
- 10) Spiritus sanguinis humani, immo sanguis ipse ab homine, violenta morte peremto, desumptus, præeunte *Helmontio*, quem tamen hic imitari non suademus.
- 11) Os triquetrum carniæ humani, vel porcini.
- 12) Os semi-lunare carpionum.
- 13) Excretio alba gallinæ, oua incubantis, sub umbra exsiccata, & versus paroxysmum ad scrub. I. propinata, ac aliquoties repetita.
- 14) Bilis recens canis atri, cum unicornu fossili subacta, vel aliquot guttæ seorsim propinatae.
- 15) Malleus & incus ex cranio vitulino, habito ad sexum respectu.
- 16) Spina lacertarum, in aceruo formicarum exesarum.
- 17) Corda & hepata talparum, ranarum viridium, hirundinum, & aliorum animalium minorum.
- 18) Lingua siccata ex viuo tetraone sumpta. *Vid. caut.*
- 19) Rasura spinæ dorsi, violenta morte peremti.

20) Ta-















20) Talus leporis.

21) Lumbrici terrestres in coitu mense Iunio ante ortum solis post prægressam pluuiam capti, spiritu vini vel ipso vino abluti & puluerisati.

22) Egregium tandem antepilepticum, quod passim a *Stalio* commendatur, hoc est:

Recip. cord. talpar. exsiccat. num. V.

lumbric. terrestr. drachm. I.

talor. leporis scrup. I.

vngul. alcis subtiliter puluerisat.

cortic. visci querni ana scrup. semis.

cinnabaris, si placet, drachm. semis.

Misc. dos. gr. XV.

23) Plura *specifica* videantur in praxi *Barbettiana*.

### VIII. CAUTELÆ ET OBSERVATIONES PRACTICÆ.

1. Vera *specificæ*, legitime etiam adhibita, in omnibus neque pari successu, neque vna eademque constantia, effectum edunt; quæ res in causis magis moralibus, quam physicis quærenda est.

2. Observatio *differentiarum* eximium in praxi habet usum, quando autem *specificæ* sine tali specierum respectu promiscue adplicantur, nullum effectum sortiuntur.

3. *Barbette* purgandi scopo in epilepsia commendat sequentem haustum, qui paroxysmum miratu digno effectum gradatim imminuere dicitur:

Recip. sapon. Venet. alb. vnc. semis.

lact. vaccin. vnc. VIII. coque & colaturæ

vnc. III. exhibeantur.

4. Epilepsia quando *lenior* est, *excitantia* per odora menta penetrantiora non adeo improbantur, præcipue in veterina; ubi autem grauior est adfectus, in paroxysmo excitare non conuenit, minime omnium per excitantia impetuosa, e.g. salia volatilia, sternutatoria: cientes enim dolores capitis vertiginosos, febriles commotiones, insignem post paroxysmum lassitudinem, & quo sæpius turbantur, eo frequentius & promptius paroxysmi



- recurrunt. Id quod etiam de violenta *pollicum* impli-  
catorum *eruptione* valer.
5. Post paroxysmum lenes clysteres seu lenia laxantia com-  
mendantur; subiunctis neruinis carminatiuis, præcipue  
tinct. cortic. aurantiorum, cauendo ab vsu *castorei*.
  6. *Puluis cephalicus Michaëlis*, licet non omni plane effectu  
destitutus sit, insignis tamen vsus ab illo non expectan-  
dus est.
  7. Antepileptica melius *ante paroxysmum*, quam *post* eum-  
dem, exhibentur: optati effectus certissimum signum  
est, si patientes in fronte fortiter sudent.
  8. Puluis antepilepticus, ex commendatione *Stahlîi* sub me-  
thodo descriptus, non confundendus est cum *altero spe-*  
*cifico* remedio, quod paucioribus granis propinatur, &  
ab auctore pro arcano habetur.
  9. In *abundantia* & *spissitudine* sanguinis conuenit *vena sectio*,  
vel iuxta *Willisium* hirudinum venæ iugulari vtrique in  
infantibus adplicatio.
  10. Imminente paroxysmo *ligaturæ* partium externarum sua-  
dentur.
  11. *Camphora* gr. I. cum aqua cheiri post paroxysmum propi-  
nare docuit *Ettmullerus*, ne cito recurrat.
  12. *Amuletica*, vt semen poeon. corall. smaragd. &c. de collo  
suspensa, speratum haud præstant effectum.
  13. *Dieta* epilepticorum sit moderata, cibi offerantur eupepti  
cum potu sufficienti & motu. Vinum, vt merito susce-  
ptum, vitetur cum animi pathematibus.
  14. *Lumbrici terrestres* non forti igne sed leni calore debent  
exficari. Quoniam autem sub leni hac exsiccatione  
facile putrescunt, spiritu vini vel ipso vino prius abluen-  
di sunt. Hac enim ratione mucus abstergitur, pori ape-  
riuntur, & superfluous humor, putredinis instrumen-  
tum, facilius deinde, sub leni calore, exhalat.
  15. Ultimo loco adiicimus arcanum illud antepilepticum,  
*Casparis Franckii*, pastoris quondam *Leopoldigrunensis*,  
quod post ipsius obitum agnati, peculiari quodam incita-  
mento commoti, anno 1711. per nouellas detexerunt.

Rec.









Rec. Rasur. cran. human. recent.

ungulae alcis.

alumin. plumos.

spin. dorf. violent. mort. perempt.


Ling. ex viuo tetraone sumt. & siccat.

Talp. mens. mart. capt. & noua olla siccat.

Rad. pæon. die parascev. cum auro & argento fossæ.

ana q. p.

M. f. puluis, cuius dosis pro adultis drachm. j, pro iunioribus & infantibus minus, cum aqua ceras. nigr. flor. tilia, vel ab infantibus cum lacte materno, sumenda. Sudor & somnus quando succedunt, pro bono omne habentur.



## TABVLA LVI.

DE

## FEBRIBVS IN GENERE.

### I. DEFINITIO.

Febris est principii vitalis salutare conamen, quo motibus secretoriis & excretoriis, ultra gradum naturalem quidem auctis, quantitati tamen & qualitati causse satis apta proportionem plurimum oppositis morbiferam aliquam materiam siue præoccupare, siue remouere intendit. Hoc sensu commode *febris* vocabulum deriuatur ab antiquo *februare*, id est, expurgare, specialissime a ritibus illis solemnibus, *februa* adpellatis, quibus domicilia ab *umbris erraticis* defunctorum repurgare, & causas malorum tollere intendebant.

### II. DIFFERENTIA.

1. Febres differunt ratione *periodi* seu mensuræ temporis, & secundum hanc differentiam sunt 1) vel




- 1) vel *acuta*, quæ breui tempore circumscribuntur, e.g. febris ephemera, synocha, variola, pleuritis &c. Hæ acutæ iterum distinguuntur in
  - a) *simplices* & *peracutas*, e.g. pestilentes. Item in
  - b) *benignas* & *malignas*.
- 2) Vel *chronica*, quæ longiore periodo absoluuntur, e.g. febres intermittentes, lentæ, hæcticae.
2. Febres ratione *ordinis* sunt:
  - 1) vel *typica*, quæ progressus suos & vniuersam periodum conueniente ordine seruant;
  - 2) vel *erratica*, quæ nullum constantem typum seruant.
3. Porro febres sunt:
  - 1) vel *continentes*, quæ eodem, quo inuadunt, tenore ad finem vsque perdurant, sine intermissione & remissione, e.g. ephemera simplex & plurium dierum, item febris synocha, seu *continens* κατ' ἐξοχήν dicta,
  - 2) Vel *continua*, quæ singulis diebus ab exacerbationibus suis paullulum quidem *remittunt*, ad plenariam tamen *intermissionem* non perueniunt, e.g. febris quotidiana continua, seu catarrhalis, quæ vespertino tempore paroxysmos suos format, ante meridiem autem *mitius* adfligit.
  - 3) vel *intermittentes*, quæ post interualla vnius vel plurium dierum nouo deinde impetu insultant; e.g. intermittens quotidiana, tertiana, quartana.
4. Ratione *temporis* febris consideratur, num sit
  - 1) vel in *principio* & ortu;
  - 2) vel in *incremento*;
  - 3) vel in *statu*;
  - 4) vel in *declinatione*.
5. Differunt porro febres ratione *causarum*, & secundum hanc differentiam sunt
  - 1) vel *sanguineæ*, in quibus natura plethoram imminuere intendit, e.g. in feribus continentibus.
  - 2) Vel *biliosæ*, quæ post insignem iracundiam & bilis largiorem effusionem proueniunt, e.g. febris cholericæ, causus.

Συνόχαι  
 Continuae  
 Συνεχὴς  
 Remittens

2) Vel









- 3) Vel *mucosa*, per quas pituitosa, mucida, serosa materia ex corpore proferibitur, quale quid contingit in febribus catarrhalibus.
  - 4) Vel *inflammatoria*, quæ inflammationibus viscerum & non raro etiam externarum partium *gravioribus* adcedunt. Huius census sunt: phrenitis, peripneumonia, pleuritis, hepatitis, splenitis, nephritis, & febres vulnerariæ.
  - 5) Vel *lochiales*, quæ puerperas post lochia siue imminuta, siue plane suppressa, siue aliam aduentitiam causam, infestant.
  - 6) Vel *lactea*, quæ lactis in mammas difficilem ingressum & prouentum comitantur.
6. Febres etiam diuiduntur in
- 1) *Essentiales, primarias, idiopathicas*, &
  - 2) *Accessorias, secundarias, sympathicas*, quæ adiunguntur inflammationibus, vlcerationibus, immo etiam impetuosis congestionibus atque restagnationibus humorum. Huc pertinent febres inflammatoriæ, vulnerariæ, lentæ, hæcticæ &c. item febres catarrhales, rheumaticæ. *Conf. tab. de febribus secundariis.*
7. Febres iterum distinguuntur in
- 1) *Simplices*, quæ sibi quasi solis constant, & cum nulla alia febre complicatæ sunt; & in
  - 2) *Compositas*, vbi febris continens & continua, vel continua & intermittentes complicantur, aut intermittens duplicatur, e.g. synochus putrida veterum, quotidiana continua, tertiana duplex.
8. Febres pro diuersitate *originis, grassationis, locorum & subiectorum* sunt
- 1) Vel *epidemicæ*, quæ ex aëris vel aquæ communi vitio oriuntur, & contagiosæ existunt, e.g. petechiales seu catarrhales malignæ, variolæ, morbilli &c.
  - 2) *Endemice*, quæ certis populis & regionibus, præ aliis magis propriæ sunt, e.g. febres tertianæ & quartanæ intermittentes *Belgis* quasi propriæ existunt.



3) *Sporadica*, quæ ex indiuidui causa hunc vel illum hominem, hoc vel alio loco infestant, e. g. febres *cholericæ* post insignem iracundiam: *intermittentes* ob vitium in primis viis, vel circa easdem: *inflammatoria* post insignem corporis exagitationem & haustum frigidum.

9. Denique febres ratione *indolis* sunt vel

- 1) *Legitimæ*, seu regulares, quæ consueta anni & dierum tempora obseruant, & solito tempore finiuntur; vel
- 2) *Anomala*, irregulares, nothæ, quæ nulla certa tempora, nullum typum, & nullam periodum constanter formant; & cum insolitis symptomatibus complicatæ sunt.

Item vel

- 1) *Benigna*, quæ mitius se gerunt, e. g. febres intermittentes; ex febribus *acutis benignæ* dicuntur *resolutoria* seu *continentes* & viscerum *inflammatoria*. Bene autem notandum est, quod *inflammatoria*, si exitum spectemus, a malignitate febrium pestilentium parum differant, & ita hoc intuitu minime *benignæ* dici mereantur. Quoniam autem *non contagiosæ* sunt, vti *malignæ*, & non nisi vni, quem exercent, periculosa *benignarum* nomine hoc quidem respectu venire possunt.
- 2) *Maligna*, quæ grauioribus plurimum symptomatibus stipantur, & vel lethalem euentum adferunt; vel si omnino superentur, labem tamen viscerum facile post se relinquunt. Huius census sunt febres epidemicæ multæ. *Conf. cautel. 33.*
- 3) *Permaligna*, seu plus minus *pestilentes*, quæ præcipiti insultu inuadunt, & plurimos paucis diebus ad tumulum comitantur. Huc pertinent *pestis* & *sudor Anglicanus*.

### III. SIGNA.

1. *Motus* sanguinis progressiuus *auctior ex pulsu*, celere & frequente dignoscendus.
2. Hunc auctiorem motum pressis vestigiis sequuntur *caloris augmenta*.

3. *Motus*









3. Motus *tonicus* modo relaxatur, modo constringitur.
4. Vnde aspectus *faciei* modo est rubicundus & turgescens, modo pallidus & subsidens.
5. *Sitis* plus minus intensa.
6. Abstinencia a *cibis*,
7. *Somni* neglectus.
8. *Animi* morositas, sollicitudo, sensibilitas, minor dispositio ad negotia consueta.
9. Notabilis *virium* iactura & impotentia ad voluntarium motum.
10. *Dolorum* qualiscumque sensus.
11. *Respiratio* anxiosa & suspiriosa.
12. *Sudoris* prouentus, a nulla facile febre excludendus.
13. *Vrinae* conspicua mutatio, non modo *coloris* naturalis in exaltatiorem, sed etiam *consistentia* ordinariae in copiosiore, & magis saturatam.

## IV. SVBIECTA.

1. Febres sine discrimine omnem quidem sexum, ætatem & corporis habitum, infestant.
2. Sexus tamen virilis facilius illis obnoxius est, quam femininus.
3. Sic etiam ætas agilior, iunior virilis, satis florida, præ alia minus tali.
4. Item sanguineo-cholericis, vel cholericis-melancholicis, in primis ad iram prompti.
5. Sigillatim personæ, euacuationibus sanguinis vel aliis excretionibus antea adsuetae, & iam ab illis liberae viuentes.
6. *Infantes* magis ab acutis, quam intermittentibus febribus corripuntur.
7. *Bruta*, sicut non ita facile morbis obnoxia sunt, ut homines, ita minime omnium *veras* febres incurrunt; quæ observatio usum pathologico-practicum suppeditat.

## V. CAUSSÆ.

1. Causa febrium *efficiens* est principium vitale, seu anima, conseruationi corporis sui organici intenta.

N n n 2

2. Causa



2. *Caussa materialis proxima*, propter & contra quam motus tales febriles suscipiuntur, est materia aliqua, quæ mixtionem sanguinis & reliqui corporis, intima corruptione fermentatiuo-putredinosa euertere potest. *Conf. Stahl's dissert. de febris retionali ratione.*
3. *Caussa materialis remotior* est plethora. Quoniam enim principium agens principiis obstare solet, & non semper expectat, donec materia vires tales nocendi manifestas adquisiuerit, non mirum est, quod simplex sæpe plethora pro noxia materia reputeur, & naturæ sufficiat, ut contra eandem febrilibus motibus insurgat: plethora enim facile stagnationem, stasim & corruptionem inducere valet.
4. *Caussæ occasionales & procatarecticae* sunt:
  - 1) Concalectio sanguinis nimia, & per hanc orgasmus eius, seu expansio.
  - 2) Vehementes refrigerationes.
  - 3) Cibi coctu difficiles.
  - 4) Potus spirituosus.
  - 5) Vigiliæ nimiae præter consuetudinem.
  - 6) Excretiones aduetae suppressæ, siue *sanguineæ*, siue quæcumque aliae, præcipue hæmorrhagia *narium*.
  - 7) Consuetudo non minimæ est efficaciae ad febres reuocandas.
  - 8) Contagium.
  - 9) Animi pathemata, quæ præ omnibus facile primatum obtinent.
5. Exsulent itaque variæ caussæ illæ fictitiæ, e.g. adensionis *flammula cordis*, *scintillarum* per latifundium sanguinis oberrantium, *explosionis* corpusculorum nitroforum; item *nuda* recentiorum *fermentationes*, quas antiquorum *putredini* substituerunt; porro *confusiones* spasmodorum, *adcelerata* spirituum commotiones.

## VI. PROGNOSIS.

1. Natura humana, ad corporis sui integritatem intenta & attenta, in febribus eisdem motus vitales, progressuum nempe















nempe & tonicum, noxæ, periculum minanti, opponit, quibus alias corporis sui integritatem & conseruationem prosequitur; sed quo gradu febrilis noxa periculum minatur, eodem gradu etiam motus illi intenduntur, augentur & continuantur.

2. Hinc quando caussa illa peccans celerem noxam corpori minatur, motus febriles sine remissione instituuntur; si vero paullulum tardius damnum inferre videtur, tunc, quia non adeo vrget necessitas, per intervalla motus febriles opponuntur. Inde fluit differentia inter febres acutas & intermittētes.
3. Febres *acutæ* exquisitas habent periodos, quibus motus febriles exercent, & per septenarios absoluunt; dum prima periodus, qua febris quædam acuta excurrere posset, septimo die absoluitur, altera decimo quarto, tertia vicesimo primo; nonnunquam, sed rarius, inter nos febris quædam acuta has periodos transgreditur, & ad vicesimum vsque primum vel octauum diem se se extendit, & tum in schema lentum transmutari videtur: intermittētes vero exquisitos temporis ordines non seruant.
4. Ita febrium *effectus* semper salutaris est, *euentus* autem sæpiissime irregularis, vel plane lethalis, idque magis individuali, quam essentiali febrili culpa; nempe in pedito febris decursu & morbis aliis accedentibus. Ita non a *fobre*, sed *cum febre* intereunt.
5. Longissime tamen *pauciores* febribus moriuntur, quam iisdem *infestantur*.
6. Febres frequentissime salutariter decurrunt sola abstinentia, quiete, & spontaneis euacuationibus, sine vllis medicamentis; quæ si incongruenter adhibeantur, statas excretiones turbant, & felicem exitum interuertunt.
7. *Declinatio*, seu exitus febrium salutaris, fit vel *cito* & *unica* excretionis actione, quæ *crisis* adpellatur, & maxime in acutis locum habet; vel contingit *paulatim*, quæ terminatio *lysis* vocatur, atque intermittētibz familiarior est.



8. *Crisis* quando contingit, est vel *exquisita*, quæ fit per *eccrisin* seu excretionem subitam & copiosam; vel *minus exquisita*, quæ succedaneis debitis excretionibus, in primis tamen *die critico*, negotium absoluit.
9. *Crisis exquisita* nulli feбри propria, nedum perpetua, *minus exquisita* numquam abest sine anomalia.
10. Criticæ hæ euacuationes, sufficiente quantitate prouenientes, adferunt subitam quasi puncto temporis euphoriam, & animi, antea summe anxii, alacritatem.
11. Nulla febris vñquam restituitur sine omni *sudore*, aut mutatione *vrinæ*. *Vid. problemata febrium Stahl.*
12. *Sudor* in nulla febre sub *initium* prouenit, circa *statum* autem vel senescente illo, sudores spontanei, aut aliæ extrusiones ad peripheriam corporis erumpunt.
13. In nulla febre sudor fluit sub *ἀκμῇ* æstus, sed quando huius impetus remittit; si secus, symptomaticus, inutilis, immo noxius est. *Ibidem.*
14. Sudores iusto tempore prouenientes, & iusta moderatione fluentes, euphoria subsequitur.
15. Retardationes autem augent grauitatem, lassitudinem artuum, protrahunt morbum, & febres *typicas in lentas* transmutant.
16. *Vrinæ* mutatio, si nulla in febribus contingit, nec calor ordinarium gradum superat, valet commune illud adferendum: *vrina sana, pulsus sanus, ager moritur*. Rarius autem hæc occurrunt.
17. Febres, quæ cum euidente aliquo *typo* non solum inuadunt, sed etiam progrediuntur, benigniores & minus formidabiles sunt.
18. Quo magis hunc typum *ordinate & tranquille* seruant, eo minoris sunt periculi, ex contrario, si valde acuto typo simul ferociter & æstuando inuadunt, & augendo vigent, certissimi & eximii periculi sunt.
19. Omnis febris, in corpus male dispositum ingruens, viribus iam aliunde exhaustis, facillime anomalizat.
20. Abiectio *animi* in febribus, eaque præter consuetudinem ægri, optimi non est ominis.









21. Si causa materialis in febribus *exigua* molis est, & præcipue ad corruptionem putridam inducendam prona existit, malignitatis adcusanda est.
22. Per febres diuturnas & lentefcentes temperamentum sanguineum facile mutatur in cholericum-melancholicum, cui animi indoles respondet.
23. Febres statuta sua ordinarie habent tempora, nempe
- 1) *Tertiana* intermittentes tempore ientaculi, vel prandii, circa solstitium præcipue vernale, inuadunt.
  - 2) *Quartana* horis post meridiem, circa quartam & quintam circiter, & in primis autumnno contingunt.
  - 3) *Synocha* febres ante crepusculum oriuntur.
  - 4) *Biliose* circa ortum solis proueniunt, & post solstitiales existunt.
  - 5) *Gatarrhales* circa vesperam insultant, & circa æquinoctia prodeunt.
24. Quo magis autem febris aliqua a legitima sua norma deflectit, eo deterior est prognosis; ad minimum
25. Omnis febris in alterius tempora, habitus, ætatis opportunitates incidens, vel in illam degenerat, vel in eius mores anomalizat. Vid. *problemata Stahl.*
26. Quando itaque natura debitum ordinem transgreditur, & vel ultra vel citra modum operatur, vel præmature, vel præpostere se- & excretionem suscipit, aut secundarios quosdam effectus prosequitur, fluunt exinde graua & periculosa symptomata, ut sunt: spasmi vehementes, hæmorrhagiæ importunæ, vomitus intempestiui, conuulsiones, prodigæ diarrhœæ, affectus phrenitici, soporosi, deliria, singultus, extrema virium decrementa, exanthematum retrocessionem, lipothymia, cardialgia extremæ, inuoluntariæ excretionem, &c.
27. Febres inconditis medicationibus, e. g. adstringentibus, nimis absorbentibus, opiatis &c. corruptæ, turbatæ, aut suppressæ, post ea autem redeunt maiorem restitutionis inuoluunt difficultatem, quam febres sibi relictæ.



28. Febrēs si legitime & salutariter decurrunt, nouum plerumque sanitatis vigorem habent successorem.
29. Interdum vero accidit, vt, si natura in febrilibus functionibus impedita fuit, materia tamen aliquo modo ad eliminandum iam præparata est, particulares translationes congestoriæ ad certa loca fiant, quas *apostasēs* seu *metastasēs febriles* nominamus, quæ in iunioribus caput occupant, vt glandulosi tumores inflammatorii ibi occurrant; in adultioribus vero phlegmonodei tumores oriuntur.
30. Hæ metastasēs quando temere repelluntur, prægressam febrem denuo & maiori impetu prouocant.

## VII. METHODVS MEDENDI ET REMEDIA.

1. Si vniquam alibi, certe in febris requiritur, vt Medicus sit *minister naturæ*.
2. Hæc autem circa *initium & incrementum præparat, disponit & secernit* materiam noxiam; in *statu* vero & sub *declinatione* præparatam materiam per conuenientia loca *excernere & eliminare* adlaborat.
3. In hoc duplici negotio, secretionis nempe & excretionis, naturæ succurrere, *artis* est.
4. Sed quia de febris tantum in *uniuersum* hic agimus, *generalem* etiam tantum modo methodum & remedia *generaliora* adlegare, specialia autem specialibus tabulis subsequētibz exhibere, conuenit.
5. Remedia, quæ *præparationi & secretioni* inseruiunt, sunt:
  - 1) *Humectantia*: huc pertinent
    - a) Sufficiens dilutus potus ordinarius.
    - b) Decocta satis nota ex hordeo, C.C. &c.
    - c) Infusa thée, caffèe, non tamen cum lacte, item herbarum & radicum alexipharmacarum, sed temperatiorum.
  - 2) *Lentam humorum crassitiem & tenacitatem resoluentia*, cuius census sunt:
    - a) Radices alexipharmacæ temperatæ, & leni simul diuretico effectū præditæ, e.g. rad. helen. pimpinell, alb. vincetox. gentian. petasit.
    - b) Her-









- b) Herbae eiusdem efficaciae, vbi prae omnibus scordium laudatur.
- c) Salia absterfua & digestiua, ex acido vitriolico & alcali fixo parata, e. g. tart. vitriolat. nitrum antimoniatum, arcanum duplicatum, item *tartarea*, e. g. arcanum tartari.
- 3) *Acrimoniam sulphureo-salinam & tenuem obtundentia & incrassantia*, qualia sunt:
- a) *Absorbentia* ostracodermata, e. g. conch. prae parat. mater perlarum prae parat. item testae ouorum, oculi cancri.
- b) *Nitrosa*, e. g. nitrum crystallifatum, nitrum tabulatum seu lapis prunellae.
- c) *Subacida*, e. g. succus citri, berberum, ribium, tinct. florum bellidis: ex magis acidis, clyffus antimonii, spiritus vitrioli & nitri.
- d) Emulsiua, e. g. emulsio amygdal. sem. card. Mariae.
6. Remedia *excretioni* subuenientia sunt:
- 1) *Diaphoretica*, antimonium diaphoret. tenerimum, bezoard. mineral. aquae diapnoicae, e. g. aqua scord. card. bened. flor. sambuc. galeg. &c.
- 2) *Alexipharmaco-diuretica*, e. g. essent. alexipharm. *Stahlii*, mixtura simplex, leniter camphorat.
- 3) *Aluum* leniter expedientia, e. g. clysteres.
7. Haec tria remedia euacuantia in *plurimis* febribus locum habent; sequentia autem in quibusdam tantum febrium speciebus tuto adhibentur:
- 1) *Vomitoria*, quae *interdum* in intermittentibus conueniunt. *Vid. cautel.*
- 2) *Laxantia & purgantia*.
- 3) *Vena sectiones*, in casibus & circumstantiis ad modum specialibus. *Vid. cautel.*

## VIII. CAUTELAE ET OBSERVATIONES PRACTICAE.

1. Mussitarunt quidem ab antiquissimis temporibus Medici, quod in febribus *pugna* quaedam sit naturae cum morbo; agnouerunt, quod dies ad excretionem critici sint

O o o

pugnae



- pugnæ illius veluti exitus, & decernentium inter se partium, aut potius ex parte naturæ eueniens victoria; sed dolendum, quod tam pulchram obseruationem non melius excoluerint.
2. Immo perite animaduenterunt, quod non solum salubriores, firmiores atque certæ naturæ victoriæ seu crises fiant per manifestas excretiones & præcedentes (vt illi adpellabant, coctiones) secretiones, materiam qualemcumque ad corrumpendum efficacem iustis temporibus & locis expellentes; sed ex aduerso etiam morbi victoria seu funestus febrium exitus nitatur huius modi excretionum infido successu, immo potius defectu.
  3. Hæc cum utique ita se habeant, Medicus sollers ad has considerationes omni ratione instituendas animum advertere debet: nam ab harum excretionum vera agnitione pendet febrium therapia generalis, vt Medicus, has excretionēs *arte* debite prosequendi, consilium conuenienter capere & exsequi possit.
  4. Contra, si natura, nullius determinatæ commotionis opportunitatem inueniens, nihil horum vel faciat vel perficiat, considerandum tanto prudentius Medico, quid in sua arte positum sit, siue ad tempestiuam huius materiæ subtractionem, siue ad eius præparationem, vt obedientior fiat etiam ipsius naturæ commotionibus.
  5. *Methodus correctoria*, quæ causam morbidam, seu corruptelam ab illa subnatam, alterare, subigere, & in crasini corporis tolerabilem redigere studet, vniuersæ naturæ methodo aduersatur; vtpote quæ totam vitam non correctionibus peiorum materialium, sed *excretionibus* mechanice conseruat.
  6. Simplicissimæ etiam rationi magis conuenit, materiam vel corruptentem vel corruptam potius absolute ex vniuerso corpore eiicere, quam difficilibus, longinquis, immo irritis & vanis correctoriis tentaminibus eam subiicere, & in ambiguo hærere, an optata mutatio corruptæ materiæ in melius euentura sit.

7. Omnes









7. Omnes autem *vehementes* euacuationes & medicationes in febribus admodum suspectæ sunt, quia principium vitale sæpius placide motus suos febriles administrat.
8. Hinc *vomitória*, ab aliquot lustris omnibus fere febribus destinata, rarissime & adcurata circumspectione vsurpanda sunt.
9. Vomitoria enim commotiones non solum ventriculum & reliqua viscera abdominis vehementer concutunt, sed stringunt etiam vasa, ad caput pertinentia, arteriosa & venosa circa œsophagum, fauces & collum; unde variæ distensiones vasorum & meatuum in capite ingruunt.
10. Concurrit angustia præcordiorum, anxietas & insignis virium iactura.
11. Et licet subiecta *euemeta* sint, docet tamen experientia, quod etiam *talía* in febribus acutis ægerrime & laboriosissime sæpius vomant; præcipue si nulla saburra crassior in ventriculo præsto sit.
12. Præter ea in febribus acutis *legitimis* causa numquam hæret in primis viis.
13. In febribus *biliosis* inflammatoriis hæret quidem causa in primis viis, sed materia ita non est disposita, vt secure semper per vomitum possit euacuari; *conf. tabula specialis de febribus biliosis*: neque status inflammatorius, ibi præsens, vehementem talem concussionem tolerat.
14. In intermittentibus vomitoria, non nisi tertianis, locum habent, nec ibi necessaria sunt, nam cruditates & saburra ita præparari & disponi per alia remedia possunt, vt sine tali tumultu commodius eliminari queant.
15. *Acriora purgantia* ad modum etiam raro in febribus conueniunt.
16. *Vena sectiones* in febribus, siue acutis, siue intermittentibus, directe non conueniunt, modo vnica febris *synocha* excipiatur.
17. Secta etiam vena, nisi sufficiens sanguis emissus sit, & regimen placide diaphoreticum subiungatur, facile versus dies criticos congestiones sanguinis ad caput contingunt.



gunt, vnde deliria, aphthæ, & alia grauiora mala producuntur.


18. Sic etiam præmaturum *regimen diaphoreticum*, præcipue per calida alexipharmaca, versus paroxysmum, & vigente æstu, institutum, motus naturæ ordinatorum facile perturbat. Conueniunt potius ante & versus paroxysmum temperantia, absorbentia, diluentia, digestiua salia.
19. In omni febre *potulenta* congrua, sufficienter concessa, reficiunt ægrum, minuunt æstum, promouent quietem, & debitos sudores. *Vid. problemata februm Stahl.*
20. Continentia quæta circa opportunitates potior est omni medicamento. *ibidem.*
21. *Symptomata* februm ne deterreant Medicum; multo minus a legitima methodo ad alienas medicationes, essentialibus februm circumstantiis inimicas abducant.
22. Hinc *adpetitus* deiectionem & *vigilias*, præcipue in acutis, nihili faciat: *sitim*, quantum sine immodestia fieri potest, largiter subleuet: *inquietudines*, ab impatientia morali plurimum dependentes, feriis dehortationibus, & pessimorum effectuum denunciationibus componat.
23. In omni febre *refrigeratio* corporis, & voluntaria, & accidentalis ad modum noxia est; *vid. problemata practica Stahl.*
24. Materia numquam moueatur, nisi sit mobilis. *ibidem.*
25. In *alterantibus* autem, vt iam supra monuimus, parum præsidii quærendum est, exceptis aliquo modo intermittentibus & quibusdam inflammatoriis acutis: speratus enim *alteratiuus* effectus quam nimium superatur a manifesta humorum *orgastica* efficacia, quæ plus certe incommodi adfert, quam ille præsidii promittit.
26. Sufficiens potus in omnibus febribus iniungendus est, cauendo tamen a frigore illius nimio, præcipite ingurgitatione, consistentia spissa & alibili, qualitate illius inebriante, vertiginosa, flatulenta. Loco ordinarii potus vsui esse potest decoctum e rad. scorzonæ. fol. veronice.















- nic. flor. tunicae, aquileg. borragin. bugloss. meliss. turcicae, cort. citri, aurant. praesertim recent. cum modico cinnamomi, cardamom. & momento sacchari.
27. *Emulsiones* dilutae etiam conueniunt, sed non ex seminibus frigidis dictis, verum ex amygdalis & mundis pineis, paratae, satis saccharatae, & aromatica quadam aqua, e.g. cinnamomi, gratiores redditae.
28. *Alexipharmaca* exhibeantur sub exitu paroxysmi, & tempore, quo acutarum impetus paullulum remisit, non tamen proxime versus nouum insultum.
29. *Salia volatilia*, e.g. sal & spiritus C.C. in febribus acutis a multis quidem annis summis laudibus mactantur, sed varia incommoda, immo pericula fontica inducunt, praecipue tumores oedematosos & tandem asciticos.
30. *Acida* in febribus ita reformidanda non sunt, vti quidam recentiorum putant, solatio potius sunt, praecipue sanguineis, in nimio aestu & siti, nominatim spiritus vitrioli, sulphuris, succus citri, berberum, tussi autem praesente, quae a vitriolicis exasperatur, acidum tantum citri locum habet, praecipue cum saccharo ad gratiam edulcoratum.
31. *Acida* autem *dulcificata* iisdem effectibus destinare, experientia & ratio interdicit. Crasis, ex hac imaginaria correctione emergens, nondum satis cognita est efficacia, & penetrantem fouet adstrictionem.
32. *Vsus adstringentium* vniuersae febrium intentioni aduersatur, nam secretiones & excretiones, apertas poscunt vias, quae autem ab adstringentibus coarctantur, & hinc ferocia non tantum symptomata, verum etiam in acutis plane funesti euentus inducuntur.
33. In intermittentibus contumacioribus, vbi materia peccans iam eliminata est, & motus tantum a consuetudine perennant, actiones interim vitales, appetitus, coctio, somnus, alius debite sibi constant, vsus illorum prudens conceditur.



34. Post febrium, præcipue acutarum, decursum vsus alexipharmacorum per tempus aliquod adhuc continuandus est, quia semper aliquid restat eliminandum.
35. *Specifica* antifebrilia magis optanda, quam speranda sunt; & licet *Apinus* de cortice *cascarilla* in substantia aut extracto, in febribus nominatim epidemicis, tempestiue exhibito, adseueret, quod medio morbi cursu cito in melius, & secundo vel tertio die in integrum restituti fuerint ægri, dolendum tamen est, quod hoc adserutum non ita vbique experientiæ respondeat.
36. Inter ea hic cortex egregium tonicum effectum præstat, fouet enim adstrictionem vix sensilem, saporem aromaticum, & amarorem penetrantem.
37. *Nitrum* quibusuis temperamentis, præcipue autem cholericis, optime conuenit: in forma *liquida* diluta sumtum, aluum lubricat, in *sicca* autem exhibitum acrimoniam sulphureo-salinam egregie obtundit.
38. *Saccharata*, modeste exhibita, non ita reiicienda sunt in febribus, vti quidam ex variis præiudicatis opinionibus concludunt.
39. Vt ordo sequentium de febribus tabularum eo magis perspiciatur, sciendum est, quod primo loco illæ *acutæ* positæ sint, quæ *benignæ* vocantur, nempe febres *resolutoria*, *consumptoria*, *inflammatoria*, *lenta* & *hectica*. Has benignas sequuntur acutæ *malignæ*, *contagiosæ*. Post ea succedunt febres *intermittentes*. Tandem febres *compositæ* & *corruptæ* hanc scenam claudunt.









TABVLA LVII.  
DE  
FEBRE EPHEMERA SIMPLICE  
ET  
PLVRIVM DIERVM.

I. DEFINITIO.

Febris ephemera est species febrium *continentium sanguinearum* veterum, qua natura sanguinem abundantem siue per sinceram euacuationem, siue per resolutionem in serum, consumere & euacuare intendit, motibus secretoriis, & excretoriis, vltra naturalem gradum auctis. Deriuatur ab ἐπι, supra & ἡμέρα dies.

II. DIFFERENTIA.

1. Febris ephemera, quæ etiam *diaria* vocatur, est vel *vnus* vel *plurium* dierum, quæ non differunt; nisi tempore durationis; nam ephemera *simplex* per 24. tantum horas, *plurium* autem *dierum* ephemera per quatuor circiter dies durat.
2. Ephemera hæc *benigna* quam maxime differt ab illa *maligna*, quæ *sudor Anglicanus* dicitur; sudor quidem, quia naturam per sudorem largum sibi prospexisse, obseruatum est; Anglicanus autem, quia in Anglia primo initium fumsit, speciem pestis exhibuit, qua ægri intra 24. horas ad mortem plurimum properarunt.
3. Differt ratione *gradus & temperamentorum*, in subiectis enim temperatioribus etiam febris est temperatior, & vice versa.

III. SIGNA.

1. Inuadit hæc febris *sine* vlllo frigore aut horrore, nisi inflammatio interna, vel variolæ aut morbilli subsint.
2. Statim cum æstu, eoque continuo, & ad finem febris sine remissione continuante.
3. Calor autem satis est tolerabilis, & blandior, quam in febre *synocha*, stricte sic dicta.
4. Capi-



4. Capitis *dolores* in nonnullis sunt pulsui respondentes & punctorii, in aliquibus autem grauatiui & obtusi.
5. Qui ex haustu frigidus in hanc febrem coniiciuntur, illi *sensum pressionis* circa dextrum hypochondrium persentiscunt.
6. Facies est inflata & rubicunda.
7. Lassitudo membrorum ad modum notabilis.
8. Pulsus est magnus, celer, frequens.
9. Vrina tincta, cum rubore saturato, aurantiorum æmulo, roseum deponens sedimentum.
10. In diaria *simplice* primo statim die *coctio* in vrina adparet. *Vid. Foresti observationes.*
11. Soluitur hæc febris ordinarie placido sudore, rarius autem narium hæmorrhagia.
12. Breuissimæ est periodi, nam vt modo dictum, simplex finitur spatio 24. horarum, si vero quarto demum, vel ad summum quinto die cessat, ephemera plurium dierum vocatur.
13. Somnus vel nonnullus adest, vel si ægroti paullulum dormiant, dormire tamen sibi non videntur.
14. Vomitus nonnumquam in subiectis voracibus oritur, præsertim si larga ingestio ciborum antecessit; & tunc natura rationale consilium ad materiam crudam ex ventriculo eliminandam, suscepit.

#### IV. SVBIECTA.

1. Euenit hæc febris iunioribus, adolescentibus, sanguineo-cholericis, succulentis, ingluuiei deditis, monachis. *Vid. Forestus.*
2. Qui euacuationibus sanguinis antea adsuefacti, e. g. mensium, hæmorrhoidum vel narium, iam vero illarum suppressionem experiuntur.
3. Qui diuturno corporis exercitio, abusu vini, vigiliis insolitis, mora ad ignem diuturniore, & grauiore iracundia, sanguinem in orgasmum concitarunt, vel post sudores repentinum frigus admiserunt.

#### V. CAVS.









## V. CAUSSAE.

1. Causa materialis *antecedens* est plethora.
2. Causa *proxima & immediata* est exagitatio & commotio plethoræ.
3. Causæ *occasionales* plethoræ sunt:
  - 1) Emanatio vel suppressio hæmorrhagiarum consuetarum.
  - 2) Lautæ diætæ & otium.
4. Causæ *occasionales turgescentiæ* sanguinis, seu exagitationis plethoræ sunt.
  - 1) Vehemens corporis exæstuatio, ardor solis.
  - 2) Nimiûs potus vini vel aliorum spirituosorum.
  - 3) Incandescencia animi.
  - 4) Nimiæ vigiliæ.
  - 5) Præpostera regiminum sudoriferorum administratio.
  - 6) Incondita refrigeratio vel haustus frigidus, corpore calente.

## VI. PROGNOSIS.

1. Febris ephemera, præcipue *simplex*, sibi relicta, lenior est, & sola continentia quieta, cum potu affatim diluto, salutariter plerumque succedit.
2. Sponte sua, sine auxilio Medici, largiore sudore plurimum soluitur.
3. Si autem ineptis medicamentis tractatur, vel malo regimine turbatur, siue in lentam transire solet, siue in synocham strictè dictam, immo inflammatoriam febrem potest præcipitari.
4. Si nullus sudor superuenit, vel si post sudorem febris non definit, sed tempus consuetum transgreditur, signum est, ephemeram in aliûm morbum declinare.
5. Corpus macilentum & siccum facile hecticam induit: signa vero instantis hecticæ sunt; duratio ultra diem naturalem, calor intensior post pastum, pulsus durus, parvus, & æqualis. *Vid. Forest.*
6. In subiectis valde plethoricis ephemera facile mutatur in synocham, & in cacochymicis synocha *putrida* est metuenda. *Conf. Forest.*



7. Vrina & sudor si bene succedunt, spes est.

## VII. METHODVS MEDENDI ET REMEDIA.

### A. Generalis.

1. Sanguis in orgasmo constitutus est temperandus.
  - 1) In *cholericis* per nitrosa, temperantia, & diluentia, item per antimonialia fixa, & hæc quidem in parca dosi adhibita.
  - 2) In *sanguineis* per acida, v.g. succum citri, clyssum antimonii.
  - 3) Cuius temperamento conuenit potus sufficiens tepidus, & per acidum citri acidulatus.
  - 4) Item huic scopo inferuiunt iulapia, emulsiones, serum lactis, ptisanæ coctæ, quæ etiam stases sanguinis inflammatorias præoccupant.
2. Successus sudoris, quem natura intendit, iusto tempore, & placide, est promouendus; quod obtinetur
  - 1) per portiones ex aquis destillatis diapnoicis paratas, e.g. aqua scabiosæ, scordii, card. ben. flor. sambuc. vlmæ. galeg. plantag. cum absorbente & momento antimonii diaphoret. permixtas.
  - 2) Per aquæ calidæ potum, hodie vsitatum, theæ vel coffeæ.

### B. Specialis.

1. In febre ephemera *simplice* auxilium Medici non facile requiritur: sufficit enim plerumque tranquilla contentia; quod si vero fiat, tum
2. Interdiu vsurpentur pulueres nitroso-temperantes, e.g. Rec. nitri depurati, ocul. cancri, acido citri saturat. ana drach. II. antimon. diaphoret. drach. I. M. dos. scrup. I. ter per diem.
3. Versus noctem vero, quo tempore plerumque sudor subsequi solet, iungantur portiones diapnoicæ, iam modo descriptæ.
4. In ephemera *plurium dierum* eadem est methodus, per plures dies continuanda.
5. Sub exitu febris lenia laxantia adhibeantur, e.g. e rhabarb. fol. sennæ & passulis, nam, primis viis hoc modo depuratis, appetitus & vires restaurantur.

VIII.









## VIII. CAUTELAE ET OBSERVATIONES PRACTICAE.

1. In febre ephemera a medicamentis *sudoriferis* & coactis regiminibus, item etiam a calidis alexipharmacis abstinendum: summas enim anxietates, immo sudores colliquatiuos, producunt.
2. Hinc quando omnino alexipharmaca adhibenda censentur, sint illa temperatissima.
3. Prius autem in usum non trahantur, quam si excretio haliuoso-sudorifera legitimo tempore non succedat.
4. *Vena sectio* in ephemera, praecipue simplici, superuacanea est.
5. Febris ephemera quando in lentam vel hecticam degenerat, hi morbi consequentes genuinae methodo facilius cedunt, quam si ex scirrhis vel vlceribus viscerum propullularunt. Conuenit autem in tali casu, lenia laxantia antifebrilibus interponere.
6. *Absorbentia* marina orgasmum sanguinis temperant, materiam ex dissoluta illius compage secedentem incrassant, & per vias vrinarias educunt.
7. Dieta, omnibus febribus communis, probe est obseruanda, praecipue continentia, quod ad corpus & animum attingit, quies.
8. Abstinendum est a nimia ingurgitatione *potus frigidi*, quia sudorem perquam utilem impedit, fluentem vero sistit.
9. In obstructione alui *clysteres* in usum trahantur, minime vero purgantia fortiora aluum commouentia.
10. Salia volatilia damnum inferunt, dum sudores vel nimis excitant, vel plane impediunt, febribusque inflammatoriis ansam praebent.



## TABVLA LVIII.

DE

## FEBRE SYNOCHA

SEV

## CONTINENTE καὶ ἐξοχὴν DICTA.

## I. DEFINITIO.

Febris synocha est species febrium *continentium sanguinearum*, qua principium vitale plethoram immunere intendit, siue per sinceram narium hæmorrhagiam, siue facta sanguinis in serum resolutione per sudorem, motibus secretoriis & excretoriis, ultra consuetum gradum auctis. Deriuatur a συνέχω, contineo.

## II. DIFFERENTIA.

1. Febris synocha est vel

- 1) *Simplex*, quæ in nostris regionibus satis raro occurrit; vel
- 2) *Composita*, ubi continens cum febre continua complicatur; quæ a veteribus synochus *putrida* adpellatur, & multo frequentior est, quam simplex. *Vid. tabula de febribus compositis, & cautela.*

2. Febres *continentes* differunt a febribus *continuis*: Hæ enim suas habent *remissiones*, illæ autem continenter & in eodem tenore ad criseos tempus pergunt.

## III. SIGNA.

1. Conuenit quidem febris *synocha* cum *ephemera*, præcedente tabula tradita, in omnibus fere signis, præcipue etiam in hoc, vt sine frigore inuadat, æstus autem, sitis, languor & reliqua symptomata in synocha grauius vrgent.
2. Occurrunt enim anxie oppletiones pectoris, suspiriosæ angustie & quasi suffocationes.
3. Item *dolores* capitis lancinantes, rubor faciei & oculorum, tinnitus aurium, vertigines, summæ inquietudines.
4. His omnibus *mentis* motiones intercurrent.
5. *Vrina* est rubicunda, pellucida, & ante quartum diem mu-

ratio-















rationem vix subit; sub ipsa autem mutatione sedimentum offert rosei coloris.

6. Alui ficcitas est plerumque molesta.
7. Coniunguntur tensiones dorsi & artuum spasmodicæ, molestissimæ, tam in principio exacerbationum, quam in illarum mitigatione.
8. Septimo plerumque die terminum suum inuenit hæc febris, prodeuntibus in *iuniore* ætate hæmorrhagiis narium, vel in *seniore* præcipue sudoribus largis.

#### IV. SVBIECTA.

1. Febris synocha eadem subiecta, quæ ephemera, nempe plethorica & succulenta, occupat.
2. Temperamentum sanguineum, vel sanguineo-cholericum.
3. Ætatem mediam adolescentem.
4. Præcipue personas, euacuationibus sanguinis adsuetas.
5. Tempore plerumque vernali & æstiuo.

#### V. CAVS SÆ.

Synocha febris conuenit etiam in eo, quod ad causas at-  
tinet, cum febre ephemera, nempe

1. Causa *antecedens* est plethora.
2. Causa *proxima* immediata est orgasmus sanguinis abundantis.
3. Hunc *orgasmum* inducunt causæ occasionales sequentes:
  - 1) Vehementes corporis exagitationes.
  - 2) Abusus potus spirituosus, ad ebrietatem vsque sumti.
  - 3) Nimia vigilæ.
  - 4) Iracundia.
  - 5) Sudationes nimia coactæ & medicamenta calida.
  - 6) Immodica corporis refrigeratio, vel haustus frigidus, corpore calente, sumtus.
4. *Plethoram* autem ipsam cumulare solent
  - 1) Hæmorrhagiarum naturalium suppressio, e.g. mensium, hæmorrhoidum, hæmorrhagiæ narium, vel artificialium neglectio, e.g. venæ sectiones, scarificationes,



2) Diæta superflua & vita otiosa.

# VI. PROGNOISIS.

1. Febris synocha *per se* adeo non est periculosa.
2. Quando enim hæmorrhagia critica vel sudor septimo die legitime contingit, optimæ successionis spes est.
3. Si vero excretio illa critica non succedit, & tamen congestiones adfunt, *innior* quidem ætas phrenitide & convulsionibus facile corripitur; adultior autem sæpe sopores incurrit.
4. Sæpiissime etiam increbescit plenitudo pectoris anxia, anhelosa, suffocans, cum succedente in *principio* peripneumonia, in *incremento* autem anginosa stagnatione & inflammatione.
5. Crisis hæmorrhagica quando in non nullis excedit, vires quidem notabiliter consumuntur.
6. Suppressa autem hæmorrhagia multo grauiora damna infert, nempe hæcticas, cachecticas, hydropicas, valedudinarias viscerum obstipationes.
7. *Hæmorrhagiam criticam* antecedunt:
  - 1) Narium strictura aut pruritus.
  - 2) Dolor capitis intensior.
  - 3) Rubor faciei & oculorum.
  - 4) Horum quoque siccitas, aut expressio lacrimabunda.
  - 5) Aurium tinnitus, susurrus.
  - 6) Immo ipsius mentis perturbatio, quæ etiam euenire solet ante eruptionem sudoris critici, vbi simul
  - 7) Die *indicatorio* punctio & pruritus sub cutē, imminutio vrinæ, inquieta iactatio, & abdominis inflatio præcurrunt.
8. Quarto die quando sanguis ex naribus stillare incipit, die septimo, nisi turbetur natura, hæmorrhagia certissime redibit.
9. Querelæ de summa anxietate præcordiorum omen præbent infaustum.
10. Non minus etiam nimia inquietudo, excretio macularum nigrarum vel fuscæ, inuoluntaria lacrimarum emissio,









fiō, nulla a somnō resectio. Hæc enim *statum complicatum* designant.

11. In sanguinis constitutione *crassa* facilis est transitus in febrem lentam, hecticam aut in tumores.
12. Si intra primum septenarium non terminetur synochus, nubeculæ autem in vrina cocta adpareant, & semper adparuerint, circa secundum septenarium febris solutio adhuc est speranda.

## VII. METHODVS MEDENDI ET REMEDIA.

1. Causa *continens* huius febris, nempe *plethora*, remoueatur per venæ sectionem, sub initium morbi instituendam, nempe ante, quam vrinæ coctio adparet.
2. Deinde *orgasmus* sanguinis & motuum vehementia moderetur, atque æqualis sanguinis distributio atque resolutio promoueatur per temperantia, præcipitantia, & nitrofa, item per potum sufficientem, acido citri vel clyffo antimonii acidulatum, item per iulapia, emulsiones, per diaphoretica fixa, cum aquis diapnoicis sub febre ephemera commendatis, iungenda, per febrifugum *Kergeri* ex crystallis tartari & coralliis paratum, per regimen leniter diapnoicum v. g.
3. Horis ante meridiem exhibeatur puluis sequens: Rec. matr. perlar. ptæparat. nitri depurat. ana vnc. semis, bezoardic. mineral. drach. II. M. dos. scrup. I.
4. Horis vero post meridiem sequens exhibeatur mixtura: aquæ scabios. card. bened. scorzoner. scord. ana vnc. II. succ. citr. vnc. semis M. dos. cochlear. II. post quatuor horas repetenda. De vsu alexipharmacorum essentiarum sub *cautelis* dictum est.
5. Diæta tranquillæ continentia, sufficientis tepidi potus, & caloris moderati simul iniungatur.
6. Alius, si obstructa, per clysteres modeste aperiatur.
7. Sub declinatione morbi primæ viæ leniter euacuentur.

## VIII. CAUTELÆ ET OBSERVATIONES PRACTICÆ.

1. Quod in *ephemera* ratione *alexipharmacorum calidorum* monui-



- monuimus, id hic omnino repetendum est, ad inflammationes viscerum præcauendas.
2. Immo temperata etiam alexipharmaca in febre synocha, si venæ sectio præcesserit, reponantur.
  3. Quando autem venæ sectio non instituta est, tum ipsa alexipharmaca, temperata tamen, bis de die, nempe ingruente & media nocte, sine regimine, adhiberi possunt, e. g. essent. alexipharmaca *Stahlii*, vel mixtura simplex gutt. XX-XXX. interpositis per reliquum tempus pulueribus nitroso-temperantibus.
  4. *Refrigerantia & adstringentia vena non secta*, improuide adhibita, translationes ad fauces, & stases seroso-mucidas relinquunt, cum febre lenta, alexipharmacis & resoluentibus colliquanda.
  5. *Tincturæ bezoardicæ officinales*, vtpote calidæ & opio insuper inquinatæ, quouis modo in hac febre reiiciuntur.
  6. *Venæ sectio* si post vrinam *coctam* instituitur, vbi natura iam ad motus secretorios & excretorios materiam disposuit, grauiores hæmorrhagias inducit, vel, si hæ emanent, sequuntur deliria, aut symptomata soporosa.
  7. Exstant enim exempla, in quibus post coctam vrinam venæ sectio, & deinde refrigerantia adhibita fuerunt, quod die *critico* mortui sint febricitantes.
  8. Quem ad modum venæ sectio in synocha *simplice* satis commoda, eoque commodior est, quo magis crûda, limpida minusque rutila obseruatur vrina, ita nullius ex contrario vsus est in synocha *putrida*, vel in simplice ad statum iam progressa: sæpe enim post eam recidiuam adfert, vel odiosam postulat sui repetitionem.
  9. *Aluum* irritare non conuenit, bene vero modeste eam lenire. Exeunte autem febre repurgatio primarum viarum per rhabarbarina, vt adpetitus & vires restaurentur, egregie conuenit.
  10. *Salia volatilia* tumores cachecticos facile post se relinquunt.



11. *Opiata*, pro capitis doloribus sedandis adhibita, deliros furores, comata, paralyfes, inducunt.
12. *Angina* quando superueniunt, succurrendum est per gargarismata, additis, pro maiore adstrictione radic. torment. terræ catechu, alumine crudo, cum venæsectione primum in brachio, deinde sub lingua instituenda. Reliqua *vid. tabula de angina*.
13. *Vinum* in hac febre improbat. *Regimen* licet coactum esse non debeat, perpetua tamen transpiratio promouenda, & aëris accessus præcludendus est.
14. *Hæmorrhagia critica*, si nimia videtur, caute tractetur: duæ enim circiter libræ medicæ sine vitæ periculo, in hac excretionē perferri possunt. *Vid. tab. de hæmorrhagia narium*.
15. Ceterum rariores esse, in nostris climatibus, febres *simpliciter* continentes, in praxi bene notandum est. Nam propter spissitudinem sanguinis abundantis nostrates longe proniores sunt ad rheumatico-inflammatorias stases, & hinc ad typos febrium magis *continuos*.
16. Hæc est ratio, cur febres *continentes* cum *continuis* sæpissime apud nos complicentur, & ita ordinarium schema in *mixtum* aliquod transmutent; quæ res summa attentione indiget, quia multi motus sibi contrarii in hac complicatione reperiuntur.
17. Et quia *urina* sub his febribus compositis foetido sedimento conspicuæ sunt, veteres vel ex hoc signo finxerunt sibi putredinem, & hinc febres *putridas* illas vocarunt. Plura de his sub febribus compositis dicemus.



## TABVLA LIX.

DE

## FEBRE CONTINVA SIMPLICE.

## I. DEFINITIO.

Qq

Febris



Febris continua simplex est species febrium acutarum, in qua principium vitale vitiosam humorum *qualitatem* corrigere, & præcipue orgasticas illas ac subtiles materias, quæ putredinem producere possent, eliminare intendit, idque motibus, qui ultra gradum quidem naturalem aucti continui sunt, à vehementia autem sua certis diei horis paullulum remittunt.

## II. DIFFERENTIA:

1. Febris *continua simplex* differt a febre *continente simplice* sequentibus:

- 1) Continens *sine*, continua autem *cum* horrore inuadit.
- 1) Continens *nullas*, continua *aliquas* habet remissiones.
- 3) Continens *quantitatis* imminutionem, continua *qualitatis* correctionem respicit.
- 4) Ceterum *continua* cum *continente putrida* aliquam habet conuenientiam.

2. Differt ab *intermittentibus & chronicis*:

- 1) *Remittit* quidem per aliquot horas a feruore & acerbitate sua, prorsus autem non *intermittit*, sed continuo cursu ita ad finem properat, ut in illis etiam horis, quibus ægri non adeo intense æstuant, & calor, & sitis & capitis dolores adsint.
- 2) Præcipitem & acutam habet periodum, & vel septimo, vel decimo quarto die stadium suum decurrit.
3. Continua *simplex* differt a continua *composita*, quæ vel cum alia continua, vel cum continente, vel cum intermittente complicata est. *Conf. tabul. de febribus compositis ex acuta periodo.*

## III. SIGNA.

1. Inuadit plurimum cum horrore, & hunc excipit æstus, isque ad finem vsque morbi continuus.
2. Quando autem impuritates primarum viarum conspirant, primis quidem diebus frigus *aliquoties* recurrit, & cum æstu ad normam intermittentis alternat, deinde autem ordinarium continuæ typum exhibet.

3. Con-









3. Coniungitur capitis dolor insignis, cum siti & oris siccitate.
4. Pulsus est celer & frequens.
5. Quemadmodum excretionēs per diuresin & diaphoresin huic feбри quasi essentialēs sunt, ita per has etiam salutarem exitum & euentum quærere obseruatur.
6. Vrīna enim, quæ primis diebus limpida & rubicunda est, quarto circiter die cocta adparet.
7. Non minus sudor ab illo tempore quemlibet paroxysmum, qui bene cedit, in declinationē sui sequitur.
8. Reliqua sub *differentia* diximus.

IV. *SVBIECTA.*

1. Homines floridæ & mediæ ætatis
2. Qui lauta diætā non tantum plethoram, sed & otio ac segnitie motus impediunt, quo minus debitæ excretionēs materiārum noxiarū per transpirationem naturalem & vrīnam succedere possint.

V. *CAVSSAE.*

1. Adcusamus quidem pro *caussa materiali* in hac febre vitium *qualitatis*, non alio autem sensu, quam vt plethoram illius matricem esse adseueremus.
2. Quem ad modum enim plethora in otiosis spissitudinem sanguinis contrahit, ita hac debitum illius circulum retardat, & ordinarias secretionēs atque excretionēs impedit.
3. Hæ retentæ impuritates, quando commotionibus vehementibus vel animi vel corporis exagitantur, & in orgasticam ac halituosam quasi subtilitatem resoluuntur, ansam præbent nostræ, de qua loquimur, continuæ.
4. *Causa efficiens* autem est ipsa natura, quæ per motus hoscē febriles materiā illam subtilem & orgasticam ex humoribus separare, & per conuenientia excretoria loca eliminare intendit; ne putridam corruptionem, quam celeri cursu alias producit, subire possit.
5. *Causæ occasionales* sunt

Qqq 2

1) Im-



- 1) Immoderata corporis commotiones & exæstuationes.
- 2) Repentina sudorum prægressorum repressiones.
- 3) Abusus spirituosorum.
- 4) Iracundia.

## VI. PROGNOSIS.

1. Quo magis plethora peccat, eo difficilius negotium succedit: hac enim ratione duplex labor naturæ obiicitur, & *continens simplex* facile mutatur in *compositam*, qua primario quidem correctio qualitatis, secundario autem imminutio quantitatis respicitur.
2. Vnde non raro euenit, vt die quarto vel septimo narium hæmorrhagia erumpat, vel, si hæc non succedat, motus hi hæmorrhagici deliria concitent.
3. Signa coctionis in vrina, & sudor in cuiusuis paroxysmi remissione placide succedens optimam spem promittunt. Quarto enim die quando adparent, febris septimo die ordinarie soluitur; sin secus, ad vndecimum vel decimum quartum diem.
4. Quando autem coctionis signa neque septimo die adparent, & hac ratione prima periodus nihil utilitatis & leuaminis attulit, tum natura laborem febrilem de nouo quidem adgredi solet, quoniam autem præcedentibus diebus & conflictionibus hosti nihil detrahare potuit, sub initium secundæ periodi animum facile abiicere solet. Vnde *nonus* dies periculosus esse in acutis deprehenditur.
5. Vomitus, sub initium morbi erumpens, non est reformidandus.

## VII. METHODVS MEDENDI ET REMEDIA.

1. Primis diebus, quibus natura materiam peccantem præparat, & ex nexu, quem cum massa sanguinea habet internum, liberat, resoluit, inuoluit & facultatem nocendi quodam modo infringit, Medicus, qui minister est naturæ, laborem hunc salutarem imitetur, & in eundem finem remedia præparantia, nempe abstergentia, inuoluentia, & temperantia propinet, e.g.

Rec. Ocul. cancr. citrat,

Con-















Conchar. præparat.

Nitr. depurat. ana drachm. I.

Antim. diaphoret.

Arcan. duplicat. ana scrup. II.

M. d. in 12 partes, & harum quatuor per 24 horas, interpositis diluentibus, exhibeantur.

2. Correcta hac ratione materia, vti ab ipsa natura circa & post quartum circiter diem per diaphoresin & diuresin solet expelli, ita Medicus hunc quoque scopum remediis suis respiciat, & placida diaphoretico-diuretica præscribat, ita tamen, vt sub *ἀκμῇ* paroxysmorum pulueres modo præscriptos, in remissionibus autem essentiam alexiph. temperatam, vel in sensibilibus decoctum aliquod diaphoret. aut potionem diapnoicam propinet. Materia enim licet *correcta* audiat, cum natura tamen in gratiam redire nequit, sed eum in finem præparatur, vt commode & innoxie excerni possit.

3. Reliqua sub *cautelis* dicentur.

#### VIII. CAUTELÆ ET OBSERVATIONES PRACTICÆ.

1. Ordo, quem natura in his & aliis febribus obseruat, manifesto nos docet, quam nocentes, & naturæ methodo contrariæ sint *heroicæ* illæ curationes, quæ sub initium febrium *purgando, vomendo, sudando* &c. instituuntur.
2. Hic enim Medicus internus therapiam suam cum excretionibus minime inchoat, sed prioribus diebus efficaciore sanguinis transitu per partes porosas operam nauat, vt materia peccans ab intima illa cohæsione, quam cum massa sanguinea habet, prius liberetur, abstergetur & ad euacuationem apta reddatur. Deinde reliquis diebus hanc præparatam materiam per paroxysmos paulatim eliminat.
3. Huic abstersioni & segregationi egregie inseruit restrictio humorum ad viscera colatoria. Hæc enim vti exterioribus partibus strictionem & horripilationem, ita interioribus necessariam relaxationem & aperturam conciliat, vt, quidquid alieni in illis hæret, abstergi possit.



4. Quando plethora insignis naturam adgrauat, & necessarias secretiones atque excretionēs impedit, tum *venæsectio*, primis morbi principiis instituta, non reiiicitur; præcipue si consuetudo huius euacuationis, tempus opportunum & orgasmus sanguinis adsint. *Conf. tab. chirurg. de venæsectione.*
5. Caueatur, ne *vomit* vel *alui fluxus*, qui sub initium huius morbi sæpius contingunt, inepte supprimantur. Natura enim has primarum regionum impuritates cum in finem eliminat, ne successum absterfium & secretorium impedian. Conuenit itaque naturæ intentionem per digestiua & præparantia promouere.
6. Quando autem hi motus excretorii omnino *excedere* videntur, *cortex cascarilla* vsui esse potest.
7. Quæ prioribus tabulis de *calidis alexipharmacis*, item de *regimine sudorifero coacto*, & de *opiat* passim monuimus, illa & hic obseruanda commendamus.
8. Tranquilla corporis continentia quam maxime commendatur: promouet enim placidam transpirationem & vniuerso febris successui adfert vtilitatem.



## TABVLA LX.

DE

## FEBRIBVS SECVNDARIIS

VVLGO

## SYMPTOMATICIS.


## I. DEFINITIO.

Febres secundariæ sunt febrium species, ad indolem modo *continuarum*, modo *chronicarum* accedentes, quæ aliis corporis fonticis læsionibus eum in finem superueniunt, vt materialis noxa superetur, & imminens periculum auertatur.

II. DÆ









## II. DIFFERENTIA.

I. Febres *secundariae* a *primariis* seu *idiopathicis* sequente ratione differunt:

1) *Primariae* propriam suam habent indolem & causas directas; praeter ea tam ordine, quam grauitate, primae sunt: *secundariae* autem aliis morbis iunguntur, qui proprium suum esse habent & constituunt, & qui aliquando, praecipue sub initium sui, sine febre existere solent, e. g. *inflammatio* contenta esse potest motibus suis *particularibus* sine *uniuersali febrili sanguinis commotione*; item *ulcus pulmonum* sine febre hectica diu esse potest. Immo manent morbi primarii id, quod sunt, sub ipsa etiam febre, e. g. *ulcus* manet *ulcus*, quidquid agat febris concurfans. Paucis: *secundariae* causas habent *indirectas*, & ordine re vera sunt *secundae*, illi autem, quibus accedunt, morbi sine febre esse & res suas sub febre seorsim habere possunt & solent.

2) *Primariae* ordinatis magis progressibus & successibus innituntur, ambitum uniuersum & typum longe constantius & exquisitius seruant, quam *secundariae*; quae quidem interdum etiam typicae videntur, hunc autem ordinem mox amittunt, & in varios, inordinatos atque inaequales successus euagantur.

3) *Secundariae* habent quidem respectum & efficaciam utilitatis & quodam modo necessitatis, tam absolutam autem necessitatem non inferunt, neque tam exquisitam proportionem efficaciae habent, quam *primariae*. Materia enim peccans, propter quam haec primariae fiunt, in humoribus adhuc simpliciter oberrat. Hinc non superueniunt *noxae* non *ortae* sed *oriundae*. Vnde materiam talem mobilem in ordinem facilius cogere, & per ordinatos typos superare possunt.

4) Morbi illi, quibus *secundariae* febres accedunt, propriis interdum methodis & remediis infringuntur: ex  
con-



contrario illæ materiæ peccantes, quæ febres *primarias* poscunt & fouent, alio motu ex corpore non possunt præscribi. quam vere febrili.

- 5) Per *primarias* febres excernuntur quidem etiam noxiæ materiæ, sed hæ ita comparatæ sunt, vt per, & ex se, proprium schema, aut peculiarem morbum nondum forment. *Conf. num. 3.*
2. *Secundariæ* febres vulgo etiam *symptomaticæ*, sed minus commode, vocantur, ob sequentes rationes:
  - 1) *Symptomatis* nomen in schola medica vulgo designat rem, quæ alteri cuidam accedit ex *necessitate physica*, qua v. g. læsiones *actionum* sequuntur læsam *partem*: sed febres *secundariæ* ex physica necessitate, aut essentiali & propria ratione primariorum morborum non obtingunt. Potest enim & sæpissime solet e. g. inflammatio sine successu febris salua essentia sua propriam suam sphæram absolvere.
  - 2) Porro symptomata sunt accidentia quæcumque, licet primario morbo nec necessario nec directo vinculo adnexa; febres autem *secundariæ* ab indole illorum adfectuum, quibus accedunt, non sunt alienæ, sed rationali nexu cum illis coniunctæ.
  - 3) Denique per symptomata specialissime subaudiunt talia accidentia, quæ malo primario noxam potius & damnum, quam auxilium & leuamen adferunt; febres autem *secundariæ* contrario modo se habent: sunt enim consecretarium moralis vtilitatis & necessitatis.
  - 4) Ceterum si differentia illa, quæ est inter symptomata *actiua* & *passiua*, a schola medica magis recepta esset, nulla difficultas *symptomaticæ* febris denominationem premeret. *Conf. different. tab. I.*

### III. SIGNA.

1. Hæc cum signis reliquarum febrium generalibus, per omnia quidem conueniunt, hoc autem speciale habent signum diagnosticum, vt typum exquisitum non forment,









ment, vel si omnino typice quasi inuadant, accuratum tamen & ordinatum typum non seruent.

2. Quem ad modum enim materiae *qualitas* non est in potestate simplicis commotionis, ita & hæ accessoriae febres materiam male dispositam qualibuscumque motibus suis ita non possunt disponere, vt obsequium præstet, & certa mensura atque typo ordinato circumscribatur.

#### IV. SVBIECTA.

De his non habemus, quod specialiter dicamus. Occupare enim possunt febres secundariae omnes illos homines, qui primarios morbos, sub *caussis* indicatos, incurrunt.

#### V. CAVSSÆ.

Morbi primarii, qui febres secundarias adsciscere solent, sunt præcipue sequentes.

1. *Inflammationes*, præsertim partium internarum. His enim febres inflammatoriae accedunt, quæ pro partis inflammatae diuersitate nomina sortiuntur diuersa. Huc pertinent phrenitis, paraphrenitis, pleuritis, peripneumonia, hepatitis, & aliae febres inflammatoriae, inflammatis visceribus accedentes. Huc etiam referenda sunt graua vulnera & contusiones.
2. *Ulcerationes & scirrhi*, e. g. in pulmonibus, renibus &c. Vnde febres lentæ & hecticæ proueniunt.
3. *Impetuosæ, copiosæ & restagnatoriae humorum congestiones*, ad inflammationem aut ulcerationem tendentes. Huc pertinent rheumata arthritodea & veræ arthritides in plethoricis, iisque sanguineis aut cholericis - sanguineis.
4. *Causa efficiens* febrium harum secundariarum est eadem, quæ primariarum: non enim dependent ab effectibus & læsionibus materialibus, quibus superueniunt, ex physico-mechanica necessitate, sed ab ipsa natura in salutarem finem suscipiuntur, non vt morbum foueant & augeant, sed potius eundem auertant.

R r r

VI. PRO:



## VI. PROGNOSIS.

1. Quando adfectus primarii constitutio nondum est inseparabilis, neque viarum habilitas fallit, febres secundariæ effectu & euentu saluberrimo efficaciam suam præstant.
2. Negandum autem non est, quod plus difficultatis & periculi inuoluant, quam quidem primariæ.
3. Quo magis secundariæ typum ordinatum & moderatum, quod autem rarum est, ostendunt, eo maior spes est felicitis successus. Ex contrario quando typos quidem habere videntur, impetuose autem, præmature & inordinate agunt, sinister euentus est metuendus.
4. Licet febres secundariæ præcipue inflammatoriæ malorum morum ex eo vulgo arguantur, quod nihil constantis, fidi & æqualiter vegeti exhibeant, longe tamen minor culpa in febres has, quam in adfectus ipsos rebelles & intractabiles, quibus superueniunt, coniicienda est.
5. Multo minus ex dictis anormalicorum motuum circumstantiis hæ febres argui possunt *malignitatis*.

## VII. METHODVS MEDENDI ET REMEDIA.

1. Tractatio harum febrium non quidem recedit a methodo generali febrium reliquarum, notandum autem est, quod morbi primarii, quibus superueniunt, simul sint respiciendi & legitime tractandi: remoto enim antecedente, facile hic remouetur consequens.
2. Ceterum quoniam tabulis sequentibus plurimas secundariarum febrium species specialiter tractatæ sunt, & specialis earum methodus indicata est, necessarium non iudicamus, hoc quidem loco fusius hac de re dicere.

## VIII. CAUTELAE ET OBSERVATIONES PRACTICAE.

1. Secundariæ febres ex utrolibet censu, acutarum nempe & chronicarum contingunt, motusque hi febriles egregie respondent conditioni illarum læsionum, quibus corrigendis & restaurandis superueniunt.
2. Nam febres illæ secundariæ, quæ inflammationibus accedunt, sunt schematis acuti, & quidem iustissima necessitatis









fitatis ratione. Stasis enim inflammatoria, vti vix vquam quartum diem præterit, quin corrumpi incipiat; ita necesse est, vt febris motibus acutis instruat, quo breui tempore desideratum effectum absolvere possit.

3. Ex contrario in illis febribus, quæ vlcerationibus accedunt, lentum schema sufficit: nihil enim hic aliud, quam præcautio & præoccupatio intenditur, videlicet ne loco serosæ corruptionis largior sanguinea admixtio & inflammatoriæ indolis accessio, quæ repentinam supurationem aut sphacelum adferat, introducat.
4. In illis febribus, quæ arthritico-podagricis adfectibus iunguntur, eadem harmonia & rationalis proportio obseruanda est, quem ad modum enim in his pathematibus spastica tantum adsunt stricturæ, quæ sanguinem ad certas corporis regiones ita restringunt, vt stasis forte inflammatoria sequi possit: ita motus febriles leuiiores tantum a natura instituuntur, vt stasium euentus occupetur.
5. Quando autem repulsio fit ad interiora, *motuum* magis quam *materiarum* ratio habenda est. Quando enim hi motus spastici, in viscere quodam vitali administrati, sanguinis portionem, vt vt exiguam, in stasin inflammatoriam ibi deducunt, mox lentum febris schema in acutum commutatur.
6. Genius materiæ peccantis quoniam *angustus* est, & sensim procedentibus potius excretionibus, quam vnica eliminandi actione excuti potest, non conuenit, *criticas tentare commotiones*: Crisis enim non sequitur, sed tristitia confectaria, nempe languores repentini, desperabunda actiuitatis omissio. Quo vehementior etiam fuit impetus, eo certior erit funestus euentus.
7. Non minus in hisce febribus nocent reliquæ *heroicæ* medicationes, videlicet *emetica*, *purgantia*, & quæ alia orgasmum sanguinis excitare possunt.



## TABVLA LXI.

DE

FEBRIBVS INFLAMMATORIIS  
GENERATIVIS.

## I. DEFINITIO.

Febres inflammatoriæ sunt species febrium continuarum secundariarum, quibus principium vitale stasin quamdam, quæ motui inflammatorio *particulari* cedere recusat, per motum *universalem* febrilem resolvere & discutere intendit.

## II. DIFFERENTIA.

## 1. Febres inflammatoriæ accedunt

1) modo inflammationibus *externis*; & hoc quidem rarius,

2) modo inflammationibus *internis*, idque frequentius.

## 2. Pro diuersitate locorum &amp; partium, in quibus stasis inflammatoria contingit, febres inflammatoriæ diuersa sortiuntur nomina, e.g.

1) *Phrenitis* vocatur febris illa, quæ inflammatis meningibus accedit.

2) *Paraphrenitis* diaphragmati inflammato superuenit.

3) *Pleuritis* stasin in pleura,

4) *Peripneumonia* in pulmonibus discutere intendit.

5) *Hepatitis* hepatis,

6) *Splenitis* splenis stasi opponitur.

7) *Nephritis* renibus inflammatis succurrit.

8) *Lipyria* vel *assodes* vocari solet febris illa, quæ ventriculo aut lieni inflammato superuenit, & internis partibus ardorem, externis autem frigus adfert. Vnde periculosior potius status quam melior fit, & intra paucos dies exitum suum nanciscitur lethalem. *Conf. different. tab. de inflammatione.*

9) *Typhodes* dicitur, quando inflammatio erysipelacea vel hepa-















hepatis, vel ventriculi, vel vteri febrem prouocat, quæ anxiiis, frigidis & inutilibus sudoribus coniuncta est. Deriuatur a τύφος, fumus, seu res inanis fumo similis.

10) Quando autem febres *cholericæ* & *causodæ*, quæ etiam ad inflammatorias pertinent, eius modi sudores inutilis exhibent, *elodes* & *hydrodes* vocantur.

11) *Lyngodes* seu *singultuosa* vocatur illa febris inflammatoria, quæ inflammationi vel diahpragmatis vel ventriculi vel intestinorum superueniens, singultum habet complicatum, qui motus conuulsius funeste plurimum cedit. Deriuatur a λυγξ, singultus.

12) *Phricodes* seu *horrida* adpellatur febris, quando stasis inflammatoria ad suppurationem adpropinquans, insignibus horroribus coniuncta est. Deriuatur a φρικη, horror.

### III. SIGNA.

1. Hæc cum signis febrium continuarum conueniunt.
2. Nonnumquam autem parum frigoris præcedere obseruatur, & æstus, qui horripilationem excipit, mox ita increbescit, vt sub initium nescias, num ad continentium vel ad continuarum indolem eius modi febris inflammatoria referenda sit.
3. Quando membrum aliquod aëri leuiter tantum exponitur, horrore percelluntur ægri, simul ac autem illud obtegatur, æstum vehementem iterum persentiscunt.
4. Typum vel plane nullum, vel inconstantem hæc febres seruant, id quod ab inæquali successu & euentu ipsius inflammationis dependet. *Conf. tab. de febribus secundariis.*
5. Vrina rutila & crassa circa & post quartum diem dimittere solet sedimentum roseo-pallidum, quod de lymphâ quidem attenuata & intermixto principio sulphureo-feroso testatur, pro vero autem pure falso a nonnullis habetur.
6. In iunioribus interdum narium hæmorrhagiæ concurrunt;



runt ; vel si sanguinis versus caput congestio exitum hæmorrhagicum non nanciscitur, deliria sequuntur.

7. Quando febris superficiali inflammationi accedit, dolor pulsans & lancinans in loco adfecto sentitur, si vero profundior est inflammatio, sensus quidem molestus, sed obtusus est.

8. Ceterum quo grauior status est, eo plures angores & inquietudines tacite quasi conspirant.

#### IV. SVBIECTA.

1. Quæ subiecta inflammationibus obnoxia sint, legi potest *tabula de inflammationibus generatim.*

1. Quibus autem febres accedant, ex causis subsequenter elucescit.

#### V. CAUSSAE.

1. Quas causas *tabula de inflammationibus* posuimus, illas hic repetendas commendamus.

2. Non minus illa considerata suademus, quæ præcedente *tabula de febribus secundariis sub causis* diximus.

3. Vnde liquet, quod febris inflammatoria intentionem salutarem habeat, & a natura propter inflammationem discutiendam instituitur.

4. Hinc directum effectum *materiale* hic excludimus, & non tantum *vanas antiquas* de accensione caloris in corde per exhalationes, quæ ex parte aliqua, fomitem putredinis continente, ad cor transmittantur, prætermittimus, sed & recentiorum mutatam denominationem, nempe particulas acres, ex membris inflammatis ad cor delatas, reiicimus.

5. Notum enim est, quod *externis* inflammationibus longe rarius febris accedat, quam *internis*, licet communio sanguinis cum corde eadem sit ex partibus externis quam internis.

6. Itaque *formalem* rationem & respectum hic agnoscimus. Videlicet quem ad modum negotium inflammationis in partibus externis commodius & felicius succedit, quia laxi-









laxioribus poris, maioribus vasis & vegetiore motu tonico instructæ sunt, ita febris concursus raro necessarius est. In partibus autem internis si pulmones excipiamus, contrario modo res se habet, hepar enim, intestina &c. paruis arteriis, adeoque debili impulsu instructa sunt.

7. Ergo concludimus, quod febris inflammatoria sit actio, quæ negotii inflammatorii discussorii, & apospasmatum suppurascentium elisorii maiorem adhuc intensiorem inuoluat, & æque ac simplex motus inflammatorius a moralibus & finalibus respectibus, non autem a physico-mechanica necessitate dependeat.
8. Constantes illæ horripilationes, quæ in non nullis occurrunt, dependent a continua sanguinis ex superficie ad interiora restrictione. Vnde a leuissima etiam aëris accessione subinde exquisitiore sensu adficiuntur.
9. Causæ *occasionales* tabula de inflammationibus exhibentur. Notandum autem est, quod *simplex spissitudo* sanguinis stases inflammatorias prouocare non soleat, sed immoderatæ hæmorrhagicæ congestiones & restrictiones humorum.
10. Huc in primis etiam pertinet repentina illa partium constrictio & sanguinis inclusio, quam immoderata refrigeratio corporis exæstuantis accelerat.

## VI. PROGNOSIS.

1. Quem ad modum tam inflammationis, quam concursantis febris primarius scopus est resolutio & discussio staseos, ita, si hic obtinetur, vniuersum negotium salutariter succedit.
2. Quando autem resolutio & discussio staseos fieri non potest, status est conelamatus. Interni enim abscessus non possunt emundari, hinc vlcus ad minimum immedicabile cum febre hectica subnascitur.
3. Maxime funestæ indolis sunt primarii illi morbi inflammatorii, quibus febres superueniunt, & quo nobilius est viscus, quod inflammatione obsessum, eo periculofior



fior status, & eo difficilius febris felicem sortitur euentum.

4. Quo impetuosius procedunt hæ febres, eo minus salutarem finem attingunt.
5. Dubii euentus est harum febrium status, quando materia peccans, putridæ corruptelæ iam proxima, ex partibus interioribus ad exteriores proiicitur, ibique abscessum, latiore sensu sumtum, format. Hæ enim abscessiones talis nonnunquam sunt indolis, vt neque in totum ex interioribus ad exteriora loca transferantur, neque felicem maturationem admittant.
6. Si vero neque simplex & salutaris staseos discussio, neque translatio in partem quamdam ignobilem obtinetur; pars nobilis, quæ adfecta est, corrumpitur, & decumbens a primario morbo interficitur. Vnde secundarius, qui febris est, salutem adferre nequit.
7. Difficilis autem successus potior ratio in eo fundata est, quod inflammationes cum febribus exquisitæ non quadrent, sed indolem plane diuersam habeant. Sunt enim particulares tantum commotiones: vnde manifestum est, quod vniuersalis commotio, quæ febris est, locum & efficaciam *directe* hic minime tueri possit.

## VII. METHODVS MEDENDI ET REMEDIA.

1. Motus febriles, qui staseos inflammatoriæ discussionem respiciunt, prudente ratione subleuandi sunt.
2. In hunc finem ante meridiem bis de essentia alexipharmaca *Stahlîi*, post meridiem autem aliquot pulueres febriles exhibeantur.
3. Alius aperta feruetur.
4. Externa, quando loci adfecti conditio concedit, non negligantur.
5. Præter ea ante meridiem potionibus acidulatis, post autem meridiem emulsionibus dilutis febricitans reficiatur.
6. Specialia specialibus tabulis reseruantur.










## VIII. CAUTELÆ ET OBSERVATIONES PRACTICÆ.

1. Ad solemnem illam quæstionem, num *vena sectio* in morbis inflammatoriis & febribus, iisdem accedentibus, necessaria vel utilis sit, in diuersis iam locis, responsionem dedimus, præcipue *tab. medic. de inflammationibus* in genere, & *tab. chirurg. de vena sectione*.
2. Quo insignior est plethora, eo certius congestiones hæmorrhagicæ versus caput instituuntur, & quando sanguinis excretio non subsequitur, vehementes vasorum oppletiones deliria producant.
3. Euenit nonnumquam, vt stasis inflammatoria circa ventriculum, vel in liene in corruptionem abeat, & putridis quidem per vomitum reiectionibus ansam præbeat, salutaris autem effectus, quem natura intendit, nullo modo obtineatur.



## TABVLA LXII.

DE

## FEBRIBVS BILIOSIS,

NEMPE

## FEBRE CHOLERICA ET CAVSO.

## I. DEFINITIO.

Febrës biliosæ sunt species febrium acutarum, continuarum, secundariarum, originem ducentes a commotione bilis, præcipue effusoria, tempore quo cibi in ventriculo & intestinis fermentescentes reperiuntur.

## II. DIFFERENTIA.

1. *Causus* differt a febre *cholericæ* duobus præcipue signis pathognomonicis.
  - 1) *Gradu*: *causus* enim multo acerbior & periculosior est, quam febris cholericæ.

Sss

Ex-



- 2) *Excretionibus*: in cholericâ febre excretionēs biliosæ modo per vomitum, modo per diarrhœam, modo *ἄνω & κάτω* simul obueniunt, in causo autem materia illa noxia conclusa potius detinetur. Reliquæ differentiæ ex signis subsequētibz elucescent. Taceamus, quod *symptomata* in causo sint grauiora, quam in febre cholericâ.
- 3) Antiqui ad febres biliosas etiam tertianam intermittētem & continuam referebant; illam quidem sine ratione, hanc autem non sine omni fundamento: nam bilis, circa primas vias collecta, pro materiali, licet accidentali, eius causa habenda est.
- 4) Differt tamen biliosa nostra tertiana continua in eo, quod illa quotidie exacerbationes paroxysmorum, hæc autem post vnius diei interuallum, & statim magis horis, eandem habeat.
- 5) Ad differentiam magis nominalem quam realem pertinet, quod, si materia, in causo conclusa, ventriculo, duodeno, vel simæ hepatis parti inflammationem iam induxerit, febris *leypiria* a *λεῖπομαι*, & *πύρε*, vel *affodes*, ab *ἀσσοῖμαι*, nauseo, & *ἔιδε* forma vocetur.
- 6) Differt febris cholericâ a diarrhœâ cholera simplici, cholera humida dicta, vbi nulla febris adest, & biliosa tantum saburra excernitur; quamquam negari nequeat, quod, si negotium huius excretionis impeditius succedat, febris facile accedere possit. *Vid. tabul. de diarrhœâ.*

### III. SIGNA.

#### I. Generalia.

- 1) Anxietas notabilis, & plus minus distincta cardialgica pathemata, scilicet angustia & ardor circa præcordia.
- 2) Æstus quam maximus, præcipue oris interni & faucium cum siti intolerabili.
- 3) Vertiginosa capitis afflictio.
- 4) Agrypnia fere continua, aut sub leui somno anxietatis phantasia, motus artuum pauidi, & semi-conuulsiui.

5) Anxi-









- 5) Animi impatientia, taciturnitas, fastidium, indignatio, mentis aberrationes, & ad deliria furiosa procliuitas.
- 6) Accedunt sæpius prunellodes faucium, & linguæ ardores, siccitas etiam harum partium ad fissuras vsque increbescens.
- 7) Icterodes oculorum, vel totius cutis decolorationes non raro superueniunt.
- 8) Quo magis hæ febres insolescunt, eo frequentius horripilationes post leuissimam refrigerationem oriuntur, madores etiam roridi, anxii, & quasi perpetui, sub exigua autem membrorum denudatione statim frigidi obseruantur.

## 2. *Specialia*

### 1) Febris *cholericæ*, stricte dictæ:

- a) Languor vniuersi corporis, ardor & angustia circa præcordia, cum siti immodica.
- b) Hæc pathemata præcedit, vel illa sequitur vehemens, horrida refrigeratio corporis, quam excipit æstus grauissimus, & eximius capitis dolor.
- c) Pathemata hæc circa præcordia, nisi intra vnum vel alterum diem dissoluantur, quod tamen post insigni frigore raro contingit, tum notabiliter augefcunt, & erumpunt denique in conatus & actus vomendi.
- d) Euomunt materiam causticam, biliosam, fauces adrodentem, excoriantem, raucedinem inducentem, dentes stupefacientem, & cum pavimento calcario aut nuda terra efferuescentem.
- e) Hæc excretio vehementes spasmos tam circa ventriculum, quam exquisitos lancinatorios torminosos dolores in abdomine habet coniunctos.
- f) Vomitus hic nisi perquam mature superueniat, & hanc materiam statim eliminet, tum concurrit plerumque diarrhœa biliosa, & tenesmodes irritatio, ad ani vsque erosionem.



- g) Cardialgica & syncoptica fit hæc febris, quando conatus, varie intensi, parum aut ægre aliquid eliminant, magisque ad superiora quam inferiora tendunt.
- h) Perpetua inquietudo corporis, & virium debilitas.
- i) Pulsus est celer & frequens, sæpius autem paruus.
- k) In externis partibus, præcipue in fronte sudores frigidi proueniunt.
- 2) Febris *ardentis* seu *causi*.
  - a) Prælibauimus generalia, videlicet anxietatem, ardorem præcordiorum, horrorem insignem, cum insequente æstu vehemente, & capitis doloribus.
  - b) Sitis in causo longe maior & inexplibilis est, hinc *clamosa* dicta; cui si ægri largis, & insuper frigidis, haustibus subuenire velint, cardialgico-lipothymica mala superueniunt.
  - c) Aluus sicca & fere adstricta est, nulla quoque ad vomitum propensio obseruatur.
  - d) Vrina subruffa, interdum plane flammea, pauca, crassa, post moram turbida, rosea cum sedimento eiusdem coloris, & non ita raro cum flauedine mixta.
  - e) Adest interdum verus circa præcordia dolor, immo vrens ardor adeo exquisitus, vt ne attactum quidem huius regionis ægri perferre queant, & non numquam versus dorsum, immo per totum corporis habitum extenditur.
  - f) Respiratio est ita difficilis & laboriosa, vt non numquam ore aperto fieri debeat, & halitus egrediens est ad modum calidus.
  - g) Aliquando anxius, vagus, inordinatus & frigidus sudor prorumpit, nihil autem leuaminis adfert, sed funesti euentus indicium est.
  - h) Præualente morbi impetu, succedunt cardialgiæ graues syncopticæ, deliria, conuulsiones.

#### IV. SVBIECTA.

- 1. Generatim sunt homines calidioris genii, ante, sub, vel post















post ciborum adsumptionem ira commoti, quando mox ingerunt potum frigidum, faculentum, cereuisiarium, spirituosum, cibos dulces ad modum & fermentescen-  
tes, mellita, fructus fugaces hortenses, vel etiam illo tem-  
pore repentinæ refrigerationi se exponunt.

2. Speciatim febris *cholera* inuadit magis cholericos, & cho-  
lerico-sanguineos, diætæ acriori & calidæ deditos, vi-  
no abutentes, statim ante vel post cibum adsumtum  
irascendi occasionem nactos.
3. *Causas* autem sæpius affligit cholericos-melancholicos, aut  
sanguineo-melancholicos, qui ad iram satis quidem  
procliues sunt, sed illam dissimulare solent, & præter  
ea ad siccitatem alui inclinant.
4. Adulti præ iunioribus.
5. Feminae magis quam viri.

#### V. CAUSÆ.

1. *Causa antecedens remota* est bilis excrementitiæ copia.
2. *Causa antecedens propior* est effusio bilis in intestinum du-  
odenum copiosa & impetuosa; præcipue illo tempore,  
quo cibi & potus fermentescen-tes in ventericulo & inte-  
stinis præsto sunt.
3. *Causa materialis proxima* est acrimonia penetrantissima,  
acido-corrosiua, ex eius modi copiosæ bilis cum cibis  
acescentibus fermentatione prognata, quæ, intestinum  
& ventriculum adrodendo, ac inflammando, humo-  
res lymphales circa hæc loca in tenacem spissitudinem  
coagulando, prouocat reliquorum humorum directio-  
nem & adfusionem ad loca periclitantia, vt materia  
illa rebellis & noxia resoluatür & per viscerum horum  
varias motitationes exprimatür.
4. Motus humorum & partium auctior, a natura tamquam  
causæ efficiente eum in finem instituitur, vt talis mate-  
ria resoluatür & eliminetur.
5. A motu humorum auctiore dependet pulsus celer, fre-  
quens, & caloris incrementum.
6. A partium autem motu, excussionem respiciente, nascun-  
tur



tur pressorii, palpitarorii, angustantes & spastici effectus, tum intus circa præcordia, ventriculum & intestina, tum extus circa peripheriam per consensum.

7. Causa *procatartica* est, quidquid *excussionem*, vel simplicem *adfusionem* bilis, in intestinum duodenum concitare potest.

- 1) *Excussionis* causa præcipua est iracundia.
- 2) *Adfusionis* autem causæ sunt edulia fermentescentia, potus eiusdem indolis, & reliqua in subiectis iam nominata; quibus autem *saccharum* iniuria adcenfetur.
- 3) Huc etiam referri possunt venena, purgantia drastica, corrosiua, propinata; item
- 4) Decubitus humorum vitiosorum ad ventriculum.
- 5) Denique refrigeratio corpori calenti admissa, in primis si pedes aquæ frigidæ immerguntur.

## VI. PROGNOSIS.

1. Febres biliosæ, maxime *causæ*, periculo non carent, in primis si iam per aliquot dies inualuerint. Hinc *Hippocrates libr. II. de morbis*, causum febrem *lethiferam* appellat.
2. Nisi remedia, ad modum conuenientia, accedant, hæ febres difficulter bonum finem attingunt, & sic ad paucos illos adfectus possunt referri, in quibus autocratia naturæ arti aliquo modo cedere cogitur.
3. Perturbata naturæ deliberatio, hæsitatio & fluctuatio primaria causa est, quod febres hæ sæpius tam periculose decurrant, dum motus non tempestiue suscipit, nec constanter prosequitur.
4. Optimæ terminationis sunt, si materia mature & copiose sursum eiiciatur. Quo magis autem ad inferiora tendit, eo manifestior & fortior concurret motus febrilis.
5. Si vero materiæ biliosæ sub variis conatibus exigua tantum portio, & hæc ægre quidem excernitur, magisque ad superiora tendit, facile cardialgiæ syncopticæ, & singultus superueniunt.
6. Motus enim ancipites & titubantes, quando citra sufficientem









- entem excretionem contingunt, tum materia, intus conclusa & agitata, internas inflammationes erysipelaceo-ulcerosas, vel sphacelosas superficiales, intestini duodeni, pancreatis, hepatis, mesenterii, diaphragmatis, pessimi & plerumque funesti euentus arcessit.
7. Et licet tandem versus dies criticos materia in *causa* euacuetur, non facile tamen pessimus *effectus*, qui ab illa inductus est, tollitur: Vnde iam *Hippocrates* obseruauit, quod in hac valde acuta febre funestum esse soleat, si quinto vel sexto die biliosa varii tetri coloris materia reiiciatur.
  8. Vbi autem vomitus multæ bilis, modo non male coloratæ, sine diarrhœa, procedit, ibi minoris periculi adfectus censendus est.
  9. Sic etiam alius sicca, præcipue in *statu*, semper periculosior est, quam nimia illius solutio.
  10. Hæ febres, in primis cholERICA mitior, si per præcipientia, stomachica, acida, leuiter mitigatæ fuerint, trans-eunt facile in lentas, cum maiore virium & appetitus decremento, somno paucò, siti multa, adpectu inter audacem & meticulosum fluctuante; quæ tandem in hecticam transmigrant. In his enim circumstantiis *adrosio ventriculi*, intestini *duodeni* vel partis cuiusdam vicinæ facta est.
  11. Hæc, quando pro phthisi reputata, traumaticis tractatur, fit immedicabilis apud sicciore, in tumidis autem subiectis sequuntur ascitici tumores, & oedemata inferne, superne vero tabes exoritur.
  12. Quo magis delirium in biliosis hisce febribus adest, & continuat, eo periculosior est morbus.
  13. Dolores & ardores, si repente cessant, æstuique frigus succedat, inualecente virium deiectione, angustis, anxietatibus lipothymicis, sphaceli insecuti haud obscura indicia adsunt.
  14. Febres ardentes summe sensibiles reddunt agros, vt de-  
inde



- inde post lenissimas mentis commotiones, præsertim circa annum recursum, recidiuæ facile obnoxii fiant.
15. Cholericam febrem excipit nonnumquam vel cœliaca passio, vel pro temporis ratione dysenteria.
  16. Horror externus, sudor frigidus, cum vnguium liuore & singultu, veram inflammationem & mortem mox secuturam indicant.
  17. Cholera in principiis morborum malignorum eueniens, funesti non raro est euentus.
  18. Vrina nigra, tenuis & pauca, vt & alui siccitas in *causo* signa sunt lethifera.
  19. Quo magis angustia circa præcordia vrgent in *causo*, eo periculosior est status.

## VII. METHODVS MEDENDI ET REMEDIA.

1. Medela harum febrium in eo consistit, vt caustica & corrodens materia siue *euacuetur*, siue *corrigatur*, & proxime illata *adrosio*, atque inde contractus *ardor*, *mitigetur* & *abstergatur*.
2. Quas difficultates autem *materia euacuatio* inuoluat, sub *cantelis* indicabitur. Et sic *correctio* primarium momentum absoluit.
3. Hinc, ad materiam acrem causticam obtundendam & corrigendam, omnis neruus intendatur. In hunc finem conducunt:
  - 1) *Temperantia nitrosa*, e.g. nitrum depuratum, & quod penetrantius operatur, regeneratum, crySTALL. mont. præparat. lap. prunellæ.
  - 2) *Acida*: succus citri, sirup. acetosif. citri, berber. ceras. acid. cydon.
  - 3) *Absorbentia ostracea*, e.g. conch. præparat. mater perlarum præparata, oc. cancri.
  - 4) *Mucilaginosæ*, e.g. C.C. citrat. iuscula pullorum tenuia, iulapia acidulata, ptisana, sirupus rosarum solutiuus.
  - 5) *Diluentia*, e.g. dicta iuscula, emulsiones dilutæ, ex semine card. Mariæ paratæ, & exiguis haustibus tepide adsumtæ.









4. Aluus si sicca & adstricta manet, modeste aperienda
  - 1) Vel per *clysteres* oleosos cum sale.
  - 2) Vel per lenissima *laxantia* rhabarbarina.
5. Motuum febrilium, inflammationis *discussionem* respicientium, ratio habeatur
  - 1) *Interne* per excretionem diapnoico-diureticam. Huic scopo inferuiunt
    - a) Mixture simplex bene præparata, essent. alexipharmaca *Stahlii*, cum pauca portione essentiae millefolii mixta, & refractis, sed repetitis, dosibus propinata.
    - b) Subiunctis ubique pulueribus nitroso-absorbentibus.
  - 2) *Externe* per spiritum vini camphoratum, regioni scrobiculi impositum.
6. Factæ *adrosionis restauratio* hic quidem naturæ potissimum incumbit, totum tamen negotium illi soli non est relinquendum, sed potius per clysteres ex lacte, vitello ouorum, seu ceruino, ante omnia autem ex scordio paratos, succurrendum.
7. Ultimo loco, tónica, corallata & gemmata vsui sunt, item analeptica ex aquis odoratis, nec non mixtura tonico-neruina *Stahlii*, tinctura martis *Ludouici*.
8. His scopis, præcipue *correctioni*, si satis factum est, non opus erit *refrenatione* vomitus vel diarrhœæ, cui triuiialis praxis tantopere inhiat, impetus enim sponte solet cessare.
9. Quod si vero, subacta materia, omnino necessarium videtur, impetuoso vomendi & purgandi conatui aliquid opponere, fieri hoc potest per lenientia, e. g. theriacam, puluerem cascarillæ gr. X. ad Xij. exhibitum, vel per illius essentiam ad gutt. XX. aut essent. millefolii cum essent. alexipharm. sociatam, propinandam.
10. Multo minus opus erit in *causâ emetico-cathartica*, vt vulgo moris est, adhibere. Quæ damna inde proueniant, sub *cantelis* indicabimus. Ceterum prudentiæ Medici



relinquitur, num statim sub initium morbi, noxiam materiam per vomitum excernere, circumstantiæ concedant.

11. Quando autem *drastica* purgantia ab aliis iam fuerunt adhibita, tum *theriacalia*, nec non alia *opiata correctæ* conducunt.

12. Ad motus nimios sistendos nitrum omnibus aliis palmam præripit, dum necessariam excretionem promouet, excedentem vero mitigat. Conueniunt etiam spec. de hyacinth. corall. rubr. præparat. MP. de cynogl. theriac. cœlestis, cortex cascarillæ.

13. Denique, morbo superato, commendetur moderatus ciborum vsus, ne ventriculus de nouo oneretur, & ad reliquias impuritatis biliosæ abstergendas, propinetur lene laxans, e. g. ex rhabarb. vel sale Anglicano.

### VIII. CAUTELAE ET OBSERVATIONES PRACTICAE.

1. Hæ febres quum constantem typum non exhibeant (nisi quod circa meridiem in aliis exacerbationes oriantur, in aliis autem tertianarium quid referant, vt veteres per *hemitritæi* vocem monuerunt) cauendum maximopere est, ne medicationis ordo paroxysmorum intentioni repugnet, neque calidiora circa horum initium offerantur.

2. Calida enim febres biliosas mutant in inflammatorias; *adstringentia*, *anodyna* & *cruda terrea*, in lentas, *frigida*, *mutida*, in intermittentes.

3. Hinc ab omni importuna humorum commotione abstinendum, nempe

1) A *diaphoreticis* & regimine sub initium: nam materia biliosa longe lateque in sanguinem diffunditur, & licet tenuis sit, sudori tamen non obedit. Hinc rheumatismos, & ictericas decolorationes ad minimum importat. Sufficit in declinatione vdor & regimen tantum diapnoicum, transpirationi non aduersum, per potum tepidum conseruandum, quod tanto magis locum habet, si criticus sudor accedit.

2) A









- 2) *Avena sectione*: licet enim per initia instituaturs, vsum tamen nullum, nisi in vehementer plethoricis, iisque huic euacuationi adfuetis, exhibet. Secta autem vena extra has circumstantias, circa dies indicatorios & criticos, raptum humorum ad caput inducit, cum deliriis & faucium inflammatione.
4. Quod ad *euacuationem emeticam & catharticam* attinet, circumspectio summa requiritur, vt cum vtilitate, & quidem sub initium, adhibeatur: corruptio enim acida in horas augmenta sumit, & in statu vigente nulla excretio, nisi placidissima per *clysteres*, locum habet.
5. Si euacuatio illa suscipitur, simulatque bilis in intestinum duodenum effusa est, tum salutarem potest edere effectum.
6. Quando autem ægri artis subsidium sero quærunt, nemo peritus suadebit, materiam, mora temporis corruptam, & acrem causticam factam, ad euacuationem commouere.
7. Materia enim hæc caustica, in primis si deorsum per intestina tenuia turbetur, vias longe lateque adgreditur, & per longitudinem illorum iisdem sese illinit, & sic excretionem frustratur. Præter ea status pylori, ventriculi & intestini duodeni iam talis est, vt importunioribus stricturis, emetico-colico-catharticis illa excretio minime tentari possit, sine inflammationis & ardoris exacerbatione.
8. Antiqui Medici religioni sibi ducebant, leuissimum stimulum in cholericis commotionibus incipientibus adhibere, memores, materiam iam commotam, & motibus excitandis aptissimam, freno potius egere, quam stimulo.
9. Hæc consideratio tanto magis valet, si perpendimus, quod omnia vomitoria ventriculum lædendo, adrodendo, & subtili σήψει adficiendo, vomitoriam euacuationem proritent. Hinc circumspectione opus est, num ali-



- quid ulterius tum addendum sit, quando acris materia caustica per se hoc viscus iam obsidet.
10. Non opus etiam est, methodum hanc ambiguam, difficilem & periculosam eligere, quia ars hic amplius quid potest, quam natura, nempe qualitatem materiae pessimam invertere, corrigere, eneruare citra partium exagitationem, immo partes ipsas consolari, demulcere, ardorem temperare, & acrimoniam abstergere.
  11. Experientia profecto docebit, quod nitrosa cum absorbentibus iuncta, materiam obtundendo & disponendo, tantum emolumentum praestent, ut ita mitigatam, & motui idoneam redditam, natura deinde absque stimulo eandem sponte eiiciat.
  12. Inter ea tamen aliud debet solui: si enim obstructioni pertinaci mature non succurritur, vel per incondita medicamenta illa tractatur, facile corruptiones sphacelosa in subiectis plethoricis oriuntur.
  13. Scriptores medii aevi & proximorum seculorum adseuerant, *cholera morbum sine febre* fieri, & tamen aegrum unius vel alterius diei spatio interimere posse. Sed non obseruarunt, quod talis cholera horridis frigoribus aegros exagitet, cum angoribus grauissimis, ut aestui (a quo eminenter febrem solent nominare) non detur locus, & illa congestio ad interiora inter ea inflammationem inducat.
  14. *Bilis flava, vitellina, prasina, porracea, isatodes & aruginosa*, communem quidem habent malitiam, sed proprium eiusdem malitiae gradum.
  15. *Refrigerantia*, in inflammationibus vulgo commendata, corruptionem materiae inflammatoriae certissime post se relinquunt.
  16. Absint etiam *externae refrigerationes*, potus frigidus, item faeculentus, fermentescens, nauseosus, quae omnia anxietates flatulentas, singultuosas, & motus spasticos inferunt. Sic etiam ab inquietudine, quae familiaris harum febrium comes est, cauendum: nam facile lipothymiae inde eueniunt.















17. *Eccrasis icterica* circa dies *criticos* non impediatur, sed subiunctis lenissimis laxantibus solvatur.
18. In *cholera* febre ratione temporis, usus *nitri* indifferens est, in *causa* parcior & repetitus sit. Nam in tali statu alternatione continua, & iugi temperatione opus est, quia materia tenuius expansa, latius diffusa, & altius poris partium adfectarum immerfa vno impetu non inuerti, nec ardor vno ictu auferri potest.
19. *Inflammatio*, a *causa* inducta, cum longe periculosior sit illa *simpliciore*, quæ a *tenui sanguine*, in vasis ventriculi, duodeni stagnante, originem ducit, tanto circumspiciendus tractanda, & ab imminente sphacelo mature præmunienda est.
20. *Transitus in hecticam* colliquantibus & discutientibus prohibetur, vitando vbique semina frigida, quorum viscosa & lenta textura nauseam & spasmos anxios augere solet.
21. *Adstringentium* antifebrilium & *opiatorum* usum intempestium protheiformia sequuntur schemata & pericula.
22. In *cholera simpliciore*, iam diutius persistente, ad inflammationem præuertendam & discutiendam, nitrosis additur gr. semis *camphoræ* pro dosi; in febre *ardente* vero usus illius internus suspectus est.
23. *Ad præcautionem* iracundis, & in iram præcipitibus suadetur, vt mox post commotionem sumant pulueris rhabbari, quantum cultri cuspis capit. Illi autem, qui magis sanguinei sunt, drachmas ij. oc. cancr. per vices sumant, e.g. intra duas horas. Hac enim ratione non nunquam aliquot sedes flauæ coloris, & croco quasi imbutæ sequuntur.
24. *Crato crystallum montanam* pro biliosis malis atque diarrhœis infantum commendat, quod recentiores itidem faciunt. Sed obseruatores non fallit, quod concretamenta hæc crystallina, quæ ex stanni præsertim fodinis erui solent, (*Drusen*) non tam simplicem absorbentem, quam re vera stypticum effectum, scopo nostro contrarium, exferant.
25. *Celsus* de cholera, graui quidem morbo, per artem tamen



- men superando, magnifica elocutus est, sed ex panoplia sui temporis vix tale instrumentum producere poterit, cuius beneficio hoc promissum in effectum deducere liceat.
26. *Hippocrates* etiam cum mulso suo & oxymelite acrimoniam biliosam non infringeret: hæc enim per talia fermentescentia notabiliter potius augetur.
  27. Non tacenda est *methodus ipsius naturæ*, per ingentem *sitim* sibi consulturæ: nam liquida, in primis simplicia ad acido-acrium materiarum dilutionem & prolutionem eximie conducunt; sed dolendum, quod nauseosa & vomibunda ventriculi subuersio non diu ferat, nec altius dimittat copiosa (in quibus neruus) liquida, quare salutare hoc coeptum non semper ex voto succedit.
  28. *Bilem* pro *balsamo* sanguinis habere, vel *alcalinam* ipsi indolem adscribere, magnas turbas in praxi excitauit. Non ad speculationes referenda, sed practica est quaestio, *num bilis sit alcali vel acidum*. Si enim alcalicæ esset indolis, frustra ei absorbentia & præcipitantia opponerentur. *Hippocrates* propius ferit scopum, & *ὀξύτηλα δριμύτατα* seu acidam acrimoniam accusat, & hæc in infantibus satis conspicua est, quando post iracundiam nutricis excrementa biliosa tam acria & caustica excernunt, ut posteriora excorient, & lintea, aquæ fortis instar, discerpant.
  29. Quod substantia ciborum acida seu acescens, cum tenui biliosa & sulphurea concurrens, tantam acrimoniam producere possit, ipsa *œconomica praxis* docet, e. g. ad acetum magis acidum obtinendum, *aromata* adiiciuntur, item, ut *brassica muratica* tanto penetrantior acquirit acorem, *semina pingua oleosa* immiscentur.
  30. Sic etiam *mel*, multa oleosa substantia prægnans, aptum est, ad valde acres acescentes fermentationes, & cum bile confermentationes subeundas, & hinc colicas & inflammatorias *ναυσώδεις* inducendas.
  31. Plus rationis vulgus habet, dicens: Dem Patienten ist die Galle










Galle in den Magen getreten, quam Medici quidam, qui cerebrinis obstaculis potentiam & actum talis redundantiae negant.

32. Febres *biliosa* nonnumquam cum febribus *petechizantibus*, & aliis acutis concurrunt. *Vid. tabula de febribus compositis.*
33. *Absorbentium* vsus rationi quidem & experientiae responderet, illud autem obseruandum est, quod haec remedia acrimoniam tantum temperent, sed tenacitatem augeant, nec nocumento, partibus iam illato, moderamen adferant. Vnde illis solis non fidendum, sed *nitrum* addendum est. Huic enim praecipua & certissima in hoc morbo efficacia adscribitur, quoniam materiam acrem incrassat & febrem inuertit.
34. *Corporis & animi inquietudines* summo studio fugiantur.
35. Praeter febres malignas pestilentes, nulla ferme datur febris, in qua causa morbifera tam corrosivae indolis, quam in causo existit.
36. Haec autem intercedit differentia, quod materia peccans in malignis in massa sanguinea haereat, adeoque facilius per excretiones periphericas remoueri possit, in causo autem statim ventriculum cum reliquis partibus vicinis, ad vitam maxime necessariis, adgrediatur, adrodat, & inflammet. Viscerum autem laesiones, a quacumque causa inductae, maiorem considerationem inuoluunt, quam vitia humorum.



## TABVLA LXIII.

DE

## P H R E N I T I D E.

### I. DEFINITIO.

Phrenitis est febris acuta, *secundaria*, discussioni staseos fan-



sanguinis in meningibus cerebri destinata, & actus rationalis perturbatione potissimum conspicua. Deriuatur a *Φην*, mens.

## II. DIFFERENTIA.

1. Differt *phrenitis* a *paraphrenitide*, in hac enim *diaphragmatis* inflammatio reperitur, & delirium ex consensu paris octauæ neruorum prouenit; in illa autem *meninges* inflammatae sunt, & mentis alienatio, a cerebro, proxime adfecto, inducitur.
2. *Phrenitis in se* est vel
  - 1) *Idiopathica*, ubi febris & inflammatio vno tempore & opere concurrunt, quæ species ad modum raro contingit; vel
  - 2) *Symptomatica*, quæ in febribus acutis malignis ob incompletam sanguinis versus caput congestionem occurrit.
3. *Phrenitis* differt ab aliis deliriis malo hypochondriaco-hysterico superuenientibus. Licet enim deliria hypochondriaca in nonnullis tam vehementia sint, ut schema acutum primis hebdomadibus exhibeant, causa tamen non in meningibus, sed in abdomine quaerenda est. Præter ea phrenitici per sensus externos ad res extraneas ita non sunt attenti, uti quidem hypochondriaci, qui ad modum sensibiles obseruantur. Conf. *tabul. de mania & deliriis*.

## III. SIGNA.

1. *Phrenitidis imminens*
  - 1) Vigiliæ immodicæ & quasi continuæ.
  - 2) Somnus inquietus, & imaginibus repletus.
  - 3) Capitis, in primis occipitis & ceruicis, dolores acuti, perdurantes.
  - 4) Exiguum potus desiderium.
  - 5) Respiratio magna & rara, ex profundo pectore deprompta.
  - 6) Pulsus modo paruus, rarus, modo celer & frequens.
  - 7) Vrinæ









- 7) Vrinæ suppressio.
- 8) Obliuio rerum ante factarum.
- e. Phrenitidis *præsentis*
  - 1) Venæ capitis turgent, & tempora quasi saliant.
  - 2) Oculi rigent, scintillant, toruo & truculento obtutu.
  - 3) Sermo delirus.
  - 4) Violentia in circumstantes, & laboriosum erumpendi conamen, non tam continuum, quam per paroxysmos recurrens.
  - 5) Lingua arida, aspera, citrina, nigra.
  - 6) Externa frigent.
  - 7) In iram adest pronitas.
  - 8) Dentium stridor.
  - 9) Vrina tenuis, alba, pellucida.
  - 10) Manuum tremores, quibus aliquid colligere velle videntur, & reuera colligunt lintheamina vel alia integumenta.
  - 11) Reliqua synptomata cum febribus acutis habet communia.

IV. *SVBIECTA.*1. *Idiopathica.*

- 1) Homines temperamenti cholero-fanguinei, & sanguineo-choleroici, ad incandescentiam animi proclives.
- 2) Diætæ calidæ, vinosæ & aromaticæ dediti.
- 3) Qui præter consuetudinem inter diurnos solis ardores versantur.
- 4) Vel nimis vigiliis & lucubrationibus obnoxii sunt.
- 5) Quibus narium hæmorrhagia antea familiaris, emanfit.
- 6) Crebris cephalalgis vexati.
- 7) Quibus caput violenta ratione, e.g. ictu, contusione vulneratum est.
- 8) Qui venæ sectiones, in confiniis capitis celebrari solitas, neglexerunt.
- 9) Viri ex hæmorrhoidum ad caput translatione.
- 10) Feminae ex repentina mensium versus caput repressione

Vuu

2. *Sym-*



2. *Symptomatica.*

Hæc inuadit homines, febre acuta laborantes, ob incompletam criticam sanguinis versus caput congestionem, quam peruersæ medicationes non parum promouent.

e. g.

- 1) Venæ sectio inepta, vel ad minimum intempestiua.
- 2) Remedia & regimina calida.
- 3) Excretio sudoris repressa.

V. *CAVSÆ.*

Causæ ex iis, quæ de *subiectis* diximus, facile sunt colligendæ, nempe

1. Causa *antecedens* est congestio sanguinis versus caput, exitum per nares quidem respiciens, sed eundem non inueniens.
2. Causa *continens* & *proxima* est stasis inflammatoria in meningibus.
3. Causa *efficiens* est conamen naturæ per motus febriles stasim hanc discutiendi, concurrentibus sub hoc conamine ancipiti variis mentis perturbationibus.

VI. *PROGNOSIS.*

1. Phrenitis, siue idiopathica siue symptomatica, periculo semper est plenissima.
2. Nisi enim ante quartum diem stasis discutiatur, *fideratio* seu sphacelus meningum facile succedit & furentem iugulat.
3. Extremam perniciem denotant:
  - 1) Continua & furiosa dementia cum vigiliis.
  - 2) Vrina aquosa.
  - 3) Deiectio albicans.
  - 4) Inuoluntaria alui & urinæ excretio, vel perfecta suppressio harum excretionum.
  - 5) Transitus in pathemata soporosa, vel in adfectus synopticos.
  - 6) Tremor, rigor, stridor dentium, conuulsiones, singultus.

7) Vox









- 7) Vox clangosa, lingua tremula & extremorum frigus.
- 8) Subitanea cessatio doloris, cum tranquillitate adparente coniuncta.

2. Spem autem salutaris exitus faciunt:

- 1) Sudores critice superuenientes.
- 2) Alui fluxus, præcipue morbo ad coctionem tendente.
- 3) Larga narium hæmorrhagia.
- 4) Parotides, seu tumores glandularum, post aures sitarum.

5) Hæmorrhoides. *Conf. Forest. observat. lib. X.*

## VII. METHODVS MEDENDI ET REMEDIA.

I. *Methodus generalis.*

1) *Orgasmus* sanguinis est temperandus; quod faciunt:

- a) Nitrosa, e.g. nitrum depurat. tabulatum.
- b) Præcipitantia marina, acido saturata.
- c) Diaphoretica fixa, e.g. antimon. diaphoret.
- d) Cinnabarina.
- e) *Acidula*, e.g. clyssus antimonii, spiritus vitrioli in potu, acetositas citri.

f) Sufficiens & dilutus potus, qui cum succo citri præcipue in sexu masculino, ad gratum acorem componitur. Thé, coffee, qui potus non adeo calide exhibendus est. Item loco ordinarii potus laudatur decoctum hordei passulatum, & acido succo citri gratius redditum.

2) *Stasis* in meningibus quantocyus est discutienda. In hunc finem laudantur:

a) *Interne.*

α) Alexipharmaca temperata, e.g. mixtura simplex, essent. alexiph. *Stahlii*.

β) Aquæ diapnoicæ cum præcipitantibus fixis.

γ) Emulsiones ex semine cardui Mariæ.

δ) Succus chærefolii.

b) *Externe.*

α) *Camphorata*, e.g. spiritus vini camphoratus, vertici, fronti, ceruicibus & temporibus adplicatus.



- β) *Vnguentum alabastrinum* camphoratum, cum aceto forti simplici, vel rosaceo, paratum.
- γ) *Epithemata* ex emulsionibus cum *nucleis persicorum* paratis, camphoratis, linteolis imbutis, fronti adligata, quæ præsentius discutiunt. Item domesticum illud remedium ex cumino, baccis iuniperi, sale & pane,
- δ) *Cucupha ex radicibus*: valerian. irid. Florentin. rhod. cyper. rotund. bryon. *herbis*: verben. maioran. meliss. betonic. rut. origan. *floribus*: chamomill. sambuc. papauer. rhead. *seminibus*: carminat. *ligno* santal. citrin. cum *camphora*.
- ε) *Bufo* vertici adplicatus.
- 3) *Adfluxus* humorum est reuellendus. Faciunt hoc
- a) *Clysteres*, acres colocynthiaci.
  - b) *Frictiones* pedum.
  - c) *Vesicatoria* plantis pedum adplicata.
  - d) *Cataplasmata* rubefacientia ex allio, ruta, lupulo, rad. pyreth. pipere, sinap. stercore columbino, fermento, semine nasturtii.
  - e) *Scarificatio* narium, retro aures, vsus hirudinum, *venæ sectio* in brachio &c. *Vid. cautel. 2.*
2. *Methodus specialis.*
- 1) Delirantibus ægris si clyster quoquo modo non adeo incommode applicari possit; protinus id faciendum est, ut strictura versus caput solvatur, & ad inferiora reuocetur; sin secus, per nitrosa & potum largiorem alius expedienda est.
  - 2) Deinde *venæ sectio* vel instituat, vel omittatur, secundum indicationes, sub *cautelis* commendatas.
  - 3) *Interne* propinentur
    - a) Alexipharmaca temperata. e. g. mixtura simplex leniter camphorata, vel essent. alexiph. *Stahlii*, & quidem circa tempus alicuius remissionis, wann sich der Patient etwas erträglicher befindet.
    - b) Per reliquum tempus exhibeantur, pulueres ex ab-















forbente aliquo, acido citri saturato, antimon. diaphoret. nitro depurato, & pauca portione cinna-  
baris, parati: interpositis subinde emulsionibus,  
superius descriptis.

c) Vbique autem commendentur potus dilutus, suffi-  
ciens, acidulus, & regimen placidissimum ad le-  
nem transpirationem.

4) *Externe*, in *incremento* morbi & *versus statum* adplicen-  
tur remedia modo commendata, e. g.

a) Spiritus vini camphoratus, circa tempora & fron-  
tem.

b) Frictiones, vesicatoria, cataplasmata rubefacientia  
in plantis pedum.

### VIII. CAUTELAE ET OBSERVATIONES PRACTICAE.

1. *Venæ sectio* in fronte, vel sub lingua, tamquam præsidium  
alias vsitatum, licet prouide fiat, ambiguo tamen plane  
euentu instituitur: inuoluit enim hæc duo grauia fa-  
cile incommoda:

1) Sectio *raninarum*, non satis late facta, auget præsentis-  
sime, cum primis in statu plethorico, humorum ver-  
sus caput congestionem.

2) Quando autem raninæ satis sectæ sunt, succedit facile  
hæmorrhagia insuperabilis.

2. In phrenitide *idiopathica*, vbi a caussis violentis externis,  
vel a commotione plethoræ, malum exortum est, fa-  
cilis conceditur venæ sectio, & quidem statim sub ini-  
tium in brachio, & deinde circa statum, vrgente adhuc  
necessitate, sub lingua.

3. *Baglinius* obseruauit, quod methodus reuulsoria feminis  
magis proficua fuerit, quam viris.

4. Ad phrenitidem præcauendam in febribus acutis quouis  
modo euitentur *opiata*; non minus autem in ipsa huius  
mali tractatione.

5. Sic etiam vsus *salium volatilium* proscribendus est, licet  
vulgo ad discussionem commendetur.

6. Vbi *lingua* nimis turgida, rubicunda, aut albo mucō ob-  
ducta



- ducta est, ibi *gargarisma adstringens*, si modo ita sui memores sint; ut non deglutiant, optime conuenit. Specialiter laudatur radix *pseudoacori*, in taleolos concisa, sub lingua detenta, manducata sed minime deglutita.
7. Vti refrigeratio transpirationem impedit, sic calidum regimen sanguinem exagitat & deliria auget.
8. De corruptionibus modo sphacelosis, modo suppuratoriis, post mortem phreniticorum in cerebro & illius meningibus detectis, legi meretur *Boneti sepulcretum*.



## TABVLA LXIV.

DE

## PARAPHRENITIDE.

## I. DEFINITIO.

Paraphrenitis est febris acuta, secundaria, discussioni staseos inflammatoriæ in diaphragmate destinata, concurrente ob consensum neruorum paris vagi, alienatione mentis. Deriuatur a *παρά* & *φρήν* mens.

## II. DIFFERENTIA.

1. *Paraphrenitis* differt a *phrenitide*, ratione loci adfecti, in hac enim *meninges* cerebri infestantur, in illa autem *diaphragma* stasi inflammatoria occupatur.
2. Differt etiam delirium, in paraphrenitide occurrens, a reliquis deliriis *hypocondriacis*, in quibus febris acuta inflammatoria non deprehenditur. Conf. quæ tabula præcedente hac de re dicta sunt.
3. *Paraphrenitis in se* est vel
  - 1) *idiopathica*, ybi febris & inflammatio vno tempore & opere concurrunt; vel
  - 2) *symptomática*, quæ aliis morbis, præcipue autem febribus prægressis, succedit. Conf. *causæ*.

## III. SIGNA.









## III. SIGNA.

1. Cum aliis febribus inflammatoriis *communis*. Hæc tabula generali de febribus *inflammatoriis*, & de *hepatitide* descripta sunt.
2. *Propria*.
  - 1) Tumor præcordiorum.
  - 2) Cardialgia ita exquisita, ut ne leuissimum quidem contactum perferre *circa præcordia* possint.
3. Mentis alienatio, sermonibus deliriosis se se manifestans, sed ad violentiam phreniticorum non accedens.
4. Respiratio interrupta suspiriosa.
5. Singultuosæ commotiones & interdum vomitus niger, ob consensum ventriculi.
6. Tussis sicca, & hypochondriorum palpitatio dolens.
7. Fauces exarescunt.
8. Lingua sæpe alba & scabra observatur.

## IV. SVBIECTA.

Præter ea, quæ antecedente tabula diximus, hic adhuc notari meretur, quod paraphrenitis non raro illis subiectis accedat, quæ *morbo Hungarico* seu *castrensi* laborant.

## V. CAUSSÆ.

1. Causa *materialis proxima* stasis sanguinis inflammatoria in diaphragmate quidem habetur. Sunt autem, qui simul vitium in capite quærunt, & ita adfectum cum *phrenitide* complicatum statuunt.
2. Causa *efficiens* est laboriosum conamen principii vitalis, per motus febriles staseos discussionem obtinendi; sub quo labore ambiguo delirium ob consensum paris octavi neruorum accedit.
3. Causæ occasionales & procatacticae sunt:
  - 1) Metastasis materiæ febrilis ad diaphragma.
  - 2) Euacuationum sanguinis naturalium, e. g. narium, hæmorrhoidum, mensium, suppressio &c.
  - 3) Artificialium neglectio.
  - 4) Potus, corpore calente, *frigidus*, præcipue fermentescens.

5) Morbi



- 5) Morbi anginodei repulsi, & infeliciter ad hanc partem adfectam translati.

## VI. PROGNOSIS.

1. Paraphrenitis tanti quidem, & tam præcipitis non est periculi, quanti phrenitis, sufficit tamen non raro ad ægrum iugulandum.
2. *Euentus* huius morbi *triplex* est,
  - 1) vel enim stasis inflammatoria mature *discutitur*, & sudores, die critico superuenientes, salutarem adferunt effectum.
  - 2) Vel stasis sensim quidem resoluitur, excretio autem materiæ resolutæ legitime non succedit, sed per *metastasin* traicitur modo ad *aures*, vnde parotides & nonnumquam surditas proueniunt, modo ad *artus*, & tum mala arthritica vel erysipelacea inducit.
  - 3) Vel stasis abit in *corruptionem*, & sic intra septem, vel, ad summum, quatuordecim dies, æger consumitur.
3. Urinæ albæ & perspicuæ, vigiliæ continuæ, status constanter delirus, singultus, perennes extremorum refrigerationes ad stridorem dentium vsque, frequentes oscitationes, urinæ & fecum aluinarum inuoluntaria excretio, ardores interni grauiores, sudores algidi, infausta sunt præfagia: testantur enim de gangræna in sphacelum mox transitura.

## VII. METHODVS MEDENDI ET REMEDIA.

1. Vbi ex errore, in diætâ prægresso, materia peccans in primis viis hæret, ibi euacuatio *emetica* locum habet; quo vero casu præmittantur digestiua, & quando vomitus sponte non succedit, tartarus emeticus exhibeatur.
2. Quibus autem subiectis paraphrenitis a motu sanguinis eluctatorio exoritur, illis venæ sectio statim ab initio morbi conceditur, & urgente necessitate, repetenda iudicatur.
3. Ante meridiem mixtura simplex vel essent. alexipharm. temperata, ad gutt. XX. aliquoties exhibeatur, interpositis









4. Post meridiem pulueres nitroso - temperantes cum diaphoretico fixo & sale digestiuo singulis binis horis propinentur.
5. *Externe* in subsidium simul trahantur:
  - 1) *Emplastrum* sic dictum *miraculosum*, largiter camphoratum, scrobiculo cordis & oppositæ in tergo regioni adplicandum.
  - 2) *Frictiones* & *sinapismi* in pedibus.
  - 3) *Clysteres* stimulantés, colocynthiaci, vel *suppositoria* acria.
  - 4) *Hirudinum* ad hæmorrhoidalia loca adplicatio in iis subiectis, quæ antea huic euacuationi exposita fuerunt.
6. Transpiratio placida vbique conseruetur:
  - 1) Per regimen sub vsu remediorum temperatissimum.
  - 2) Per potum sufficientem tepidum, qui succo citri, vel clysto antimonii acidulus fieri debet, ne formulæ dilutiores flatulentiam excitent.

## VIII. CAUTELÆ ET OBSERVATIONES PRACTICÆ.

1. Quæ tabulis de *phrenitide* & de *hepatitide* monuimus, ea etiam in *paraphrenitide* obseruanda commendantur.
2. Præcipue hic euitetur potus *frigidus*, qui præsentanea incommoda, nempe ructus, singultum, angustiam præcordiorum maiorem, adfert.
3. *Electuarium de ouo*, pro scopo alexipharmaco specialiter hic laudatur.
4. In adfectu paraphrenitico idipathico, ab iracundia corpori inducto, *emeticum* statim ab initio exhibeatur.
5. *Hæmorrhagia narium*, quando tempestiue superuenit, haud parum emolumenti adfert paraphrenitidi.
6. Camphorata cum maxima prudentia & modestia *interne* sunt vsurpanda.



## TABVLA LXV.

DE

## PLEVRITIDE ET PERIPNEVMONIA.

## I. DEFINITIO.

1. *Pleuritis* est febris acuta continua, inflammatoria, secundaria, qua principium agens motibus, vltra gradum naturalem auctis, humores copiosius versus pectus dirigit, & per fortiolem & frequentiolem sanguinis, ad *pleuram* adpulsam, stasin, in hac membrana factam, resolvere & discutere intendit. Deriuatur a *πλεῦρα* latus, item membrana thoracis.
2. *Peripneumonia* est itidem febris acuta, continua, inflammatoria, secundaria, discussioni staseos sanguinis in *pulmonibus* factæ, dicata. Deriuatur a *περί* circum, & *πνεύμων* pulmo: quo fundamento, sub *differentia* indicatur.

## II. DIFFERENTIA.

1. Non confundendi sunt hi duo morbi cum *pleuritide spuria*, quæ quod ad sensum punctionis attinet, aliquam quidem cum illis conuenientiam habere videtur, sequentibus autem differt:
  - 1) *Pleuritis vera* inflammatorium adfectum cum angustante oppressione pectoris, respiratione difficili, mutato pulsu, modo febrili, modo duro, modo pleno, modo magno, constituit.
  - 2) *Vera* pleuritis & peripneumonia circa aut paulo infra mamillam sensum suum dolentem exserunt, *spuria* altius circa *clauiculam* incipit.
  - 3) Illæ puncturas habent æquales, pulsui respondentes, hæc inæquales, & pulsui minus *σύγχρονες*.
  - 4) Illarum puncturæ sunt continuæ, huius interdum remittunt & intermittunt.
  - 5) Illæ tussim semper habent comitem, cum sputo plurimum colorato, & respectiue cruento, hæc modo

cum,





3. Peripneumonia est duplex; una ad finem  
Arteriae Pulmonalis, altera in Bronchialibus, hæret.  
Signa Peripneumoniae. Debilitas summa,  
Pulsus facilis, mollis, omni loco inæqualis;  
Respiratio parva, frequens difficilis, erecta  
bulliculosa, calida; Rubor faciei, Oculorum,  
oris, lingue, labiorum insolitus, tandem Suffo-  
-catus, inexplicabili cum anxietate et dolore Mens.



*cum*, modo *sine* tussi adfligit, nec aliqua notabili per sputum excretionem deprehenditur.

- 6) Ille febrem *acutam*, continuam, cum horrore inuadentem, & calore acri progredientem, inuoluunt, hæc vix febriculam aliquam, eamque inæqualem & ἀνισοθερμὴν exhibet.
- 7) Illæ cursum suum ante septimum diem non absoluunt, hæc paucioribus diebus circumscribitur.
- 8) Illæ iuniori magis ætati propriæ sunt, hæc indifferenter se habet ad ætatem iuuenilem & virilem.
2. Vterque adfectus ratione *indolis* est vel *benignus*, vel *malignus*: respectu *loci* adfecti, modo *adscendens*, modo *descendens*: porro est vel *simplex*, vel *compositus*; item vel *vagus* vel *periodicus*.
3. Differentiam *pleuritidis* a *peripneumonia* sequentia docent:
  - 1) Pleuritis longe rarissime, peripneumonia autem frequentius occurrit. Sed huius rei in praxi quotidiana contrarium statuitur.
  - 2) In peripneumonia *sputum cruentum*, quod circa finem secundi diei & sequentibus observatur, licet & hoc primarium sit signum, falso pleuritidi tribuitur: nam multæ difficultates credere nos vetant, quod sputum tale cruentum in pleura gigni, pulmones percurrere, & sic per eosdem transire possit.
  - 3) Dolor punctorius in peripneumonia magis se extendit per vniuersum pectus, in pleuritide autem puncturæ in dextro magis latere paullo infra mamillam sentiuntur. Insuper pleuritis cum horrore tam notabili non incipit vti peripneumonia.
  - 4) Insignis autem vsus medicus ex hac differentia non emanat: licet enim in pleuræ inflammatione per *topica* maior spes sit discussionis obtinendæ, quam in *peripneumonia*, in hac tamen topicorum applicatio, vti prodesse, sic etiam nocere non potest.
  - 5) In successu minus felici, nempe suppuratione staseos,



diagnofis hæc aliquem vſum præſtare videtur: quando enim in pleura ſuppuratio contingit, tum euacuatio per *paracentefin* locum habet, in peripneumonia autem, per ſputum tantum res peragitur, exceptis rariffimis illis exemplis, vbi *vomica*, in *ſuperficie* pulmonum rupta, & in concavum thoracis effuſa, eamdem per paracentefin euacuationem admittit.

4. Schola medica vulgo quidem ſtatuit, quod peripneumonica inflammatio magis ſit eryſipelacea ſeu ſuperficialis, atque hoc ipſa huius morbi denominatione exprimere intendit, ita, vt peripneumonia idem ſit, ac pulmones circumambiens morbus; verum hæc diſtinctio refragatur experientiæ: ſcrutinio enim anatomico profunda ſtaſis in medullis pulmonum ſæpius detecta fuit. Præter ea ſputum cruentum a pulmonum *ſuperficie* tam expedite ad exſpuitionem peruenire non poſſet.

### III. SIGNA.

#### 1. *Vtrique adfectui communia.*

- 1) Vertiginosæ capitis perturbationes ſæpius paullulum præcedunt.
- 2) Corripiuntur ægri horrore, qui magis magisque inualeſcit, & ſæpe ad cardialgiâ naſeabundam, immo ad vomitum ipſum excedit.
- 3) Succedit exæſtuatio inſignis cum notabili ſiti & capitis dolore.
- 4) Item anguſtia præcordiorum, & difficultas reſpirationis.
- 5) Præcipue perſentiſcunt ægri dolorem punctorium in thorace, iugiter continuantem, & quoties tuſſiunt valde ſenſibilem.
- 6) *Vrina* primis diebus rubicunda, ſaturata, poſt aliquot autem dies, mox vbi refrixit, turbatur, & deponit ſedimentum copioſum, ſubroſeum.

2. *Vni vel alteri adfectui magis propria.* Hoc ſub differentia iam indicauimus.

### IV. SVB:



The Hardness of y<sup>e</sup> Pulse is an infallible Sign of  
almost all Pleurisies, for this Hardness accompanies  
all Inflammations of y<sup>e</sup> membranous parts. —

To discover a secret Pleurisy, make the Patient turn  
first on One Side then on the Other, make him draw in  
his breath, and Cough violently, then ask him if he  
feels any pain; & if he does y<sup>e</sup> Case is evident.

Baglivi.

*Pleuritidis Signa, ex Arstaeo*

Mhi adsit inflammatio in Membrana Costas succin-  
-genti. Febris est cum tussi, & sputis Variogatis —  
Simul adest Dolor Acutus usq. ad Claviculas profundus,  
Febris acor, Decubitus in latus inflammatum facilis —  
in latus oppositum difficilis (\*) Sequuntur Dyspnoea,  
Vigilia, Ciborum Fastidium, Malarum rubor, tussis arida,  
spula agra eademque, Pituita, aut abunde cruenta, aut  
biliosa, aut subflava. et haec ordinem non servantia, —  
Optimum est si cruentum Sputum desit

(\*) Unde Dolor et decubitus difficilis in latus Sanum provenire  
vix dici queat, nisi Pulmonem ad Membrana Succingentem  
adhesionem, vel a Puro in Thorace contento, & Mediastinum  
mole sua prominentem. Atque igitur adsit adhesio pulmo-  
-rum in principio Pleuritidis liguscum? Haec Paulina  
videtur Arstaeus.





VI. The chief Prognostick in a Pleurisy is to  
be drawn from the easiness or difficulty of  
Respiration — Not to spit at all is a bad  
Sign, especially if there is not at the same  
time a great discharge by Urine —  
A rambling Ear follow'd by Suppuration  
is a good Sign —

It is a bad Sign in a Pleurisy not to see  
a Life upon the Blood — Baglivi.



## IV. SVBIECTA.

1. pleuritis & peripneumonia non cuius promiscue *atati* eueniunt, sed maxime *iuuenili*.
2. *Tempore* imprimis verno ineunte.
3. Personis habitus corporis sanguinei.
4. Præcipue narium hæmorrhagiis antea adfuetis, iam vero ab illis immunibus.
5. Sexui magis virili, quam feminino.

## V. CAUSSAE.

1. Causa *antecedens* est largior sanguinis *abundantis* adpulsus versus pectus, per ætatis rationem exitum ibidem intendens.
2. Causa magis *propinqua* est stagnatio sanguinis diuturnior, per contentionem pertinacem circa pectus sustentata. Vnde sensus pressionis, oppletionis, renifus, dependet.
3. Causa *proxima* & *continens* est vera stasis, a tali diuturniore sanguinis stagnatione suborta, inflammationi occasionem præbens.
4. Causa *finalis* est intentio agentis interni, per motus febriles transpressorios & absterforios hanc stasim resolvere & discutere.
5. Causæ *occasionales* & *procatacetica* sunt :
  - 1) Repentinæ sanguinis expansiones per motus corporis immoderatos, potus spirituosos, ultra modum adsumtos, & animi excandescentiam.
  - 2) Refrigeratio immodesta, corpori calenti admissa, quæ repressionem sanguinis ad interiora efficit.
  - 3) Euacuationum naturalium solitarum, præcipue autem hæmorrhagiæ narium, suppressio.
  - 4) Euacuationum artificialium adfuetarum neglectio.
  - 5) Violentæ pectoris concussiones, fortior nifus in oneribus gestandis.

## VI PROGNOSIS.

1. Licet febres inflammatoriæ periculo non careant, pleuritis tamen & peripneumonia in *iunioribus* infra tricesimum



num annum adhuc constitutis, adeo perniciosæ non sunt, quam quidem in annosis.

2. Quando legitima methodo hi duo morbi tractantur, sæpius septimo, vel ad summum vndecimo die per spontaneum largum sudorem feliciter solvuntur, ita, vt tempestive naturalis pulsus, calor, adpetitus, somnus, & vires redeant.
3. Quando autem ultra septimum diem hæc febres *pertinaciter* continuant, id quod occurrere solet in annosioribus, tum ancipitis valde sunt euentus.
4. Vrina, si ante quartum diem turbatur, & post ea sedimentum cum liquore claro superstante exhibet, spes est felicitis morbi per sudorem criticum solutionis.
5. Quando per tussim materia flavescent, non adeo viscida, neque spumosa, excernitur, & præcipue in peripneumonia sputus cruentus accedit, totius morbi felix successus sperandus est.
6. Vbi autem excretio plane nulla per sputum succedit, vrina etiam cruda observatur, ibi deterior euentus timendus est.
7. Sputum cruentum licet læsionem pulmonum qualemcumque designet, hæc tamen plus utilitatis quam damni portendit.
8. Pleuritis adscendens versus partes superiores, ægrotantibus maius periculum minuitur & contra.
9. A peripneumonia phrenitis, malum, dicit *Hipp. sect. VII. aph. 12.*
10. Si in pleuritide dolor punctorius locum mutat, maiorem inflammationem, maiusque periculum indicat.
11. Bona respiratio est bonum signum, malum vero difficilis.
12. Staseos discussio & resolutio quando non obtinetur, tum sequitur corruptio, eaque vel sphacelosa, vel suppuratoria, vel ulcerosa, phthisis dicta.

## VII. METHODVS MEDENDI ET REMEDIA.

1. *Aluus* per totum morbi decursum ordinarie succedat, nullo autem modo irritetur.

2. Vbi



Sanatur Peripneumonia Vera, 1.<sup>o</sup> Resolutione benigna.

2.<sup>o</sup> Sputo cito copioso, flavo cū paucosanguine  
mixto, dolorem sedante, respirationem, pulsuum  
emendante, in album blandum cito mutato —

3.<sup>o</sup> Alvi fluxu bilioso loquente, & similia fore, ac  
Sputa descript, ejicientis —

4.<sup>o</sup> Urinā copiosa cum Sedimento primo rubro, sensim  
albescente, ante 7.<sup>m</sup> diem emissa. Atq. tum respiratio  
adeo facilis, febris Mitis, adynamia, calor, humiditas  
& aequalis toto Corpore — Boerhaave.

Hippocrates novit quod si Pleuritides  
qui non sunt per vires par les crachats dans  
l'espace de quatorze Jours, deviennent Empaïque,  
& qu'ils se vident quarante Jours après la  
Rupture de l'Abscess, ils guérissent, sinon  
ils tombent dans la Phtisie — Etmüller.

3. Camphire is y<sup>d</sup> most effectuall Remedy that can  
be applied for y<sup>d</sup> Dissolution of y<sup>d</sup> Morbid Matter  
in a Pleurisy, especially if it be Epidemick.  
Baglivi.

6. Sicauni recommends a Liniment of Oil of Almonds  
Spirit of Sal. Arn. & Camphire—

VIII. J. Sydenham bled once a day in a True  
Pleurisy 10 Oz at a time for 4 days—  
In a Spurious Peripneumony, as he calls it,  
in w<sup>ch</sup> there is a considerable degree of Inflam-  
-mation, he bled & purg'd Alternately, & so ratione  
Utrium, & us'd pectorals—

If y<sup>d</sup> Spitting which has been stop'd return,  
and y<sup>d</sup> Matter is yellow bordering upon Red,  
& Bleeding will do Mischief, because it will  
again stop the Spitting. Baglivi—



2. Vbi insignis *plethora*, angustia pectoris, & magna oppletio concurrunt, ibi statim sub initium venæ sectio ad vnc. VI. instituatur, & si opus fuerit, sequente die repetatur; subiungendo sollicitè regimen leniter diapnoicum. In casibus autem ordinariis venæ sectio non est necessaria.
3. Ante meridiem bis exhibeantur diaphoretica liquida; e.g. essent. alexipharm. *Stahlii*, vel mixtura simplex, ad gut. XXX. item *potiones* diapnoicæ.
4. Post meridiem & sub noctem bis vel ter propinentur *pulveres* antifebriles; ex nitro, antimonio diaphoretico, & absorbente marino, acido citri saturato, parati. Item conducunt emulsiones, præcipue ex semine card. Mariæ confectæ.
5. Quando hæc medicamina per aliquot dies exhibita sunt, dolores tamen adhuc vrgent, tum essentia *cascarillæ* salutariter potest interponi.
6. Regioni dolenti cum linteis quadruplicatis adplicetur spiritus vini camphoratus. In vsum etiam venire possunt emplastra, non continuo, sed per vices adplicanda, alias conglutinant poros & impediunt transpirationem.
7. Ubique regimen æquale & continentia tranquilla maxime circa diem criticum, conseruetur.
8. Conferatur tabula *de hepatitide*, vbi methodus fere eadem fusius explicata est,

### VIII. CAUTELAE ET OBSERVATIONES PRACTICAE.

1. Dissident auctores de *venæ sectione* in his adfectibus instituenda: sunt qui illam ad modum necessariam censent: sunt qui eam prorsus reiiciunt, e.g. *Ettmüllerus* observat, statim post venæ sectionem, in pleuritide adhibitam, certius suppurare: sunt qui consiliis suis fluctuant, & eamdem vel adhiberi vel omitti posse statuunt: sunt qui dissoluentia, & discutientia præmittenda esse, vrgent, & præcipue *salia volatilia* ad sudorem, & hinc staseos discussionem, commendant, & his si cedere recuset morbus, moderatam venæ sectionem subiungendam esse autumant.

2. Ve-



2. Verum, vti per regimina & remedia calida, sanguinem expandentia, discussionem tentare, infelix conamen est, ob sanguinem in concitatione & inflammatione iam constitutum: ita venasectionem non nisi in statu insigniter plethorico, & vbi grauissima angustia ac infartus pectoris vrgent, instituendam esse censemus.
3. Contingit in summe plethoricis, horum malorum genere defunctis, scrutinio anatomico pulmonum alterum latus sanguine differtum, & adeo expletum detegere, vt etiam in aqua subsideat: quo itaque insignis plethoræ casu venæ sectio commendatur.
4. Methodus *Sydenhami*, quæ consistit in venæ sectione, eaque satis larga & repetita, adiunctis lenissimis expectorantibus, auctori alias experientissimo relinquenda est.
5. *Riuerii* exemplum de famulo, larga venæ sectione paucis horis a pleuritide liberato, dubium adhuc est, an non potius hepatis vel ventriculi inflammatio fuerit, vti fere ex circumstantiis historicis colligendum.
6. Post venæ sectionem, si in sanguine crusta alba non adparet, pro bono signo non habetur.
7. *Purgantia* ac *venæ sectio* circa dies criticos celebrata pessimi sunt euentus.
8. *Sideritis* seu *herba Iudaica*, pectori adposita, commendante *Borello*, soluere dicitur pleuritidem: quod proinde experimentis explorandum est.
9. Inter *specifica* etiam a quibusdam laudatur *papauer erraticum*; *Ettmüllerus* autem & alii nihil specifici illi concedunt, sed anodynum tantum communem & topicum effectum; quo vero respectu non commendatur.
10. *Dentibus apri* specifici quid tribuere, experientia non concedit.
11. *Semen cardui Mariæ* specifico effectu ita commendatum est, vt hinc grana illius *Stech-Rörner* soleant adpellari, nec plane de nihilo: docet enim experientia, quod aliquot grana deglutita dolorem punctorium saepe auferant, licet febris ante septimum diem cursum suum non absoluat.



Bleeding is a relief in great Pain, when it is recent,  
but when the Pain is moderate, when it continues long,  
it is useless, and Cupping with Scarification  
answers better. Alton.


Whatever time of y<sup>d</sup> Disease it be, whether y<sup>d</sup>  
4<sup>th</sup>, 5<sup>th</sup> or 7<sup>th</sup> day, before or after bleeding, if  
a difficulty of breathing, and expectorating  
comes on, apply Blisters to y<sup>d</sup> Legs immedi-  
ately, according to y<sup>d</sup> advice of Hippocrates, who  
says that Tumours falling upon y<sup>d</sup> Legs, are  
a good Prognostick in Pulmonicks. — This  
Method promotes expectoration, opens a Difficulty  
of Breathing, & Stops a Flux or Diarrhea, Bagl.



12. *Expectorantia* hic inutilia sunt, nisi forsan sputum cruentum circa quartum diem, non satis succedens, potionem aliquam pectoralem efflagitet, quo casu aqua hyssopi præ aliis laudatur.
13. *Expectorantium* in pleuritide abusus facile peripneumoniam inuitat.
14. *Nitrum* primis diebus vsque ad quartum intrepide potest propinari, sequentibus autem diebus, si moderate & æqualiter morbus succedat, parcius, & bis tantum per diem exhibendum est.
15. *Camphorata* externe aliquam lenitionem promouent, *oleosa* autem & pingua omittenda sunt.
16. *Opiata* ad irritationes in pectore non possunt commendari: sanguis enim hic specialis est tenacitatis; id quod illius per venæ sectionem emissio confirmat, ubi rubicundæ portioni innatat materia flauo-albescens, admodum tenax, sie ist so zähe wie Leder. Hæc sanguinis constitutio requirit concussionem, resolutionem, excretionem, quorum omnium contrarium opiata præstant.
17. *Cascarilla* pro discussione a pectore, in primis in peripneumonia, specialissime laudatur: modo iusto tempore & decente subordinatione exhibeatur; vti sub *methodo* indicatum est. Non solum discutit, verum etiam lenit & sedat, & quando hic cortex irritationes non mitigat, tunc opium certo nociturum est.
18. *Radix pimpinellæ albæ* egregii vsus est in adfectibus pectoris, præcipue autem in chronicis, resoluit enim & discutit.
19. Conuenit etiam irritationem mitigare & discussionem promouere per *iulapia* diapnoico-analeptica, ex aquis card. bened. scordii, plantag. chærefol. scabios. modic. cinamom. & syrup. acetositat. citri.
20. Item per *emulsiones*, ex his aquis cum semine card. mariæ, aquileg. & amygdal. dulc. ad gratum saporem mediocriter saccharatas.



21. Conferantur cautelæ & obseruationes, quæ *tabula de hepatitide* indicatæ sunt.



## TABVLA LXVI.

DE

## HEPATITIDE.

## I. DEFINITIO.

Hepatitis est febris acuta, continua, secundaria, inflammatoria, qua natura humores fortius & frequentius per hepar transpellit, ad stasin sanguinis, in hoc viscere factam, dissoluendam & abstergendam.

## II. DIFFERENTIA.

1. Hepatitis a *reliquis inflammatoriis* febribus differt
  - 1) ratione visceris inflammati,
  - 2) ratione periculi, quo respectu reliquas omnes superat.

*Vid. prognosis.*
2. In specie a *pleuritide* differt in eo, quod dolor infra diaphragma magis vrgeat, febremque aliquo modo leniorem, quam pleuritis, habeat coniunctam.
3. Hepatitis in se differt *gradu* inflammationis:
  - 1) Aliæ enim inflammationes magis sunt superficiales.
  - 2) Aliæ stasin profundiorum inuoluunt.
  - 3) Quo modo hepatitis differat ab *infarctu* hepatis, patet ex *signis* collatis.

## III. SIGNA.

1. Inuadit frequentissime cum *horrore* insigni & diuturno.
2. Hunc excipit sensibilis, grauissimus *æstus*, & quidem paroxyzans, (si nempe tranquille negotium succedit) cum fiti intensissima.
3. Vbi autem impetuofus magis morbus est, ibi nullos paroxysmos, aut notabiles remissiones exhibet.

4. Per-









4. Persentiscunt ægri dolorem grauatiuum in latere *dextro* circa septimam vel octauam costam.
5. Et hic impedit, quo minus ægri in dextrum latus decumbere possint.
6. Agrypnia, prostratio virium, angustia præcordiorum, valde vrgent cum difficili respiratione.
7. Pulsus celer est & frequens.
8. Circa extrema facile refrigescunt, quoties ventilare corpus suscipiunt, wenn sie sich nur ein wenig lüfften.
9. Quando bibunt, non raro eructant, vnde anxia angustia, non æque vero dolor, augetur.
10. Immo nausea & vomitus biliosi sese exserunt; ex quibus signis haud friuole concluditur, inflammationem occupare potissimum *sinam* hepatis partem.
11. Vbi autem *gibbosam* magis regionem infestat, ibi motus spastici per consensum circa iugulum, ac si deorsum illud trahatur, sese exserunt.
12. *Tussis*, quando adest, exigua plerumque & sicca deprehenditur.
13. Sunt hi ægroti vel perpetuo leui *madore*, facile frigescente, adfecti;
14. Vel, quod peius est, iugi siccitate, æstum & anxietatem augente, corripiuntur.
15. *Vrina* primis diebus rutila, & ad modum crassa est, quarto autem die ordinarie turbatur, & copiosum sedimentum deponit, manente tamen superstante liquore satis adhuc crasso, aurantii coloris.
16. Sedimentum hoc rosei quidem coloris, sed submucidæ & veluti purulentæ est consistentiæ: vnde hoc phænomenon multis imponit, vt pro vero *pure* illud agnoscant, & abscessum accusent. Sed *verum pus* statim post emissionem fundum petit, sedimentum autem illud mucidum post refrigerationem demum vrinæ prouenit.
17. Dissoluitur hoc sedimentum mucosum, si aquæ tepidæ vas vrinarium immergitur; quod phænomenon specialiter de inflammatione testatur.



18. Peculiare adhuc signum est in hepatitide, quod decumbens subinde colorem mutet, ordinarie quidem palleat, sed sæpe etiam fuscum & flauescentem colorem non solum in toto corpore & facie, verum præsertim in oculis exhibeat.

19. Vbi staseos *suppuratio* contingit, ibi omnia symptomata eueniunt grauiora, nempe maior sentitur æstus, difficilior respiratio, maiores accedunt anxietates, in loco adfecto sensus doloris exacerbatur, & rigores circa extrema eueniunt frequentiores.

20. *Ruptio* autem *apostematis* dignoscitur ex dolore quidem & æstu remittente, succedente autem virium amissione, frequente lipothymia, febre hectica, & quando materia purulenta in concavum abdominis effusa est, huius intumescence crassitie.

#### IV. SVBIECTA.

1. Generatim sunt illa, quæ tabula de inflammatione generatim indicauimus.

2. Speciatim autem, quæ causis subsequenribus fiunt obnoxia.

#### V. CAUSÆ.

1. Causa maxime *remota* est plethora.

2. Causa magis *propinqua* nulla alia suppetit, quam congestio sanguinis ad hepar, vel ipsius visceris constrictio.

3. Causa *proxima* est stasis in hepate collecta.

4. Causa *finalis* est intentio naturæ, ad stasin discutiendam, in quem finem sanguinem, bene adhuc fluidum, specia-liter & copiosius dirigit ad portionem illam, motu suo iam priuatam, vt per fortiorem adpulsum & transpressionem humorum stasis resoluatur & discutiatur.

5. Causæ *occasionales* & *procatacetica* sunt:

1) Præuixæ vehementes corporis motiones, cursibus, saltationibus, onerum cum maximo nisu tractationibus, facta.

2) Violentæ contusiones, plagæ & casus ab alto.

3) Or-















- 3) Orgasmus sanguinis, vel per dictas, vel per alias causas inductus, e.g. per spirituosas, excandescantiam animi.
- 4) Repentinæ externi habitus refrigerationes, sanguine ita calente.
- 5) Sic etiam potus frigidus, mox & intemperanter superingestus.
- 6) Medicationes adstrictoriæ, commotionibus febrilibus repente oppositæ.
- 7) Repentinæ repulsiones excretionum, aut moliminum excretoriorum suppressiones, e.g. scabiæ, erysipelatis, hæmorrhagarum, motuum hæmorrhoidalium, congestionum arthriticarum.
- 8) Topica frigida, item cucurbitulæ, regioni hepatis applicatæ.

## VI. PROGNOSIS.

1. Inflammatio hepatis omnium fere est periculosissima.
2. Et quo profundior est inflammatio, eo contumacior ad discussionem, & pronior, vel ad corruptionem repente lethalem, vel ad maturationem, quæ æque funesti eventus est, reperitur.
3. Ita etiam *concaua* partis inflammatio ominis semper tristioris est, quam *gibbosa*.
4. Nonnumquam hæc febris scirrhus hepatis solet relinquere.
5. Commotio humorum magna, insolens, vehemens, statim sub initium, numquam bonæ spei est, hac enim ratione sanguis in arctissimos meatus potius impellitur, quam stasis resolvitur.
6. Quo magis febres inflammatoriæ, citra externas causas occasionales matutino tempore inuadunt, eo plus habent indolis continentis, maioris æstus & periculi.
7. Felix eventus variat: aliquando enim stasis *pedetentim* resolvitur & discutitur: aliquando & sæpius diebus criticis euacuatio contingit, eaque vel per hæmorrhagiam naris dextræ, vel per sudorem copiosum, spontaneum, vel per diarrhœam.



8. Quando autem hepatis inflammatio intra primum septenarium discussionem staseos non attingit, tum morbus inolefcit, dextrum hypochondrium inflatur, cum sensu ardoris, tensionis, grauitatis, accedit singultus, & sic fit, vt aëri septimo vel nono, rarius vndecimo die moriantur.
9. *Suppuratio* staseos licet tam præcipitem funestum euentum non inferat, vti quidem corruptio sphacelosa, est tamen vndique periculo plenissima: materiæ enim purulentæ euacuatio non potest fieri, & si omnino fieri posset, consolidatio tamen erosæ & exesæ portionis nullo modo obtineretur, ob viscus hepatis laxum, porosum & sanguine imbutum.
10. Et sic aëre fere semper transit in hæcticam.
11. Si *urina* iusta coctionis signa exhibet, sedimentum nempe copiosum, non admodum tenerum, coloris subrosei, & febricitans de reliquo mediocriter bene habet, spes est felicitis euentus.
12. Quando autem clara & limpida manet, exitum portendit periculosum & lethalem.
13. Turbida si redditur, nullum autem deponit sedimentum, sed parietes vitri alba lactea & subcœrulea cuticula obducit, non adeo boni est præsagii.
14. *Sudores* nimii aquosi pari ratione nihil boni producant, tolerabiliore autem sunt, quam perpetua cutis siccitas.
15. Quando post hæmorrhagiam narium ægrotus non sublevatur, sed vires in horas deficient, vigiliæ etiam & phantasias accedunt, tum nihil boni inde portenditur.
16. Singultus contumax, *statui* morbi accedens, citra causas externas excitatus, signum est lethale.
17. Refrigerationes extremorum faciles & frequentes; cum insigni ardore interno, & intercurrentibus lipothymicis debilitatibus, infausta sunt indicia.
18. *Vomit*us nigri, instar *rob sambuci*; vti in *acutis*, pessimi omnis, ita in plerisque febribus inflammatoriis præsagium sunt









sunt mortis instantis. Non minus deiectiones *alui*, eiusdem tetri coloris, bonæ non sunt prognoseos.

19. Falso adesse iudicantur abscessus hepatis, quando pus per vrinam secessit: hoc enim indicat abscessum glandularum intestinalium seu mesaraicarum.

20. Si dolores ad modum vrgent, *febris* concurrit magna, *inquietudo* multa, dolores autem deinde *cito* prorsus euanescent, pulsus & vires cadunt, febris tamen pergit, ibi corruptio vel sphacelosa, vel suppuratoria, eaque rupta, certe diiudicatur.

## VII. METHODVS MEDENDI ET REMEDIA.

### A. Methodus generalis.

1. *Discussio* staseos inflammatoriæ vniuersum hic absoluit negotium.

2. Hæc in potestate magis naturæ, quam Medici sita est, potest autem aliquo modo promoueri per medicationem, eamque placidam potius, quam vehementem & impetuofam. Commendantur in hunc finem leniter abstergentia & humores fundentia.

1) *Absorbentia marina*, acido citri, tartari, vel spiritu nitri saturata; quæ euidentem effectum diureticum exhibent, e. g. oculi caneri, conch. præparat. mater perlar. præparat.

2) Vniuersa *ossa capitis lucii piscis*, aceto in præparatione imbuta. *Vid. cautel.*

3) *Diaphoretica* fixa, inter quæ antimonium diaphoreticum reliquis præfertur, sub initium largiore, postea autem parciori dosi exhibendum.

4) *Radices* diuretico-diapnoicæ vtiliter etiam in his stasibus exhibentur. Ex horum censu præcipue sunt: rad. vincetox. pimpinell. alb. helen. perasitid.

5) Ex *compositis* huc conducunt: mixtura simplex leniter camphorata, essent. alexipharm. *Stahl*i, essent. pimpin. alb. cum æquali portione essent. scordii mixta.

6) *Emulstones* dilutæ, magis ad temperandum, quam ad alendum, ex pineis, amygdal. femin. card. mariæ, aqua-



aquileg. & in progressionem morbi semin. papau. albi, paratæ, & abunde edulcoratæ; abstinendo a *seminibus* sic dictis *frigidis*.

7) *Potiones* diapnoicæ, vel iulapia, ex aquis scabiosæ, plantag. chærefol. geran. maior. scorzoner. cichor. bugloss. galeg. bellid. minor. cum syrupo acetositis citri, vel clyffo antimon. acidulatæ.

8) *Nitrosa*, quæ in his inflammationibus omnibus aliis pal-  
mam præripiunt.

9) *Externe* conducunt:

a) Spiritus vini camphoratus crocatus, regioni hepatis adplicatus.

b) Forus calidi, sicci ex farina secalina, fabarum, milii, furfure, radice irid. Florentin. sigill. Salomon. bryon. herba hyssopi, quæ etiam interne conducit, item emplastr. de spermate ceti camphorat.

c) *Vena sectiones* non, nisi in specialibus circumstantiis, conducunt. *Vid. Cautel.*

d) *Clysteres* emollientes, ad reuulsionis scopum, & alui legitimum successum.

#### B. *Methodus specialis.*

1. *Vena sectio* vel instituatur statim sub initium, vel omit-  
tatur, secundum indicationes sub *cautelis* explicatas.

2. *Aluus* ubique seruetur aperta, non validis stimulantibus, in primis talibus, quæ altius in sanguinem penetrant, sed vel emollientibus clysteribus, moderate tamen adhibitis, vel lenissimis humectantibus, præcipue nitrosis, it. oleo amygdal. dulc. syrupo violarum.

3. Motus febriles, discussionem staseos respicientes, quantum fieri potest, subleuentur.

4. Hinc mane dosis refracta essent. alexipharm. *Stahl*i, vel mixtura simplex adhibeatur, & per reliquum diei tempus pulueres nitroso-absorbentes singulis tribus horis propinentur, e.g.

Recip. nitr. depurat.

tartar. vitriolat. ana drach. II.

ocul. cancr. acido citri saturat.

ma-









maxill. lucii piscis, acido quodam præparat.  
ana scrup. IV.

Antimon. diaphoret. drachm. I.

M. f. pulu. dof. scrup. I.

5. Ante meridiem *potiones* acidulatæ, versus noctem autem *emulsiones* interponantur.
6. Sub his omnibus *externa* non negligantur, e.g. spiritus vini camphorat. crocat. regioni hepatis adplicandus.
7. Vbi dolores admodum insolescunt, ibi *anodynum* aliquod, ad illos mitigandos, non autem prorsus tollendos, pulveri commendato remisceatur. Verum hoc non in statu, sed incremento tantum morbi locum habet.
8. Conueniens *dieta*, nempe sufficiens humectatio, continentia tranquilla, calor moderatus, placidum regimen, sollicite iniungatur.

#### VIII. CAUTELAE ET OBSERVATIONES PRACTICAE.

1. Quæ *tabula de febribus inflammatoriis generatim* monuimus, illa hic quoque seruanda sunt.
2. Difficilis est formatio consilii de administratione *venæ sectionis* in febribus inflammatoriis; de qua re fusiùs *tabula chirurg. de venæ sectione* egimus.
3. Hoc loco tantum adiicimus, quod venæ sectio in hepatitide statim sub initium, præmisso clystere, concedatur,
  - 1) Vbi conspicua plethoræ insignis indicia adsunt.
  - 2) Tanto magis, si consuetæ venæ sectionis tempus incidit.
  - 3) Quando graues sanguinis commotiones proxime præcesserunt.
  - 4) Vel morbus cum vehementia, anxietate, summo ardore, interlancinationibus dextræ partis abdominis, & febrili insultu magis, quam ortu, inuadit.
4. Largior autem esse debet si instituitur venæ sectio, & in super, requirente necessitate, repetenda.
5. Siue secta sit vena, siue prætermissa, ubique libera & æqualis distributio sanguinis, & lenissima transpiratio conseruanda; quod tanto magis necessarium est, quia secundum solertem *Sydenhami* obseruationem, & αὐτοψίαν



post venæ sectionem, sanguis summe lentescens indolis apud eius modi patientes deprehenditur, quæ vero hac humorum distributione & attenuatione non potest in actum deduci.

6. Titulo magis, quam reali effectū, his commendantur pleraque, sanguinem coagulatum resoluētia: quæ enim efficaciter hoc præstare possent, partium sunt tenuiorum, & hinc organum sanguinis longe præsentiores inducunt, quam partem adfectam consolantur, e.g. *Camphora* ubi mox ad locum læsum pertingit, potentissime resoluit, sed intra corpus adsumpta, mediocri licet quantitate, sanguinem vehementissime concitat, neque tamen directe ad rem ipsam multa contribuit: dimidium granum pro dosi, cum largiore portione nitri remixtum, conceditur.
7. *Sambucinarum* commendatio nota quidem est, sed interna parum efficient.
8. *Aqua florum tilia*, *plantag. scord. scabiosa* vulgo commendantur, sed re vera parum in illis erit præsidii.
9. *Charesolium* ad discussiones internarum stasium laudatur, sed debilioris est efficaciae, &, si omnino quid de illo sperare liceat, in substantia erit sumendum.
10. Idem etiam de *floribus bellidis minoris* sentiendum est.
11. *Gummi resina*, e.g. galbanum, sarcocolla, myrrha, satis quidem penetrant & resoluunt, vehementius autem, præcipue myrrha, sanguinem commouent, neque tamen loco adfecto satis faciunt. Vnde vix aliquem hic habent locum.
12. *Specifica* efficacia *maxilla lncii piscis*, *dentis apri* &c. experientiae non respondet; faciunt, quod possunt. Copiose si adhibentur, e.g. ad drachm. I. male habent decumbentes.
13. *Externe* sub initium commodius adhibetur spiritus vini camphoratus, post ea autem foci siccos camphoratos substituere conueniit. Agunt autem hæc externa non tam penetrando, quam potius transpirationem aperiendo,









endo, & motum tonicum roborando, quibus auxiliis discussio staseos iuuatur.

14. Si in *gibbosa* hepatis parte inflammatio in *pus* abierit, istud per incisionem interdum salutariter eliminatur.
15. *Pinguia externa* tuto hic non adhibentur, quia suppurationem promouent: vnde & emplastica valde mucida locum non habent.
16. *Composita* famosiora internis inflammationibus parum conueniunt, e.g. theriaca, mithridatum, diascordium *Fracastorii*, *Sylui*, & alia tinctura bezoardica, opio inquinata.
17. *Antimonii diaphoretici* efficaciam alii hic nimium extolunt, alii prorsus reiiciunt: media sententia vera est, quod in primis testantur sensibiliores.
18. *Sulphuris* vsus, si circa prima *initia*, vel in *declinatione* prudenter adhibetur, insignem efficaciam exhibet, in *statu* vero magis est ambiguus.
19. *Anodyna* ad modum prouide adhibenda sunt, magis in incremento, quam in statu, ne debitas excretiones impediant, vel plane sphacelum inuident.
20. Quid praestet *hepar galli nigri*, a *Ioële* pro certissimo in hepatitide remedio commendatum, experientiae relinquitur. Iubet, hoc viscus, adhuc calens, aliquot vnciis acetii rosacei conterere, & aliquo modo resolutum a fibris per colaturam separare, ac tepide exhibere.
21. Quae tabulis de *infarctu* & *scirrho* hepatis ratione *refrigerantium*, interne & exterue adhibitorum, item *topicorum* calidorum, diximus, ea hic etiam obseruanda sunt.

TABVLA LXVII.

DE

S P L E N I T I D E.

I. **D** E F I N I T I O.

Splenitis est febris acuta continua, secundaria, inflammatoria,

Z z z 2

qua



qua principium agens, motibus, ultra gradum naturalem auctis, sanguinem copiosius versus lienem dirigit, & fortius ac frequentius per eundem transpellit, ad stasim, in hoc viscere collectam, resoluendam & discutiendam.

## II. DIFFERENTIA.

1. *Splenitis* differt ab *infarctu lienis*, in quo sanguis non plane subsistit, sed tantum stagnat, & impeditius mouetur, nulla etiam febris acuta præsto est.
2. A *nephritica renis sinistri* inflammatione dignoscitur partim *atrocia doloris*, qui in nephritide acutior est, partim *loco adfecto*: in nephritide enim dolor versus spinam dorsi, in splenitide autem magis antrorsum adfligere observatur.
3. *Splenitis in se* differt *gradu* inflammationis: aliquando enim substantia, vulgo *parenchymatica* dicta, occupatur, & sic satis profunda contingit inflammatio; aliquando autem *membranacea* & superficialis tantum portio infectatur.

## III. SIGNA.

1. Signa pleraque, sub *hepatitide* tradita, huc possunt referri, nempe
2. Inuadit cum insigni horrore.
3. Hunc sequitur grauiissimus æstus, cum siti ad modum intensa.
4. In hypochondrio *sinistro* dolorem, grauitatem & tumorem perferunt.
5. Paroxyismi typum fere quartanarium formant.
6. Vbi paullulum libero aëri se exponunt ægri, statim circa extrema perfrigescunt.
7. Hamorrhagia si contingit, sanguis stillat ex nare sinistra.
8. Signa *vrinæ* eadem sunt ac *hepatitidis*.

## IV. SVBIECTA.

Personæ status *plethorici*, temperamenti *sanguinei*, habitus corporis laxioris, vti inflammationibus præ aliis obnoxia sunt, sic etiam eadem a splenitide potissimum infestantur.

## V. CAUSSÆ.
















## V. CAUSSAE.

1. Causa *materialis* maxime *remota* est status plethoricus, cum spissitudine sanguinis plurimum coniunctus.
2. Causa *magis propinqua* est congestio seu restrictio sanguinis versus lienem.
3. Causa *proxima & continens* est stasis in hoc viscere exorta.
4. Causa *finalis* est sollicita naturæ intentio, ope motus febrilis transpressorii & absterforii hanc stasim resolvere & discutere.
5. Causæ *occasionales*, quæ plethoram, tamquam causam antecedentem, inducunt, sunt præcipue
  - 1) Euacuationum sanguinis naturalium, e.g. mensium, hæmorrhoidum, suppressio.
  - 2) Consuetarum artificialium prætermissio.
6. Causæ *procatarectica* huius staseos sunt:
  - 1) vehementes corporis & animi commotiones.
  - 2) Expansio seu orgasmus sanguinis.
  - 3) Repentinæ refrigerationes, corpore calente.
  - 4) Quo etiam spectat potus frigidus, post fortiorem motum, haustus.
  - 5) Peruersæ medicationes adstrictoriæ in febribus adhibitæ.
  - 6) Abusus topicorum frigidorum in lienis infarctu.

## VI. PROGNOSIS.

1. Quæ tabula præcedente de *hepatitidis prognosi* diximus, illa etiam de splenitide plurimum valent.
2. Licet enim splenitis non ita extreme perniciofa sit, uti hepatitis, satis tamen sufficit, ut plurimos, qui ab illa vere corripuntur, iugulet.
3. Id vnicum, quod de *vomituum nigrorum periculo* præcedente tabula dictum est, hic, secundum auctorum observationes, mitigandum esse videtur: dicunt enim, vomitus tales nigros, versus diem criticum contingentes, splenitidem solvere. Atque hoc adsertum exemplo quodam notabili iam habemus confirmatum.
4. Observatum etiam aliquoties fuit, quod hæmorrhoides salutariter huic malo superuenerint.



5. Quando substantia visceris parenchymatica *profundius* occupatur, tum inflammatio fit *apostematodes*; vbi autem *superficialis* portio stasi exposita est, ibi inflammatio magis *erysipelatodes* contingit.
6. Frequentissime autem inflammatio in splenitide degenerat in *scirrhum*.

## VII. METHODVS MEDENDI ET REMEDIA.

Methodus eadem hic est, quæ in hepatitide.

1. Alius itaque ante omnia per clysterem emollientem solvatur.
2. Venæ sectio, si secundum obseruationes, præcedente tabula sub *cautelis* traditas, indicetur, primum in brachio, deinde, vrgente adhuc casu, in vena *saluatella*, quæ est inter annularem & minimum digitum, instituatur.
3. Ad staseos discussionem naturæ succurratur:
  - 1) Ante meridiem dosi aliqua essent. alexipharm. & potionibus diapnoicis, acidulatis.
  - 2) Post meridiem pulueribus nitroso-absorbentibus, præcedente tabula commendatis, & emulsionibus dilutis.
  - 3) Vbique sufficiente humectatione, continentia tranquilla, & regimine diapnoico, continuo.
4. Dolores, quando in incremento morbi valde insolescunt, paullulum mitigentur per M. P. de cynoglossa cum puluere nitroso-præcipitante ad gr. I. remiscendum. *Vid. cautel. præcedentis tabulae.*
5. Denique post felicem staseos dissolutionem mixtura tonico-neruina *Stablii* aliquoties per diem propinetur.

## VIII. CAUTELAE ET OBSERVATIONES PRACTICAE.

1. Quæ præcedente tabula dicta sunt, ea hic repetantur.
2. Hæmorrhoidum adfuetarum suppressio si hanc ægritudinem foueat, *hirudinum* ad hæmorrhoidalia loca adapplicatio efficacior erit, quam ipsius venæ sectionis institutio.
3. Quoniam splenitis facile in *scirrhum* transmigrare observatur, ex usu omnino erit, methodum illam, tabula de infarctu & scirrhu lienis commendatam, tempestiue adhibere.









4. Vfus *vini* non nisi in declinatione conceditur.
5. Ante, quam materiam de inflammationibus internis obfirmamus, monendum est, quod alia quidem illarum species adhuc restent, e.g. inflammatio *ventriculi, pancreatis, uteri* &c. eandem autem methodum & tractationem exposcant. Vnde necessarium non ducimus, plures tabulas speciales hac de re subiungere.
6. Hoc unicum de *ventriculi* inflammatione adiicimus, quod tanti periculi non sit, quanti quidem sunt stases inflammatoriæ in aliis visceribus. Gaudet enim ventriculus *motu tonico peristaltico*, eoque perpetuo, quo staseos diffusio facilius promouetur.



## TABVLA LXVIII.

DE

FEBRE CATARRHALI BENIGNA,

SEV

VETERVM QVOTIDIANA CONTINVA.

## I. DEFINITIO.

Febris catarrhalis est febris acuta, continua, secundaria, qua principium vitale motibus secretoriis & excretoriis, ultra gradum quidem naturalem auctis, satis tamen moderate procedentibus, lympham, siue qualitate siue motu læsam, corrigere intendit. Deriuatur hæc denominatio a *κατὰ* & *ῥέω*, fluo.

## II. DIFFERENTIA.

1. Licet febris catarrhalis *benigna* a *maligna*, quoad *speciem* non differat, sed tantum quoad *gradum* noxiæ materiæ & symptomatum, quia tamen *maligna*, paullo aliam methodum, eamque leniorem & magis circumspectam exposcit, insuper etiam pure epidemicæ petechizantis constitutionis est, placuit, illam peculiari tabulæ reseruare.

2. Sta-



2. Stasis illa *mucido-serosa*, cum partibus sanguinis tenuioribus mixta, cui febris catarrhalis superuenit, differt omnino a *stasi vrente, rodente, venerea, ulcerascente*: licet enim hæc easdem partes, nares, infundibulum, pharyngem, tonsillas, palatum, immo parotides, obsideat, nulla tamen febris illi accedere solet.
3. Differt etiam a *rheumaticis* illis congestionibus, & febrilibus motibus; quibus viam strauit heteroclitica apostasis post febres acutas, vel intermittentes turbatas; sicut etiam ipsa talis febris a nostra catarrhali maxime diuersa est.
4. Neque febris *intermittens diuturna* in febrem catarrhalem transiisse existimanda est, si, quod satis frequenter contingit, grauedinem, coryzam, tussim, branchum generet.

### III. SIGNA.

1. Inuadit hæc febris plerumque circa vesperam.
2. Tempore æquinoctii, præcipue autumnalis.
3. Præcurrunt, vel statim iunguntur, grauedo aut coryza.
4. Raucedo, molestia deglutitionis.
5. Immo intra collum erysipelacea quasi constitutio.
6. Prægrauatio pectoris.
7. *Tussis* satis quidem violenta, parum tamen excernens, & per totum morbum fere durans.
8. Vniuersi corporis *languor*.
9. Inuadit autem hæc febris cum *frigore* horrido; immo rigore, præcipue vero tensiuis doloribus in dorso.
10. Durat hoc frigus per dimidiam circiter horam, aliquando integram, raro diutius.
11. *Calor* succedit protinus satis quidem lenis, cum angustia tamen & anxietate circa præcordia coniunctus.
12. Quæ, circa præcordia, pathemata in paucissimis tantum subiectis nauseabunda aut vomibunda obseruantur.
13. Durat hic æstus pro gradu plethoræ per horas bene multas, ita vt primis paroxysmis vix altero mane notabiliter tepescat.
14. *Pulsus* est celer & frequens.

15. Ad-















15. *Adpetitus* & vires labefactæ, somnus imminutus.
16. Caput est magis debile, quam dolens.
17. Ad *diarrhæas* hæc febris valde inclinatur, interdum accedunt *vomitibus*.
18. *Sudores*, quouis tempore matutino æstus excipientes, febrem sensim mitiorem reddunt, ac catarrhales hos morbos infringunt; elapso tandem primo vel secundo septenario febris cum symptomatibus cedit.
19. *Urina* præter colorem aurantium, febribus acutis familiarem, hoc peculiare habet, quod pauca mora tenuissimam cutem, vitro subtiliter adhærescentem, ostendat, lacteoliuentis coloris cum sedimento roseo-pallido, *Fleisch-färbig*.

IV. *SUBIECTA*.

1. Euenit hæc febris præcipue temperamento *sanguineo-phlegmatico*.
2. Subiectis mucosis, spongiosis, & feri inquinamentis abundantibus.
3. Quæ multum & diu partes capitis & colli glandulosas frigori, præsertim humido autumnali, exponunt.
4. Quibus scabies vel alia vlcera repelluntur.
5. Quæ nimis vigiliis indulgent.
6. Vel vino adusto abutuntur.
7. Item quæ coryzam & tussim negligunt, vel mala in iisdem arte, malisque remediis tractantur.

V. *CAVSSÆ*.

1. *Causa antecedens* huius febris est *lentor* & tenacitas lymphæ.
2. *Causa proxima* est catarrhus peculiaris conditionis, nempe falso-acris: simplex enim catarrhus, seu mucida stasis, satis liber manet a febre; quando autem portio *sanguinis subtilior*, quam, veteres præcipue, biliosam esse putant, huic stasi simplici immiscetur, tum inuoluit periculofam inflammatoriam in his locis indolem, unde facile corruptio sphacelosa prouenire potest.

Aa aa

3. Ad



3. Ad hanc corruptionem auertendam febris accedit, tamquam causa *formalis*, & salutare naturæ opus, quo lenta absterfione sensim iterum auferatur, quod ita coaceruatum hæret.
4. Causæ *occasionales* & *procatarctica* sunt:
  - 1) refrigerationes corporis immodestæ.
  - 2) Tempestas humido-frigida, præsertim autumnalis.
  - 3) Potus frigidus, calente corpore sumtus.
  - 4) Materia acris, in coryza excerni solita, repulsa.
  - 5) Item scabiei vel crustæ lacteæ repressiones.
  - 6) Verbo: omnia ea, quæ naturalem & genuinam impediunt transpirationem.

## VI. PROGNOSIS.

1. Febris catarrhalis *simplex* & *benigna* salutariter plurimum decurrit, & quidem sæpissime bono tantum regimine.
2. Accedente autem *malignitate*, vel præpostera medica tractatione periculo non vacat. *Vid. tab. de febre catarrhali maligna.*
3. Quo magis ab indole sua leniore recedit, & cum vehementia tam frigoris quam æstus insultat, eo iustior est metus alicuius labis, citra viscera hærentis.
4. Optimus successus & euentus consistit in staseos rheumaticæ, acris, causticæ, inflammationem cientis & corruptionem minantis, assidua resolutione & dissipatione.
5. *Hippocrates* iam obseruauit, a fluxione eius modi materiæ acris, causticæ, in pharyngem præcipue, oriri raucedines, cynanchas, erysipelata, peripneumonias, & quam diu materia in tali intemperie exsistat, perdurare talia pathemata, si vero spissescat & concoquatur, illa minui & febrem solui.
6. Nisi ergo mature, & placido successu, materia hæc sensim abstergatur & dissipetur, ulceratio sanioso-ichorosa succedit, quæ promte in sphacelosam & funestam putredinem ruere solet; id quod satis confirmant ulcera illa externa, ex diuturno erysipelate vel phlegmonibus  
non









non discutiendis oriunda, quæ, licet topica præsentiora admittant, pessimam tamen indolem exhibent.

7. Quo acrior igitur inflammatoria stasis subest, eo propior dicto euentui existit.
8. Quo magis autem febris *simplex & benigna* catarrhalis dici meretur, eo longior ab hoc euentu distat; magis autem in lentas & hecticas febres propendet, præcipue quando nimis absorbentibus & refrigerantibus tractatur.
9. Indoles huius febris non est, ut *apostasies* formet, seu materiam, semel resolutam extrinsecus in locum arctiorem cumulet, uti hoc in parotidibus & angina contingit.
10. Quando autem per intempestiuas artis commotiones aliquid extrinsecus protruditur, adparentes tales *apostasies*, pro criticis excussionibus vulgo venditæ, genio huic feбри proprio non debent imputari.
11. Multo lenius adhuc decurrunt *febriculae* illæ, catarrhalibus adfines, quæ hyeme tepida repentinis tumoribus, e. g. glandularum sub auribus, tonsillarum &c. superueniunt.
12. Quando autem per coacta regimina turbantur, vel materia infauite ad interiora repellitur, febres satis acres & inflammatoriæ periculosa inde proueniunt; præsertim si perturbatio talis artificialis verno & autumnali tempore, quo sanguinis commotio familiarior nobis est, contingit.
13. Ceterum, quam *benigna* etiam sit hæc febris catarrhalis, est tamen contagiosa, uti & ipsi catarrhi tenuiores & coryza eiusdem indolis esse obseruantur.
14. Quo magis autem *contagiosa* reperitur, eo certius petechiæ complicantur. *Vid. tabul. de febre catarrhali maligna.*
15. *Diarrhæa*, quando sub initium accedunt, minuunt impetum morbi; in statu quæ superueniunt, si moderatæ & indolentes existant, non adeo periculosa sunt.
16. *Alui* autem *adstrictio* hic æque ac in petechialibus purpuratis nocentissima est, &, præcipue in statu, deliria, comata, conuulsiones, inducit.



## VII. METHODVS MEDENDI ET REMEDIA.

## A. Methodus generalis.

1. Vitium *lymphæ*, in muco & tenacitate consistens, est corrigendum. Resoluunt lentorem
  - 1) *Radices* catarrhales, alexipharmaco-diuretici, præcipue rad. pimpin. alb. vincetox. ari, helenii, imperator. angelic.
  - 2) *Essentia* alexipharm. e.g. *Stahl*i, tinct. entimon. tartari.
  - 3) *Salia colliquantia* digestiua, e.g. arcan. duplicat. tartar. vitriolat. nitrum antimoniatum.
2. Motus febriles secretorii & excretorii eundem finem respicientes, prudente ratione sunt adiuuandi; cui scopo antifebrilia temperata, e.g. essent. alexipharm. *Stahl*i, mixtura simplex, pulvis bezoardicus ex nitro, antimon. diaphoret. oculis cancri, acido citri saturatis, & sale digestiuo, satis faciunt.
3. Tussis sicca tuto est mitiganda; in quem finem conducunt
  - 1) antifebrilia, modo commendata.
  - 2) Liquiritia cocta, sirup. violarum, de erysimo *Lobelii*.
  - 3) Emulsio ex amygdal. vel semin. card. bened. mariæ, parata.
  - 4) Mucilago hordei, auenæ.
  - 5) Oleum amygdalarum.
  - 6) Trochisci beccihici.
4. Aluus semper aperta est seruanda
  - 1) per diætam liquidam ex prunis, passulis, pomis.
  - 2) Per potum sufficientem, tepidum, ex infusis thée, veronic. tussilag. teucr. ver.
  - 3) Per clysteres emollientes cum stimulo salino.
  - 4) Per pilulas *Stahlianas* vel *Beccherianas*, mane exhibendas.

## B. Methodus specialis.

1. Mane propinetur essent. alexipharmac. *Stahl*i ad gutt. XXX. cum lenissimo regimine.
2. Per diem autem vsque ad tempus paroxysmi pulvis quidam bezoardicus bis vel ter ad scrupul. I. exhibeatur. e.g.  
Recip.















Recip. nitr. depurat.

tartar. vitriolat.

antimon. diaphoret.

ocul. cancer. acido citri saturat. ana drachm.

I. M

3. Durante paroxysmo potiones tepidæ, & qualescumque congruæ humectationes porrigantur.
4. Quam primum æstus remittit, & mador in decumbente obseruatur, discussio diapnoica promoueatur,
  - 1) vel per dosin essent. alexipharmac.
  - 2) vel per potiones diapnoicas ex aquis scord. card. bened. flor. sambuc. galeg. cum antimon. diaphoret. & aliquo absorbente, paratas.
5. Ad *tussim* validam mitigandam exhibeatur versus illud tempus, quo maxime adfligit, emulsio quædam ex sem. card. benedicti, mariæ, cum aquis discutientibus & pectoralibus, præcipue hyssopi, parata.
6. In obstipatione *alui* vel clysteres, vel pilul. *Stahlianæ* audacter adhibeantur.
7. *Diarrhææ* autem quando accedunt, tartarus vitriolatus expulvere, supra descripto, remoueatur, & crySTALLUS montana præparata substituatur.
8. Hæc methodus per quatuordecim dies continuetur, quia mitior hæc febris, nec breui adeo periodo finitur.
9. Quando *grauedo* huic feбри iuncta est, externa quoque adhibere conuenit ad euacuationem per coryzam promovendam: vbi egregie conducit spiritus salis ammoniac. interdum naribus admotus. *Vid. tab. de coryza.*
10. Si alia adhuc accedant symptomata, e. g. angina, peripneumonia, aphthæ &c. methodus horum malorum specialis simul in vsum trahatur.
11. In lentam febrem quando deflectit, essentia alexipharmaca ad reuocandos motus febriles sufficientes, & materiam eliminandam aliquoties per diem, versus noctem autem pulvis digestius propinetur. *Vid. caut. 4.*



## VIII. CAUTELÆ ET OBSERVATIONES PRACTICÆ.

1. Febris catarrhalis, vti successum habet placidum, ita omnis medicatio huic indoli debet esse conueniens. Hinc optima est methodus illa, quæ excretiones diuretico-diaphoreticas *lenibus* successibus promouet.
2. Omnes autem *commotiones* inconsideratæ euitandæ sunt, maiores enim ad interiora repressiones, inflammationes acres, erysipelaceas, generant, & febrem in se benignam, periculofam reddunt.
3. *Regimen* semper sit tepidum, cauendo a *refrigeratione*, quando enim transpiratio & sudores supprimuntur, lentæ & hecticæ febres inde emergunt.
4. Quæ lentæ & hecticæ, si insequantur, ter per diem, sed sine regimine, propinetur essentia alexipharmaca ex rad. pimpin. alb. helen. ari, imperat. parata, quæ interposito versus noctem puluere abstergente, ad recuperandam breui integritatem, egregie conducit.
5. *Expectorantium* abusum in catarrho pectorali excipiunt sæpe dispositiones phthisicæ, vlcerosæ.
6. Idem de *refrigerantibus* est sentiendum.
7. Alexipharmaca, si, impetu senescente, *copiose* propinantur, febrem reuocant: vnde sufficiunt diaphoretica fixa, cum abstergentibus sociata, vsus denique vini modicus, & laxatio per mercurium dulcem. *Confer. num 22.*
8. In catarrho *chronico*, non adeo æstuoso, sufficit *laxatio* per pilulas *Beccheri*, cum mercurio dulci & extracto panchymag. *Crollii* sociatas, coniunctis discutientibus, præcipue essent. succin. lignorum.
9. Et sic *succinata* & *ligna antiuenernea* in catarrhis quidem simplicibus conueniunt, minime autem in febribus, catarrhis superuenientibus.
10. A calidis *diaphoreticis* valde sibi temperandum est, ne quidquam hic cum impetu agitetur, conf. num. 1. & 2. sed vnice assiduis & moderatis transpirationibus insistatur, aut tenuior substantia acris tardius exhalando dissipetur.
11. Hæc cautela tanto magis notanda est, quia sudorifera sub  
præ-









prætextu illo specioso, *venenata* nempe *malignitatis de corde propellendæ*, passim commendantur.

12. Huc etiam pertinet peruersa illa & rationi contraria methodus, quæ materiam ex interioribus ad exteriora propellere docet: nam materia, ex infarctu aliquo semel resoluta, ita mutatur, vt ineptior sit ad nouum talem infarctum in exterioribus, e.g. in parotidibus, formandum.
13. Quod si tamen glandulosi tales tumores post has febres turbatas vel neglectas remaneant, essent. pimpin. albæ, cum interposita leni laxatione, eximie se gerit.
14. Aquæ diapnoicæ quando adhibentur, remouenda est aqua *fumaria*.
15. *Pulueres nitrosi* non tantum ante & versus paroxysmum, sed etiam in feruidiore illius æstu locum habent, & longe post se relinquunt pulueres Pannonic. Marchion. &c. in infantibus etiam egregium edunt effectum.
16. *Nitrum* incrassat materiam catarrhalem subtilem, & in rheumaticis recessionibus, quando perite adhibetur, tantæ est efficacix, vt illo etiam solo grauiora ab illis inducta damna restingui possint.
17. Ad æstus mitigationem *nitrum* etiam in potu exhiberi potest: hac enim ratione ipsum potum corrigit, & non adeo insigniter, sed lenius & tolerabilius ægrum adficit.
18. *Adstrictio alui* catarrhum & febrem auget, & sic per totum morbi decursum apertam illam seruare maxime necessarium est: irritare autem eandem tanto minus convenit, quanto acrior est catarrhus.
19. In minus vero acribus fluxionibus & febribus, in primis vbi adfluxus grauedinosus seu becchicus incommoda notabiliter adfert, ibi egregie conducit, materiam præparatam leni laxatione subducere.
20. *Salia volatilia* hic euitanda, in sensibilibus & teneris prorsus abominanda sunt, quia materiam catarrhalem acrem vehementius commouent, & inflammationes facile inferunt.



21. *Emulsio* ex semine *cardui mariae* hic, quando *tussis* nimium adfligit, præ ceteris conuenit, quæ non modo egregie temperat, sed & inflammationes metuendas præcauet, & ipsas iam præsentēs ad modum mitigat.
22. *Essentia alexipharmaca Stahlī* seroso-mucidam materiam non solum incidit & attenuat, sed & diapnoicam exserit efficaciam, & sic, prudenter adhibita, medicationi huius febris commodissime satis facit.
23. Post febris decursum non indulgeat conualescens securitati, sed aëri cum circumspectione adsuescat, & per octo adhuc dies *essentia alexipharmaca* utatur: hac enim ratione, experientia teste, vires eo citius restaurantur.
24. Denique notandum adhuc est, quod sanæ rationi repugnet, febrem catarrhalem ibi arguere velle, ubi neque *tussis*, neque *grauedo*, neque *raucedo*, neque *pneumonia*, neque *erysipelaceum* quidquam se se manifestat.



## TABVLA LXIX.

DE

## FEBRE LENTA.

## I. DEFINITIO.

Febris lenta est auctior motus sanguinis, quo principium vitale infarctum quemdam, vel stasim circa viscus aliquod vitale hærentem, discutere, & imminentem huic visceri læsionem auertere & præcauere intendit.


## II. DIFFERENTIA.

Febris *lenta* differt a febre *hectica*

I. Ratione *originis*, nam

- 1) Febres *lente* degenerant ex febribus *diariis*, *synochis*, aut quotidianis continuis, mala methodo tractatis;  
item









item ex febris intercurrentibus, sed valde æstuosis, duplicatis, per adstringentia suppressis.

2) Febris autem *hectica*, excipit vomicas, empyemata & inflammationes viscerum apostematodes.

2. Ratione *causæ continentis*.

1) In *lenta* febre nondum præsto est vera visceris læsio, sed constitutio tantum ad illam proxime inferendam.

2) In febre autem *hectica* semper adest vel scirrhus contumax, vel apostema, vel vlcus siue simplex, siue fistulosum.

3. Ratione *finis*.

1) In febre *lenta* natura per motus febriles labem visceris imminentem & metuendam auertere, & præcauere adlaborat: in *hectica* autem principium vitale læsionem iam inductam corrigere, quamuis plurimum frustra, intendit.

4. Ratione *symptomatum*.

1) In *lenta* omnia symptomata sunt mitiora, in *hectica* febre acerbiora.

2) *Lenta* numquam tanta vehementia occurrit, vt languentem lecto diu adfixum detineat, sed in dies mitior succedere solet: in *hectica* autem contrarium obseruatur.

3) *Lenta* (excepta illa, quæ adstringentibus successit) pro-na est ad largissimas sudationes: *hectica* autem, nisi fere consummata sit, aut sub ineptis artificiis erret, arido tantum & mordaci calore manifesta est.

4) *Lenta* tenuia tantum habet excrementa, pauco muco conspicua: *hectica* autem consummata diarrhœis, exitum accelerantibus, se se manifestat.

5. Ratione *prognoseos & exitus*.

1) *Lenta* adhibitis congruis remediis paulatim, *hectica* vero ad modum difficulter aut plane non curari potest,

2) *Lenta* in aliud schema facile transit, nempe vel in febrem illam, ex qua originem petiit, vel in *hecticam* ipsam, *hectica* autem nullum agnoscit μετασχηματισμόν.

Bb bb

3) Len-



- 3) Lenta redit vel sponte sua ad tranquillitatem, & sæpius, salutariter exit: hectica autem vix umquam.

### III. SIGNA.

1. Calor præternaturalis, non ad modum quidem sensibilis, ægro tamen satis molestus.
2. Siticulosa oris siccitas.
3. Adpetitus & virium amissio; si autem aliquid adpetunt, sunt magis alimenta frigida, quam calida.
4. Color pallidus cum genarum rubore, aut pallido circuitu concluso.
5. Corporis extenuatio.
6. Sudor largior, in primis sub somno.
7. Somnus est turbulentus.
8. Capitis vertiginosa afflictio.
9. Urina copiosa, post emissionem rutila, crassa, turbida, sedimentum accipit roseum, liquore claro superstante.
10. Aluus est inordinata, modo liquida, modo sicca.
11. Pulsus est celer, sed debilis.

### IV. SVBIECTA.

1. Homines calidioris genii & plethorici, qui in ephemera, vel synocha, per calidiora tractantur.
2. Qui febre aliqua continua aut composita, vel intermittente valde æstuosa, laborarunt, & vel per impatientiam, vel per incondita remedia diaphoresin suppresserunt.
3. Qui grauioribus hæmorrhagiis exhausti sunt.
4. Hæmorrhoidum anomaliis laborantes.
5. Qui adsuetas sanguinis ventilationes prætermisere.
6. Quibus vlcera vel scabies retropulsa.

### V. CAUSÆ.

1. Causa *materialis*, *continens* & *proxima* est infarctus alicuius visceris vitalis, vel stasis circa illud collecta.
2. Causa *efficiens* huius febris est principium vitale, quod per motum talem auctiorem materiam impactam resolueret, & hac ratione imminentem læsionem præoccupare intendit.

3. Caus-









3. *Causas antecedentes & occasionales sub differentia & subiectis iam indicauimus.*

## VI. PROGNOSIS.

1. Febris lenta, ex intermittente legitima, seu composita, recens nata, si in intermittentem, cum primis simplicem, iterum transit, minus periculosa est.
2. Febris lenta uti lentam pro fundamento habet materiam, quæ præcipitem noxam haud infert, dum ad euacuationem iam aliquo modo præparata est, ita natura typum acutum in lentum transmutat, & Medico indicat, quod eadem lenta via incedere debeat. Quando autem in salutaribus suis excretionibus impeditur, tum vel priorem typum acutum repræsentat, vel si materia viscera quædam teneriora iam adfecit, in hecticam delabitur.
3. Quæ lenta in lento typo diu continuat, vel in statum transit acutum, periculosior reperitur.
4. Transitus autem in hecticam maxime anceps est, quando scilicet appetitus redire videtur, reliqua tamen symptomata persistunt; præcipue autem, si tussis sicca & respiratio laboriosa vrgeat, vel in vnum aut alterum latus fiat decubitus, & sensibilis grauitas in hypochondrio dextro persentiscatur.
5. Quo magis calor aridus, corporis extenuatio cum siccitate & virium decremento increbescunt, eo propior ad hecticam est gradus.
6. Oriuntur non numquam ex suppressa diaphoresi phlegmonodeæ quædam translationes ad partes externas.

## VII. METHODVS MEDENDI ET REMEDIA.

### 1. *Methodus generalis.*

- 1) Stagnatio seu stasis circa viscus aliquod vitale collecta, est discutienda. Faciunt hoc
  - a) Vegetabilia resoluentia, nempe.
    - α) *Radices* helen. pimpinell. alb. vincetox. & reliquæ alexipharmacæ temperatæ
    - β) *Herbæ* bellid. min. heder. terrestr. chærefol. vrtic.

Bb bb 2

vero-



veronic. scord. tempore maxime verno in substantia aut succo propinata.

b) Salina colliquantia, e.g. tartar. vitriolat. arcan. duplicat. nitr. antimoniat. solut. conch.

2) Saburra viscida, a febre intermittente relicta, est incidenda; quod præstant

a) Penetrantiora amara, nempe extract. centaur. min. card. bened. absinth. fumar.

b) Gummi-resinæ, e.g. gummi ammoniac. hederæ, galbanum &c.

c) Tonus primarum viarum & viscerum est restituendus. Laudantur in hunc finem

α) Martialia leniora, e.g. tinct. martis aperitiua *Loudouici*.

β) Stomachica carminatiua: rad. ari, zedoar. galang. cichor. caryophyllat. herb. absinth. centaur. min. card. bened. tanacet. quæ etiam ad petentiam cibi resuscitant.

γ) Vires sunt reficiendæ per analeptica ex emulsiuis, vino extraneo medice sumto, pane saccharino amygdalato, vulgo *Macronen*, fructibus conditis, cibis eupeptis.

δ) Sudores colliquatiui modeste sunt refrenandi; quod gemmata, legitime usurpata, præstant, e.g. species de hyacinth. corallata cum nitro, item *MP. de cynogl.*

ε) Alius semper aperta est seruanda, partim per infusa leniter laxantia, partim per pilulas *Stahlianas* vel *Beccherianas*.

## 2. *Methodus specialis.*

Hæc variat secundum causas, quibus febris lenta originem debet.

I. Quando ex acuta quadam periodo febris lenta exorta est, tum ad visceris infarctum discutiendum sequentiâ adhibeantur:

1) Ante meridiem essent. alexipharm. *Stahl* aliquoties ad gutt. 25-30. sed sine regimine propinetur. 2)















- 2) Post meridiem pulvis absorbens salino-digestivus bis exhibeatur; cui alternis diebus, pro æstus moderatione nitrum admisceatur, e.g.

Recip. tart. vitriolat.

antimon. diaphoret.

oc. cancr. acid. citr. saturat. ana. vnc. semis. M. dos. scrup. i.

Vel: Recip. arcan. duplic.

nitr. depurat. ana. drach. III.

antimon. diaphoret.

solut. conch. ana drach. ij. M.

- 3) His interponantur subinde lenissima laxantia, e.g. pilulæ *Beccheri* vel *Stahlii*.

2. Si febris lenta ex intermittente quadam subnata sit, felicius curari non potest, quam per intermittentis reuocationem, cui scopo inferuiunt

- 1) Pilulæ *Beccheri* vel *Stahlii*.

- 2) Spiritus salis armoniaci, si *Ettmüllero* fides habenda est.

- 3) Sequens formula, quæ etiam in lenta ex acuta quadam degenerata, usui esse potest.

Recip. Rad. vincetox.

enul.

pimp. alb. ana drach. ij.

Herb. fumar.

capill. vener.

cuscut.

summit. cent. min. ana manip. semis.

flor. schoenanth.

stoechad. Arab. ana pug. iij.

cort. aurant. vnc. semis.

fol. fennæ vnc. j.

fibr. helleb. nigr.

rhabarb. orient. ana drach. ij.

Incis. contus. fiant species pro nodulo cum vino

aduso extrahendæ.

3. Deinde reuocata febris intermittens tractatur, uti suo loco indicatum est.

Bb bb 3

4) V-



4. Vbi autem lenta grauioribus hæmorrhagiis successit, ibi methodus analeptica & humectans requiritur, e.g.
  - 1) Decocta gelatinosa C.C. cum rad. cichor. scorzon. veronic. scord.
  - 2) Veterum quinque radices aperientes cum sero lactis coctæ.
  - 3) Externe balnea, ex aqua dulci parata, & pro tolerantia ægrorum gradatim vsurpata.
5. Tonum roborantia non numquam interponantur, e.g. tinct. martis aperitiua *Ludouici*, quæ etiam languentem appetitum reuocat.
6. Sudoribus colliquatiuis moderate opponantur absorbentia, corallata & gemmata, e.g.

Recip. matr. perlar. drach. j

nitr. depurat. drach. semis.

spec. de hyacinth. gran. XV.

M. P. de cynogl. gran iij.

M. d. in 5. part. æqv.

#### VIII. CAUTELAE ET OBSERVATIONES PRACTICAE.

*Venæ sectio* in febre lenta nullius fere vsus est; in hysterica-  
rum tamen lenta, cum mensium vitiis complicata, item  
si in pléthoricis lenta ephemera successerit, prudenter  
instituta, leuamen adferre solet.

2. Nec *emetica* profunt; excepto illo casu, vbi lenta in robu-  
stis biliosam anxiam cardialgiam producit.
3. Vitandæ quoque sunt *sudationes* & *purgationes*, quibus len-  
ta facile in febrem continuam, præcipue viscerum in-  
flammatoriam, præcipitatur.
4. *Sudores* autem *spontanei* non statim supprimendi, alias de-  
bilitas augetur, sed declinante morbo, lenioribus reme-  
diis, sub methodo speciali commendatis, moderandi  
sunt.
5. *Calidorum*, *antihecticorum*, *traumaticorum* & *adstringentium*  
abusus transitum huius febris in hecticam promouet, a  
*refrigerantibus* autem tumores œdematosi subnascuntur.
6. *Salia volatilia* non minoris sunt periculi.

7. Fe-









7. Febres lentæ, ex febribus ephemeris pullulantes, sæpius quam vulgo creditur, occurrunt; licet ab auctoribus pro dignitate non obseruentur.
8. Lentæ lentam exposcunt medelam: hinc medicamentis per 14. circiter dies continuandum est.
9. Concurrente alui fluxu, minime ille suppressendus est, sed conducunt in hoc casu absorbentia vel simplicia vel cum acidis & nitro maritata, item ess. pimp. alb. gentian. rubr. ari. Quando autem excedere videtur, abhiberi possunt corall. rubr. præparat. cort. cascarill.
10. Si febris lenta *hæmorrhagiis suppressis* originem debet, earum reuocatio respiciatur; quando autem a prægressis *nimiis hæmorrhagiis* orta est, temperantia & lenia diaphoretica exhibeantur.



## TABVLA LXX.

DE

## FEBRE HECTICA.

## I. DEFINITIO.

Febris hectica est auctior motus sanguinis, perpetuæ absterfioni labis alicuius vlcerosæ, in viscere quodam vitali, a natura destinatus. Deriuatur ab *ἥξις*, habitus.

## II. DIFFERENTIA.

Hectica differt

## 1. Ratione graduum:

1) *Mitior gradus* vix sensibilem exhibet molestiam, & solo titulo *debilioris constitutionis* subinde regitur. Germani dicunt: *fränkliche, hinsällige Personen, welche nichts vertragen können.* Et quoniam sub hac constitutione per decem & plures annos hectici viuere possunt, non immerito a quibusdam *hectica chronica*, vocatur.

2) *Elatior gradus* omnia quidem signa, quæ inferius indicata



cata sunt, in tali vigore exhibet, vt manifesto ægri intelligantur, maximam tamen partem extra lectum viuere possint. Germani exprimunt: Der Patient gehet herum, will sich nicht gerne ergeben, sondern hält sich mit aller Macht in der Höhe. Hoc gradu eminent pallor faciei, flaccida, immo tabida extenuatio, appetitus & digestionis vitia, ac excretionum detrimenta. In tali statu per aliquot adhuc annos æger subsistere potest, & hæc hectica *κατ' ἐξοχήν* *habituális* nomine venit.

- 3) *Vltimus gradus* magnam exacerbationem symptomatum inuoluit, in lectum tabidos coniicit, & febriles commotiones cum siti, siccitate oris, agrypnia, anorexia, debilitate & consumptione corporis, ac summo languore, ita auget, vt diu in hoc statu durare non possint.
- 4) Obseruandum autem est, quod hic ordo non in omnibus indiuiduis nobis obueniatur. Natura enim, pro diuersa læsionis conditione, modo lente & gradatim, modo cum festinatione noxæ materiali se opponit.
2. *Ratione visceris læsi*; quæ quidem diagnosi difficilis est, nisi sensus & morbi prægressi aliquid designent: ita
  - 1) *Pulmonum* exulceratio dignoscitur, si prædicta morbi acidis, motu corporis, succedente languore, coniunctis liuidis oculis, volaticis ardoribus, cum rubore genarum, item quando tussis augetur post profundam aëris inspirationem. *Conf. tab. de phthisi.*
  - 2) *Hepatis vitium* indicatur per tussim siccam, colorem faciei liuidum, hypochondrii dextritensionem.
  - 3) *Lienis* ulcerosa corruptio diiudicatur ex anxietatibus hypochondriacis.
  - 4) *Renum* læsio dignoscitur ex prægressa nephritide, item ex magna quantitate tenacissimi ex vrina mucii, anguillarum mucositate sua vix cedentis.









5) *Partium genitalium* læsiones dignoscuntur ex prægressis pathematibus venereis, exulcerationibus, gonorrhœa maligna, quæ debitæ methodo cedere recusarunt, sed potius debilitatem cum tabe corporis reliquerunt.

3. *Hæctica febris* quo modo differat a *lenta*, præcedente tabula fufius indicauimus.

### III. SIGNA.

1. *Diurnitas typi*.
2. *Calor* perpetuus aridus, qui præsertim post pastum in manibus præualefcit.
3. *Pulsus* debilis, & paruus, frequens & celer.
4. *Vrina* crassa, aurantii coloris, sedimenti rosei, cum cuticula nitida, pingui & odore graueolente.
5. *Adpetitus* languidus ad frigida propensior.
6. *Sitis* licet, haud adeo magna, tamen pene continua cum oris siccitate & *salina* spumida, aut plane glutinosa.
7. *Somnus* vel nullus vel inconstans: delassans magis quam reficiens.
8. *Extenuatio* corporis in dies increfcens.
9. *Virium* facilis confumtio.
10. *Animi* fastidium & languor.
11. In hæctica abdominali obseruatur *sensus* alicuius ponderis in alterutro hypochondrio.
12. *Sensibilitas* specialis & exacerbatio circa tempestatum mutationes, præsertim vero anni conuerfiones æquinoctiales & solstitiales.
13. *Caput* vertiginosum, & quasi temulentum, quando eleuare sese volunt ægri.
14. *Sudores* in malo prouectiore succedunt colliquatiui, cum virium summa amissione.
15. *Diarrhææ* tandem sub *facie Hippocratica* hanc scenam claudunt, cui aliquando defluuium capillitum & hæmorrhoides modo copiosæ modo cæcæ iunguntur.
16. *Tussis* semper & perpetuo ad hæcticam non pertinet, sed potius effectus est causæ alicuius, cum hæctica coniunctæ.



## IV. SVBIECTA.

Hecticæ potissimum obnoxii sunt homines:

1. Sicciores, teneri, diætæ calidæ, vinosæ, aromaticæ, animi pathematibus addicti.
2. Qui nimis curis, vigiliis, venere, abusu spiritus vini, inedia diuturna, fortioribus purgantibus, vires consumferunt.
3. In primis vero, qui euacuationes sanguinis consuetas vel intermiserunt, vel inconditis medicationibus suppresserunt.
4. Vel qui hæmorrhagiis nimis exhausti sunt, in quibus deinde viscera justo arctius constringuntur.
5. Maxime vero qui in febribus, siue intermittentibus, siue acutis præpostere sunt tractati.

## V. CAVSSAE.

1. Causa *materialis proxima* hecticæ est læsio visceris alicuius vitalis, siue sit vlcerus, siue apostema, siue contumax scirrhus. *Conf. differentia.*
2. Causa *efficiens* est principium agens, quod per motus febriles labem illam vlcerosam perpetuo abstergere, & hac ratione præcipitem visceris corruptionem, a corrumpente illa materia expectandam, auertere intendit.
3. Causas *antecedentes & occasionales* in descriptione subiectorum iam indicauimus.

## VI. PROGNOISIS.

1. Veram & confirmatam hecticam curare velle, frustraneum est: læsio enim visceris vlcerosa, cui abstergendæ febris hectica perpetuo opponitur, in integrum restitui non potest, quod contra vanas pollicitationes probe observandum.
2. Methodo autem prouida symptomata mitigare, præualefcentem exulcerationem ac tabem temperare, & fatalem exitum quodammodo differre, vniuersum est, quod a Medico hic potest desiderari. Hecticæ enim febres, vlcerationum internarum comites, quam diu tranquille pro-









procedunt, possunt quidem occupare repentinas & prævalidas exacerbationes & grassationes, præcipue inflammatorias, vlceri tamen, *qua tali*, nihil detrahunt, & licet ipsi non noceant, certissime etiam nihil commodi adferunt.

3. Illa in primis hectica, quæ dysenterix & aliis acutis supervenit, mali ominis censenda est; non minus etiam illa, quæ hæmorrhagias sequitur.
4. In iunioribus febris hæc citius depascit, quam in adultis. Hinc anni periculosiores sunt a decimo octauo ad tricesimum quintum. Qui post ea hectici fiunt, chronice plerumque hoc morbo laborant. *Conf. Hippocrat. aphorism. IX. sect. V.*
5. Temporum mutationes hecticis sunt periculosæ, e. g. solstitia, æquinoctia, in primis autumnale; item anni *climacterici*.
6. Hinc hectici, qui circa æquinoctium vernale ab hoc morbo in lectum coniiciuntur, circa æquinoctium autumnale sæpius intereunt; & qui solstitiali tempore in hecticam incidunt, altero solstitio fere moriuntur.
7. Hectici si, consumtis iam viribus, sanguinem hæmorrhoidalem deiiciant, conclamatum est; quando autem hæc hæmorrhagix species sub initium hecticæ contingit, tum stases, nuper factæ, per eandem dissoluntur.
8. Ultima huius morbi tragoedia exit in motus tonici debilitates, partium tam internarum, quam externarum.
  - 1) *Internæ* debilitates tonicæ manifestant se per diarrhœam non solum spontaneam, sed etiam cum magno conatu obtingere solitam. *Conf. Hippocrat. aphorism. XII. sect. V.*
  - 2) *Externæ* autem relaxationes produnt se per magnam lassitudinem, defluuium capillorum, spontaneum sudorem, qui, poris externi ambitus laxatis, passivè quasi elabitur, & quidem lymphatico-glutinosus.

## VII. METHODVS MEDENDI ET REMEDIA.

### A. Methodus generalis.



1. Sordes mucosæ tenaces in primis viis collectæ, per salia media, e. g. tartar. vitriolat. arcan. duplicat sunt incidendæ, & alius per rhabarb. mann. passul. mercur. dulc. clysteres leniter est soluenda.
2. Acrimonia materiæ vlcerosæ est obtundenda, diluenda, temperanda & abstergenda; cui scopo inserviunt:
  - 1) *Absorbentia* marina, cum acido citri saturata; conchæ, mater perlarum, oculi cancri, immo etiam corallia, &, sano vsu, osteocolla
  - 2) *Ex radicibus* præcipue pimpinell. alb. vincetox. cichor. taraxic. helen. moderate abstergunt & discutiunt.
  - 3) *Decocta gelatinosa* & alia diluentia, e. g. decoctum C. C. cum radice cichorii, & floribus bellid. cremor hordei, auenæ, ptisanæ cum herba bellidis, serum lactis cum bellide vel radice cichorii.
3. Nimia humorum per vlcerata loca commotio est auertenda; quod per venæ sectiones æquinoctiales, scarificationes in adluetis, extra tempus exacerbationis in pedibus institutas, obtinetur.
4. Tonus post aliquam orthostadium est roborandus, in quem finem laudantur:
  - 1) *Mixtura tonico-neruina Stahliani*, ex sale quodam volatili & tinctura alcalica parata, e. g. spiritus C. C. & tinct. antimonii ana remixt
  - 2) *Corallia* cum antimonio diaphoretico, vel bezoardico minerali.
  - 3) *Traumatica lenia*, & quidem in vitio hepatis, hederæ terrestres, in hectica lienis, virga aurea, hypericon, pyrola, fanicula.
5. *Symptomata* sunt mitiganda.
  - 1) *Diarrhæas* & *sudores* moderantur absorbentia, coralliata, species de hyacintho & gemmata.
  - 2) *Tussim* refrenat massa pilular. de cynoglossa, pectoralem specificè sedat extractum tabaci, legitime præparatum.
  - 3) *Aestum* febrilem temperant emulsiones amygdalatæ, sacchara-















charatæ, succus citri, clyſſus antimonii, decoctum auenaceum pro potu ſumendum, & denique nitrum, cum circumſpectione uſurpatum, *vid. cautela.*

- 4) *Tabi* ſuccurrunt diæta nutriens ex potu emulſiuo, cibis gelatinofis, gelatina C. C. lacticiiniis, ptifanis cum tragacanth.

B. *Methodus ſpecialis.*

I. *Tempore exacerbationis.*

- 1) Mane exhibeatur moderata doſis eſſent. alexipharmacæ, de eſſentia pimpinellæ & ſcordii plurimum continentis.

- 2) Poſt meridiem aliquoties propinetur puluis quidam abſtergens, præcipitans & diureticus, e. g.

Recip. tartar. vitriolat.

conch. acido citri vel tartari ſaturat, ana  
drachm. II.

M. doſ. ſcrup. I.

- 3) Vel loco pulueris detur potio aliquatē temperans, e. g.

Recip. aquæ plantaginis,  
ſcabioſæ,

ceraſorum nigrorum ana vnc. I.

cinnamomi ſine vino drach. II.

ocul. cancr. præparat.

antimon. diaphoret. ana drach. ſemis.

M. ſ. potio, cum ſaccharo perlato edulcoranda,  
& ſingulis ternis horis ad cochlear I.  
propinanda.

- 4) Sub horum uſu alius expedita ſeruetur, potus ſufficiens, temperatus & paruis hauſtibus ſumendus, iniungatur, corpusque, ubi fieri poteſt, modeſte moueatur, a ſolis autem calore æger defendatur.

2. *Tempore remiſſionis.*

- 1) Venæ ſectio in pede circa æquinoc̃tia inſtituatur, nec umquam facile prætermittatur.

- 2) In iunioribus loco venæ ſectionis temperantia ſubſtituantur, e. g. puluis quidam ex nitro, tartaro vi-



triolato, matre perlarum, coralliis rubris, vel potio temperans, superius descripta.

- 3) Ad robur viscerum bis per diem subinde propinetur tinctura tonico-neruina *Sthalii*. vel potio aliqua eiusdem efficaciae, e. g.

Recip. aq. rosarum,

cichorii, ana vnc. II.

extract. cascarillae scrup. II.

corall. præparat.

antimon. diaphoret. ana drach. semis.

fyrup. bellid. vnc. semis.

M. dof. ad cochlear. I. mane & vesperi propinanda

- 4) His in spem consolidandi interponatur mixtura balsamica, ex essent. succini & scordii ana remixta.
- 5) In diæta a crudis, calidis, aromaticis abstinenceatur. Conducunt autem emulsiones, iuscula pullorum, potus tenuis, & vbi vires adhuc constant, præ primis in hectica habituali, locum habere potest cura lactis.

### VIII. CAUTELÆ ET OBSERVATIONES PRACTICÆ.

1. Cum febris hecticæ scopus versetur circa perpetuam lenem absterforiam discussionem, deinde etiam circa euacuationem moderatam apopasmatum talium vlcerosorum, quam maxime hinc cauendum est ab omnibus *astuosis & balsamicis calidis*, sanguinem turgescentibus.
2. Hinc nec ad lenitiuam laxationem adhibere conuenit *acriâ resinosa*, præcipue *aloën*, vtpote sanguinem insigniter commouentem.
3. Idem sentiendum est de *balsamicis acrioribus*, quæ in spem *consolidationis* vulgo exhibentur.
4. Absorbentium *terreorum* nimius vsus nocet, nedum inepte præparatorum, e. g. C. C. philosophice præparat. lactis lunæ.
5. Magno ægrorum damno offeruntur absorbendi scopo *bolaria*, vti & *martialia*, quæ manifesta sua adstrictione abster.





Dr Lobb. in a Hectic & Phthisis. orders, Balsam.  
Lavin. 15 or 20 Drops night & Morning  
Misture w<sup>th</sup> Sal. Absinth. Sal Prunel. Tart  
Vitriol. Dosi refracta, Rad. Torment. Andir.  
Diaphoret. Coccin. Millepedes &c. Personal  
Piles in a following form—viz.

R. Rad. Pedoor. Flor. Chamam. a ʒj

R. Balsam. Tolut. a ʒij ad ʒj.

Lact. Sulphur. Coccin. Croc. Castor. Dosi

subtripla. Balsam. Peru. q<sup>tt</sup>. XX. ad XL

Pic. liquid. q. s. T. Pul. Medicines. quam

Cap. iv. semel Vel bis in die




absterfionem impediunt, infarctum obftipant, & anxietates augent.

6. Idem detrimentum inferunt alia *adstringentia* & vegetabilia *traumatica*, quæ vulgo propinari folent in confufione hecticæ abdominalis cum pectorali feu phthifi, licet & huic, præcipue antiquæ, certe noceant.
7. Similis efficaciam funt *salia volatilia*, copiofe & intempeftiue propinata, quorum moderatus & subordinatus vfus alias non reiicitur.
8. Famofum eft *antihecticum Poterii*, fed nullius boni effectus: eft enim calx adstringentia, ex qua vix drastica corrofiua quidquam foluunt; nedum vt in corpore humano operæ pretium faciat.
9. Eiusdem furfuris eft *tinctura antiphthificalis Grammanni*, de qua fub *cautelis tabule de phthifi* plura diximus.
10. *Expectorantia* faburram humorum ad pectus inclinant, & hoc ipfo ftasibus & corruptioni incrementum adferunt. *Vid. tabul. de phthifi.*
11. *Absorbentia* marina per *acidum tartari* vel citri faturata, maiorem habent efficaciam abfterfuo diureticam, & præcipitant fimul acriores partes in massa fanguinea, quæ alias calorem augent.
12. *Nitrum* vlcerati, ni quidem internæ non prodeft, sobrius tamen & peritus illius vfus, cum abforbentibus coniunctus, aut illis subordinatus, neceffarius fere eft ad æftum febrilem mitigandum.
13. Aequalis humorum diftributio, non autem diaphoresis indicatur. Hinc *antimonium diaphoreticum* in hoc adfectu nihil prærogativæ habet, nec reliqua ex antimonio parata. Optandum alias, vt *Sylviana* antimonii diaphoretici commendatio ad vlcerationes internas experientia fatis faceret.
14. *Sudores* nimios & *diarræhas*, conclamati & funefti maligna figna, adstringentibus & iteratis anodynis adgredi, nihil aliud eft, quam mortem accelerare; moderari autem hæc excretiones, circumfpectæ artis eft. Cauendum autem



- autem, ne largior sudor, quo febris lenta ordinarie soluitur, cum hectico confundatur.
15. *Aër* humidus hecticis magis amicus est, quam siccus. Hinc veteres *navigationem* commendabant.
  16. Sic etiam omnes humectationes illis conueniunt quavis autem animi pathemata insigniter nocent.
  17. *Locorum mutatio*, ad modestam corporis succussationem obtinendam, non est spernenda, & *equitatio* a Sydenhamo laudata, tantum sane valebit, quantum *navigatio veterum in Ægyptum*,
  18. A medicatione *continua* abstinendum est, maxime si euphoria aliqua succedat. Simul ac autem noua exacerbatio recursum minatur, medicatio mature repetenda est, cum primis si periodus solstitialis aut æquinoctialis existat, quo tempore etiam diæta corporis & animi esse debet temperatissima, ne motus gliscentes prouocentur.
  19. Quo magis vero hectica ad ἀκμὴν peruenit, eo magis ab omni medicatione abstinendum, & exitus sub analepsi gelatinosa expectandus est.
  20. Cum his cautelis conferri merentur illæ, quæ *tabula de phthisi* indicatæ sunt.



## TABVLA LXXI.

DE

FEBRIBVS MALIGNIS

ET

EPIDEMICIS IN GENERE.

## I. DEFINITIO.

1. *Febres malignæ* sunt febres acutæ & contagiosæ, in quibus principium vitale subtilissimam quamdam materiam, quæ corpori nostro, repentinam perniciem minatur, motibus febrilibus, indoli materialis noxæ satis accommoda-



modatis, eliminare atque hac ratione præceps periculum auertere intendit.

2. *Febres epidemicæ* sunt itidem febres acutæ, plus vel minus malignæ & contagiosæ, in quibus natura agilissimam materiam, quæ tamquam causa communis plures eodem tempore homines infestat, motibus febrilibus ex corpore proscribere, & hoc modo corruptionem putridam præcauere adlaborat. Deriuatur ab ἐπι & δῆμος, populus.

## II. DIFFERENTIA.

1. Exigua quidem est differentia, quæ inter *malignas* & *epidemicas* intercedit, negandum autem non est, quod interdum epidemicæ, e. g. variolæ, morbilli, occurrant, in quibus malignitatem notabilem non possimus accusare, & malignæ non semper sint epidemicæ, id est, populariter grassantes.
2. Differunt malignæ malignitatis *gradu*, cuius respectu in *peste* summus est. Vnde febres pestilentes *permalignæ* dicuntur. Hunc excipit febris petechialis, castrensis, seu Hungarica. Mitioris gradus sunt febres catarrhales malignæ petechizantes, purpura, variolæ, morbilli, dysenteria.
3. Præter ea tempora & tempestates malignitatis adferunt notabilem differentiam. Notum enim est, quod hæc febres hoc anno maiorem, altero autem minorem edant stragem.
4. Porro malignæ febres sunt vel *simplices* vel *complicatæ*: modo enim cum peripneumonia, pleuritide, modo cum febribus intermittentibus &c. sunt coniunctæ.
5. Ceterum vt de malignitate rectius, quam vulgo fit, sentiamus, notandum est, quod febres malignæ adpellantur illæ, quæ ex propria sua indole & constanter malignæ sunt. Vnde ab aliis febribus, quæ per accidens tantum mali & periculosi moris obseruantur, bene distinguendæ sunt.

Dd dd

III. SIGNA.



III. *SIGNA.*

1. Insolita & repentina virium debilitatio sine causa manifesta.
2. Animi abiectio cum tacitis vel vagis anxietatibus & præmature mortis præfagium.
3. Sub initium morbi non raro lipothymia accedunt; nonnumquam etiam in incremento.
4. Adfunt commotiones febriles, si aliunde perturbationes excluduntur, satis moderatæ. Vnde neque vehementem calorem, neque pulsus insignem exagitationem offerunt, cuius potius frequentiam & celeritatem cum paruitate illius compensant.
5. Vacillatio mentis obliuiosa, vel vera deliria, cum agrypnia fere continua.
6. Insidiosa symptomatum dissimulatio.
7. Secretionum & excretionum internarum suspensio & retentio notabilis. Vnde alui stricturæ & urinæ exigua mutatio.
8. Breui temporis ambitu pleræq; absoluuntur, & breue hoc tempus in longe breuiore *opportunitates* inclusum est.
9. Intra hosce dies fomes febrilis vel ex toto corpore, vel ad minimum ex partibus nobilibus ad peripheriam expellitur.
10. Pleræque enim sunt exanthematicæ, hoc est, insignes quasdam eiectiones ad peripheriam corporis proferunt.
11. Propius accedunt ad indolem continentium quam continuarum. Vnde crisin strictè dictam non exhibent.
12. Quo minus negotium ad vota succedit, eo facilius motus conuulsiui superueniunt.
13. Ceterum epidemicæ sunt vere contagiosæ, & plures homines vno fere modo & iisdem plane symptomatibus infestant.

IV. *SUBIECTA.*

1. Quamuis malignæ & epidemicæ nulli facile homini participant, præ aliis tamen occupant plethoricos, sanguineos, timidos & speculabundos.

2. Pur-









2. Purpura alba *puerperis* in hisce regionibus familiarior, quam aliis, obseruatur.
3. Variolæ & morbilli infantibus magis eueniunt. Plura videantur tabulis specialibus.

## V. CAUSSAE.

1. Causa *materialis* est materia longe tenuissima, mole paucissima, agilitate potentissima. Vnde inuisibilis halitus forma de corpore in corpus transferri, atque præsentissimos & latissime grassantes pessimos effectus indolæ suæ fermentescente putrida producere potest.
2. Causa *efficiens* est principium vitale, quod repentinum hoc periculum per motus quidem qualescumque febri-les auertere adlaborat; quoniam autem per materiæ pessimam indolem, inops quasi tempestiui consilii, in terrorem coniicitur, animum & vires facile abiicit, & multis motuum trepidationibus atque anomaliis sese opponit. Vnde negotium non raro infauste succedit.
3. Causas *occasionales externas* exhibent tabulæ specialiores.
4. Ceterum quod ad exanthemata attinet, nullum fundamentum habet adsertio illa, quod ex *corporali & mechanica necessitate* cuti impingantur, quia particula talem habeant figuram, quæ solius cutis poris quadret. Docet enim non raro tristis experientia, quod hæc materia, quæ multo labore ad cutim deducta fuerat, paucis momentis ad interiora recurrat. Hinc rationi magis consentaneum est, quod ipsa natura noxiam hanc materiam a nobilioribus partibus ad ignobiles, minus necessarias, robustiores & euacuationi aptiores exprimat. Vt paucis dicamus: veterum locutiones de propulsione materialium noxiarum ad partes ignobiles, plus habent veritatis, quam recentiorum figuræ pororum exquisitæ, ad captandas specificas materias in hac & non in alia parte efformatæ.

## VI. PROGNOSIS.

1. Quoniam causa materialis, quæ in malignis est, efficaciam habet, vt corruptionem putridam repente induce-



- re possit, sanæ rationi respondet, vt periodus februm malignarum brevis sit, & materia, quæ præcepit periculum minatur, satis mature eliminetur. Hinc febres hæ omnes periodum formant acutam, & nonnullæ peracutam, ita vt prior septem dierum ambitum, posterior autem dimidium tantum septenarium pro termino fatali agnoscat, intra quem vel ad mortem, vel ad salutem declinant. Licet enim catarrhales malignæ & variolæ ad finem secundi vsque septenarii sæpe se extendant, fit tamen hoc ob mitiorem in his malignitatis gradum. Reliquarum autem contagiosarum acutarum ἀκμῇ, seu vigor primum septenarium non transcedit, & si hoc tempore potior ad minimum caussa non superatur, summe ambigue & periculose cedunt.
2. Si intra primum septenarium conueniens *eccrisis* satis libere facta est, spem facit felici exitus. Quando autem languide & non sat largiter hæc successit, valde anceps lusus.
  3. Effectus corrumpens quando euitari plane non potest per plenissimam materiæ euacuationem, sub halitus forma obtinendam, tolerabilius est, corruptionem talem ad ignobiles partes externas ante deuolui, quam effectum suum noxium humoribus, vel ipsis adeo partibus nobilibus, & ad conseruationem vitæ directe pertinentibus, induxerit.
  4. Vnde non tantum variolæ & morbilli, tranquille in superficie efflorescentes, & efficaciam suam vlcerosam ibidem exferentes, saluberrime decedunt, sed & ipsa pestis, quæ carbunculos, vel ad minimum bubones, circa exteriores partes producit, spem salutis multo maiorem ostendit, quam si nihil harum rerum contingat, & solæ anxietates cum capitis grauissimis perturbationibus adsint.
  5. Quam quam enim & illi passim succumbant, qui carbunculos habent & bubones, fit tamen hoc vel ex eo, quod hæc exanthemata tardius eruperint, & ita totam materiæ labem non complectantur, vel quod corruptio illorum putrida velocissime facta sit, seque in humores late diffuderit.

6. Quæ















6. Quæ male cedunt malignæ, illæ inflammationes internas subtilissimas, acerrimas & corruptiones sphacelosas præcipites moliantur; id quod de peste præcipue notum est. - Ante enim, quam cadauera refrigerant, ita se exferit putrescendi energia; ut mox turgescant, liuescant, nigrescant, & deinde in tabum diffluant.
7. Ad calamitosum euentum non exiguum pondus adferunt:
- 1) Abundantia sanguinis commoti, præcipue, si dyscrasia concurrit.
  - 2) Læsiō visceris cuiusdam, quæ vix vñquam spem relinquit.
  - 3) Adfuetudo motuum peculiarium translatoriorum, v. g. hæmorrhagiarum, vomitionum, diarrhœarum, dolorum capitis rheumaticorum, pectoris infarctuum, faucium & aurium adfectuum.
  - 4) Indoles morbi fallax, quæ efficit, ut contagium mox non possit obseruari, neque maturo consilio superari.
8. Salutaris effectus non alia via sperandus est, quam sensim progrediente *secessione* noxiæ materiæ a reliqua humorum massa. Hæc contingit, dum sub motu progressiuo & adpulsu ad talia loca, quæ eius modi materiis aditum præbent, dilabitur, secedit & tandem penitus excedit.
9. Nullum autem in toto corpore diuerticulum, ad hanc secessionem admittendam, aptius est, quam *superficies*. Post hanc capacitas quidem *intestinarum* præ aliis idonea esset, periculo autem non vacat, si talis materia ad interiora viscera & intestina ducitur.
10. Petechiæ simpliciōres propria sua indole *sero* efflorescunt. Quæ vero mature, copiose & saturate adparent, illæ deterioris, vel plane pestilentis sunt indolis.
11. Carbunculi pestilentes, qui nimis cito & numero plures erumpunt, illi expertorum Practicorum testimonio sunt infames.
12. Animi trepidatio, sub initium accedens, boni non est præsagii.



13. Quo maior est virium lapsus, & symptomatum dissimulatio, eo grauius periculum est metuendum.
14. *Diarrhæe* moderate succedentes, non sunt noxiæ, & licet morbum non soluant, longe tamen tolerabiliore sunt, quam alui adstrictiones.
15. *Narium hæmorrhagiis*; extra dies iudicarios & criticos contingentibus, parum fidei habendum est. Quando deliria & aphthas adferunt, prælagii sunt pessimi, melioris autem, quando deliria prægressa minuunt, vel solvunt.

## VII. METHODVS MEDENDI ET REMEDIA.

1. Quem ad modum malignæ per se, extra specialia ab indiuiduis impedimenta moderatis, ordinatis & prouidis motibus progrediuntur, ita Medicus hunc eius genium ita ante oculos habeat, vt non tantum euitet methodum contrariam, præcipitem, turbulentam & exagitantem, sed & caueat, ne a symptomatibus illis, quæ per indiuiduorum malos mores inducuntur, in illum errorem prolatabatur, vt in his consulere velit, posthabito morbi primarii respectu.
2. Hinc primis diebus nulla remedia, præter pulueres absorbentes, cum antimonio diaphoretico & nitro propinentur, continentia tranquilla & tepida, quanta vniquam obtineri potest, respiciatur & iniungatur, omnes autem commotiones calidæ, expulsiuæ, & ex contrario refrigerationes euitentur.
3. Quando morbus ad *ἀκμὴν* peruenit, temperatissima alexipharmaca paucis & repetitis dosibus coniungantur, regimen autem sudoriferum excludatur. In non nullis, præcipue variolis, hæc alexipharmaca non sunt necessaria, immo ne quidem vtilia.
4. Analeptica temperata interponantur. *Conf. cautela.*
5. Ceterum, quia extra & ante periodum conuersio in melius non est speranda, Medicus *expectationem* non quidem otiosam, neque tamen etiam intempestiuæ negotiis occupatam sibi habeat commendatam, & energiam naturæ sub grauissimis etiam turbis firmissime credat.
6. Hæc









6. Hæc methodus simplicissima quid possit in morbis tam arduis & periculosis, experientia docēbit.

7. *Vomitus* promotionem placidissimam absolute quidem non reprobamus, pro vniuersali autem methodo illam non habemus. Per hanc enim crassam euacuationem nequaquam potest exantlari materia maligna halituosa, sed illa tantum, quæ forte in ventriculi cavitatē a fermentatiua efficacia in bilioso acidam acredinem conuersa est. Hinc vbi indicia huius in hoc vel illo indiuiduo adsunt, ibi modesta vomitio non contemnitur. Hæc autem de peste præcipue valent, in aliis enim malignis ipsi vomitoriorum patroni, *præter Apinum*, vomitum non facile commendant.

8. Quando febris periodum suam cum euphoria absoluit, caute se gerat patiens circa adpetitum & aërem frigidum. Hinc sensim aëri adsuescat & essentiam alexipharmacam continuet.

#### VIII. CAUTELAE ET OBSERVATIONES PRACTICAE.

1. Si vniquam alibi, certe in malignis conuenit animum diligenter aduertere ad duo hæc phænomena: videlicet primum, quid in hisce febribus fiat *sine artificiis*, & deinde quid effatu digni obtineatur in iis, qui *remedia* adhibent. Hac enim ratione vana atque friuola fiducia, quam in traditiones variorum remediorum vulgo collocant, in talem moderationem reducitur, vt methodum, quam Deus naturæ humanæ iniunxit, pro optima sapientia & maximo arcano habeamus, inanes autem persuasiones, quas de summa & indubia medicamentorum potestate imbibimus, hic deseramus.

2. Et quem ad modum *motus* febriles in hisce febribus a natura ita instruuntur, vt *materia indoli* quam maximè quadrent, ita cardo totius negotii in eo vertitur, vt methodum hanc naturalem sequamur, eandem promoueamus & iuueamus; illa autem commenta opinionum, quasi arte commodior methodus, quam naturalis est, instrui possit, exterminemus.

3. Hinc



3. Hinc materia peccans ad *peripheriam* corporis, non autem ad alium locum, est dirigenda. Atque hoc fieri debet per directiones assiduas quidem & nullo modo interruptas, attamen moderatas; breui quidem ambitu, sed non præcipiti impetu.
4. Sub hac opera opportunitates temporum seu momenta periodica exquisita, quæ *critica* dicuntur, sunt obseruanda. Hæc si obseruantur & natura non turbatur, materia peccans per excretiones periphericas, siue *simpliciter diapnoicas*, siue *exanthematicas* eliminantur, & optima spes est salutis.
5. Rationi consonum est, materiam hanc peccantem per nullam aliam viam commodius & felicius posse excerni, quam per *transpirationem*. Hac enim ratione *latius* dissipatur, & *vis unita*, quæ alias fortior est, infringitur.
6. Hinc tam contra rationem, quam experientiam inpingunt illi, qui materiam hanc halituosam crassis commouendi & euacuandi methodis adgrediuntur. Non minus absurdum est, materiam in humores late expansam & disseminatam, per *particularem* quamdam euacuationem cum periculo in vnum locum, e.g. in ventriculum & intestina colligere, & ibidem eliminare velle.
7. Est autem fallacia *non caussa vt caussa*, quando materiæ pestilenti primariam sedem in primis viis ex eo adsignant, quod superficies interna ventriculi & intestinorum *nigra* conspecta sit in corporibus, peste peremptis. Dubitandum enim est, num hæc constitutio sit vniuersalis: præter ea fieri potest, vt miasma vel per saliuam infectam & deglutitam in ventriculum incidat, vel ex massa sanguinea ad primas vias potius, quam ordine inuerso recedat.
8. Et licet verum esset, quod venenum contagiosum *primum aditum* per *ventriculum* inueniret, non ferret tamen materiæ illius conditio, per crassam methodum illam eliminare. Diu enim in cavitatem non fluctuaret, sed texturam altius penetraret, quam vt crudo vomitu posset exant-









antlari. Tacemus maxima illa detrimenta, quæ per vehementiam vomitus motibus vitalibus, qui in malignis solent esse moderati, inferuntur. Et cur non potius *alexipharmaca*? hac enim, si quid unquam ad venenum edomandum valent, hic certe valerent, vbi materiam pestilentem proxime attingere possent.


9. Hæc omnia, quem ad modum dubitare nos iubent, an materia contagiosa ventriculum sæpe obsideat, & vsum vomitoriorum, quem vulgo rationalem habent, exposcat: ita *effatum Hippocratis: exsoluta aluo, febris soluitur*, veritati simpliciter non respondere, nemo nescit Practicorum.
10. Reiecta methodo crassa euacuatoria emetica & cathartica, de *methodo correctoria* notamus, quod & hæc hoc loco minimam spem faciat: materiam enim malignam vti natura mouendo & excernendo vnice superare intendit, ita cauere sibi debet Medicus a vanis artificiis & corrigendi tentaminibus.
11. Itaque methodus restat *diaphoretica*, quæ ad salutarem progressum, decursum & exitum febrium malignarum contagiosarum præcipuum est momentum.
12. Notandum autem est, quod hic non minus excludantur fortes humorum commotiones per medicamenta calida & regimen coactum. Incondita enim illa persuasio, quod in violentis sudationibus & feruidis remediis vnicum veneni expellendi præsidium sit, maximam quouis tempore edidit stragem. Et quando sub prætextu exanthematum expellendorum sub initium admittuntur, sana deinde consilia atque remedia raro habent locum. Vnde in suscipienda exanthematum promotione quam maxime caueatur, ne quid intempestiue & præmatüre per inconsultam exstimulationem tentetur. Et sane quantum damni intemperatæ commotiones adferant in *febre purpurata miliari*, hic loci addiscere possumus.
13. Quem ad modum autem *festinatio* præmatūra euitanda & violenta methodus excludenda est; ita ex contrario



*cunctatio* negligens non debet admitti, multo minus tempestivus successus turbari.

14. Totum negotium ita vult administrari, ut *media via*, quæ vnice salutaris est, teneatur. Est autem hæc transpiratio liberrima, paullulum aucta, moderata madefactione conspicua, quantum vniquam fieri potest placidissima per longum tempus modeste & iugiter continuanda. Hanc promouet sufficiens potus tepide sumtus, pulueres febriles, sub methodo indicati, & temperatissima alexipharmaca, exiguis dosibus sumta, & post aliquot horarum interuallum repetita.
15. Non exigua autem est difficultas, quæ ex parte *agrorum* tranquillæ continentia & saluari febris successui sæpius obiicitur, quando vel sponte sine phantasia & voluntatis conscia concursu peruerse se gerunt, vel per immorigeram voluntatem varias anomalias inducunt, e.g. quando sanguinei motibus voluntariis, cholericis impetuosius, & sic utroque modo *moderamen* motuum vitalium transgrediuntur. Item quando priores anxia, posteriores importuna impatience diuturnas & continuas transpirationes respuunt, medicamina negligunt, potum frigidum extorquent, vel aliis modis immorigeros se gerunt.
16. *Alexipharmacorum* vera æstimatio bene distinguenda est a fallaci illorum prædicatione. Vti enim specifica rara sunt, ita reliqua, quorum effectus est remotior, ambiguus & fallax, exposcunt methodum circumspectam, non autem nudam empiriam.
17. Sic verbi gratia audacissima quidem est adsertio illa, quod *totus ceruus sit alexipharmacus*, cui vero venenorum generi vniquam vere quid subtraxerit, non constat.
18. Hoc tanto magis valet de *unicornu*: quem ad modum enim id, quod *verum* dicitur, in pharmacopoliis non reperitur, licet in formulis semper præscribi soleat, ita absolum est, *marino*, nedum *fossili* eandem efficaciam tribuere, quam vulgo *vero* adscribunt.









19. *Theriaca, mithridatum, philonium* & alia confusa magis, quam composita remedia, plus sane damni, quam auxilii adferunt. Hinc ad iusta Dei iudicia referendum videtur, quod falsæ de his remediis traditiones vniuerso fere terrarum orbi imposuerint.
20. Quod *venæ sectiones* in febribus malignis *curatorias* nullo modo probemus, *tabula chirurgica de venæ sectione* cum sufficientibus rationibus indicauimus. Hinc quando insignem plethoram in ægro quodam obseruamus, institui illa debet in principio principii.
21. *Opiatorum* abusus stupores, deliria, angustias & anxietates inducit, deinde sudationes frigida sequuntur, & has mors excipere solet.
22. Quem ad modum repentina & impetuosæ *diarrhææ* in peste & variolis periculum minantur, & neque per adstringentia; neque per fortes diaphoreticas commotiones, huic malo iuste consulitur, ita adseueramus, quod *pulvis corticis cascarilla* omnibus aliis præferri mereatur. Conducit etiam præcipue in *peripneumoniæ concursu*, non minus in circumstantiis illis, quæ *sedantia* exposcunt. Quum enim *narcotica* semper adferant stupidos, temulentos, turbulentos, caput grauantes & deliros effectus, hic cortex sine hisce damnis efficit, quidquid bonæ spei par est, & sedatio, quam adfert, e salubri qualitate proficiscitur. Quando autem anodynum effectum ille non exserit, alia soporifera effectum certe calamitosum introducent.
23. Rationi consentaneum est, quod in plerisque malignis, præcipue directe exanthematicis, *alius* plerumque *adstricta* sit, maxime tempore illo, quo exanthemata excluduntur. Quando enim partes interiores constrictæ sunt, tum humores ad exteriora loca vberius secedunt, ad interiores autem partes non fit largior aditus. Vnde etiam vrina multum non mutatur. Inter ea multa subiecta eius modi constipationem alui non experiuntur, & hæc sunt illa, quibus motus febriles ordinate atque tranquille succedunt.



24. *Sitis* in aliis quidem febribus semper fere est insignis, in malignis autem, vti sub *signis* indicauimus, non raro satis moderata obseruatur. Neque hoc sine ratione: in his enim peccantes materiae crassa copia non secernuntur, & febrilis commotio, quæ calorem & sitim parit, tanta hic non est, vt ingentem diaphoresin promoueat, & hinc humoris defectus multum refarciri debeat.
25. *Diuretica* circumspecte in vsum vocanda sunt, ne intempestiua stimulatione, materia peccans, dum per intimiores corporis partes ad vias vrinarias ducitur, ab ignobilibus ad nobiles reuocetur. Hoc respectu in febribus malignis manifeste exanthematicis locum non concedimus directis diureticis. Ipsa enim natura paullulum constringit colatoria interna, vt noxia materia ad peripheriam educatur.
26. Excipimus autem *nitrum*, quia hoc efficacia magis inuertente, quam diuretica euacuante præditum est. Egrege enim temperat, dum non solum tenues, acres humores moderate inspissat, & efficaciam putridæ fermentationis potenter infringit, sed & sensum rosionis, ardoris, immo veræ vstionis mitigat, & ipsas inflammationes minuit & temperat. Propinandum autem est a granis 4. ad 6. vel ad summum 8. miscendo illud cum absorbente quodam & antimoniato fixo, & tum omnis generis feroces exacerbationes sincerius & nihilo etiam segnius quam *opium* placabit.
27. *Antimonium diaphoreticum* ita præparatum esse debet, vt ab omni effectû vomitorio - cathartico alienissimum sit, & tum in eius modi sensibilibus morbis & subiectis efficaciam exserit blandissime diaphoreticam, atque *bezoardico minerali*, quod vulgo multis encomiis extollitur, prærogatiuam non concedit.
28. *Absorbentium* vsus in malignis quibuscumque vix vñquam negligendus est: non tantum enim illa remedia occupant causas antecedentes, bilioso-fermentatio-acidas, acres, sed & effectus a commotione humorum febrili sub-















subnascentes. Effectum suum præcipitantem ita exserunt, vt cum acidis particulis simul agiles sulphureas irretiant.

29. Et quoniam præcipue in peste animaduersum est, quod ægri saburram biliosam, ex acidorum cum bile concursu intense viridem, per vomitum reiecerint, vel post mortem in ventriculo habuerint, spes non est vana, absorbentia in eiusmodi casibus operæ pretium esse factura, & eo ipso litem illam, quæ de vomitus necessitate vel utilitate mouetur, facile compositura. Certe enim prudens illorum administratio, non solum ambiguitatem circa vomitus promotionem expedire, sed & vera emolumenta atque salutares effectus adferre potest.

30. Præferimus autem *conchas*, sine igne præparatas, & *matrem perlarum* ipsis *cancrorum oculis*. Minore enim cum impetu solutionem & absorptionem vti peragunt, ita & hunc effectum suum in corpore humano tranquillius absoluerè obseruantur. Tacemus cancrorum oculos, sæpissime adulteratos, indolem habere terreorum reliquorum crassorum, quæ tamquam noxia hic excludimus. Atque inter hoc est præcipue *cornu cerui* tam vsum, quam philosophicum.

31. *Acida* non coniungenda, sed *opportune subiicienda* sunt *absorbentibus*: hæc enim primas vias magis respiciunt & humores præcipitant. Vnde prudenter discernenda est adparens illa repugnantia, per absorbentia acores obtundere velle, & tamen acida in usum trahere. Morbidi enim fermentatiui, bilioso-sulphurei acores alterius plane indolis sunt, quam sinceri, vel crassiore oleosa compositione exuberantes. Et hæc ratio est, quod acidis mineralibus in eadem formula absorbentia non debeant sociari. Liquamen autem ex saturatione succi citricum absorbente quodam, seposito crassa sedimento, locum quidem habet, sed magis in aliis acutis, quam in malignis. Exserit enim efficaciam maiorem, quam



imperitus crediderit, præcipue quando pectoris oppletio vel tussis coniuncta est.

32. Ex acidis autem primum locum adsignamus *acido citri*, alterum *spiritui sulphuris per campanam*, tertium *spiritui vitrioli & clyssso antimonii sulphurato*; modo obseruetur, quod acida mineralia parca dosi sint adhibenda.
33. Acida compescunt acriores putrescentes fermentationes & æstuosas febriles exagitationes. Vnde *Thonerus* non exiguam in patria existimationem adeptus est, quod iulapia, insolito tum temporis more, fecerit acidula & iucunda.
34. De *aceto* speciatim notandum est, quod efficacia illa, quam *simplex* habet, non referenda sit ad *destillatum*: hoc enim nimis est penetrans & subtile, atque raucedinem ci-et notabilem. Quadratur autem acetum simplex melius *vehiculo alexipharmacorum*, quam aliis formulis.
35. *Analeptica* non debent continere *acria aromata*, sed temperata, & gratus sapor, qui per saccharum aut sirupos iis conciliatur, non est reformidandus, neque etiam acidorum vsus pro scopo corrigendi coniunctus, si solas *variolas* excipias: In his enim & ratio & experientia acidorum vsu dissuadet.
36. *Aqua destillata*: scabiosæ, scordii, galegæ, cardui benedicti, plantaginis, diapnoën placidissimam & benignissimam promouent. Atque cum his iulapia acidula commode possunt componi, sed sine admixtione *absorbentium*, præcipue si acida *mineralia* adiecta sint.
37. *Sulphur crudum* licet certissime expellat, in malignis tamen non commendatur, quia commotionem ex æstuantem concitat.









# TABVLA LXXII. DE FEBRE CATARRHALI MALIGNA PETECHIZANTE.

## I. DEFINITIO.

Febris catarrhalis *maligna* est febris acuta secundaria, qua natura motibus secretoriis & excretoriis, ultra consuetum tenorem auctis, materiam catarrhalem, in lymphâ spissiori hærentem, valdeque acrem & agilem, vnde-cumque prognatam, eliminare intendit.

## II. DIFFERENTIA.

1. Quod febris catarrhalis & petechizans, item quotidiana veterum continua phlegmatica, dulcis & falsa, *specie* non differant, sed tantum *gradu*, tabula de febre catarrhali *benigna* iam indicatum est.
2. In quantum autem *petechizans epidemice* grassatur, & ab indole benigna febris catarrhalis *simplicis* recedit, atque ad varias excurrit anomalias, in tantum peculiari indiget tractatione.
3. Quo modo hæc febris catarrhalis *maligna petechizans* a febre *petechiali*, *Hungarica* & *castrensi* differat, collatio huius & sequentium tabularum docet.
4. *Macula*, quæ hac febre efflorescere solent, non sunt confundendæ cum maculis *scorbuticis*.
5. Differt tandem a *morbillis*, *purpura miliari* & *purpura urticata*. Vid. tabula harum febrium *speciales*.

## III. SIGNA.

1. Quæ signa præcedente tabula de febre catarrhali *benigna* indicauimus, illa plurimum etiam valent de *maligna*.
2. *Malignitatis* autem magis *propria* indicia sunt:
  - 1) Angor animi insignis.
  - 2) Repentina virium exsolutio.
  - 3) Agrypnia fere continua,

4) &c



- 4) & abſtinentia a cibis, ad vndecim & plures dies continuans.
- 5) Lipothymia intercurrentes.
- 6) Deliria.
- 7) Præter ea in hac catarrhali *maligna* dolores valde ſenſibiles & tendentes circa dorſum & artus occurrunt,
- 8) quibus ſæpe ſuccedunt maculæ illæ, ſeu *petechiæ*, a quo ſymptomate febris ordinarie vocari ſolet petechialis, ab Italico *pedechio*, pediculus, pulex.
- 9) Quæ petechiæ interuentu medicamentorum calidorum facile augentur.
- 10) *Angina* & *aphthæ* huic feбри præ omnibus aliis facile ſuperueniunt, maxime vbi aluus eſt clauſa.
- 11) Non pauci quoque ægrotantium *diarrhæis* adfliguntur, ad quas hæc febris ad modum prona eſt, & ſæpius hiſce *quasi critice* ſeſe ſoluere ſolet.
- 12) *Purpura alba* cum hac febre ſæpius complicatur, præcipue ſi methodo inconueniente tractata fuerit.
- 13) Siſtit plerumque indolem *continentis*, & ſine inuaſione cum frigore & horrore plurimum accedit; ab accidentali autem cauſa in quibusdam cum frigore ſeſe manifeſtat.
- 14) Eſt quidem ordinarie ſine *typo*, & ſtatas exacerbationes, quas aliæ continuæ exhibent, non agit, ſed non ſine *periodo*, nec ſine *indicatoriis* & *criticis alterationibus*, licet ad criticas *excuffiones* ineptior obſeruetur.
- 15) Nonnumquam autem indolem habet *continue* & tunc quidem non ſolum cum horrore inuadit, ſed &
  - a) Aeſtus eodem tenore continuat per totam noctem.
  - b) Sequenti autem die, in primis circa meridiem, aliquantulum remittit.
  - c) Circa vesp̄eram denuo adoritur, cum ſymptomatibus ordinariis.
  - d) Primis diebus remittente paroxyſmo nullus conſpicitur ſudor, ſed tantum lenis vdor,
  - e) Continuat hoc modo vsque ad finem ſeptenarii, vbi ſudores lenes poſt exacerbationem obſeruantur.
  - f) In



- f) In aliis quarto statim die augetur transpiratio.
- g) In aliis septimo die catarrhus imminuitur, vel plane tollitur.
- h) In non nullis eodem tempore paroxysmus augetur, & post ea petechiæ efflorescunt.
- i) In aliis aliud schema induit.
- 16) *Contagiosa* est, more febrium malignarum.
- 17) Tandem hoc adhuc peculiare habet, ut cum aliis morbis facile complicetur, vel pro anni mutationibus illorum schema exhibeat, e. g.
  - a) Mense *februario, martio, aprili*, sub pleuritidis & febris tertianæ schemate adparet.
  - b) *Mai*o & *iunio* anxietatibus cardialgicis, & hypochondriacis innotescit, & cum febribus cholericis-causticis facile complicatur, ubi simul in quibusdam circa initium morbi *enormes hæmorrhagiæ* eueniunt.
  - c) *Iulio* & *augusto* dysentericiæ schema ludit.
  - d) Reliquis mensibus multa tussi adfligit.

IV. *SUBIECTA.*

1. Quia contagiosa est hæc febris, inuadit, ubi grassatur, omnis generis subiecta.
2. Ea tamen intercedit differentia, ut teneri, delicati, otiosi, timidi, multo magis ab illa corripiantur, quam robusti, laboriosi, & tempestatibus quibuscumque insalubribus adfueti.
3. Præcipue etiam illos inuadit, qui ad catarrhos alias proclives sunt, & excretiones naturales, in primis sudores spontaneos, neglexerunt.

V. *CAUSSÆ.*

1. Causas febris catarrhalis summatim præcedente tab. LXVII. indicauimus; quæ autem causæ catarrhalem *malignam* produciunt sequentia docebunt.
2. Causa *materialis* est catarrhus acris causticus, seu miasma maxime subtile, fermentescens, & putridum quid inferens.
3. Causa *efficiens* est laboriosum naturæ conamen, per mo-



tus febriles noxiam illam materiam ex corpore proscribere, & hac ratione corruptionem imminentem præoccupare.

4. Causæ *occasionales*, quæ hanc febrem prouocare solent, sunt potissimum sequentes:

1) *Aër* fermentescens & putridis exhalationibus repletus.

2) *Contagium* per alios hac febre correptos; quo casu timor & auersatio multum contribuunt.

3) Fructus fugaces, hortenses vel alii cibi fermentescens.

4) Refrigeratio corporis exæstuantis.

5. Frequens animi excandescencia, eaque suppressenda.

## VI. PROGNOSIS.

1. Quæ præcedente tabula de *febre catarrhali benigna* ratione *prognoseos* diximus, illa etiam de hac febre, licet maligna, plurimum valent.

2. Præter ea notandum, quod maculæ quidem non absolute sint de *essentia* huius febris, & rectius hinc *petechizans*, quam *petechialis* adpelleretur, inter ea tamen eidem præ aliis proprium est, maculas tales proferre.

3. Et licet hæ maculæ pro pure critica excretionem, quæ determinatis diebus, immo horis adligata est, non habendæ sint, pro *absolute* tamen *symptomata* excussione non possunt declarari, sed potius pro *eccrisi* utili, ita ut hæ maculæ, sibi relictæ, nec præcipitanter concitata, morbum quodam modo subleuent.

4. Quæ maculæ ante *septimum* diem erumpunt, illæ tam salutaris exitus non reperiuntur, quam quæ circa eundem efflorescunt.


5. Quæ *post* primum septenarium proueniunt, illæ magis salutaris adhuc euentus sunt, quam quæ *circa* eundem se se manifestant.

6. Quæ nimis copiose erumpunt, illæ plerumque cum periculo retrocedunt.

7. Quo magis rubicundæ sunt maculæ, coloris rosei, & post tres vel quatuor dies sensim iterum euanescent, ac ægrum









grum aliquo modo subleuant, eo melioris spei censenda sunt; quo magis autem ad colorem saturatiorem nigricantem, & liuescentem accedunt, eo deterioris sunt præsagii.

8. Quando post eruptionem macularum euphoria non sequitur, *purpura miliaris* sæpissime adhuc expectanda est.
9. *Delirium* ante primum septenarium minoris est periculi, quam illud, quod post eundem occurrit.
10. *Sudores* iusto citius erumpentes, placidum morbi decursum turbant, & facile in nimios, summeque debilitantes, degenerant.
11. *Diarrhæa*, licet reliquis febribus exanthematicis, e.g. variolis, infelicem retrocessionem, & hinc non raro mortem admaturare soleant; in *petechizantibus* tamen hoc obseruare non contingit: quamquam enim morbum non soluant, nec vllum insigne emolumentum hisce febribus adferre videantur, nullum tamen notabile damnum inferunt, & longe minoris periculi obseruantur, quam alui *adstrictiones*.
12. *Hippocratis* effatum: *soluta aluo febres soluuntur*; cum grano salis hic accipiendum est, & non nisi certis circumstantiis quadrat. Quamquam enim *diarrhœa spontanea*, huic feбри superuenientes, nihil adeo metuendi portentant, artificiales tamen laxationes minime sunt substituendæ.
13. *Hæmorrhagia narium* extra iudiciaria tempora, cum incremento delirii eueniens, maiora mala prænuntiat, aluo præcipue sicciore: deliria enim & aphthæ facile succedunt; quando autem diuturnis deliriis hæc vel alia hæmorrhagia superuenit, tolerabilior obseruatur. Inter ea obseruamus, quod hæ narium hæmorrhagiæ alio quidem tempore benignioris, alio autem peioris sint prognoseos.
14. *Aphthæ*, quando huic feбри accedunt, ad funestum exitum plerumque inclinant: paucis enim horis ita inualescunt, vt per œsophagum ad ventriculum diffundantur;



cuius signum est borborygmus post potum, es folletet bis in den Magen.

15. *Lipothymia* frequentius adfligentes, ad modum sunt periculosa.
16. *Hippocratis* prognosin de fluxione acri caustica præced. tab. LXVIII. iam adlegauimus; quæ proinde hoc loco repetenda est.
17. *Inflammatio*, quæ huius indolis fluxiones sequitur, quo minus *sanguinea* admixtionis inuoluit, eo minus etiam ad acrem effectum vlcerosum properat, sed potius discussionem iterum resoluitur.
18. *Vlceratio* autem, quando obtingit, multis modis est deterior, quam simplex *suppuratio*; immo ita maligna deprehenditur, vt facile in putridam sphacelofam corruptionem abeat.

## VII. METHODVS MEDENDI ET REMEDIA.

### A. Methodus generalis.

1. *Correctio* materiae malignæ, contagiosæ, pro viribus tentanda est, & sic commotio humorum intestina, & ab illa pullulans acrimonia vlcerosa mitigatur. Ad hanc correctionem eligenda sunt talia alexipharmaca, quæ sine multa commotione *tantum corrigunt*, siue ad excretionem disponunt. Valet hic præ aliis essentia *scordii* cum essentia *radicum alexipharmacarum* mixta: facit quod potest, non autem quod necessitas sæpe postulat: *specificæ* adhuc desiderantur.
2. Lentæ & sensim progredientes lenes *euacuationes* diuretico-diapnoicæ magis quam sudoriferæ, promoueantur. Obtinetur hoc felicius
  - 1) per *absorbentia*, abstersiuo-diuretica virtute prædita, nempe *acido* saturata, it. per acida, v. g. succ. citr. sirup. acetos. citr. tinct. rosar. decoct. C.C. & scorzon. citrat.
  - 2) Per *diaphoretica fixa*, e.g. antimon. diaphoreticum, bezoard. mineral.
  - 3) Efficacissime per maritationem cum *nitro*.


4) Per















- 4) Per *diluentia*.
- 5) Per potiones diapnoicas, in sanguineis leuiter acidulas.
3. *Virium & symptomatum* vrgentium habenda est ratio :
  - 1) *Vires* restaurant *emulsiones* ex aqua rosarum, cinnamon. & femin. card. bened.
  - 2) *Cephalalgia* & agrypnia occurritur per camphorata, externe adplicanda.
  - 3) *Diarrhæa* excedens tuto tractatur per nitrum & crystall. montan. præparat.

**B. Methodus specialis.**

1. Mane exhibeatur essent. alexipharm. cum multa essentia scordii remixta; ad gtt. 25. 30.
2. Per diem autem puluis bezoard. propinetur, e.g.  
 Recip. nitr. depurat.  
 antimon. diaphoret.  
 ocul. cancr. acido citri. saturat. ana drachm. I. M.  
 dof. scrup. I.
3. Item potiones ex aquis diapnoicis cum præcipitantibus & antimonio diaphoretico paratæ. e.g.  
 Recip. aqu. flor. acac.  
 galeg.  
 cerafor. nigr.  
 scord.  
 scabios.  
 plantag.  
 cinnamom. sine vino ana vnc. I.  
 antimon. diaphoret. scrup. II.  
 ocul. cancr. drachm. semis  
 sacchar. perlat. q. s. ad gratiam, dof.  
 cochl. I. post 2. 3. horas repetenda.
4. His subinde interponi possunt *iulepi*, aut potiones *acidulae*, e.g. clyssus antimon. vel succus citri, potui instillandus.
5. *Emulsiones* ex semine aquilegiæ, card. Mariæ, citri, valent præcipue, si maculæ & purpura conspiciantur.
6. Concurrente *diarrhæa*, eadem quidem manet methodus, pulueres autem nitrosi eo frequentius repetantur, &



crystallus montana adiiciatur, obseruato adhuc magis regimine diapnoico.

7. In *adstrictione* autem *alui* sufficiens humectatio, vsus pul-  
verum nitratorum & clysteres, moderate adhibiti, con-  
veniunt.
8. In *doloribus capitis* sub initium spiritus vini camphoratus,  
deinde autem vnguent. alabastrinum camphoratum ad-  
hibeatur.
9. Simul ac ægri male deglutire sentiuntur, *gargarismata* sub-  
adstringentia, interne & externe discutientia, ac lenis-  
sime laxantia tempestiue adhibenda sunt, ne aphthæ  
præualeant. Idem de *aginodeis* malis censendum est.

#### VIII. CAUTELÆ ET OBSERVATIONES PRACTICÆ.

1. Quo magis hæc febris epidemica est, & petechizat, adeo-  
que ad veterum quotidianam continuam, a phlegmate  
*falso* exortam, accedit, eo circumspectiore & leniore  
methodo adgredienda, ac periodus illius septenaria ob-  
seruanda est.
2. Hinc magis adhuc, quam in febre catarrhali *benigna*, ca-  
vendum, ne vlla vehemente commotione euacuatoria  
morbus *primarius*, nempe stagnatio materiæ acris, exa-  
gitetur; quod in progressu morbi *secundarii*, scilicet  
febris, tanto magis euitandum: nimis enim mature &  
copiose maculæ prodeunt, ac facile recedunt.
3. Procul itaque absint alium stimulantia, alexipharmaca  
calida, anticatarrhalia lignosa, succinata, salia volatilia  
vrinosa.
4. Secus si fiat, maior ad interiora regestio, inflammationes  
internæ erysipelaceæ, anxietates, & virium amissio pro-  
ducuntur.
5. Hinc *Bagliuius* a simplicibus exagitationibus intempesti-  
uis per alexipharmaco- sudorifera in malignis epidemi-  
cis mortem adnunciauit.
6. Specialiter monendum est, quod euacuatio sanguinis per  
*venæ sectionem* in hac febre summe noxia sit: nam cir-  
ca dies criticos congestiones humorum versus caput  
plu;









plurimum contingunt, & aphthas ac deliria excitant, cum euentu funesto; nisi continuum regimen diapnoicum, statim post venæ sectionem iniunctum, hunc infelicem successum aliquo modo infringat. Hinc etiam Medicus post venæ sectionem demum in auxilium vocatus, regimen diapnoicum sibi commendatum habeat.

7. Non tantum doctrina de *specificis fermentis & fermentationibus* difficilis est, & nulla spes adfulget perspiciendi tandem rationem, cur talia fermenta certas quidem animalium species violentissime inuadant, aliis autem minime noceant, ita vt canes de talibus recenter mortuis sine damna edere possint.
8. Vnde & huius febris noxium fermentum ad certam corruptionis classem laboriose referre, superuacaneum est; videtur tamen aliquid *scorbutici* fouere.
9. In *specificum* autem huius febris *corrigens* inquirere, maioris esset utilitatis.
10. Dantur quidem *alexiteria*, quæ certæ speciei contagia tollunt, e.g. *scorzonera* delet venenum, per morsum serpentum communicatum; sed *specificum corrigens* contagii, in hac febre præsentis, adhuc incognitum est.
11. *Apinus*, in libr. de febribus, multis quidem laudibus *essentiam extracti cascarilla*, præmisso vomitorio exhibitam, extollit, & *Stahlius* bonum inde effectum, sed sine vomitorio præmisso, itidem obseruauit, *specificum* autem experientia nondum confirmata est, quia febris ordinarium suum tempus solet seruare.
12. Sic nec *elixirium polychrestum* vniuersale *specificum* habendum est, nam febris statum suum tempus ad 7. 9. 11. dies continuat: attamen continuato eius usu symptomata multo mitiora obseruantur. Præter ea abusus, non vero moderatus vsus summe debiles reddit ægros, vt diu vires colligere non possint, immo facile in febres lentas incidunt.
13. De reliquo, licet contagium huius febris propria sua indole



dole satis segne & lene obseruetur, ita vt post 3. 4. septimanas denum corripitur aliquis ex illa familia, in qua ante tantum temporis alter decubuit, variat tamen secundum maius & minus, pro anni, temporis, & reliquarum circumstantiarum diuersitate; imo obseruata sunt non pauca exempla, quæ non decubuerunt hac febre, & tamen maculas experta sunt.

14. Quando autem plures simul, aut breui temporis interuallo ab illa corripuntur, iusta suspicio subest, quod formido, moeror. & insolita fatigatio in alterius ægroti seruitio, sint accusanda. Huc etiam spectat, quando sani cibum suum capiunt in illo conclauis, quo æger decumbit.
15. Dubitat omni iure *Schelhammerus*, num terrea præcipuam suam efficaciam in corpore exserant per *acidi* absorptionem: non enim tam *acidum* absorbent, quam particulas *tenuiores sulphureas*, quæ fermentatiuas & putridas corruptiones inferunt, coagulant, & sic illarum agilitatem infringunt.
16. Hinc euenit, vt *absorbentia* ostracodermata sudorem promoueant, quia scilicet acrimoniam talem salino-sulphuream, orgasmum sanguinis inducentem, & hac ratione ventilationem sudatoriam impredientem, feliciter corrigunt, & per diuresin euacuant.
17. Eundem commodum effectum exhibet *nitrum*: increassat enim tenues catarrhos, & ad motum excretorium & diureticum promouet: vnde etiam in repulso rheumate graua mala, ab his agilibus particulis expectanda, præoccupat. *Conf. tabul. LXVII.*
18. Quando *petechiæ* erumpunt, *emulsiones* temperantes tutius, quam alexipharmaca fortiora propinantur.
19. Quando *diarrhææ* accedunt, caueat sibi æger, ne sub aluo deponenda frigori se exponat: vnde opus est, vt patina, huic negotio accommodata, ægro decumbenti supponatur.
20. In *tussi catarrhali*, quæ sæpius cum hoc morbo coniuncta est,









est, interponantur *infusa*: hæc enim & materiae excretionem, & diapnoën adiuuant.

21. *Vigilia* nimiae non per *narcotica*, sed sufficientem potum, pulueres nitrosos, cinnabarinos, emulsiones & potiones analepticas oppugnandæ sunt.
22. Hæc etiam remedia in deliriis, vel lipothymiis optima sunt, coniunctis paruis, sed repetitis dosibus bezoardicorum.
23. *Potus* vbique *tepidus* exhibeatur, cibus ægroto recusanti non obtrudatur, & mens, quantum fieri potest, tranquilla commendetur.
24. Finito morbo essentia alexipharmaca aliquam diu continuetur, quo residuum materiae noxiæ prorsus eliminetur; præcipue quando excretiones in ipsius morbi periodo non adeo largas fuisse animaduertimus.



## TABVLA LXXIII.

DE

## FEBRE PETECHIALI.

### I. DEFINITIO.

Febris petechialis est species febrium malignarum satis acuta, in qua principium vitale miasma malignum ex massa sanguinea separare, ad peripheriam corporis in forma macularum, pulicum morfibus similium, protudere, & penitus denique expellere intendit.

### II. DIFFERENTIA.

1. Differt febris *petechialis* a *catarrhali maligna petechizante* ratione *gradus*: quo respectu illa hanc longe superat. Præter ea in *catarrhali maligna* catarrhus semper adest, petechiæ autem non semper proueniunt: Vnde petechizans tantum adpellatur; in petechiali autem stricte

Gg gg

dicta



dicta catarrhus non reperitur, maculæ vero non tantum perpetuo adfunt, sed & maturius erumpunt: immo dantur casus, vbi petechiæ ante adparent, quam æger decumbit.

2. A *purpura rubra* in eo quidem differunt petechiæ, vt nullam in cute eminentiam ostendant, fieri autem non raro solet, vt hæc exanthemata sint coniuncta, & alia aliis interspersa, ac tum quidem a se inuicem difficulter distinguuntur.
3. A febre *Hungarica* seu *castrensi* etiam distinguere solent hanc petechialem, & hanc differentiam, vtut exiguam, signa huius & sequentis *tabula* ostendent.
4. Quod a *peste* differat *gradu malignitatis* & dispari *exanthematum* ratione, omnibus fere notum est.
5. Denique ipsa petechialis pro locorum, annorum, & temporum diuersitate diuersos gradus malignitatis & periculi exhibere obseruatur.

### III. SIGNA.

1. Hæc conueniunt cum signis febrium malignarum.
2. Inuadit autem plerumque circa vesperam cum leni horrore.
3. Æstus, qui sequitur, comites habet dolores capitis insignes, virium amissionem, anxietates præcordiorum, animi summam inquietudinem & abiectionem, ad lipothymias sæpius excedentem.
4. In aliis motus conuulsiui occurrunt.
5. Deliria sunt fere ordinaria.
6. Non raro conqueruntur ægri de faucium ardore, cui nisi arte occurratur, morbi aphthodei vel anginodei succedunt.
7. Petechiæ, vti sub *differentia* diximus, maturius erumpunt, quam in *catarrhali maligna*.

### IV. SVBIECTA & CAUSSÆ.

Hæc conueniunt cum iis, quæ *tabula* de febribus malignis generatim diximus.

V. PRO-









## V. PROGNOSIS.

1. Febris petechialis sæpius ita maligna & contagiosa est, ut brevi tempore insignem stragem edat.
2. Quo magis symptomata dissimulat & insidiosè procedit, eo grauius periculum minatur.
3. Speciatiim mortem minantur abiectio animi præter manifestam rationem, inquietudo continua in lecto, angina vel aphtharum concursus, lipothymia grauiores, deliria non interrupta, respiratio laboriosa, singultus, subsultus tendinum & motus conuulsiui, præcipue, quando hæc symptomata in statu vel declinatione accedunt.
4. Quo maturius & copiosius petechia erumpunt, eo maior malignitas subest.
5. Petechia, quæ inconstantes sunt, ita ut modo adpareant, modo evanescant, nil boni portendunt.
6. Quæ sunt coloris rosei & floridi, illæ meliores censentur, quam quarum color est obscure rubicundus, liuidus vel plane niger.
7. Adfectus soporosi cum frigore extremarum partium, lethalia sunt signa.

## VI. METHODVS MEDENDI ET REMEDIA CVM CAUTELIS.

1. Quamquam febris petechialis malignior sit febre catarrhali maligna, eadem tamen methodo incedendum est.
2. Hinc ante meridiem bis exhibeatur essentia alexipharmaca temperata, post meridiem autem pulueres febriles, suo loco descripti, propinentur.
3. *Analeptica*, eaque temperata, interponantur, & tranquillitas tam animi quam corporis quouis modo respiciatur.
4. Omnes autem *commotiones* per remedia calida & regimina coacta excludantur.
5. *Vena sectio*, si omnino necessaria videtur, in principio principii instituatur.



## TABVLA LXXIV.

DE

## FEBRE HVNGARICA SEV CASTRENSI.

## I. DEFINITIO.

Febris *Hungarica* seu *castrensis* est febris acuta maligna, sæpius epidemica, qua principium vitale motibus vltra gradum naturalem auctis, miasma quoddam malignum ex corpore proscribere intendit.

## II. DIFFERENTIA.

1. Febris *castrensis* seu *Hungarica* licet cum *catarrhali maligna* & *petechiali* tantam habeat conuenientiam, vt pro vna eademque febre a non nullis reputentur, differunt tamen gradu symptomatum: in *Hungarica* enim seu *castrensi* omnia sunt grauiora.
2. Speciatiim differt a *catarrhali maligna* ratione *catarrhi*, qui in febre *Hungarica* ordinarie non reperitur.
3. Differt a *peste miasmatis gradu*, quo huic multum cedit.
4. Sunt, qui inter *Hungaricam* & *castrensem* differentiam adhuc statuunt, hæc autem non nisi in accidentalibus tantum circumstantiis locum habet.

## III. SIGNA.

1. Corripit subiecta cum horripilatione & dolore capitis.
2. Æstus ac sitis, præcipue in plethoricis, est fere intolerabilis, & ardor circa scrobiculum cordis eximius.
3. Lingua continuo est sicca & sæpius tumida.
4. Angina ad modum est familiaris.
5. Circa quartum aut septimum diem grauia deliria accedunt.
6. Vasa capitis sanguinea valde turgent, & oculi sunt fulgidi.
7. Circa vesperam paroxysmus exacerbatur.
8. Alius numquam fere rite succedit: vel enim nimis stricta est, vel diarrhœæ adfunt.
9. Pro subiectorum, temporum annuorum, regiminis & diætæ diuersitate conspirant vomitus, dysenteria, petechia, parotides, paralyfes, hemiplexia.

10. Na-















10. Narium hæmorrhagiæ non raro etiam concurrunt.
11. Adest agrypnia fere continua & abstinencia a cibis per multos dies.
12. Pulsus ordinarie est fortior quam in aliis malignis.
13. Ceterum hæc febris plurimum mensibus Iunio, Iulio, Augusto, rarius aliis temporibus exoritur.

IV. *SVBIECTA.*

1. Contagiosa hæc febris omnis quidem generis subiecta, ubi grassatur, inuadit, præ aliis autem plethoricis est infensa.
2. Speciatim corripit milites, qui in castris aëri impuro expositi sunt, aquas stagnantes bibunt & alia diætæ vitia admittere coguntur, præcipue, quando hæc omnia cum priore vitæ genere non conueniunt.

V. *CAVSSAE.*

1. Causa *materialis* est miasma valde subtile, maxime agile & fermentescens, cum corpore communicatum.
2. Causa *efficiens* est ipsa natura, quæ motibus suis salutaribus corpus a miasmate illo maligno liberare intendit.
3. Causæ *occasionales* potiores sunt:
  - 1) Aër fermentescens putridis halitibus refertus.
  - 2) Contagium per alios inductum.
  - 3) Parua diætæ, speciatim fructus immaturi, potus aquarum putridarum, refrigerationes corporis exæstuantis.
  - 4) Animi pathemata, præcipue suppressa.

VI *PROGNOSIS.*

1. Hæc febris multis respectibus est periculosa.
2. Dolores enim capitis & deliria quo magis vrgent, eo maiorem metum phrenitidis incutiunt.
3. Non minus ardores illi interni, qui circa scrobiculum cordis pertinaciter adfligunt, inflammationem diaphragmatis vel ventriculi arguunt.
4. Petechiæ huic febri superuenientes sinistrum omen præbent.
5. Valet & hoc de illis deliriis, quæ extra tempus paroxysmorum adueniunt.



6. Metastases humorum ad fauces periculo plenissimæ, sed longe mitioris prognoseos sunt parotides.
7. Alius laxa tolerabilior est adstricta.
8. Hamorrhagiæ narium extra dies criticos ancipitis sunt prognoseos: quæ vero diebus criticis completæ & moderatæ contingunt, illæ morbum subleuant.

## VII. METHODVS MEDENDI ET REMEDIA.

1. Commendamus quidem hic eandem methodum, quam *tabula de febre catarrhali maligna* indicauimus.
2. Quoniam autem curatio huius febris ob indiuiduales circumstantias tum demum Medicis solet commendari, quando graua symptomata iam habet constipata, mature de circumspecta illorum tractatione cogitandum est, v. g.
3. Deliria tractentur remediis temperantibus nitrosis, absorbentibus citratis, emulsiuis, potu sufficiente & blando regimine diapnoico: externe adplicentur camphorata, vel vnguentum alabastrinum largiter camphoratum.
4. Anginodea & aphthodea symptomata quo modo tractanda sint, *tabula medica de angina*, & *tab. chirurgica de iniectionibus* videatur.
5. Diarrhœæ, siue simplices, siue dysentericæ, tractentur absorbentibus, nitrosis, cortice cascarillæ, & pilulis *Stahlianis*.

## VIII. CAUTELÆ ET OBSERVATIONES PRACTICÆ.

1. Quæ cautelæ *tabula generali de febribus malignis & epidemicis* ratione *vena sectionis*, *vomitiorum*, *purgantium*, *sudoriferorum* & aliorum vehementer operantium remediorum traditæ sunt, illæ in febre castrensi tanto magis considerari merentur, quoniam *methodus heroica* cum indole expeditionum bellicarum egregie conuenit, & in castris quam maxime recepta est.
2. *Vena sectio* quando in principio instituenda iudicatur, non tantum largior esse debet, sed & necessum est, vt regimen diapnoicum mox subiungatur, & quouis modo conservetur, ne commotiones hamorrhagicæ exoriantur.

Hunc









3. Hunc in finem commendamus de essentia alexipharmaca temperata pulveri febrili guttas XXV. instillare, hancque dosin post trium horarum intervallum repetere.
4. *Opiata, adstringentia & multum incrassantia* nullo modo hic habent locum.
5. Superato morbo conualescentes, in primis iuniores, ad modum sunt voraces: hinc moderamen in diata sollicitè est inculcandum.
6. Et quoniam aër liberior facile *recidiuam* adfert, consultum est, per aliquod tempus domi se continere & essentia alexipharmaca uti.



## TABVLA LXXV.

DE

FEBRE PURPUREA SEV MILIARI, PUR-  
PVRA VRTICATA

ET

## FEBRE SCARLATINA.

## I. DEFINITIO.

1. *Febris purpurea seu miliaris* est febris acuta, continua, exanthematica, ubi principium vitale miasma aliquod subtile fermentescens ad peripheriam corporis extrudere intendit: motibus secretoriis & excretoriis, ultra consuetum ordinem auctis.
2. *Purpura vrticata* est species febris benignioris & mitioris, in qua natura per eosdem motus auctiores materiam quamdam acrem, papulas siue eminentias, læsionibus post vrticarum ictum similes, formantem, expellere nititur.
3. *Febris scarlatina* est species febrium acutarum, continuarum, exanthematicarum, in qua natura materiam quamdam acrem causticam, corpori infensam, in peripheriam, maculas latas rubras formantem, expellit.

## II. DIF.



## II. DIFFERENTIA.

Hæ diuersæ species sub vno genere omnes conueniunt, & minima quoddam acré, subtile, fermentescens fouent, ratione tamen efflorescentiæ cutaneæ aliquo modo distinctæ sunt. Et sic differt

1. *Purpura*; germ. der Friesel.

1) a *purpura urticata*, germ. die Nessel- oder Wiebel-Sucht, nam in illa exanthemata magnitudine granum milii vix superant: in hac autem sunt maiora & altiora, sie sehen natürlich aus, als wenn man einen mit Brenn-Nesseln gepeitschet hätte.

2) A *febre scarlatina*, germ. das Scharlach-Fieber; in qua exanthemata sunt ad modum lata & insigniter rubentia, in purpura vero parua sunt eminentia.

3) A *petechiis*, quæ profunde in cute hærent, purpura vero cutim superat.

4) A *maculis scorbuticis*, quæ & colore & magnitudine dispares sunt.

5) A *morbillis*, in quibus exanthemata sunt elatiora, quam in purpura.

2. *Purpura* ipsa est vel *alba* vel *rubra*.

3. *Purpura alba* ordinarie est maligna, & febribus petechizantibus facile complicatur, in quibusdam etiam locis puerperis accidere proximis abhinc annis obseruata est. *Vid. subiecta.*

4. *Purpura* autem *rubra* multo benignior ordinarie obseruatur, ad quam proinde definitio, modo tradita, in totum non potest adplicari.

5. *Purpura alba* & *rubra* differunt fere vt variolæ & morbilli.

1) Vti enim variolæ malignius ordinarie segerunt, quam morbilli, ita etiam *purpura alba* malignior est *rubra*.

2) Quem ad modum autem aliquando variolæ benigniores, morbilli autem maligniores obseruantur, sic etiam *purpura alba* interdum benignior, & sine grauiore febre, *rubra* autem malignior, & cum febre acuta coniuncta adparer.

3) Sicut









- 3) Sicut variolæ pustulas habent albas, & morbilli protuberantes tantum hirsutas efflorescentias, ita etiam purpura *alba* veras habet pustulas, & purpura *rubra* hirsutos solum nodulos; id quod ex *signis* magis elucescet.

### III. SIGNA.

#### 1. *Purpura alba.*

- 1) Inuadit plerumque cum horripilatione & angustia ac anxietate præcordiorum.
- 2) Frigus & æstus volatilis alternant,
- 3) Ante eruptionem exanthematum ægri de pruritu intercutaneo conqueruntur, vel prorsus grauiora pathemata anxietatis incurrunt; inter ea omni sollicitudine a frigore se præmuniunt.
- 4) Circa quartum ordinarie diem exanthema hoc erumpit, primum in collo & pectore, post ea in reliquo corpore, nonnumquam etiam serius, die scilicet septimo, immo vndecimo & decimo quarto, hæc eruptio contingit.
- 5) Sub qua eruptione primum *rubedo* quædam per superficiem corporis adparet.
- 6) Post ea in medio cuiusvis rubicundæ maculæ *pustula alba* exsurgunt, & quidem tam copiosæ, vt vna fere alteram attingat.
- 7) Ordinarie cum febre *acuta*, rarius sine illa.
- 8) Diaphanæ sunt hæ pustulæ, & aquam tenuem continent.
- 9) Quando per quatuor circiter dies substiterunt, exsiccantur, squamarum instar decidunt, & febris soluitur.
- 10) In humidioribus autem, & absente febre, pustulæ hunc humorem exstillant.

#### 2. *Purpura rubra.*

- 1) Inuadit eadem fere ratione, vt *alba*, nempe horripilationibus & æstu volatili illis intercurfante.
- 2) Cum tensione & pressione in dorso.
- 3) Item cum angustia præcordiorum & tussi.

Hh hh

4) Cir-



- 4) Circa diem quartum, septimum, vel adhuc serius erumpunt exanthemata, seminis *milii* & cutis anserinæ instar, sub prurigine & punctione intercutanea.
  - 5) Febris, quæ accedit, ordinarie mitior est: in aliis tertianæ, in aliis quotidianæ, in nonnullis vero acutæ schema exhibet.
  - 6) Hæ febres ad largiores sudores inclinant, foetore graui sese manifestantes.
  - 7) Sub febrium paroxysmis ingentes anxietates & artuum spasmi sese exerunt.
  - 8) Nonnullos sine febre occupat, ita ut ægri negotiis suis vacare possint, & nil, nisi pruritus sub cute, persentiscant.
  - 9) Quando autem paullulum incalescunt, ardore & sensu punctorio corripuntur, cum successu fere largissimi sudoris.
  - 10) Nonnulli grauitatem & perturbationem capitis sentiunt, ac somnolenti & tardiosi obseruantur; immo nonnumquam lipothymis corripuntur, præsertim quando exanthemata nondum legitime effloruerunt.
  - 11) Vbi per aliquot dies exanthemata substiterunt, decidunt, & æger plenariam recuperat euphoriam.
  - 12) In aliquibus autem, præcipue debilioribus, valetudinariis, & calido regimine viuentibus, continuat fere per annos, & licet paullulum remittat, leuissima tamen occasione recrudescit.
3. *Purpura urticata.*
- 1) Inuadit sæpius cum subtili sensu refrigerii in superficie corporis.
  - 2) Subsequitur moderatus calor.
  - 3) Hunc comitatur sitis, non tamen adeo intensa.
  - 4) Iungitur etiam aliqua capitis perturbatio aut lenior eiusdem dolor.
  - 5) Tandem cum multo pruritu & superficiali tensione & rigore hinc inde exanthemata tam in facie quam reliquo corpore erumpunt.

6) Hæc









- 6) Hæc exanthemata cutim superant, & cito in notabile augmentum adcrefcunt, ac papulas quasdam eminentes, paullo latiores, coloris expallido rosei, vruicarum læfiones referentis, offerunt.
- 7) Nonnumquam cum tuberculis semi-eryfipelaceis, & asperitate serpiginoſa efflorefcit, & aliquo modo eryfipelatis indolem imitatur.
- 8) Febris, ſi adefſt, mitioris indolis eſſe ſolet.
- 9) Non tamen conſtanter permanent exanthemata, ſed diurnis in primis horis euaneſcunt, quibus etiam motus febriles remittunt.
- 10) Circa veſperam vëro, vbi febris reuertitur, denuo prod-eunt, & eo tempore etiam pruritus moleſtus & ar-dens inſigniter adfligit.
- 11) Totus morbus intra triduum aut quatrimum finem ſuum adſequitur, & ſi a febre immunis eſt, adhuc ci-tius exitum fortitur.
- 12) Cum temperata diaphoreſi exit, & poſt ceſſationem exiliſſimæ ſquamulæ ab adfecta parte ſecedunt.

#### 4. *Febris ſcarlatina.*

- 1) Incipit & hæc purpuræ ſpecies cum leni horripilatione, quam temperatus ſubſequitur æſtus, plerumque ſiti moderata, faucium ardore & virium deiectione ſti-patus.
- 2) Adefſt etiam oppletio pectoris, reſpirationem diffi-cilem reddens, cum tuſſicula ſicca.
- 3) Accedit capitis grauitas vertiginofa aut dolor magis a-cutus.
- 4) Die quarto tota facies intumeſcit, & erumpunt macu-læ intenſius rubicundæ, primo parvæ, mox vero la-tiores redduntur & coaleſcunt, ac totam faciem ſum-ma rubedine tingunt.
- 5) Circa hoc tempus in quibusdam, præcipue plethoricis, ſuperueniunt hæmorrhagiæ narium.
- 6) Poſt ea hæ maculæ latæ etiam in pectore & dorſo, tan-dem in artubus prodeunt, & totam ſuperficiem te-gunt.



- 7) Postquam duos aut tres dies ita subistere, rubor ille insignis perit, facies detumescit, & squamulae decidunt.
- 8) Febris satis tranquille excurrit, & cum moderata diaphoresi salutarem euentum obtinet.
- 9) Alius ordinarie toto hoc tempore est clausa, uti etiam in reliquis speciebus, quae tamen sub finem morbi sponte aperitur.
- 10) De reliquo haec febris sereno & aestiuo tempore usitatus adfligit.

#### IV. SVBIECTA.

1. Omnes haec purpurae species prioribus temporibus ita non innotuerunt, uti nunc ab aliquot hinc annis in Saxonia sese manifestant; in qua regione purpura, in primis *alba* epidemice grassari observata est.
2. Purpura, praesertim *alba*, ab anno 1652. in quibusdam dictae regionis locis commune symptoma puerperarumprehenditur.
3. Vbi febres petechizantes grassantur, ibi non raro *alba* cum petechiis proueniunt.
4. Sicuti etiam cum variolis nonnumquam conspirare & symptomata ibi grauiora excitare solet.
5. Praeter ea haec mala & praecipue purpura rubra, chronica, benigna, inuadere observantur aetatem iuniorem praeter adulta.
6. Homines plethoricos, spongiosos, de temperamento sanguineo & phlegmatico multum participant.
7. Otio deditos & diata lauta utentes, & ad iram pronos.
8. Laboriosi autem vix unquam his exanthematibus adfecti inueniuntur, & sic cum scorbuto eadem fere fata subeunt, qui etiam otiosos frequentius occupat.
9. Feminae hystericae & delicatulae praecipue obnoxiae sunt purpurae *rubrae*, & ante, quam erumpit, schemata suffocationis uterinae lipothymicae ludit, non autem transitoria, quae in suffocationibus hystericis vulgaribusprehendimus; sed ad eruptionem usque exanthematum continuantia.















10. Maxime omnium illis otiosis & delicatulis euenit, qui salvis rebus & tranquillis, tegumentis copiosis ab aëre se pramuniunt, & hac ratione humores semper ad peripheriam corporis inuitant.
11. Febris *scarlatina* nonnumquam virgines emanfione mensium laborantes, post varia molimina ad eorum excretionem tendentia, inuadere solet.

## V. CAUSSAE.

1. Causa *materialis* horum exanthematum est materia subtilis fermentescens, plus vel minus maligna, & hac tenus in quibusdam locis epidemica, corruptionem sui generis specificam in corpore generans.
2. Causa *efficiens* est principium vitale, quod motibus, praeter gradum naturalem auctis, miasma illud noxium, & effectum ab illo inductum, nempe materiam vere iam corruptam, fecernere & per corporis peripheriam excernere intendit.
3. Causae huius mali *occasionales* & *procatarticae* sunt:
  - 1) Aër fermentescens particulis grauidus.
  - 2) Contagium per alia corpora, eodem modo correpta.
  - 3) Sudores non tantum repulsi & impediti, verum etiam
  - 4) Per medicamenta exæstuantia & regimina calida, praesertim in morbis petechizantibus & puerperiis coacti.
  - 5) Per uersa rheumatismi & febrium catarrhalium curatio per methodum nimis refrigerantem.
  - 6) Diæta crassa & dyspepta, praecipue in minus adfuetis & otiosis.
  - 7) Euacuationes sanguinis *naturales* suppressae, e. g. menses, lochiorum haemorrhoidum.
  - 8) Vel *artificiales* neglectae.
  - 9) Repentinae & immoderatae sanguinis commotiones & exæstuationes, quibus ex ipsa humorum massa subtilis hæc & reliquæ mixtionis integritati inimica materia generatur.

## VI. PROGNOISIS.

1. Purpura *alba* per se numquam periculo caret, in primis si



- constitutio est epidemica, & tunc sæpius plures iugulat.
2. Interdum tamen aliquo modo benigna obseruatur, præfertim quando tum temporis nullæ febres malignæ grassantur.
  3. Ita, quæ sine *febre* contingit, minus quidem periculosa, maioribus tamen anxietatibus & motibus spasticis stipata est, quam *rubra*.
  4. Quando purpura *alba* nimis languide erumpit, ita vt post discessum priorum noua exanthemata succedant, semper peioris est indolis.
  5. Recessio purpuræ *albæ* sæpius est lethalis, vel tamen grauiora symptomata, aphthas, mentis alienationes, vel summas anxietates inducit.
  6. Purpura *alba* repulsa quando iterum expellitur, & tamen symptomata, a recessione illa inducta, non mitigantur, omnino fidei est suspecta.
  7. Quæ cum petechiis simul, præcipue mature, nempe tertio vel quarto die erumpit, est periculosa; melioris autem notæ, quæ petechiis demum innascitur.
  8. Purpura *alba*, lochiorum suppressionem excipiens, semper peior est quam reliqua.
  9. Purpura *alba* subiecta plethorica aut cacochymica corripiens, semper grauius adfligit, & maiori periculo exponit ægrotantes.
  10. Diarrhœa symptomatica, quando vehemens est, recussione exanthematum facile post se trahit, & hinc merito suspecta est.
  11. Purpura *rubra* plurimum benigna est, & raro graua coniuncta habet symptomata aut mala consecretaria,
  12. Si vero constitutio est epidemica, sæpius eundem malignitatis gradum ac purpura *alba* obtinet, immo hanc interdum adhuc superat.
  13. Spongiosi longe facilius ferunt purpuram, quam qui strictioris sunt habitus.
  14. Purpura *rubra*, quando, regimine placido neglecto, recedit, tam præsentaneum quidem periculum, vti *alba*, non ad-









adfert, sequuntur tamen anxietates cum motibus spasticis & grauatione defatigatoria in omnibus corporis partibus.

15. Nonnulli inflammationes faucium, aphthas, & dolores anginodosos ex hac recessione incurrunt.
16. Alii tussi sicca vehemente, alii ardore urinae, alii arthriticis malis, hemicrania & pleuritide spuria corripuntur.
17. Quæ vero symptomata, erumpente iterum purpura, fere prorsus euanescent.
18. Purpura *urticata* & febris *scarlatina*, quando sibi relinquuntur, nihil mali portendunt, & sponte interdum iterum cessant.
19. Si autem imprudenter tractantur, in primis per regimen nimis calidum, aut per alia sanguinem commouentia, mala plerumque confectaria habere solent.
20. Hamorrhagia narium sufficiens, in febre *scarlatina* sub eruptione exanthematum contingens, morbum insigniter imminuit.

## VII. METHODVS MEDENDI ET REMEDIA.

1. Si vmquam alibi, certe in *purpura* methodus debet esse temperatissima.
2. Hinc essentias alexipharmacas, vtut temperatas, durante morbo hic excludimus, & solos pulueres febriles cum potionibus diapnoicis & emulsionibus adhibere commendamus.
3. Immo in purpura simpliciore, non maligna, sed chronica, ne antimoniatata quidem fixa adhibenda esse censemus, quoniam in sensibilibus plus commotionis excitant, quam imperitus forte crediderit. *Conf. prefat. Illustr. Stahl.*
4. Quando diarrhoeæ accedunt, puluis corticis cascarillæ ad grana decem pulueri febrili miscendus est.
5. Sudores spontanei, qui durante morbo non exigua incommoda adferunt, neque supprimendi, neque promouendi, sed prudente ratione moderandi vel tolerandi sunt.

6. In



6. In declinatione morbi essentia alexipharmacæ temperatæ cum lenissimis laxantibus locum habent.
7. De purpura *urticata* & febre *scarlatina* non habemus, quod speciatim dicamus.

### VIII. CAVTELAE ET OBSERVATIONES PRACTICAE.

1. Quæ tabula de febre catarrhali maligna de continentia tranquilla, placido regimine, & euitandis calidis medicationibus diximus, illa hoc loco quam maxime etiam sunt obseruanda.
2. Sigillatim irritatio *alui* hic tam periculosa est, quam in variolis & morbillis: hinc lenissima adeo clysmata non satis tuto adplicantur.
3. Nec etiam, vti sub *methodo* iam diximus, locus concedendus est *alexipharmacis* calidis *diaphoreticis*, & aliis maffam humorum commouentibus, siquidem sub hoc labore feruido plures generantur impuritates, & materia acris vna cum febre augetur.
4. Et licet plethora commota his malis ordinarie ansam præbeat, *venæ sectio* tamen instituenda non est, ne exanthematum recessio ad interiora sequatur.
5. Quando exanthematum recessionis metus subest, potus aquæ calidæ, e.g. théecommandatur, extra hunc autem timorem pro potu ordinario cereuisia dilutior, bene tamen defæcata, vsui esse potest.
6. *Regimen* coactum licet noxium sit, caueant tamen sibi decumbentes, ne exiguum etiam aëris accessum refrigeratorium admittant: hinc necessarium erit, per illos dies, quibus purpura durat, lectum non sternere.
7. Morbis faucium superuenientibus essentia *pimpinella albæ* per aliquot guttulas, sine vehiculo instillata, egregie se gerit: ardorem quidem, sed etiam salutarem effectum hæ guttulæ, in ore detentæ & deglutitæ, inferunt.
8. *Scarificatio* repetita, &, rebus adhuc tranquillis, ad præcautionem instituta, vsum habet in illis, qui sæpius a purpura infestantur.
9. Vbi autem suppressæ sanguinis euacuationes subsunt, ibi illarum









illarum restitutio animo infideat, ad quam obtinendam præcipue pilulæ *Stahlii* vel *Beccheri* egregie se gerunt, subiuncta pro rerum circumstantiis venæ sectione.

10. Rebus tranquillis transpirationem naturalem per vitæ genus placide laboriosum promouere, multo efficacius erit ad sanitatem tuendam, quam sollicita aëris per tegumenra exclusio; quæ potius hæc exanthemata ad peripheriam corporis inuitat. Tempore autem illo, quo efflorescunt hæc exanthemata, necessarium est, pectus ad umbilicum vsque a sensu frigoris defendere.

11. De purpura *alba* adhuc indicandum est, quod ad modum insidiosè nonnunquam se gerat, & variis suis schematibus multis modis Medicum decipiat. Aegri de nullis doloribus conqueruntur, bene ingerunt, dormiunt, sudant, & tamen orthostadii esse non possunt. Erumpente tandem purpura animam efflant, e. g. Studiosus quidam hoc malo corripiebatur, qui primis diebus nihil nisi lassitudinem accusabat, interim neque de cibo & potu sibi aliquid detrahebat, neque vigiliis multis vexabatur. Die nono purpura alba conspiciebatur; undecimo autem die nescio quo casu factum est, vt summa auiditate duplam cibi portionem deuorasset. Qua ingesta postulauit, vt sibi stratum adferrent, se iam esse moriturum, cui etiam parato membra sua reposuit, & statim ex hac vita discessit.



## TABVLA LXXVI.

DE

## VARIOLIS ET MORBILLIS.

### I. DEFINITIO.

Variolæ & morbilli sunt febrium acutarum, exanthematicarum species, epidemice plerumque grassantes, vbi natura motibus secretoriis, & excretoriis, vltra gradum



naturalem auctis, materiam fermentescentem vlcerofam, ad peripheriam corporis propellere, & hac ratione eandem eliminare intendit.

## II. DIFFERENTIA.

1. Variolæ ac morbilli quotannis fere pro diuersa aëris constitutione epidemica variant, atq; hoc respectu sunt vel

1) *Regulares & benigniores*, quæ stata & definita tempora seruant; vel

2) *Irregulares & maligniores*, (secundum Sydenhamum) quæ ab hac norma deflectunt.

2. Vulgus variolas distinguit in *veras & nothas*; per *nothas* autem intelligit illas, quæ minus copiose prorumpunt, & vesiculam pellucidam, humore refertam, formant, sine accessu febris exquisitæ: german. Wind- und Wasser-Pocken, wilde Blattern.

3. Variolæ ratione numeri sunt:

1) *Vel pauca ac distincta*.

2) *Vel copiosa confluentes*.

4. *Variolæ* differunt a *morbillis* suppuratione.

5. *Morbilli* differunt a *petechiis*.

1) *Latitudine*, qua petechias superant.

2) *Elevatione*, quæ in morbillis magis conspicua & notabilis est.

3) *Inflammatione*, quæ in morbillis ad genium inflammationis erysipelaceæ proximè accedit.

4) *Morbilli* etiam differunt a *purpura miliari*: in qua, in primis albâ, sunt pustulæ exiguæ pellucidæ, ex maculis rubris ortæ: in rubra autem paruæ eminentiæ duræ, seminis milii instar.

5) *A maculis scorbuticis*: quæ sunt latæ, coloris obscure rubicundi, plurimum absque febre.

6. Tandem *morbilli* sunt, vel

1) *Sporadici*, qui paucos adfligunt & benigniores observantur; vel

2) *Epidemici*, qui multos ex causa communi corripunt, & maligniores sunt.

III. SI-





# 111. Signa.

Febrem hanc imminuentem indicant lassitudo  
 Corporis, Virium languor, Somnus inquietus  
 sibi, fastidium, cum conatu Vomendi,  
 Capitis dolor, pavor in Somno, alvus clausa,  
 Stimulus ad Iussu, et horripulatio intus-  
 -currens. Haec per plures septem dies jam  
 praesto sunt, et postea Succedit Astus per  
 totum corpus, cum pulsum coloritate,  
 Siti, angustia Capitis, Lumborum et Spina  
 dorsii dolor. Infantes potissimum saepe  
 ex improviso, epilepsia, et rigor et tremor  
 Artuum invadit. Atque Junioribus delirium  
 familiare — intra tertium et quartum diem  
 conspiciuntur in facie et collo Vesiculae  
 Macularum rubrarum, postea pectus, brachia  
 ac demum etiam abdomen, dorsum cum femoribus  
 pedibusque occupantes. Durat haec eruptio  
 ad duos usque dies successivo, ac intra decem-  
 -cit febris cum symptomatibus, ut pulsus  
 cum calore recto die fere sit naturalis.  
 Elapso autem quinto incipit fieri Suppuratio  
 - quae ubi in Vigore constituta, ob ingentem  
 dolorem et ardorem cutisq. lensionem accenditur  
 Nova Symptomata febris, cum Siti Vigilia et  
 praecordiorum anxietate. Quae Symptomata  
 ubi pustula confluentes, delirio et Convulsionibus  
 accidentibus nono vel 11. die decant. Si vero  
 benignior, Pathomata admittant, et sit exsiccatio  
 donec 11. et ultra decendant, & ager ad Sanitatem  
 redat. Hoffmannus.



## III. SIGNA.

## A. Imminentium.

- 1) Inuadunt *variola* sine horrore & frigore notabili, more februm continentium, in adultioribus autem non raro frigus, vel ad minimum levis horripilatio accedit.
- 2) Oscitationes & pandiculationes concurrunt.
- 3) Adpetitus est diminutus.
- 4) *Morbilli* autem cum horrore plerumque incipiunt.
- 5) Cooritur, vel succedit, *æstus*, qui est præter naturam, plurimum tamen satis tolerabilis, cum *capitis* gravatiua & vertiginosa perturbatione.
- 6) Concurrit apud plurimos tussis & pectoris notabilis oppletio.
- 7) Accedit tensio dorsi cum sensu leuiter compunctorio.
- 8) Multis eueniunt tormina abdominis leniora, aliquando fluxus alui, & non raro vomitus, præcipue infantibus, item hæmorrhagiæ narium largæ, circa & sub ipsam eruptionem; non minus conuulsiones, quæ variolarum eruptionem proxime præcedere solent. Hinc *Bagliuius* motus conuulsuos, qui febribus puerorum, variolas nondum expertorum, superueniunt, pro certissimo indicio habet, quod hæc exanthemata mox eruptura sint.
- 9) Speciatim in morbillis præcedit serosa excretio per nares & oculos, frequens iternutatio, tussis sicca, & versus quartum diem palpebrarum tumida eleuatio.

## B. Præsentium.

- 1) Eruptio variolarum contingit inter tertium & quartum diem, & durat vsque ad septimum, tam in illis, qui paucas, quam qui copiosas accipiunt.
- 2) Placide succedit hoc eruptionis negotium, sine sensibilibus febris symptomatibus & sine sudore, intra limites liberæ tantum transpirationis. Nonnulli sub eruptione leui saluatione corripuntur.
- 3) Conueniunt inter se *variola* & *morbilli*, dum stigma-



tum rubicundorum schemate visui occurrunt, sed altero die mox elucescit, cui generi hæ efflorescentiæ accensendæ sint.

- 4) *Variolæ* enim pustulas formant, ad mediocris pisi dissecti quantitatem accedentes.
- 5) A septimo ad vndecimum diem suppurascunt, sub ambiente circulo rubente, & inflammatione turgido cutis, præcipue in facie & manibus.
- 6) Circa vndecimum diem rupturam & puris effusionem subeunt.
- 7) Circa diem autem decimum quartum exsiccantur & delabuntur.
- 8) *Morbilli* autem cutis planitiem eminentia tantum lenticulari excedunt, sub macularum rubicundarum forma.
- 9) Deinde aliam mutationem non subeunt, sed aliquot dierum decursu ruborem sui minuunt, & sensim subfidendo cum aliquo pruritu evanescent, relictis squamulis furfuraceis sensim decidentibus.
- 10) Alius ordinarie est adstricta.

#### IV. SVBIECTA.

1. Quantum historiæ relationes docent, grassantur hæc mala frequentius inter gentes *Nigritarum* & *Casrorum*, atque tam adultos quam iuniores inuadunt. Hinc iusta subest suspicio, quod variolæ & morbilli apud istos populos morbi sint endemii, plus semel vnum indiuiduum per vitam infestantes.
2. Ex hac mundi plaga secundum omnem veri similitudinem per nauigationem ad *Europæos* hi morbi transportati sunt: ita vt tantum non omnes illorum semel, dum vivunt, ab illis corripiantur.
3. Dantur etiam exempla, sed ad modum rariora, quæ bis vel ter ab his infestantur.
4. Sapissime eueniunt infantili ætati, & plerumque tempore verno, interdum etiam autumnali, grassantur.
5. Post infantes puerilis ætas maxime illis exposita est.

6. Hinc



### 111. Signa.

Optime distinguere possunt in benignas, malignas, et quae sunt inter has mediae naturae.  
a) Benigna his cognoscuntur indicia: si non adeo copiosa sunt numero, si debito tempore ordine prorumpunt, suppurantur &c; si non nimis profunda, si bono pure repleta, sufficienter obrotata, et Circulum habent rubicundum; si facta eruptione febris remittit &c. Haec omnia vacant periculo, immo sponte curantur.

b) Malignum in Variolis subesse Virus inde concludendum: si vel nimis cito, vel nimis tarde prodant; si manent deprossa et Suppurationem nonnunt, si plurima livoribus et quaedam nigri coloris; vel limbum nigrum habeant; si pulsus celer etiam post eruptionem sufficientem, cum iniquis ludibris persistit; si docti animo facile liquuntur; si pustulae sunt sanguinolenta, vel diarrhoea cruenta, aut mictus cruentus supervenit. Ad haec haec sunt indicia, et ex Viginti via unus evadit, qui ejusmodi Symptomatibus afficitur.

Ejusdem Variolae sunt indoles quando petechiae sese miscunt, vel etiam pustulae parvae miliares asperae — Maligna est indoles quoque dum post exsiccationem febris manet lenta, et in externis partibus tumores orientur et ulcera. — Virulenta ejusmodi Variola sunt plerumque Epidemica —

Tertium genus est Variolaceum, quas nos media Naturae dicimus — Tales sunt quae confertim in Facie &c apparent, et confluentes sunt, item quae



qua interiora, nares, fauces, interdum etiam Oesophagus  
occupant, ut acri non bene deglutire possunt.  
Anceps etiam facit Iudicium, quum in Suppuratione  
acris denuo oritur febris, cum aestu, calore, et ardore  
manuum, si caput nimium intumescit, et largus  
Saliva fluxus est; si urina porro lene, copiose  
minguntur, et corpus largis Sudoribus defluit.  
Neque minus ubi novae semper exsiccatis jam sub-  
nascuntur papulae minores, et Suppuratio atq[ue]  
exsiccatio nimis protrahitur &c.

In suspectis quoq[ue] signis est, quando statim  
inter initia et ante eruptionem, acuti et pertina-  
ces dolores in Spina, brachiis, pedibus, lumbis  
nec non coxandis affligunt; si cito nimis 1<sup>mo</sup>  
illio, vel Secundo die, Variolarum Vestigia in  
fate comparent, tanto magis quum exanthemata  
aspera, acicularum capita aquantia, interspersa,  
si Stationem non servant, mox desistant, mox  
redeunt; si facies non intumescit die tertio vel  
quarto, vel mox detumescit iterum; si in jussu-  
bus ante eruptionem grave dolorum, nec non  
difficilis deglutitio; si in Suppuratione Sopor,  
et post hunc alienatio mentis, et incongruus  
Sorris; si etiam nimium Saliva Allicidum  
Alvi autem fluxus licet copiosus, non ad vo-  
perlinendos. Eundem enim per totum morbi de-  
cursum si nullo periculo suscipere videtur.

Hoffman.









6. Hinc reliquæ ætates hos morbos rarius incurrunt, quia plerique homines eosdem vel infantili, vel puerili ætate perpeffi sunt.
7. De reliquo ad modum probabile est, quod tempore *Hippocratis & Galeni Europa* nostra a variolis & morbillis libera adhuc fuerit, alias de fonticis hisce malis conspicua monumenta more suo nobis reliquissent. Papularum, teneræ ætati familiarium, *Hippocrates* quidem mentionem facit, sed in transitu solum, & ita ad notabiles hos adfectus denominatio hæc non potest adplicari.

## V. CAUSSÆ.

1. Causa vera & genuina horum malorum est incognita.
2. Generatim quidem miasma subtile fermentescens potest accusari, siue ex macrocosmo susceptum, siue per contagium communicatum.
3. Quale autem specificum sit fermentum, quod morbos hosce tam notabiles, & ab omnibus aliis morbis per aliquot plane peculiare circumstantias distinctos producat, non potest determinari.
4. Vulgaris ætiologia ortum horum ducit a *venenatis qualitatibus sanguinis menstrui*, sed hæc iactata causa multis difficultatibus laborat, præcipue quando consideratur, quod secundum veri similitudinem apud *Europæos* non semper cogniti fuerint.
5. Alii ad causas subtiliores confugiunt, & hæc exanthemata pro symbolo impuritatis spiritualis declarant; sed quo infirmo iudicio, ex circumstantiis, modo indicatis, colligendum est.

## VI. PROGNOSIS.

1. Variolæ & morbilli, quando per se considerantur, plerumque salutariter exeunt, malus autem successus a causis accidentalibus plurimum dependet.
2. Larga horum exanthematum eruptio tam placide succedere observatur, quam pauca, & hæc non numquam æque funestum euentum adfert, quam illa, concurrentibus, videlicet vtriusque causis accidentalibus.



3. Traditio illa popularis non prorsus contemnenda, quod, quibuscumque in pedum soleis nullæ pustulæ adparent, illi expositi sint periculo secunda, immo tertia vice has experiundi.
4. Ex historia practica constat, hos adfectus a grauidis in fœtum propagatos fuisse.
5. Exanthemata hæc, quando intempestiue & impetuose extruduntur, vel inæqualiter efflorescunt, ordinarie solent recedere, & funestum exitum sortiri.
6. Vel, vbi omnino non recedunt, magnum tamen discrimen in suppuratorio illa inflammatione subeunt, quo œconomia vitalis facile turbatur.
7. Quando nobiliores corporis partes occupant, scilicet oculos, aures, nares, fauces, his sæpius periculum minantur.
8. Variolæ generatim cum morbillis collatæ, quouis respectu sunt periculosiores, id est: benignæ variolæ longe deteriores sunt, quam benigni morbilli, & malignæ variolæ maius discrimen adferunt quam maligni morbilli.
9. Nonnumquam tamen morbilli malignius grassantur, & variolæ illo quidem tempore benignius se gerunt.
10. Variolæ, licet iam maturatæ, ruptæ, euacuatæ, immo desiccatae sint, tantum tamen periculi adhuc fouent, vt ægri aërem frigidum negligentius admittentes, repente sæpius vitæ iacturam incurrant; quod a morbillis non timendum, qui etiam, quando semel effloruerunt, tam facile recedere non solent.
11. Tam certum etiam non est periculum mortis, si in morbillis recessio vel diarrhœa contingit.
12. Diarrhœa autem, præsertim torminosa, siue a medicamentis, siue a refrigerio extremorum concitata, cum recessione horum exanthematum obueniens, plerumque quidem est lethalis, hoc autem periculum, a diarrhœis metuendum, grauius tempore alio, alio mitius esse obseruatur.
13. Diarrhœa illa quasi purulenta, quæ circa maturationis tempus sæpius contingit, non deterreat Medicum, si tantum moderate procedat. *Vid. caut. num. 8.*



## VI. Prognosis

Qui Variolis moriuntur, Criticis ut plurimum diebus  
9<sup>o</sup>. 11<sup>o</sup>. 14<sup>o</sup> decedant, & quidem maxime Convulsionibus,  
quas exquisitissimus ardor, dolor ac Tensio in  
Brachiis manibus et facie, excitat. Quidam Cathartici  
extinguuntur Suffocatio. In nonnullis, imprimis  
si malignitas adest, quando in Situ erecto, vel  
extra lectum sunt, Animi obrepit delirium,  
& convulsiones superveniunt, mors decipit. Vidi  
etiam Variolis jam desiccatis, furones, quosdam  
subito insultu Apoplectico esse exhaustos. postea  
— quam in ipso morbo capitis gravitate, Vigilia,  
et per intervalla Mentis emotiones laborabant.

Affectu Comatoso nullam dexteris ope prognosin  
recte pronunciat Mortonus. <sup>Stoffman.</sup> Trind. de purg. p. 24

12. Diarrhoea, ab universis Scriptoribus, inter Signa  
Variolarum maxime funesta ponitur. Quamquam vero  
is ego non sum, qui, utcumq; Cathartici alia non  
deorsus, in ipso morbi furiculo da in usum trahi  
consueverim: hac ipsa salus evincit Histor. (viz Hist. 7.  
Ventricis fluxum, etiam citra agroti exitum, in  
Variolis posse aliquando consistere. Merbus tandem  
aloo fluentiore, plerumq; fit diuturnior. Trind. p. 59

22. Hanc febrem etiam secundariam nuncupat D.  
Friede, contra Sydenhami Sententiam qui  
febrem secundariam solummodo dicit damquam  
post 11.<sup>m</sup> Morbi diem, dum desiccantur pustulae,  
accidit. Hanc regulam sedulus Sydenham. nunquam  
purgantem instituit, in confluentibus Variolis,  
ante 13.<sup>m</sup> Morbi diem, Friede vero in omni morbi  
tempore post eruptionem purgantia dedit, modo  
Symptomata id indicarent. Sic in histor. 1.<sup>ma</sup>.  
Febri 2.<sup>da</sup> depressa est Accedens, dum Morbi 7.<sup>o</sup> & purgatus  
fuit aeger die 9.<sup>o</sup> —

25. Nam illud sane vix unquam fallax Sydenhami  
prasagium, aegrotis scil. hoc. Morbi tempore (cum  
dum novum protinus morientium sps, nisi Spula-  
-tionis, aut deficientis aut interceptae Viem substat  
partium harum, (scil. Manu. ped. vel Faciis) insigni-  
lunt. Friede. & purgant. p. 6.



14. Variolarum sensim facta eleuatio, si debito tempore non succedit, areolæ circa pustulas pallescunt, aut nigrescunt, ipsæ etiam pustulæ sessiles, & in medio depressæ conspiciuntur, aut mature subsident & dehiscunt, ac loco puris stigma sanguineo-nigricans exhibent, infausta & plerumque funesta sunt præsagia.
15. Quo magis autem variolæ ad rotunditatem adsurgunt, eo melioris notæ sunt censendæ.
16. *Petechiæ* aut *exanthemata miliaria*, quando in variolarum interstitiis occurrunt, insignem malignitatem indicant, sæpiissime sunt funesti euentus, in primis si nigricantem colorem ostendunt.
17. *Variola nothæ*, id est, quæ festinato successu attolluntur, germ. *Spitz-Pocken*; item illæ grandes variolæ, quæ lim-pido humore cito turgent, & eundem intra paucos dies, ruptis vesiculis, effundunt, germ. *Wind-und Wasser-Pocken*, longe benignius, quam veræ variolæ, se gerunt.
18. Variolæ *confluentes* semper maius, quam distinctæ, periculum minantur, præsertim si regimen calidum præces-ferit.
19. Si in principio tertii diei iam erumpunt, ad irregulares & confluentes inclinant, atque ita peioris sunt indolis.
20. Hæc exanthemata semper tolerabilius & tutius infantibus cedunt, quam adultis.
21. Qui minus succulenti sunt, illi felicius ea superant, quam valde tales.
22. Tempore suppurationis noua plerumque febris inflam-matoria succedit, & hæc grauius sæpe, quam quæ circa eruptionem fuit, periculum adfert: vnde ægri in declinatione morbi, vbi prima febris iam superata videbatur, cum hac noua febre pereunt.
23. Plures moriuntur ob variolarum copiam, quam obea-rumdem inopiam; id quod contra vulgarem metho-dum expellendi probe notandum.
24. Symptomata grauiora, e.g. conuulsiones epilepticæ, quæ in principio, & ante eruptionem obueniunt, tantum pe-riculi



riculi non minantur, quam quæ post efflorescentiam se manifestant.

25. Turgefactio inflammatoria faciei & manuum, tempore suppurationis expectanda, si vel non succedit, vel iusto maturius subsidet, graue periculum minatur: licet enim variolæ non recedant, sequitur tamen iactatio corporis, delirium, suppressio vrinæ, mors.
26. Quando sanguis, per venæ sectionem emissus, crusta alba & crassa in superficie obductus est, (id quod in omnibus inflammatoriis morbis obseruatur) prædicit *Baglinius* variolas copiosas & valde periculosas.
27. Inuasio variolarum cum *horrore* deterioris quoque est ominis: & quo sensibilior est horror, eo maior inflammatio visceris alicuius metuenda est.
28. Nimii *sudores* non sunt optimæ notæ. Hac enim ratione humores, qui variolarum repletioni & maturationi destinati sunt, nimium effunduntur. Vnde exanthemata facile subsident & recedunt.
29. *Alui* adstrictio, modo cetera paria sint, nihil damni infert; proturbatio autem illius, temere suscepta, longe plus monstrialit. *Conf. num. 12.*
30. Ex numero pauciorum, qui contra hos morbos medicamenta adhibent, plures moriuntur, quam ex numero plurium, qui nullis medicamentis vtuntur, sed & soli naturæ hoc negotium committunt.
31. Variolas nonnumquam excipiunt *apostasies* seu *metastases*, præcipue ad pulmones, vnde tussis post morbum superatum facile remanet.
32. Post exanthemata hæc, recte perfuncta, homines sentiuntur vegetiores, & fere omnes Europæi per totam deinde vitam ab illis, præcipue morbillis, satis securi sunt.

## VII. METHODVS MEDENDI ET REMEDIA.

1. In variolis & morbillis, placide, leniter & ordinate procedentibus, præstat ab omni medicatione abstinere, & consultorem magis, quam actorem agere nimis officiosum.
2. Quando autem omnino medicatio aliqua efflagitur ab  
iis,



# VII. Methodus medendi.

Instituenda Medicatio, ut, 1. Materia acris contem-  
peretur et coquatur, simulq effrues in Nervo-  
sorum partium Systemate primis diebus  
Motus ad moderamen traducantur — 2. Ut  
Eruptio secundetur, et languoribus circa Erupti-  
onis tempus motus motus erigantur, quo  
omnis ad corporis habitum pellatur Materia;  
accedens autem in Suppuratione Secundaria  
febris moderata seruetur, et gravia arceantur  
pathemata — 3. Ut Exsiccationis tempore  
humorum Massa repurgetur —





iis, qui salutare hoc consilium non capiunt, methodus sequens, præoccupandis malis symptomatibus destinata eligatur.

3. Iustum eruptionis tempus circumspicte obseruetur, nec umquam aliquid intempestive, vel medicamentis, vel regimine calidiore, promoueatur.
4. Tutissimus hic ubique, & præcipue etiam sub initium morbi, deprehenditur vsus *absorbentium* marinorum, cum antimoniato fixo coniunctorum: quo nomine laudantur oculi cancri, mater perlarum, conchæ præparatæ, cornu cerui, siue vstum, siue assum, antimonium diaphoreticum, bezoard. minerale, de quibus pulueribus grana XV. pro adultis, pro iunioribus pauciora, exhibeantur, & post trium vel quatuor horarum interuallum semper repetantur.
5. Vel loco pulueris *portiones*, ex aquis diapnoicis & dictis absorbentibus paratæ, propinentur.
6. Vbi *astus* insignis, & sanguinis *orgasmus*, eruptionem impediens, concurrit, ibi nitrum quoque & blanda acida, præcipue in adultioribus, locum habent, e.g. succus citri, clyssus antimonii, tinctura flor. bellidis.
7. Tempus *eruptionis* quando accedit, iniungantur continentia quieta, & regimen leniter diapnoicum; de medicamentis autem siue emulsio, siue potio quædam lenissime diaphoretica propinetur, e.g.

Recip: Semin. card. Mariæ

aquileg. ana vnc. II.

aquæ sambuci,

flor. tiliaë,

scordii,

plantag. ana vnc. II.

Fiat s. a. emulsio addantur

conch. cum acido citri solut.

matr. perlar. ana drach. II.

antimon. diaphoret. drachm. I.

Edulcoretur cum saccharo ad gratum sapor-

Kk kk

rem,



- rem, & post tres semper horas cochlear I. propinetur.
8. Sub ipsa *maturatione* cum pulueribus absorbentibus, & urgente æstu, subinde nitratis, continuandum, interposita aliquando emulsione.
  9. Quando variolæ ad *maturationem* peruenerunt, spontanea exsiccatio expectetur, vitando vbique artificialia subsidia, nisi forsan oleum ouorum, leniter camphoratum adhibendum fuerit. *Vid. cautel.*
  10. Morbo feliciter *superato* primæ viæ leniter expurgentur; in quem finem laudatur extract. panchymagog. *Crollii*, cum aliquot granis mercurii dulcis commixtum.
  11. Denique conualescens *sensim* aëri adsuescat, & quotidie essent. alexipharmac. aliquoties vsurpet. Sufficiant hæc de methodo fere superflua dixisse, magis autem necessaria est medicatio, vbi mala accidentia & symptomata superueniunt, e.g.
    - 1) Quando *conuulsiones* epilepticæ concurrunt, sequens puluis offeratur:  
 Recip. Matr. perlæ. scrup. II.  
           antimon. diaphoret. scrup. I.  
           cinnab. natiuæ præparat.  
           lumbricor. terrestr. ana scrup. semis.  
           M. dof. gran. V-X-XV-XX. bis per diem.
    - 2) In *recessione* variolarum essentia alexipharmaca *Stahlii* refractis, sed repetitis, dosibus exhibeatur, sub regimine conueniente.
    - 3) Quæ essentia etiam locum habet, quando turgescentia illa inflammatoria, ad suppurationem necessaria, emanet, vel iterum euanescit.
    - 4) In *diarrhæa*, præcipue torminosa, sed nondum adeo invalescente, nihil tutius & efficacius est, quam *nitrum* paucis granis, repetito, exiguo vehiculo, & coniuncto quodam absorbente, exhibitum.
    - 5) *Oculorum* pericula nulla re certius præoccupantur, quam per lintea spiritu vini camphorat. crocat. largiter imbuta,



Ab his, viz Opiatis, quantum quidem Observatione  
percepi, nec Tumorem Faciei, exprimi, nec Sputa  
ipsa intercipi unquam ~~Videbatur~~ testatur Trucd.  
de purg. p. 35. Pergit. Hoc praesertim morbi  
tempore, (Eruptione scil. ~~perfecta~~) mira praestant,  
cum nulla Medicina, non modo ad quodam inducendum,  
sed ad ipsorum etiam humores leniter ferax alligandorum,  
pusq. maturandum, sit Valentinus — plus valens  
credit etiam, quam cetera omnia quotquot sunt  
cardiaca. Inter Opiata non ultimam tenet celebri  
illa a Tracastonio confecta Medicina. p. 36.  
In Hist. 4.º d. 3.º 8.º Symp. de Moron. ad § ij partitis  
Viciis, dedit —

3. Hec mordendi rati sardiâcis vehementioribus instituta,  
quam pleriq; Scriptores nimium deprædicant,  
Mortonusq; ut Specificum habet, via cum iudicio  
adhibetur, nisi in hoc prope unico, (Tempore  
Suppurationis, scil. ubi pustula non bene procedit  
Eruptio) Variolarum tempore, ubi scil. de aut  
non satis prorupserint, aut etiam retro cesserint.  
Hoc auxilij Genus fit Valerianis, cum Opiatis  
coniunctum. Frond. de purg. p. 3 —

6. Arabes, qui de hoc morbo primo præcepta tradiderunt,  
Uenam incidunt, etiam post egressas Variolas,  
ubi humores recondaverint. Moshyminus addit  
si vel adsit Inflammatio vel plenitudo — etiam  
proruphis Variolis, sanguinem fidute esse  
mittendum. Constat. V. S. juxta Epiphaniu Frondi-  
-mandum. 1. Cum apparuit Variola, neq; cessat fluxus,  
2.<sup>o</sup> cum apparuerunt per unam diem, deinde desinuerunt,  
3.<sup>o</sup> Quando sunt alia gravia symptomata, ut Angina,  
Pharyngitis, Dysenteria, Lethargus &c. Frond.



buta, per auram fere reficcata, & oculis imposita; cavendo a luce fulgida, ploratu, frictione.

6) Conglutinatio *palpebrarum* referatur per modestum usum olei ouorum, leniter camphorati.

7) *Dolor & ardor faucium* nimius mitigatur essent. alexipharmac. *Stahlii*, vel essent. pimpinellæ albæ, paucis guttis sine vehiculo adsumta. *Vid. cautel.*

8) Reliqua sub cautelis quarantur.

#### VIII. CAUTELÆ ET OBSERVATIONES PRACTICÆ.

1. *Autocratia* naturæ in nullo facile morbo tam conspicua est, quam quidem in variolis & morbillis: plurimi enim sine medicatione conualescunt. Hinc *Sydenhamus*, qui ad modum prudenter de variolis scripsit, nulla medicamenta contra easdem commendavit.
2. Vulgata praxis, cum alias *qualitati* humorum *corrigen*dæ plurimum inhiat, in variolis, ubi correctio locum haberet, inverso ordine procedit, & expulso<sup>riam</sup> euacuationem commendat.
3. Sed sponte currenti calcar adicere, proxima via est ad lapsum: hinc quovis modo cauendum, ne sub specioso prætextu, malignitatis & veneni de corde expellendi, quidquam stimuli adhibeatur.
4. Exsulent ubique medicamenta, sanguinem commouentia: exsulet itidem regimen sudoriferum coactum, sub ipso etiam tempore eruptionis institutum. Sufficit æqualis, temperata, & quieta corporis continentia; vitando ubique refrigerationem.
5. *Emulsiones* ex seminibus aquilegiæ, napi, nasturt. card. Mariæ, expulsion<sup>i</sup> promouendæ vulgo destinatæ, non quidem reiiciuntur, *raro* tamen, horum vel aliorum remedium usus *necessarius* est.
6. *Venæ sectio* in variolis & morbillis ne in adultis quidem, nisi insignis plethorâ concurrat, commendatur.
7. *Strictura alui*, in primis ubi nulla pathemata in abdomine sentiuntur, & reliqua bene succedunt, potius toleretur, quam acriore stimulo solvatur. Hanc enim alui occlu-



sionem natura excitat, quo materia illa peccans eo magis, ad peripheriam transferatur: unde exanthemata etiam copiosius efflorescunt.

8. *Diarrhæam* spontaneam per adstringentia, uti vulgo moris est, cohibere, vix citra eximiam periclitationem succedit: adstringentia enim efficaciam suam non solum in primis viis, sed ulterius in partibus corporis interioribus exferunt. Speciatim tum sibi caueat Medicus a tali adstrictione, quando medio suppurationis tempore deiectiones aliquot purulentæ superueniunt; nisi enim cito & sæpe se inuicem sequantur, aut insigni conatu aliquid effatu dignum educant, extra periculum sunt.
9. Methodus *Gundelsheimeri*, quæ alternis diebus lene *emetico-catharticum* ex tartaro emetico & manna Calabrina, aut cassia exhibet, rationi quidem repugnare non videtur, quia laxans sordes bilioso-mucidas ex primis viis subducit, & emetici motus, humores versus superficiem propellendo, variolarum recessiones impediunt, sed circumspeditione indiget, & discretionem subiectorum. Hinc altera magis placida methodus, nempe correctoria huic euacuatoriæ præfertur.
10. Vti methodus *euacuatoria* notabile damnum inductura esset, si nuda vomitoria, vel nuda laxantia propinarentur, sic etiam in methodo *correctoria* nimiae doses absorbentium, in primis ineptiorum, tamquam noxiæ reiciuntur.
11. Vitetur usus *balsamicorum*, præcipue myrrhatorum, acidorum, aquæ fumaris destillatæ, ut & specificorum domesticorum, quæ plebs adhibere solet, e.g. vinum rubrum, decoctum lentium, excrementa ouina & alia expellentia fortiora cum hypocausto feruido.
12. *Hæmorrhagia narium* larga, versus aut sub ipsam eruptionem contingens, innumeris exemplis nihil damni adfert; modo artificialia absint incitamenta, cohibitiones autem pessimum præbent euentum.
13. *Faciem* a variolis defendere, irritum plerumque est conamen.

14. Ne-



Sydenham. U. S. <sup>um</sup> iniprat, si aut facies parum intum-  
- erit, aut accesserit Phrenitis —

Influxor. 2<sup>da</sup> dōd 4<sup>o</sup>. cum adnotat Tumor, febri<sup>is</sup> ingens,  
Spirandi molestia &c. Urnam Locavit Fridus.

Dōd. 6<sup>a</sup> Cucurbitula admovit — atq idem dōd. 11<sup>o</sup>.

Mister. 4<sup>a</sup> Sub ipso Cruphoni<sup>is</sup> bumper Cucurbitula<sup>is</sup>  
fascia oleum adhibitis, Lang. ad 3<sup>ix</sup> adductus fuit

9. Pulsu adeo et Spiritu ad hunc modum constitutis,  
(prius notavit q<sup>d</sup>. Merat omnino Spirandi molestia,  
Pulsus, etiam eadem gliscente. Sive febris sive  
doli<sup>is</sup> Vehementia, nunquam intercidit, sed ubi  
pleno impetu ferebatur, ita post evacuationē  
cujuscunq<sup>ue</sup> generis adhibita, et ichu Valentior  
deprehensus est, et intervallis etiam distinctior)  
nunquam fere me<sup>is</sup> suffluerat purgantia, etsi  
cetera mala gravius revirent. Mallem tamen  
pulsu potius aliquantulum imminuto id Auxilij  
Generis tentare, quam si nullus accesserit in  
Spirandi labor — Utcumq<sup>ue</sup> autem horum altero Sig-  
- norum vel utroq<sup>ue</sup> repugnante anceps omnino  
Remedium, aut fortasse aliquando nullum probeat  
purgatio; atq<sup>ue</sup> vero favente, coloris licet pericalum  
inviantibus, rem hac maxime Viā geri posse multi-  
- pluci experimento didicimus — Itaq<sup>ue</sup> ad hanc  
potissimū regulam dirigi debet medentis judicium  
Fridus de purgant.  
Mister. 1<sup>ma</sup>

(Secundaria non p.)

Ubi ad febrem, obellendam ipsa per se satis  
Valens Natura, interdum etiam ubi, febre utcumq;  
depulsa, nihil ea prodes Valitura sit, purgantibus  
si non abstergendum, saltem parcius utendum —  
Minimè Medicinà hac ubi, nisi in malis, de  
hominibus, supervacuum — Frisius de Purg. p.

131

Purgatio hac (scil. in Feb. secundaria) quantum  
ego observatione didici, feliciter, opportuniusq;  
contra ac nonnulli sentiant, in adultos, quam  
impuberes exerceatur — pag. 115

Deniq; hanc quasi perpetuam purgandi regulam  
in acutis febribus ponit (Hippocrates) quando  
scil. Urina ad crassitudinem devenit: et sane id,  
ubi optimum in Variolis signum est, ita et  
hoc Morbi tempore purgationem commodè institui  
posse significat. Frisius. p. 125









14. Negandum autem non est, quod vesicæ, aqua calida repleta, & collo atque pectori adplicata, non solum exanthematum eruptionem in hisce locis adiuuent, sed præcaueant etiam, ne facies nimium adficiatur.
15. Ad *foveas* in facie præoccupandas mulieres varia sæpe tentant, sed cauendum, ne sub præmaturis talibus artificiis recessio variolarum contingat: ruptis autem papulis *oleum ouorum* lenissime camphoratum placidam consolidationem iuuat, & minime periculum minatur. Sulphuris autem vsus est periculofus.
16. *Faucium* vitiis succurrit essent. pimpin. albæ, si guttæ aliquot bis vel ter per diem sine vehiculo deglutiantur; quæ ipsa essentia reliquas etiam circa caput stagnationes præoccupat. *Conf. tab. de scorb. cant.* vbi effectus huius essentiæ laudatur.
17. Quando pustulæ fauces iam obsident, *gargarismata* ex decocto auenaceo, adiecta modica nitri portione, etiam conueniunt.
18. Quando *narium* exulcerationes internæ concurrunt, succurritur illis per oleum ouorum, essent. succin. myrrh. & ol. terebinth.
19. Fabula est, quod *ex mercurio vitæ*, per simplicem cum nitro colliquationem proueniat medicamentum, quod, præter alias dotes, specificè etiam variolis superandis sufficiat.
20. Eiusdem fidei est *lotura* illa per *phlegma vitrioli* ex corona C. C. philosophice præparat. aut ex floribus aquilegiæ.
21. Nemo etiam prudens effectum illum exspectet, quem aliqui iusculis *lentium*, cicerum, immo gran. ficuum in morbillis tribuunt.
22. Euenit nonnumquam, vt variolæ lento progressu erumpant, & priores ad marurationem iam accedant, quando posteriores demum efflorescunt; quo casu ægri facile securi redduntur, & superata potiore variolarum quantitate, paucas reliquias negligunt, & hinc frequenter conuulsiones experiuntur, immo ad mortem pro-



- perant. Clandestinam hic malignitatem accūsare, est quidem moris, sed non rationis.
23. Oppletio seu infarctus pectoris, tamquam commune variolarum symptoma, præcauetur per moderatum in hac regione calorem, alias tussis facile remanet.
  24. In nimia *tussi* conducunt absorbentia citrata; cum aqua veronic. chærefol. flor. sambuc. mixta.
  25. Remedia *præcauentia*, vti in aliis contagiosis summe incerta sunt, ita multo magis in variolis & morbillis.
  26. In *adultis* tamen, tam ad prophylaxin, quam melioris etiam totius morbi decursum, in primo principio lenes expurgationes primarum viarum, & in plethoricis venæ sectiones conducunt. Fortior vero alui euacuatio citiorem horum exanthematum inuasionem produxisse obseruata est.
  27. Qui *vitio* quodam *pectoris* laborant, illis confert radix pimpinellæ albæ, subiuncto dextro vsu corticis cascarillæ.
  28. Sic etiam *vermes*, rebus adhuc saluis, remouendi sunt, turbas enim in variolis facile solent concitare.
  29. Hæc autem *præcauendi* cura in *teneriore* ætate dissuadetur, quia infantes felicius ordinarie hos morbos superant, quam adulti: hinc præstat iuuentutem hisce communibus fatis commendare, quam per totam vitam timori eandem exponere.
  30. Non minus dissuadetur alterum illud extremum, vbi infantes, quando exanthemata hæc *benignius* grassari obseruantur, in domus infecta transportant, vel transplantant.
  31. De *transplantatione* videatur *Vateri* tractatus vom Blatter-Pelken. Hæc operatio, quoniam nuper in noua Anglia male successit, per publicum *Regis Britannia* edictum prohibita est, sed post modum renouata.
  32. Quando variolæ copiosæ, loco iustæ suppurationis, in *ulcuscula*, eaque profunda, abeunt, essentia alexipharmaca cum pulueribus absorbentibus & antimoniatibus fixis, coniuncto regimine diapnoico, adhibenda. Externe quid in hoc casu faciendum vel omittendum sit, circumstantiarum rationes prudentem Medicum docebunt.

TAB.



De Vesicatoriis in Variolis applicandis nullam  
facit Mentionem Auctor noster. Fridandus vero  
noster, tam folia in Variolis curandis medicus  
de Auxilij Genere multum usus est. Vesicatoria  
adhibuit. p. in initio Morbi, tempore Eruptionis  
namque ubi aderat Dolorem, Pusularum Depressio,  
et Pallescentia; ut in Hist. 1<sup>ma</sup> ubi Vesicatoria  
die sexto Morbi applicuit. Brachio —

2. circa diem 9<sup>um</sup> ubi nec Tumor Faciei manuum,  
vel pedum, nec Sputatio Levamen afferunt, et  
febris ardet. ut in Hist. 1<sup>ma</sup> ubi Vesicatoria  
Capiti impositum — 3. Ubi Sopor ingens, Dolores  
Subsultus Tendinum & ut in Hist. 2<sup>a</sup> die 5<sup>o</sup> Morbi  
circa diem 8<sup>um</sup> <sup>6<sup>ore</sup></sup> iisdem urgentibus Symptomatibus  
. Die Nono — ubi notat Auctor. c. 11<sup>o</sup> q. ea sane via  
« unquam, hoc difficili prosertim morbi tempore,  
« sine ratione adnota — Hec ab Italij primus,  
ubi 2<sup>or</sup>, ad Variolas curandas transtulit Magerius  
p. 30 — Vid. Histor. B. 84. Die 7<sup>o</sup> ut in Hist. 8<sup>a</sup>  
ubi pulsus celer & grandis; Urina uberis &  
Pallidior, Sputatio perparca; Vix ulla Faciei  
Tumor; pustula subalbida, hypoleucida, vel  
Verrucis simile; Inguis magna — 4. In initio  
Morbi ubi aderat Diarrhoea, sicut in Hist. 7<sup>a</sup>  
5. Die 10<sup>o</sup>, ut in Hist. 8<sup>a</sup> ubi pustula sicifere  
ceperunt — Febris et inguis aderat —

D. Bate Vesicatoria adhibuit. 14<sup>o</sup> die. vid. Histor.  
2<sup>am</sup> in Appendix ad Fridand.





